

L;
IVNII
MODERATI
COLVMELLAË
DE RE RVSTI-
CA LIBRI
XII.



Eiusdem de Arboribus li-
ber, separatus ab
alijs.

VIRTUTE DVCE



COMITE FORTVNA.

APVD SEB. GRYPHIVM
LVGDVNI,
1548.

COLVMELLAE
DE RE RVSIT
CA LIBRI
XII

Enlaiden de Abovelli
Per lequante

[Handwritten signature]

COMITTE POSTALIS



ABDUSSE GAZDANIAN
LYGDAVIA
1144

L. IVNII MO-
DERATI COLV-
MELLAE DE RE RV-
STICA LIBER
PRIMVS.
AD
PVB. SILVINVM
PRAEFATIO.



AEPENV MERO ciuitatis
nostræ principes audio culpantes
modo agrorū infœcunditatē, mo-
cœli per multa iam tēpora noxia
frugibus intēpericim: quosdā etiam
prædictas querimonias uelut ra-
tione certa mitigātes, quod existi-

mēt ubertate nimia prioris æui dēfatigatū, & effœtū solū
nequire pristina benignitate præbere mortalibus alimēta.
Quas ego causas, Publi Siluine, procul à ueritate abesse
certum habeo: quod neq; fas est existimare, humi naturā,
quam primus ille mūdi genitor perpetua fœcūditate dona-
uit, quasi quodā morbo sterilitate affectam: neq; prudentis
est credere, tellurē, quæ diuinam & æternam iuuentam sor-
tita, cōmunis omnium parens dicta sit, quia & cuncta pe-
perit semper, & deinceps paritura sit, uelut hominē con-
sensuisse. Nec post hæc reor intēperātia cœli nobis ista, sed
nostro potius accidere uitio, qui rem rusticam pessimo
cuiq; seruorum, uelut carnifici noxiæ dedimus, quam ma-
iorum nostrorum optimus quisque optimē tractaucrit.
Atqui ego satis nūtrari non possum, quid ita dicendū cu-

pidi scilicet oratore, cuius imitentur eloquentiam, mensu-
 rarum, et numerorum modum rimantes, placite disciplina
 confectentur magistrum uocis, et cantus modulatorem: nec
 minus corporis gesticulatorem scrupulosissime requirant
 saltationis, ac musicae rationis studiosi. Iamque qui edificare
 uelint, fabros et architectos aduocent: qui nauigia mari co-
 credere, gubernandi peritos: qui bella moliri, armorum et
 militiae gnaros: et ne singula persequar, ei studio, quod
 quis agere uelit, consultiissimum rectorem adhibeat. Denique
 animi sibi quisque formatore preceptoremque uirtutis est coetu
 sapientium arcessat. Sola res rustica, quae sine dubitatione
 proxima, et quasi consanguinea sapientiae est, tam discen-
 tibus egeat, quam magistris. Adhuc enim scholas rhetorum,
 et, ut dixi, geometrarum, musicorumque, uel quod magis mi-
 randum est, contemptissimorum uitiorum officinas gulosius
 codicendi cibos, et luxuriosius fercula struendi, capitumque
 et capillorum cocinnatores non solum esse audiui, sed et
 ipse uidi. Agricolationis neque doctores, qui se profiteren-
 tur, neque discipulos cognoui. Cum etiam si praedictarum ar-
 tium professoribus ciuitas egeret, tamen sicut apud priscos
 florere posset Respublica. Nam sine ludicris artibus, atque etiam
 sine causidicis olim satis felices fuere futuraeque sunt urbes.
 At sine agricultoribus nec consistere mortales, nec ali posse
 manifestum est. Quo magis prodigij simile est, quod accidit,
 ut res corporibus nostris, uitaeque utilitati maxime conue-
 niens, minimam usque in hoc tempus consummationem haberet,
 idque sperneretur genus amplificandi, retinendi, patrimonij,
 quod omni crimine caret. Nam caetera diuersa, et quasi re-
 pugnantia dissident a iustitia. Nisi aequius existimamus, ce-
 pisse praedam ex militia, quae nobis nihil sine sanguine et
 cladibus alienis affert. An bellum perosis, maris et negotia-
 tionis

tionis alea sit optabilior, ut rupto naturæ fœdere terreſtre
 animal homo, uentorū, & maris obiectus iræ, ſe fluctibus
 audeat credere, ſemperq; ritu uolucrū, lōinqui liitoris pe-
 regrinus, ignotum percerret orbē? An fœneratio probabi-
 lior ſit, etiā his inuiſa, quibus ſuccurrere uidetur? Sed ne ca-
 ninum quidem, ſicut dixere ueteres, ſtudiū præſtantius lo-
 cupletiffimū quenq; adlatrādi, & cōtra innocentes, ac pro
 nocentibus neglectū à maioribus, à nobis etiā conſeſſum
 intra mœnia, & in ipſo foro latrocinium? An honeſtius du-
 xerim mercenarij ſaltatoris mēdaciſſimū aucupiū circum-
 uolitantis limina potētiorum, ſomnumq; regis ſui rumori-
 bus inaugurātis: neq; enim roganti, quid agatur intus, re-
 ſpondere ſerui dignantur. An putē fortunatiſſimū à catenato
 repulſum ianitore ſæpe nocte ſera foribus ingratīs adiace-
 re, miſerrimoq; ſamulatu per dedecus, faſciū decus, & im-
 perium, proſuſo tamen patrimonio, mercari? Nam nec
 gratuita ſeruituti, ſed donis rependitur honor: quæ ſi
 & ipſa, & eorum ſimilia bonis fugienda ſunt, ſupcreſt
 (ut dixi) unum genus liberale, & ingenuum rei familiaris
 augendæ, quod ex agricolatione contingit. Cuius præcepta
 ſi uel temere ab indoctis, dum tamen agrorū poſſeſſoribus
 antiquo more adminiſtrarentur, minus iacturæ paterentur
 res ruſticæ: nam induſtria dominorū cum ignorantiæ detri-
 mentis multa penſaret. Nec quorum cōmodum ageretur,
 tota uita uellent imprudentes negotij ſui conſpici, eoq; di-
 ſcendi cupidiores agricolationē pernoſceret. Nunc & ipſi
 prædia noſtra colere dedignamur, & nullius momenti du-
 cimus, peritiſſimū quenq; uillicum ſaccre, uel ſi neſcium,
 certē uigoris experrecti, quò celerius, quod ignoret, addi-
 ſcat. Sed ſiue fundum locuples mercatus eſt, è turba pediſe-
 quorum, lecticariorumq; deſectiſſimū annis, & uiribus,

in agrū relegat (cū istud opus nō solū sciētia, sed & uiridē
 etatē cū robore corporis, ad labores sufferēdos desideret)
 siue mediārū facultatū dominus ex mercenarijs aliquē iam
 accusantē quotidianū illud tributū, qui uetigalis esse non
 possit, ignarum rei, cui præsuturus est, magistrū fieri iubet.
 Quæ cū animaduertam sæpe mecum retractās, ac recogi-
 tās, quā turpi consensu deserta exoluerit disciplina ruris,
 uereor, ne flagitiosa, & quodāmodo pudēda, aut inhonestā
 uidetur ingenuis. Verū cū plurimis monumentis scri-
 ptorum admonear, apud antiquos nostros fuisse gloriæ cu-
 ram rusticationis (ex qua Quintius Cincinnatus obsessi
 consulis & exercitus liberator, ab aratro uocatus ad Di-
 ctaturam uenerit, ac rursus fascibus depositis, quos festinā-
 tius uictor reddiderat, quā sumpserat Imperator, ad eos-
 dem iuuenços, & quatuor iugerū autum herediolum re-
 dicrit. Itemq; C. Fabricius, & Curius Dentatus, alter Pyr-
 rho finibus Italiæ pulso, domitis alter Sabinis, accepta quæ
 uiritim diuidebātur captiui agr, septem iugera, non minus
 industriē coluerit, quā fortiter armis quæsierat. Et ne sin-
 gulos intempestiue nunc persequar, cū tot alios Romani
 generis intuear memorabiles duces, hoc semper duplici stu-
 dio floruisse, uel defendendi, uel colēdi patrios, quæsitos ue-
 fines) intelligo luxuriæ, & delicijs nostris pristinū morē,
 uirilemq; uitam displicuisse. Omnes enim (sicut M. Varro
 iam tēporibus auorū conquestus est) patres familiæ falce, et
 aratro relictis, intra murum correpsimus, & in circis po-
 tius ac theatris, quā in segetibus & uinetis manus moue-
 mus: attonitiq; miramur gestus effœminatorum, quod a na-
 tura sexū uiris denegatum, muliebri motu mentiātur, deci-
 piantq; oculos spectantium. Mox deinde ut apti ueniamus
 ad ganeas, quotidiana cruditatem. Laconicis excoquimus,

Et exucto sudore sitim quærimus, noctesq; libidinibus, et
 ebrietatibus, dies ludo, uel somno consumimus. Ac nosmet-
 ipsos ducimus fortunatos, quod nec orientem Solē uidemus,
 nec occidentem: itaq; istam uitam socordem persequitur ua-
 letudo. Nam sic iuuenum corpora fluxa et resoluta sunt, ut
 nihil mors mutatura uideatur. At mchereule uera illa Ro-
 muli proles assiduis uenatibus, nec minus agrestibus operi-
 bus exercitata, firmissimis præualuit corporibus, ac militiā
 belli, cum res postulauit, facile sustinuit, durata pacis labo-
 ribus, semperq; rusticam plebē præposuit urbanæ. Ut enim
 qui in uillis intra conspecta morarentur, quā qui foris ter-
 ram molirentur, ignauiores habitos: sic eos, qui sub umbra
 ciuitatis intra mœnia desides cunctarentur, quā qui rura
 colerent administrarent uel opera colonorum, segniores ui-
 sos. Nundinarū etiam conuentus manifestum est propterea
 usurpatos, ut nonis tantummodo diebus urbanæ res age-
 rentur, reliquis administrarentur rusticæ: illis enim tem-
 poribus, ut ante iam diximus, procures ciuitatis in agris
 morabantur: et cum consilium publicum desiderabatur,
 a uillis arcessiebantur in senatum. Ex quo qui eos euoca-
 bant, Viatores nominati sunt: isq; mos dum seruatus est
 perseuerantissimo colendorum agrorum studio, ueteres
 illi Sabini Quirites, ataq; Romani, quanquā inter
 ferrum, et ignes hosticisq; incursionibus uastatæ fruges,
 largius tamen condidere, quā nos, quibus diuturna per-
 mittente pace prolatare licuit rem rusticam. Itaque in hoc
 Latio et Saturnia terra, ubi dii cultus agrorum proge-
 niem suam docuerunt, ibi nunc ad hastam locamus, ut no-
 bis ex transmarinis prouincijs aduehatur frumentum, ne
 fame laboremus: et uindemias condimus ex insulis Cy-
 cladibus, ac regionibus Bæticis, Gallicisq;. Nec mirum,

cum sit publice concepta, & cōfirmata iam uulgaris existimatio, rem rusticā sordidum opus, & id esse negotiū, quod nullius egeat magisterio praeceptoris. At ego, cum aut magnitudinem totius rei, quasi quandā uastitatē corporis, aut partiū eius, uelut singulorū membrorum numerū recenseo, uereor ne supremus ante me dies occupet, quā uniuersam disciplinā ruris possim cognoscere. Nam qui se in hac scientia perfectū uolet profiteri, sit oportet rerum naturae sagacissimus, declinationū mundi non ignarus, ut exploratū habeat, quid cuiq; plagae conueniat, quid repugnet: syderum ortus & occasus memoria repetat, ne imbris uentisq; imminuentibus opera inchoent, laboremq; frustretur. Coeli, & anni praesentes mores intueatur: neq; enim semper eūdem, uelut ex praescripto, habitū gerunt: nec omnibus annis eodem uultu uenit aestas, aut hyems: nec pluuium semper est uer, aut humidus autumnus. Quae praenoscere sine lumine animi, & sine exquisitissimis disciplinis non quēquam posse crediderim. Iam ipsa terrae uarietas, & cuiusq; soli habitus, quid nobis neget, quid promittat, paucorū est discernere. Contemplatio uerō cunctarum in ea disciplina partium quando cuiq; contingit, ut & segetū, arationumq; perciperet usum, & uarias dissimilimasq; terrarū species pernosceret, quarū nonnullae colore, nonnullae qualitate fallunt, atq; in alijs regionibus nigra terra, quam pullam uocant, ut in Campania, est laudabilis: in alijs pinguis rubrica melius respondet quibusdam (sicut in Africa Numidia) putres arenae fecunditate uel robustissimum solum uincunt. In Asia Mysiaq; densa, & glutinosa terra maxime exuberat. Atq; in his ipsis habere cognitum, quid recusset collis, quid campestris positio, quid cultus, quid syluester ager, quid humidus, & graminosus, quid siccus, & spurcus, ratione quoq;

dispic

difficere: & in arboribus, uinetisq; quorum infinita sunt genera, conserendis, ac tuendis, & in pecoribus parandis, conseruandisq;, quoniam & hanc adsciuiumus quasi agriculturæ partem, cum separata sit ab agricoltatione pastoralis scientia. Nec ea tamen simplex: quippe aliud exigit equinum, atq; aliud bubulum armentum, aliud pecus ouillum, & in eo ipso dissimilem rationem postulat tarentinum, atq; hyrtum, aliud caprinum, & id ipsum aliter curatur mutilum, & raripilum, aliter cornutum, & setosum, quale est in Cilicia. Porculatoris uerò, & subulci diuersa professio, diuersæ pastiones, nec eundem glabræ sues, densæq;, coeli statum, nec eandem educationem, cultum ue quærunt. Et ut à pecoribus recedam, quorum in parte auium cohortalium, & apium cura posita est, quis tanti studij fuit, ut super ista, quæ enumerauimus, tot nossset species insitionum? tot putationum? tot pomorū holerumq; cultus exercere? tot generibus ficorum, sic ut rosarijs impenderet curam, cum à plerisq; etiam maiora negligantur? quanquā & ista iam non minima uestigalia multis esse cœperunt. Nam prata & salicta, genistæq; & arundines, quamuis tenuem, nihilominus aliquam desiderant industriā. Post hanc tam multarum, tamq; multipliciū rerum prædicatione non me præterit, si quem desideramus agricolā, quemq; describimus, exegero à participibus agrestium operū tardatum iri studia discentium, qui tam uariæ, tamq; uastæ sciētiae desperatione conterriti, nolent experiri, quod se assequi posse diffidēt. Veruntamen quod in oratore iam M. Tul. rectissime dixit, Par est eos qui generi humano res utilissimas conquirere, & perpensas, exploratasq; memoriæ tradere cōcupierint, cuncta tentare. Nec si uel illa præstantis ingenij uis, uel inclytarum artium defecerit instrumentū, confestim debemus ad otium

et inertiam deuolui, sed quod sapienter sperauimus, perse-
 ueranter consecrari. Summū enim culmen affectantes, satū
 honeste uel in secundo fastigio conspiciemur. An Latia mu-
 sa non solos adytis suis Accium et Vergilium recipere,
 sed eorū et proximis et procul a secundis sacras conce-
 sere sedes? Nec Brutū, aut Caelium, Pollionem uel cum Mes-
 sala, et Catulo deterruere ab eloquētiæ studio fulmina illa
 Cicronis. Nam neq; ille ipse Cicero terribilis cesserat to-
 nantibus Demostheni, Platoniq;: nec parēs eloquentiæ decu-
 illæ Mæonius uastissimis fluminibus faciundæ suæ postcrita-
 tis studia restinxerat. Ac ne minoris quidem famæ opifices
 per tot iam secula uidemus laborem suum destituisse qui
 Protogenē, Apellemq; cū Parrhasio mirati sunt. Nec pul-
 chritudine Iouis Olympij, Mineruæq; Phidiacæ sequentiū
 ætatis attonitos piguit experiri Bryaxim, Lysippum, Pra-
 xitelem, Polycleturn, quid efficere, aut quousque progredi
 possent. Sed in omni genere scientiæ, et summis admira-
 tio, ueneratioq;, et inferioribus merita laus contingit. Ac-
 cedit huc, quod ille, quem nos perfectū esse uolumus agri-
 colam, si quidem artis consummatæ non sit, nec in uniuersa
 rerum natura sagacitatem Democriti, uel Pythagoræ non
 fuerit cōsecutus, et in motibus astrorum, uentorumq; Me-
 tonis prouidentiam, uel Eudoxi, et in pecoris cultu doctri-
 nam Chironis ac Melampodis, et in agrorum soliq; moli-
 tione Triptolemi aut Aristæi prudentiā: multū tamē pro-
 fecerit, si usu Tremellios, Salsernasq; et Stolones nostros
 æquauerit. Potest enim nec subtilissima, nec rursus, quod
 aiunt, pingui Minerua res agrestis administrari. Nā illud
 procul uero est, quod pleriq; crediderunt, facilitā esse, ne-
 ullius acuminis rusticationem. De cuius uniuersitate nihil
 attinet plura nunc differere, quando quidem cunctæ parte

eius destinatis aliquot uoluminibus explicandæ sunt, quas ordine suo tunc demum persequar, cū præfatus fuero quæ res ad uniuersam disciplinam maxime pertinere.

Præcepta quæ sequantur qui rusti-
cari uelint.

C A P. I.



QUod si studiū agricolationi dederit, antiquis-
sima sciat hæc sibi aduocanda, prudentiā
rei, facultatē impendendi, uoluntatē agēdi.
Nam is demum cultissimū rus habebit, ut
ait Tremellius, qui & colere sciet, & po-
terit, & uolet: neq; enim scire, aut uelle, cuiquam satis fue-
rit sine sumptibus, quos exigunt opera. Nec rursus facien-
di, aut impendendi uoluntas profuerit sine arte: quia ca-
put est in omni negotio, nosse quid agendum sit, maximeq;
in agricultura, in qua uolūtas, facultasq; citra scientiā sæpe
magnam dominis afferunt iacturam, cum imprudēter facta
opæa frustrantur impensas. Itaque diligens paterfamilias,
cui cordi est ex agri cultu certam sequi rationem rei fami-
liaris augendæ, maxime curabit, ut ætatis suæ prudentissi-
mos agricolas de quaq; re consulat, & commentarios an-
tiquorum sedulo scrutetur, atq; æstimet, quid eorum quisq;
senferit, quid præceperit. An uniuerſa quæ maiores prodi-
derunt, huius tēporis culturæ respondeant, an aliqua disso-
nent. Multos enim iam memorabiles autores cōperi per-
suasum habere, longo æui situ qualitatem cœli, statumq;
mutari, eorumq; consultissimum astrologiæ professorem
Hipparchum prodidisse, tempus fore, quo cardines mundi
loco mouerentur, idq; etiā non spernendus autor rei rusti-
cæ Salserna uidetur adcredidisse. Nam eo libro, quem de a-
gricoltura scriptū reliquit, mutatū cœli statum sic colligit,
quod quæ regiones antea propter hyemis asidua uiolen-
tiam

tiam nullam stirpē uitis aut oleæ depositam custodire potuerint, nunc mitigato iam et intepescente pristino frigore largissimis oliuitatibus, Liberiq; uindemijs exuberent. Sed hæc siue falsa, seu uera ratio est, literis astrologiæ concedatur. Cætera non dissimulanda erunt agrorum cultorū præcepta rusticationis, quæ cū plurima tradiderint Poen ex Africa scriptores, multa tamē ab his falsò prodita coarguunt nostri coloni, sicut Tremellius, qui quæres id ipsum tamen excusat, quòd Italiæ et Africae solum, coelumq; diuersæ naturæ, nequeat eosdē prouentus habere. Quæcunq; sunt autē, quæ propter disciplinam ruris nostrorū temporum cū priscis discrepent, non detertere debent à lectione discētē. Nam multò plura reperiuntur apud ueteres, quæ nobis probanda sint, quàm quæ repudiāda. Magna porrò et Græcorū turba est, de rusticis rebus præcipiens, cuius princeps celeberrimus uates nō minimum professioni nostræ contulit Hesiodus Bæotius. Magis deinde eam iuuere fontibus orti sapientiæ Democritus Abderites, Socraticus Xenophon, Tarentinus Architas, Peripatetici magister ac discipulus Aristoteles cum Theophrasto. Siculi quoq; non mediocri cura negotium istud prosecuti sunt. Hieron, et Epioarmus discipulus, Philometor, et Attalus. Athenæ uerò scriptorū frequentia pepererunt, è quibus probatissimi auctores Chæreas, Aristandros, Amphiloehus, Euphron, Christus Euphronis, nō, ut multi putant, Amphipolites qui et ipse laudabilis habetur agricola, sed indigena soli Attici. Insulæ quoq; curā istam celebrauerunt, ut testis est Rhodius Epigenes, Chius Agathocles, Euagon, et Anaxipolis Thasijs. Vnius quoq; de septem Biantis illius populares Menander, et Diodorus in primis sibi uendicauerunt agricolationis prudentiam. Nec his cessere Milesijs Bacchijs

chius & Mnasscas, Antigonus Cymæus Pergamenus, Apollonius, Dion Colophonius, Hegesias Maronites. Nam quidem Diophanes Bithynius Vticensē totū Dionysium Pœni Magonis interpretē per multa diffusum uolumina, sex epitomis circumscripsit. Et alij tamen obscuriores, quorum patrias non accepimus, aliquod stipēdium nostro studio contulerunt. Hi sunt Androtion, Aeschion, Aristomēnes, Athenagoras, Crates, Dadis, Dionysius πῶς ποτῶν, Euphorion. Nec minori fide pro uirili parte tributum nobis intulerunt Lysimachus, & Cleobolus, Menestratus, Pleutiphanes, Persis, Theophilus. Et ut agricolationē Romana tandem ciuitate donemus (nam adhuc istis autoribus Græcæ gentis fuit (iam nunc M. Catonem Censorium illum memoremus, qui eam Latine loqui primus instituit. Post hunc duos Salsernas patrem & filium, qui eam diligentius erudierunt, ac deinde Scrofa Tremellium, qui eam eloquentem reddidit, & M. Terentium, qui expoliuit, mox Vergiliū, qui carmine quoq; potentem fecit. Nec postremo quasi pædagogi eius meminisse dedignemur Iulij Higiniij. Veruntamen ut Carthaginiensem Magonem rusticationis parentem maxime ueneremur. Nam huius octo & uiginti memorabilia illa uolumina ex senatusconsulto in Latinum sermonem conuersa sunt. Non minorem tamen laudē meruerunt nostrorū temporū uiri Cornelius Celsus, & Iulius Atticus. Quippe Cornelius totum corpus discipline quinq; libris complexus est. Hic de una specie culturæ pertinentis ad uitæ singularem librum edidit, Cuius uelut discipulus duo uolumina similium præceptorū de uineis Iulius Græcinus composita facetiis, eruditius posteritati tradenda curauit. Hos igitur Publi Siluini prius quàm cum agricolatione contrahas, aduocato in consilium

lium : nec tamen sic mente dispositus uelut summam totius rei sententijs eorū consecuturus : quippe eiusmodi scriptorum monumenta magis instruunt, quā faciunt artificem. Vfus, & experientia dominantur in artibus : neq; est ulla disciplina, in qua nō peccando discatur : nam ubi quid perperam administratum cesserit improspere, uisitur quod fefellerat, illuminatq; recta uiam docentis magisteriū. Quare nostra praecepta non consummare scientiam, sed adiuuare promittunt, nec statim quisquam compos agricolationis erit his perlectis rationibus : nisi & obire eas uoluerit, & per facultates potuerit. Idcoq; haec uelut adminicula studiosis promittimus, non profutura per se sola, sed cū alijs. Ac ne ista quidem praedia, ut diximus, non assiduus labor, & experientia uillici, non facultates, ac uoluntas impendendi tantum pollent, quantum uel una praesentia domini : quae nisi frequens operibus interuenerit, ut in exercitu cū abest imperator, cuncta cessant officia : maximeq; reor hoc significantem Poenum Magonem suorum scriptorum primordium talibus auspiciatum sententijs. Qui agrum parabit, domum uendat, ne malit urbanum, quā rusticum latrem colere. Cui magis cordi fuerit urbanum domicilium, rustico praedio non erit opus : quod ego praeceptum, si posset his temporibus obseruari, non immutarem. Nunc quoniam plerosq; nostrum ciuile ambitio saepe euocat, ac saepius detinet euocatos, sequitur, ut suburbanum praedium commodissimum esse putem, quō ut occupato quotidianus excursus facile post negotia fori contingat. Nam qui longinqua, ne dicam transmarina, rura mercantur, uelut haeredibus patrimonio suo, & quod grauius est, uiuunt cedunt seruis suis, quoniam quidē & illi tam longa domitorum distantia corrumpuntur, & corrupti post flagiti-

tiæ, quæ commiserunt, sub expectatione successorum rapi-
nis magis quam culturæ student.

Qualiter dispositus fundus maximè
probetur.

CAP. II.

CEnseo igitur in propinquo agrum mercari, quò &
frequentè dominus ueniat, & frequentius se uentu-
rum, quàm sit uenturus, denuntiet. Sub hoc enim metu cum
familia uillicus erit in officio. Quicquid uerò dabitur occa-
sionis ruri moretur, quæ non sit mora segnis, nec umbrati-
lis: nam diligentem patrem familiàs decet agri sui particu-
las omnes, & omni tempore anni frequentius circumire,
quò prudentius naturam soli, siue in frondibus, & herbis,
siue iam maturis frugibus contempletur: nec ignoret quic-
quid in eo rectè fieri poterit. Nam illud uetus est, & Cato-
nis, agrum pessime multari, cuius dominus quid in eo fa-
ciendum sit, non docet, sed audit uillicum. Quapropter uel
à maioribus traditū, possidenti, uel empturo fundum præ-
cipua cura sit scire, quod maxime regionis genus probe-
tur, ut uel carcat inutili, uel mergetur laudabilem. Quòd si
uoto fortuna subscripserit, agrum habebimus salubri cælo,
uberi gleba, parte capestri, parte alia collibus uel ad orien-
tem, uel ad meridiem molliter deuexis, terrenisq; alijs cul-
tis, atq; alijs syluestribus & asperis, nec procul à mari, aut
nauigabili flumine, quo deportari fructus, & per qd' mer-
ces inuchi possint. Capus in prata, & arua, salictaq; & a-
rundinetæ digestus, edificio subiaceat. Colles alij uacui ar-
boribus, ut solis segetibus seruiant, quæ tamè modicè siccis,
ac pinguibus capis melius, quàm præcipitibus locis proue-
niunt. Idcoq; etià celsiores agri frumētarij planicies habe-
re, & quam molliissimè deuexi, ac sinuallini debent esse cape-
stri positioni. Alij deinde colles oliuetis, uinctisq; & earū
futuris

futuris pedamentis uestiantur: materiam, lapidemq; si necessitas edificandi coegerit: nec minus pecudibus pascua præbere possint. Tum riuos decurrentes in prata, & hortos, & salicta, uiuæ aquæ salientes demittant, nec absint greges armentorum, cæterorumq; quadrupedum culta, & demeta pascentium: sed hæc positio, quam desideramus, difficilis & rara paucis contingit. Proxima est huic, quæ plurima ex his habet, tolerabilis, quæ non paucissima.

Quæ præcipuè respiciendo agro, antè, quàm ematur, noranda sunt.

CAP. III.

Porcus quidem Cato censebat in emendo, inspiciendoq; agro præcipuè duo esse considerata, salubritatem cœli, & ubertatem loci: quorum si alterum deesset, ac nihilo minus quis uellet incolere, mente esse captum, atq; eum ad agnatos, & gentiles deducendum. Neminem enim sanum debere facere sumptus in cultura sterilis soli, nec rursus pestilenti quamuis feracissimo, pinguiq; agro dominum ad fructus peruenire. Nam ubi sit cū orco ratio ponenda, ibi non modo perceptionē fructuum, sed & uitam colonorum esse dubiam, uel potius mortem quæstu certiolem. Post hæc duo principalia, subiungebat illa non minus intuenda, uiam, & aquam, & uicinum. Multum conferre agris iter commodum: primum quod est maximum, ipsam præsentiam domini, qui libentius commeaturus sit, si uexationem uia non reformidet: deinde ad uehenda & exportanda utensilia, quæ res frugibus conditis auget pretium, & minuit impensas rerum inuectarum, quia minoris apportentur eò, quò facili nisu perueniatur. Nec non nihil esse etiam paruo uehi, si conductis iumentis iter facias, quod magis expedit, q̃ tueri propria. Seruos quoq; qui secuturi patremfamilias sint, non ægrè iter pedibus ingredi. De bonitate aquæ ita omnibus

omnibus clarum est, ut pluribus non sit discernendum. Quis enim dubitet eam maxime probatā haberi, sine qua nemo nostrum uel prosperæ, uel aduersæ uoletudinis uitam prorogat? De uicini commodo non est quidem certum, quem nunquā mors, aliæq; nobiscum diuersæ causæ mutant. Et ideo quidam respuunt Catonis sententiam, qui tamen multum uidentur errare: nam quemadmodū sapientis est, fortuitos casus magno animo sustinere, ita dementis est, ipsum sibi malam facere fortunam: quod facit, qui nequam uicinum suis nūmis parat, cum à primis cunabulis, si modò liberis parentibus est oriundus, audisse potuerit,

Νῆν γ' ἄρ' βούς ἀπόλοιτ' εἰ μὴ γέτωρ κακὸς εἴη.
 quod non solum de boue dicitur, sed etiam de omnibus partibus rei nostra familiaris: adeo quidem, ut multi prætulere carcere penatibus, et propter iniurias uicinorum sedes suas profugerint, nisi aliter existimamus diuersum orbem gentes uniuersas petiisse, relicto patrio solo, Achæos dico, et Hiberos, Albanos quoq; nec minus Siculos: et, ut primordia nostra contingam, Pelasgos, Aborigines, Arcadas, quā quia malos uicinos ferre non potuerant. Ac ne tantum de publicis calamitatibus loquar, priuatos quoq; memoria tradidit, et in regionibus Græciæ, et in hac ipsa Hesperia detestabiles fuisse uicinos, nisi Autolicus ille cuiquam potuit tolerabilis esse cōterminus, aut Auentini montis incolæ Palatinis ullum gaudium finitimis suis Cacus attulit. Malo enim præteritorū, quā præsentium meminisse, ne uicinū meum nominem, qui nec arbore prolixiorē stare nostræ regionis, nec inuiolatum seminariū, nec pedamenti quicquam adnexum uineæ, nec etiam pecudes negligentius pasci sinit. Iure igitur quantum mea fert opinio, M. Portius talem pestem uitare censuit. Et in primis futurū, agricolam

b

præmo

præmonuit, ne sua sponte ad eam perueniret. Nos ad ca-
tera præcepta illud adiicimus, quod sapiens unus de septem
in perpetuum posteritati pronuntiavit, μέτ' ὅρῳ ἀρίστον, ad
hibendum modum mensuramq; rebus, idq; ut non solum
aliud acturis, sed et agrum paraturis dictum intelligatur
ne maiorem quam ratio calculorum patiatur, emere uel
nam huc pertinet præclara nostri poetæ sententia:

—Laudato ingentia rura, Exiguum colito.

Quod uir eruditissimus, ut mea fert opinio, traditum uel
præceptum numeris signauit: quippe acutissimam gentem
Pœnos dixisse conuenit, Imbecillio rem agrum, quam agri-
colam esse debere: quoniam cum sit colluctandū cum co-
fundus præualeat, allidi dominū. Nec dubiū quin minus re-
dat laxus ager non recte cultus, q̄ angustus eximie. Ideo
post reges exactos Liciniana illa septena iugera, quæ ple-
bis tri. uiritim diuiserat, maiores quæstus antiquis retulerunt
quam nunc nobis præbent amplissima ueruacta. tanta qua-
dem Curius Dētatus, quem paulò antè retulimus, prospero
ductu parta uictoria ob eximiam uirtutē deferente populi
præmij nomine quinquaginta soli iugera, supra cōsulare
triumphalemq; fortunam putauit esse. Repudiatq; publi-
munere populari, ac plebeia mensura contentus fuit. Mo-
etiam cum agrorū uastitatē uictoriæ nostræ, et internicia
nes hostium fecissent, criminofum tamen senatori fuit super
quinquaginta iugera possedisse. Suaq; lege C. Licinius de-
natus est, quod agri modum, quem in magistratu rogatione
tribunitia promulgauerat, immodica possidendi libidine
transcendisset: nec magis quia superbum uidebatur tantum
loci detinere, quam quia flagitiosum, quos hostis profici-
gendo desolasset agros, nouo more ciuem Romanum su-
pra uires patrimonij possidendo deserere. Modus ergo quæ-

in omnibus rebus, etiam parandis agris adhibebitur: tantum enim obtinendum est, quanto est opus, ut emisse uideamus, quo potiremur, non quo oneraremur ipsi, atque alijs fruendum eriperemus, more prapotentium, qui possident fines gentium, quos ne circumire equis quidem ualent, sed proculcandos pecudibus, & uastandos, ac populandos feris derelinquunt, aut occupatos nexu* ciuium, & ergastulis* crurum tenent. Modus autem erit sua cuique moderata uoluntas, facultasque. Neque enim satis est, ut iam prius dixi, possidere uelle, si colere non possis.

De salubritate regionum. CAP. IIII.

Sequitur deinceps Ctesonianum praeceptum, quo fertur usus etiam Cato, mercaturis agrum esse reuendendum saepius eum, quem uelint mercari. Nam prima inspectione neque uitia, neque uirtutes abditas ostendit, quae mox retractantibus facilius apparent. Inspectionis quoque uelut formula nobis a maioribus tradita est. Agri pinguis, ac latus, de cuius qualitate dicemus suo loco, cum de generibus terrarum differemus. In uniuersum tamen quasi testificandum, atque saepius praedicandum habeo, quod primo iam Punico bello dux inclutissimus M. Atilius Regulus dixisse memoratur, fundum, sicuti ne foecundissimi quidem soli, cum sit insalubris, ita nec effocti, si uel saluberrimus sit, parandum: quod Atilius aetatis suae agricolis, maiore cum autoritate suadebat peritus usu. Nam Pupiniae pestilentis simul, & exilis agri cultorem fuisse cum loquuntur historiae. Quapropter cum sit sapientius, non ubique emere, nec aut ubertatis illecebris, aut deliciarum concinnitate decipi: sic uere industrii patrisfamilias est, quicquid aut emerit, aut acceperit, facere fructuosum, atque utile. Quoniam & grauioris coeli multa remedia priores tradiderunt, quibus mitigetur pe-

stifera lues, & in exili terra cultoris prudentia, ac diligentia maciem soli uincere potest. Hæc autem consequemur, si uerissimo uati, uelut oraculo crediderimus dicenti:

Ventos, & uarium cœli prædiscere morem

Cura sit, ac patrios cultusq; habitusq; locorum,

Et quid quæq; ferat regio, & quid quæq; recuset.

Nec contenti tamē auctoritate uel priorū uel præsentium colonorū, nostra præterniserimus exempla, nouaq; quæ tentauerimus, experimenta. Quod etsi per partes nōnunquam damnosum est, in summa tamen sit cōpendiosum, quōd nullus ager sine profectu colitur: simul attentando possessor efficit, ut in id sōrmetur, quod maxime præstare possit, cares etiā feracissimos agros utiliores reddit. Itaq; nusquam expertimentorum uarietas omittenda est: longeq; etiam in pingui solo magis audendū, quoniā nec laborem, nec sumptum frustratur effectus. Sed quoniā refert qualis fundus, & quomodo colatur, tū uilla qualiter ædificetur, et quā utiliter disponatur. Multos enim dētrasse, memoria prodidit, sicut præstātissimos uiros L. Lucullū, & Q. Scæuolam, quorū alter maiores, alter minus amplas, quā postulat modus agri, uillas extruxu, cum utrunq; sit contra rem familiarē. Diffusiora enim consep̄ta, nō solum pluris ædificamus, sed etiā impensis maioribus tuemur: at minora cum sunt, quā postulat fundus, dilabitur fructus, nā & humidae res, & siccae, quas terra progencrat, facile uitiantur, si aut nō sūt, aut propter angustias, in cōmoda sunt tecta quibus inferatur. Pro portione etiā facultatum, quā optime paterfamiliās debet habitare, ut & libētius rus ueniat, & degat in eo. Iucundus utiq; uiro, si etiam matrona comitabitur, cuius ut sexus, ita animus est delicatior, quamobrem amoenitate aliqua demerenda erit, quo patientius moretur

cum uiro. Elegāter igitur ædificet agricola, nec sit tamen ædificator, atq; arcæ idem tantū cōplectatur, quod ait Cato, quantū ne uilla fundū quærat, ne'uc fundus uillam: cuius uniuersum sitū qualem oporteat esse, nunc explicabimus. Quod inchoatur ædificium, sicut salubri regione, ita saluberrima parte regionis debet constitui: nā circumfusus aer, atque corruptus plurimas affert corporibus nostris causas offensarū. Sunt quædam loca, quæ solstitijs minus concallescunt, sed frigoribus hyemis intolerabiliter horrent, sicut Thebas ferunt Bœotias. Sunt quæ tepent hyeme, sed æstate seuiusimè candent, ut affirmat Euboicam Calcidē. Petatur igitur aer calore, & frigore temperatus, quem ferè medius obtinet collis, quod neq; depressus hyeme pruinis torpet, aut torret æstate uaporibus, neq; elatus in summa montiū perexiguus uentorū motibus, aut pluuijs omni tempore an uisauit. Hæc igitur est medijs collis optima positio, loco tamen ipso paululū intumescēte, ne cum à uertice torrens imbris conceptus effluxerit, fundamenta conuellat.

De aqua.

CAP. V.

Sit autem uel intra uillam, uel extrinsecus inductus fons perennis, lignatio, pabulumq; uicinum. Si deerit fluens unda, putealis quærat in uicino, quæ nō sit haustus profundī, non amari saporis, aut salsi: hæc quoq; si deficiēt, & spes arctior aquæ manantis coëgerit, uastæ cisternæ hominibus, piscinæq; pecoribus instruantur, colligendæ aquæ tādē pluuiali, quæ salubritati corporis est accōmodatissima: sed ea sic habetur eximia, si fictilibus tubis in cōtectam cisternā deducatur: huic proxima fluēs aqua ē mōtibus oriūda, si per saxa præceps deuoluitur, ut est in Guarcono Cāpaniæ. Tertia putealis, uel collina, uel quæ nō infima ualle reperitur. Deterrima palustris, quæ pigro lapsu repit. Pe-

stitens, quæ in palude semper consistit. Hic idē tamē humor
 quāvis nocētis naturæ, temporibus tamē hyemis edonitum
 imbribus miscet, ex quo celestis aqua maxime salubris
 intelligitur, quod etia uenenati liquoris eluit perniciē: sed
 hāc potui pbatissimā diximus. Cæterum ad æstiuū tēperā-
 dos calores, et amoenitatē locorū, plurimū conferūt salie-
 tes riui, quos, si cōditio loci patitur, qualescūq; dummodo
 dulces, utiq; pducēdos in uillam cēscō. Sin summotus lon-
 gius a collibus erit amnis, et loci salubritas, editiorq; si-
 tus ripæ pmittet superponere uillā profluētī, cauedū tamē
 erit, ut a tergo potius, q̄ præ se flumē habeat, et ut ædifi-
 cij frōs auersa sit ab infestis eius regiōis uētis, et amiciissi-
 mus aduersa, cum pleriq; annes æstate uaporatis, hyeme
 frigidis nebulis caligēt: quæ, nisi ui maiore inspiratiū uen-
 torū submouētur, pecudibus, hominibusq; cōstrunt pestem.
 Optime autē salubribus, ut dixi, locis ad orictē, uel ad me-
 ridiē: grauib; ad septētrionem uilla conuertitur, eademq;
 semper mare recte cōspicit, cum pulsatur, ac fluctu resper-
 gitur, nūquā ex ripa, sed paulū summotā a littore. Nam
 præstat a mari longo potius interuallo, quā breui refu-
 gisse, quia media sunt spatia grauioris halitus: nec paludē
 quidē uicinā esse oportet ædificijs, nec iūcta militare uiam,
 quod illa caloribus noxiū uirus cruetat, et infestis aculeis
 armata gignit animalia, quæ in nos dēsissimis ex aminibus
 inuolant. Tum etiā natricū, serpentiumq; pestes hyberna
 destitutis uligine, cæno et fermentata colluue uenenatas
 emittit, ex quibus sæpe contrahuntur cæci morbi, quorum
 causas ne medici quidem perspicere queunt. Sed et anni
 toto tempore situs atque humor instrumentum rusticum,
 supellectilemq; et inconditos, conditosq; fructus corrup-
 pit. Hæc autem prætereuntium uiatorum populationi-
 bus

bus, & assiduis diuertentium hospitij infestat rem familiarcm, propter quæ cenſeo cuiusmodi uitare incommoda, uillemq; nec in uia, nec peſtilenti loco, ſed procul, & editiore ſitu condere, ut frons eius ad orientem æquinoctialem directa ſit. Nam cuiusmodi poſitio medium, temperatumq; libramentum uentorum hyemalium, & æſtiuorum tenet: quantoq; fuerit ædificij ſolum pronius orienti, tanto & æſtate liberius capere perflatus, & hyemis procellis minus infeſtari, & matutino regelari ortu poterit, ut concreti rores liqueſcant: quoniam ſerè peſtilens habetur, quod eſt remotum ac ſiniſtrum ſoli, & apricis flatibus, quibus ſi caret, nulla alia uis poteſt nocturnas pruinas, & quodcumq; rubiginis aut ſpurcitia reſedit, ſiccare atq; detergere. Hæc autem cum hominibus afferant perniciem, tum & armentis, & uirentibus eorumq; fructibus. Sed quiſquis ædificia uolet in decliuius arcis extruere, ſemper ab inferiore parte auſpicetur, quia cum ex depreſſiore loco fuerint orſa fundamenta, non ſolum ſuperficiem ſuam facile ſuſtinebunt, ſed & pro ſultura, & ſubſtructione fungentur, aduerſus ea, quæ mox, ſi forte uillam prolatare libuerit, ad ſuperiorem partem applicabuntur: quippe ab imo præſtructa ualenter reſiſtent contra ea, quæ poſtmodum ſuperpoſita incumbent: at ſi ſumma pars cliui fundata, propriam molcm ſuſceperit, quicquid ab inferiore mox appoſueris, fiſſum crit, rimofumq;. Nam nouum cum ueteri adſtruitur, rimofiq; recens ædificium quaſi ſurgenti reluctans oneri cedit, & quod prius extructum imminebit cecidenti paulatimq; degrauiatum pondere ſuo præceps attrahetur. Igitur id ſtructuræ uitium, cum primùm ſtatim fundamenta iaciuntur, cuitandum eſt.

Depoſitione uillæ.

C A P. V I.

b 4

Modus

Modus autem, membrorumq; numerus aptetur uni-
 uerso concepto, & diuidatur in tres partes, urba-
 nam, rusticam, & fructuariam. Urbana rursus in hyberna,
 & æstiuæ, sic digeratur, ut spectent hyemalis temporis cu-
 bicula brumalem orientem: cœnationes, æquinoctiale occi-
 dentem. Rursus æstiuæ cubacula spectent meridiem æquino-
 ctialem, sed cœnationes eiusdē temporis prospectent hyber-
 num orientem. Balnearia occidenti æstiuo aduertantur, ut
 sint post meridiem, & usq; in uesperum inlustrata. Ambula-
 tiones meridiano æquinoctiali subiectæ sint, ut hyeme plu-
 rimum solis, & æstate minimum recipiant. At in rustica
 parte, magna & alta culina ponetur, ut & contignatio ca-
 reat incendiij periculo, & in ea commodē familiares omni
 tempore anni morari queant. Optimē solutis seruis cella
 meridiem æquinoctiale spectantes fient: uinctis quā salu-
 berrimum subterraneū ergastulum plurimis, sicq; id angu-
 stis illustratum fenestris, atq; à terra sic ceditis ne manu con-
 tingi possint. Pecudibus fient stabula, quæ neque frigore,
 neq; calore infestentur. Domitis armentis duplicia bubilia
 sint, hyberna, atq; æstiuæ. Cæteris autē pecoribus, quæ in-
 tra uillam esse cōuenit, ex parte tecta loca, ex parte sub dio
 parietibus altis, circumsepta, ut illic per hyemem, hic per
 æstatē sine uiolentia ferarum conquiescant. Sed omnia sta-
 bula sic ordinentur, ne quis humor influere possit: & ut
 quisq; qui ibi conceptus fuerit, quā celerrime dilabatur,
 ut nec fundamenta parietum corrumpantur, nec ungulæ pe-
 cudū. Lata bubilia esse oportebit pedes decem, uel minime
 nouē: quæ mensura & ad procumbendū pecori, & iugario
 ad circumeundum laxa ministeria præbeat. Non altius
 edita esse præsepia conuenit, quā ut bos, aut iumentum
 sine incommodo stans uesci possit. Villico iuxta ianuā fiat
 habit

habitatione, ut intrantium exeuntiumq; conspectum habeat. Procuratori supra ianuam ob easdem causas, & is tamen uillicum obseruet ex uicino, sitq; utriq; proximū horreum, quò cōferatur omne rusticū instrumentū, & intra ad ipsum clausus locus, quo ferramenta condantur. Bubulcis, pastori-
busq; cellæ ponantur iuxta sua pecora, ut ad eorū curam sit opportunus excursus. Omnes tamen quāproximè alter ab altero debet habitare, ne uillici diuersas partes circum-
euntis sedulitas distendatur, & ut inter se diligentia, & ne-
gligentia cuiusq; testes sint. Pars autem fructuaria diuidi-
tur in cellam oleariam, torculariā, cellam uinariam, defru-
tariam, fœnilia, paleariaq; & apothecas, & horrea, ut ex
ijs quæ sunt in plano, custodiam recipiant humidarū rerum
tanquā uini aut olei uenaliū. Siccæ autē res congerantur
tabulatis, ut frumenta, fœnum, frondes, paleæ, cæteraq; pa-
bula. Sed granaria, ut dixi, scalis adcantur, & modicis fene-
stellis aquilonibus inspirentur. Nā ea cœli positio maxime
frigida & minime humida est, quæ utraq; perennitatē con-
tatis frumentis afferunt. Eadem ratio est in plano sitæ ui-
nariæ cellæ, quæ summota procul esse debet à balneis, fur-
no, sterquilinio, reliquisq; immunditijs tetrum odorem spi-
rantibus: nec minus à cisternis, aquis uel salientibus, ex qui-
bus qui extrahitur humor, uinum corrumpit. Neque me
præterit sedem frumentis optimam quibusdā uideri horreū
camera contectum, cuius solum terrenum prius quā con-
sternatur perfossū, & amurca recenti non salsa madesa-
ctum, uelut signinum opus pauiculis condensatur. Tum de-
inde cum exaruit simili modo pauimenta testacea, quæ pro
aqua receperint amurcā mistam calci, & arenæ superster-
nuntur, & magna ui paniculis inculcantur, atq; expoliun-
tur, omnesq; parietum, & soli iuncturæ testaceis puluinis

fibulantur. Nam serè cum his partibus ædificia rimas egerunt, caua præbent, & latebras subterrancis animalibus. Sed & lacubus distinguuntur granaria, ut separatim quæq; legumina ponantur. Parietes oblinuntur amurca subactoluto, cui pro paleis admista sunt arida oleastri, uel si ea non sunt, oleæ folia. Deinde cum prædictum tectorium inaruit, rursus amurca respergitur, qua siccata frumentum inferitur. Ea res ab noxa curculionū, & similium animalium commodissime uidetur conditas fruges defendere, quæ nisi diligenter repositæ sint, celeriter ab ijs consumuntur. Sed id genus horrei, quod scripsimus, nisi sit in sicca positione uillæ, quamuis granum robustissimū corrumpit situ: qui si nullus adsit, possunt etiam defossa frumenta seruari, sicut transmarinis quibusdā prouincijs, ubi puteorū in modum, quos appellant Syros, exhausta humus, editos à se fructus recipit. Sed nos in nostris regionibus, quæ redundant uliginis, magis illam positionē pensilis horrei, & hanc curam pauimentorum, & parietū probamus, quoniā, ut retuli, sic emunita sola, & latera horreorū prohibent curculionem, quod genus exitij cū incidit, multi opinantur arceri posse, si exesa fruges in horreo uentilentur, & quasi refrigerentur. Id autem falsissimum est: neq; enim hoc factō expelluntur animalia, sed immiscentur totis accruis: qui si mancant immoti, summis tantum partibus infestantur, quoniam infra mensuram palmi non nascitur curculio, longeq; præstat id solū, quod iam uitiatum est, quā totū periculo subijcere: nam cum exiget usus, facile est eo sublato, quod uitiatum erit, integro inferiore uti: sed hæc, etsi extrinsecus, non tamen intempestiue uideor hoc loco retulisse. Totularia præcipue, cellæq; olcariae calidæ esse debent, quia commodius omnis liquor uapore soluitur, ac frigoribus

magis

magis constringitur. Oleum, quod minus prouenit, si congelatur, fraccset: sed ut calore naturali est opus, qui contingit positione cœli, & declinatione, ita non est opus ignibus, aut flammis, quoniā fumo & fuligine sapor olei corrumpitur. Propter quod torcular debet à meridiana parte illustrari, necesse ne habeamus ignes lucernāq; adhibere cum premetur olea. Cortinale ubi defrutum fiat, nec angustum, nec obscurum sit, ut sine incommodo minister, qui sapam decoquet, uersari possit. Fumarium quoq; quo materia, si non sit iam pridē cæsa, festinato siccetur, in parte rusticæ uillæ fieri potest iunctum rusticis balneis: nam eas quoq; refert esse, in quibus familia, sed tantū ferijs, lauctur. Neq; enim corporis robori conuenit frequēs usus earum. Apothecæ recte superponuntur his locis, unde plerūq; fumus earū exoritur, quoniā uina celerius uetustescunt, quæ fumi quodam tenore præcocem maturitate trahūt. Propter quod & aliud tabulatū esse debebit, quo admoucantur, ne rursus nimia suffitione medicata sint. Quod ad uillæ pertinet situm, partiumq; eius dispositionē, satis dictū est. Circa uillam deinceps hæc esse oportebit, furnū & pistrinum, quantum futurus numerus colonorū postulaucrit. Piscinas minimū duas, alteram, quæ anseribus, ac pecoribus seruiat: alterā in qua lupinū, uimina, & uirgas, atq; alia quæ sunt usibus nostris apta, maceremus. Sterquilinia quoq; duo sint, unū, quod noua purgamenta recipiat, & in annū conferuet: alterum ex quo uetera uehantur: sed utrunq; more piscinarum deuexum leni cliuo, & extructum pauitūq; solam habeat, ne humorem transmittant. Plurimum enim refert non ad siccato succo finium uires continere, & assidue macerari liquore, ut si qua interiecta sint stramentis aut paleis, spinarum, uel graninum semina, intereant, nec in

in agrū exportata segetes herbidas reddant. Idcoq; periti rustici quicquid ouilibus, stabulisq; conuersum progeserunt, superpositis uirgeis cratibus tegunt, nec arescent uentis sinunt, aut solis incursu paruiur exuri. Arca, si cōpetit, ita cōstituenda est, ut uel à domino, uel certe à procuratore despici possit. Ea; optima est scilicet constrata, quod & celeriter frumenta deterūtur, nō cedēte solo pulsibus unguarū, tribularumq;, & eadē euentilata mundiora sunt, lapillisq; carēt, & glebulis, quas per triturā fere terrena remittit area. Huic autē nubilariū applicari debet maximeq; in Italia propter inconstantia cœli, quò collata semitrita frumenta protegātur, si subitaneus imber incesserit. Nam in transmarinis quibusdam regionibus, ubi æstas pluuiā caret, superuacuum est. Pomaria quoq; & hortos oportet septo circumdari, & esse in propinquo, atq; in ea parte, quò possit omnis stercorata colluies cortis, balnearumq;, & oleis expressa amurcæ sanies influere: nam eiusmodi quoq; letatur alimentis, & olus & arbor.

De officijs patrisfamilias. CAP. VII.

His omnibus ita uel acceptis, uel compositis, præcipua cura domini requiritur, cum in cæteris rebus, tum maxime in hominibus. Atque hi uel coloni, uel serui sunt soluti, aut uincti. Comiter agat cum colonis, facilemq; se præbeat, & auarius opus exigat, quàm pensiones: quoniam & minus id offendit, & tamen in uniuersum magis prodest. Nam ubi sedulò colitur ager, plerunq; cōpendium nunquam (nisi si cœli maior uis, aut prædonis incessit) detrimentum affert, eoq; remissionē colonus petere non audeat. Sed nec dominus in unaquaque re, cui colonum obligauerit, tenax esse iuris sui debet, sicut in diebus pecuniarum, ut lignis, & cæteris paruis accessionibus exigendis. quarum

quarum cura maiorem molestiam, quam impensam rusti-
 cis affert. Nec sanè est uindicandum nobis quicquid licet.
 Nam summum ius antiqui summam putabant crucem. Nec
 rursus in totum remittendum, quoniam uel optima nomi-
 na non appellando fieri mala, scænerator Alphius dixisse
 uetissime fertur. Sed & ipse nostra memoria ueterem con-
 sularum, uirumq; opulentissimum L. Volusium asseueran-
 tem audiui, patrisfamilias felicissimum fundum esse, qui co-
 lonos indigenas haberet, & tanquam in paterna posses-
 sione uatos, iam inde à cunabulis longa familiaritate re-
 tineret. Ita certe mea fert opinio, rem malam esse frequen-
 tem locationem fundi, peiorem tamen urbanum colonum,
 qui per familiam mauult agrum, quam per se colere. Sa-
 pientia dicebat ab eiusmodi homine fere pro mercede litem
 reddi. Propter quod operam dandam esse, ut & rusticos,
 & eosdem assiduos colonos retineamus, cum aut nobis-
 metipsis non licuerit, aut per domesticos colere nō expe-
 dierit, quod tamen non euenit, nisi in his regionibus, quæ
 grauitate cœli, soli; sterilitate uastantur. Cæterum cum
 mediocris adest & salubritas, & terræ bonitas, nunquam
 non ex agro plus sua cuique cura reddidit, quam coloni:
 nunquam non etiam uillici, nisi si maxima uel negligentia
 serui, uel rapacitas interuenit. Quæ utraq; peccata ple-
 runq; uitio domini uel cōmitti, uel foueri, nihil dubium est:
 cum liceat, aut cauere, ne talis præficiatur negotio: aut
 iam præpositus, ut submoueatur, curare. In longinquis ta-
 men fundis, in quos non est facilis excursus patrisfamilias,
 cum omne genus agri tolerabilius sit sub liberis colonis,
 quam sub uillicis seruis habere, tum præcipue frumenta-
 rium, quem minime (sicut uineas aut arbutum) colonus
 euertere potest, & maxime uexant serui, qui boues elo-
 cant

cant, eosdemq; , & cætera pecora male pascunt, nec industrie terram uertunt, longeq; plus imputant seminis iacti, quam quod seuerint: sed nec quod terræ mandauerint sic adiuuant, ut recte proueniat: idq; cum in arcem contulerunt, per trituram quotidie minuunt uel fraude, uel negligentia. Nam & ipsi diripiunt, & ab alijs furibus non custodiunt. Sed nec conditum cum fide, rationibus inferunt: ita sit, ut & actor, & familia peccent, & ager sepius infametur: quare talis generis prædium, si, ut dixi, domini præsentia cariturum est, censco locandum.

De pecore, & pecorum magistris. C A P. VIII.

Proxima est cura de seruis, cui quenq; officio præponere conueniat, quosq; & qualibus operibus destinare. Igitur præmonco, ne uillicum ex eo genere seruorum, qui corpore placuerunt, instituamus: ne ex eo quidem ordine, qui urbanas, ac delicatas artis exercuerit. Socors & somniculosum genus id mancipiorum, otijs, campo, circo, theatris, aleæ, popinæ, lupanaribus consuetum, nunquam non easdem ineptias somniat, quas cum in agriculturam transtulit, non tantum in ipso seruo, quantum in uniuersa re detrimenti dominus capit. Eligendus est rusticis operibus ab infante duratus & inspectus experimentis. Si tamē is nō crit, de ijs præficiatur, qui seruitutē laboriosam tolerauerunt. Iamq; is transcenderit ætatem primæ iuuentæ, necdum senectutis attigerit: illa ne & auctoritatem detrahat ad imperiū, cum maiores dedignentur parere adolescentulo: hæc ne laboriosissimo succumbat operi. Medie igitur sit ætatis, & firmi roboris, peritus rerum rusticarum, aut certe maximæ curæ, quo celerius addiscat. Nam non est nostri negotij alterum imperare, & alterum docere: neque enim recte opus exigere ualet, qui quid,

aut qualiter faciendum sit, ab subiecto discit. Potest etiam illiteratus, dumodo tenacissimæ sit memoriæ, rem satis com-
mode administrare. Eiusmodi villicū Cornelius Celsus ait, sæpius numos domino, quam librum afferre, quia nescius literarum uel ipse minus possit rationes confingere, uel per alium propter conscientiam fraudis timere. Sed qualicunq; villico contubernalis mulier assignanda est, quæ contineat eum, et in quibusdam rebus tamen adiuuet. Idemq; actori præcipiendum est, ne conuictum cum domestico, multoq; minus cum extero habeat. Nonnunquam tamen eum, quem assidue sedulum, et fortem in operibus administrandis cognouerit, honoris causa mense suæ die festo dignetur adhibere. Sacrificia, nisi ex præcepto domini, ne fecerit. Aruspices, sagasq; quæ utraque genera uana superstitione rudis animos ad impensas, ac deinceps ad flagitia compellunt, ne admiserit: neque urbem, neq; ullas nundinas nouerit, nisi emendæ, uendendæ ue pertinentis ad se rei causa. Villicus enim, quod ait Cato, ambulator esse non debet, nec egredi terminos, nisi ut addiscat aliquā culturam, et hoc si ita in uicino est, ut citò remeare possit. Semitas, nouosq; limites in agro fieri ne patiatur, ne ue hospitum, nisi amicum, familiaremq; domini necessarium receperit. Ut ab his arcēdus, ita exhortandus est ad instrumentorum, ferramentorumq; curam, ut duplicia quàm numerus si rutorum exigit, resecta, et reposita custodiat, nequid à uicino petendū sit, quia plus in operis seruorū, quàm in pretio rerum eiusmodi consumitur. Cultam uestitamq; familiā magis utiliter quàm delicate habeat, inuitamq; diligenter à uento, frigore, pluviaq; quæ cuncta prohibentur pellibus manicatis, centonibus confectis, uel sagis cucullis. Id si fiat, nullus dies tam intolerabilis est, quo non sub diuo moliri ali-
quid

quid possit. Nec tantum operis agrestis sit artifex, sed et animi, quantum seruire patitur ingenium, uirtutibus instructus, ut neq; remisse, neq; crudeliter imperet. Semperq; aliquos ex melioribus foueat, parcat tamen etiam minus bonis, ita ut potius timeant eius seueritatē, quā crudelitatem detestentur. Id cōtingere poterit, si maluerit custodire subiectos, ne peccent, quā negligentia sua committere, ut puniat delinquentes. Nulla est autem maior uel nequissimu hominis custodia, quā operis exactio: ut iusta reddantur, ut uillicus semper se repræsentet. Sic enim et magistri singulorum officiorum sedulo munia sua exequuntur, et cæteri post defatigationem operis, quieti, ac somno potius, quā delicijs operam dabunt. Iam illa uetera, sed optimi moris, quæ nunc exolcuerunt, utinam possint obtineri: ne conseruo ministro quoquam, nisi in re domini, utatur: ne cibum, nisi in conspectu famuliæ, capiat: neu'ue alium, quā qui cæteris præbetur: sic enim curabit, ut et panis diligenter confiat, et reliqua salubriter apparentur. Ne extra fines, nisi à se missum, progredi sinat: sed nec ipse muttat, nisi magna necessitate cogente. Ne ue negotietur sibi, pecuniamq; domini, aut animalibus, aut rebus alijs promercalibus occupet. Hæc enim negotiatio curam uillici auocat, nec unquam patitur eum cū rationibus domini paria facere. Sed ubi numeratio exigetur, rem pro numis ostendit. In uniuersum tamen hoc maxime obtinendum ab eo est, ne quid se putet scire, quod nesciat, quæratq; semper addiscere quod ignorat. Nam cū multum prodest perite quid facere, tum plus obest perperā fecisse. Vnum enim ac solum dominatur in rusticatione, quicquid exigit ratio culturæ semel facere, quippe cū emendatur uel imprudentia, uel negligentia, iam res ipsa decoxit. Nec in tantum postmo-

cum exuberat, ut & rem amissam restituat, & questum
temporum præteritorum resarciat. In cæteris seruis hæc
serè præcepta seruanda sunt, quæ me custodisse non poeni-
et, ut rusticos, qui modò non incommode se gessissent, sæ-
pius quàm urbanos, familiariusq; alloquerer, & cum co-
mitate domini leuari perpetuū laborum eorum intellige-
rem. Nonnunquam etiam iocarer, & plus ipsis iocari
permitterem. Iam illud sæpe facio, ut quasi cum peritiori-
bus de aliquibus operibus nouis deliberem, & per hoc co-
gnoscam cuiusque ingenium, quale, quamq; sit prudens.
Tum etiam lubentius eos id opus aggredi uideo, de quo se-
cum deliberatum, & consilio ipsorum susceptum putant:
nam illa solennia sunt omnibus circumspectis, ut ergastuli
mancipia recognoscant, ut explorent, an diligenter uin-
cti sint, an ipsæ sedes custodiæ satis tutæ, munitæq; sint:
num uillicus aut alligauerit quempiam domino nesciente,
aut rcuinxerit: nam utrunque maxime seruare debet, ut
& quem paterfamiliās tali poena multauerit, uillicus nisi
eiusdem permissu compedibus non eximat: & quem ipse
sua sponte uinxerit, antè, quàm sciat dominus, non resol-
uat: tantoq; curiosior inquisitio patrisfamiliās debet esse
pro tali genere seruorum, ne aut in uestiarijs, aut in
cæteris præbitis iniuriose tractentur, quanto & pluribus
subiecti, ut uillicis operum magistris, ut ergastularijs,
magis obnoxij perpetiendis iniurijs, & rursus seuitia at-
que auaritia læsi magis timendi sunt. Itaque diligens do-
minus, cum & ab ipsis, tum & absolutis, quibus ma-
ior est fides, quærat an ex sua constitutione iusta perci-
pant. Atque ipse panis, potionisq; bonitatem gustu suo
exploret, uestem, manicas, pedumq; tegmina recognoscat.
Sæpe etiam querendi potestatem faciat, de ijs, qui aut cru-
deliter

deliter eos, aut fraudulenter infestent. Nos quidem aliquan-
to iuste dolentes, tam uindicamus, quam animaduertimus
in eos, qui seditionibus familiam concitant, qui calumnian-
tur magistros suos: ac rursus præmio prosequimur eos, qui
strenue, atque industriè se gerunt. Fœminis quoque fœcun-
dioribus, quarum in sobole certus fuerit numerus, honora-
ri debet, otium nonnunquam, & libertatem dedimus, cum
complures natos educassent: nam cui tres erant filij, uo-
catio: cui plures, libertas quoque contingebat. Hæc enim iu-
stitia, & cura patrisfamiliæ multum confert augendo pa-
trimonio. Sed & illa meminerit, cum è ciuitate remcauc-
rit, deos penates adorare: deinde si tempestiuum erit, con-
festum: si minus, postero die fines oculis perustrare, &
omnes partes agri reuifere atq; æstimare, nunquid absen-
tia sua de disciplina, & custodia remiserit. Num aliqua
uitis, num arbor, num fruges absint, tum etiam pecus
& familiam recenseat, fundiq; instrumentum, & supelle-
tilem: quæ cuncta si per pluribus annos facere instituerit,
bene moratam disciplinam, cum senectus aduenerit, obti-
nebit. Nec erit ulla eius ætas annis ita confecta, ut sperna-
tur à seruis.

Qualis corporaturæ mancipia, cuiq; operi
contribuenda sunt.

CAP. IX.

Dicendum etiam est, quibus operibus quenque habitum
corporis aut animi contribuendum putemus. Magi-
stros pecoribus oportet præponere sedulos, ac frugalissi-
mos, ea res utraq; plus quam corporis statura, roburq;
confert huic negotio, quoniam id ministerium custodiæ di-
ligentis & artis officium est. Bubulco quamuis necessa-
ria, non tamen satis est indoles mentis, nisi eum uastitas
uocis, & habitus metuendum pecudibus efficit. Sed tempe-
ret

rect vires clementia, quoniam terribilior debet esse, quam
seuior, ut & obsequatur eius imperijs, & diutius peren-
nent boues non confecti uexatione simul operum, uerbc-
rumq; . Sed quæ sint magistrorum munera, quæq; bubul-
corum, suo loco repetam. Nunc admonuisse satis est, ni-
hil in his, in illis plurimum referre vires & proceritatem.
Nam longissimum quenq; aratorem, sicut dixi, facimus,
& propter id, quod paulò antè retuli, & quod in re ru-
stica nullo minus opere fatigatur prolixior, quia in aran-
do stiuae penè rectus innititur: mediastinus qualiscūq; . Sta-
tus potest esse, dummodo perpetiundo labori sit idoneus.
Vinae non sic altos, quemadmodum latos, & lacertosos
uiros exigunt. Nam is habitus fossuris, & putationibus,
cæterisq; carum culturis magis aptus. Minus in hoc offi-
cio, quam in cæteris agricolatio frugalitatem requirit,
quia & in turba, & sub monitore uinitor opus fac-
re debet. Ac plerunque uelocior animus est improbo-
rum hominum, quam desiderat huius operis conditio: non
solum enim fortem, sed & acuminis strenui ministrum po-
stulat. Ideoq; uincta plurimum per alligatos excolum-
tur. Nihil tamen eiusdem agilitatis homo frugi non me-
lius, quam nequam faciet. Hoc interposui, nequis existi-
met in ea me opinione uersari, qua malim per noxios,
quàm per innocentes rura colere. Sed & illud censeo, ne
confundantur opera familiae, sic ut omnes omnia exequā-
tur. Nam id minimè conducit agricolæ, sed quia nemo
suum proprium aliquod esse opus credit, seu qui cū eni-
xus est, non suo, sed communi officio proficit, ideoq; la-
bori multum se subtrahit: nec tamen uiritim malefactum
deprehenditur, quod fit à multis: propter quod separan-
di sunt aratores à uinitoribus, & uinitores ab aratori-

bus, ijsq; à mediastinis. Classēs etiā nō maiores, quā de-
nūm hominū faciundæ, quas decurias appellauerunt anti-
qui, & maxime pbauerūt, quod is numeri modus in ope-
re cōmodissimè custodiretur, nec præcuntis monitoris di-
ligentiā multitudo confunderet. Itaq; si latior est ager, in
regiones deducendæ sunt eæ classēs diuidūdumq; ita opus
ut neq; singuli, biniue sint, quoniam dispersi non facile cu-
stodiuntur. Nec tamē supra decē, ne rursus ubi nimia turba
sit, id opus ad se pertinere singuli non existiment: hæc or-
dinatio non solum cōcitāt æmulationē sed & deprehendit
ignauos. Nam cum certamine opus excitetur, tum in ces-
santeis animaduersio iusta, & sine quicrela uidetur adhi-
beri. Sed nimirū dum quæ maxime prouidenda sunt agri-
colæ futuro præcipimus, de salubritate, de uia, de uicino,
de aqua, situ uillæ, fundi modo, colonorum, & seruorum
generibus, officiorum operumq; distributione, tempestiue
per hæc ad ipsum iam terræ cultum peruenimus, de quo
pluribus libro insequente mox discremus.

L. IVN. MODERA- TI COLVMELLÆ

DE RE RVSTICA

LIB. II.

Terram nec senescere, nec fatigari, si
stercoretur.

CAP. I.



VERIS ex me Publi Siluine, quod
ego sine cunctatione nō recuso docere, cur
priori libro ueterū opinionē ferè omnium,
qui de cultu agrorum locuti sunt, à princi-
pio confestim repulerim, falsamq; sententiā repudiau-
erim, censentium

consensuum longo æui situ, longiq; iam temporis exerci-
 tatione fatigatam, & effoetam humum consensuisse. Nec te
 ignoro cum & aliorum illustrium scriptorum, tum præ-
 cipue Tremellij auctoritatem reuereri, qui cum plurima
 rusticarum rerum præcepta simul eleganter, & scite me-
 moriæ prodiderit, uidelicet illectus nimio fauore prisco-
 rum de simili materia differentium, falso credidit paren-
 tem omnium terram, sicut muliebrem sexum ætate anili
 iam confectam, progenerandis esse foetibus inhabilem.
 Quod ipse quoque confiterer, si in totum nullæ fruges
 proueniret. Nam & hominis tum demum declaratur ste-
 rile senium, non cum desinit mulier trigeminos, aut ge-
 minos parere, sed cum omnino nullum conceptum edere
 ualet. Itaque transactis iuuentæ temporibus, etiam si lon-
 ga uita superest, partus tamen annus denegatus, non resti-
 tuitur. At è contrario seu sponte, seu quolibet casu de-
 stituta humus, cum est repetita cultu, magno fœnore ces-
 sationis colono respondet. Non ergo est exiguarum fru-
 gum causa terræ uetustas, si modo cum semel inuasit se-
 nectus regressum non habet, nec reuiescere, aut repube-
 scere potest: sed ne lassitudo quidem soli minuit agrico-
 le fructum. Neque enim prudentis est adduci tanquam in
 hominibus nimia corporis exercitatione, aut oneris alicuius
 pondere, sic culibus, & agitationibus agrorum fâti-
 gationem succedere. Quid ergo est, inquis, quod asseue-
 rat Tremellius intacta, & syluestria loca, cum primum
 coeperint cultu exuberare, mox deinde non ita responde-
 re labori colonorum? Videt sine dubio quid eueniat, sed
 cur id accadat, non peruidet: neque enim idcirco rudis,
 & modo ex syluestri habitu in aruum transducta fœcun-
 dior haberi terra debet, quod sit requietior & iunior,

sed quòd multorum annorum frondibus, & herbis, quas suapte natura progencrabit, uelut saginata largioribus pabulis facilius edendis educandisq; frugibus sufficit. At cum perruptæ rastris, & aratris radices herbarum, ferroq; succisa nemora frondibus suis desierunt alcre matrem, quæq; temporibus autumnu frutetis & arboribus delapsa folia superiaciebantur, mox conuersa uomeribus, & inferiori solo, quod plerunque est exilius, permista, atque absumpta sunt, sequitur, ut destituta pristinis alimentis macrescat humus. Non igitur fætigatione, quemadmodum plurimi crediderunt, nec senio, sed nostra scilicet inertia minus benigne nobis arua respondent. Licet enim maiorem fructum percipere, si frequenti & tempestiua & modica stercoratiõne terra resoueatur. De cuius cultu dicturos nos priori uolumine polliciti, iam nunc differemus.

Quot sint genera terreni, quot deinde species generibus subiungantur: quod solum maxime probetur.

CAP. II.

Contrita esse dixerunt: campestre, collinum, montanum. Campum non æquissima situm planicie, nec perlibrata, sed exigue prona. Collem clementer, & molliter assurgentem. Montem non sublimem & asperum, sed nemorosum & herbidum maxime probauerunt. His autem generibus singulis scenæ species contribuuntur: soli pinguis uel macri, soluti uel spissi, humidi uel sicci: quæ qualitates inter se mistæ uicibus, & alternatæ, plurimas efficiunt agrorum uarietates: eas enumerare non est artificis agricolæ. Neq; enim artis officium est, per species, quæ sunt innumerabiles, euagari: sed ingredi per genera, quæ possunt cogitatione

tatione mentis, & ambitu uerborum facile copulari. Recurrendum est igitur ad qualitatuum inter se dissidentium, quasi quasdam coniunctiones, quas Græci *συζυγίας ἐναντιότητων*, nos discordantium comparationes tolerabiliter dixerimus. Atque etiam significandum est ex omnibus quæ terra progeneret, plura campo magis quàm colle, plura pingui solo quàm macro letari. De siccancis & riguis non comperimus ultra numero uincant, cum utique pene infinita sint, quæ siccis, quæq; humidis locis gaudent, sed ex his nihil non melius resoluta humo, quàm densa prouenit. Quod noster quoq; Vergilius cum & alias fecundi arui laudes retulisset, adicit,

Et cui putre solum, nanq; hoc imitamur arando.

Neq; enim aliud est colcre, quàm resolucere, & fermentare terram, ideoq; maximos quæstus ager præbet. Idem pinguis ac putris, quia cum plurimum reddat, minimum poscit: & quod postulat, exiguo labore atque impensa conficitur. Præstantissimum igitur tale solum iure dicatur. Proximum deinde huic pinguius densum, quod impensam coloni, laboremq; magno foetu remuneratur. Tertia est ratio loci rigui, quia sine impensa fructum reddere potest. Hanc primam Cato esse dicebat, qui maxime redditum pratorum cæteris anteponebat: sed nos de agitatione terræ nunc loquimur, non de situ. Nullum deterius habetur genus, quàm quod est siccum, pariter & densum, & macrum, quia cum difficulter tractetur, tum ne tractatum quidem gratiam refert: nec relictum pratis, uel pascuis abunde sufficit. Itaque hic ager siue exercetur, seu cessat, colonus est poenitendus, ac tanquam pestilens refugiendus. Nam ille mortem facit, hic teterrimam comitem mortis famem. Si tamen Græcis cancenis habemus fidem clamitantibus,

λιμῶ δ' ὀικτίστον θάνατον, καὶ πότμον ἐπιπαῖν. Sed
 nunc potius uberius soli meminerimus, cuius demonst-
 randa est duplex ratio, culti & sylvestris: de sylvestri regione
 in aruorum formam redigenda prius dicemus, quoniam est
 antiquius facere agrum, quàm colere. Incultum igitur lo-
 cum consideremus, siccus, an humidus, nemorosus arbori-
 bus, an lapidibus confragosus, iunco ne sit, an gramine ue-
 stitus, ac filictis alijs ue frutetis impeditus: si humidus erit,
 abundantia uliginis antè siccetur fossis. Earum duo gene-
 ra cognouimus, cæcarum & patentium, spissis atque creto-
 sis regionibus apertæ relinquuntur: at ubi solutior humus
 est, aliquæ fiunt patentes, quædam etiam obcæcantur, ita
 ut in patentes ora hiantia cæcarum competant: sed & pa-
 tentes latius, & apertas summa parte declivesq; , & ad
 solum coarctatas, imbricibus supinis similes facere conue-
 nient: nam quarum recta sunt latera, celeriter aquis ui-
 tiantur, & superioris soli lapsibus replentur. Opertæ rur-
 sus obcæcari debebūt, sulcis in altitudinem trepidaneam de-
 pressis, qui cum parte dimidia lapides minutos, uel nudam
 glaream receperint, æquentur superiecta terra, quæ fue-
 rat effossa. Vel si nec lapis erit, nec glareæ, sarmentis con-
 nexis uelut funis informabitur in eam crassitudinem, quam
 solum fossæ possit angustè, quasi accommodatam coar-
 ctatamq; capere. Tum per imum contendetur, ut su-
 per calcatis cupressinis, uel pineis, aut si cæ non erunt,
 alijs frondibus terra contegatur, in principio atque exi-
 tu fossæ more ponticulorum binis saxi tantummodo pla-
 rum uice constitutis, & singulis superpositis, ut eius-
 modi constructio ripam sustineat, ne præcludatur humo-
 ris illapsu atque exitu. Nemorosi, frutetosiq; tractus du-
 plex cura est, uel extirpandis radicibus arboribus &

remouendis, uel, si raræ sint, tantum succidendis, incendendisq; , & inarandis. At saxosum facile est expedire lectione lapidum, quorum si magna est abundantia, uelut quibusdam substructionibus partes agri sunt occupandæ, ut reliquæ emundentur: uel in altitudinem sulco depresso lapides obruendi, quod tamen ita faciendum erit, si suadebit operarum uilitas. Iunci & graminis perniciæ, repastinatio est: filicis frequens extirpatio, quæ uel aratro fieri potest, quoniam intra biennium sæpius conuulse moriuntur: celerius etiam, si eodem tempore stercores, & lupino uel faba conseras, ut cum aliquo reddito medearis agri uitio. Nanque constat filicem sationibus & stercoratione facilius interimi. Verum & si subinde nascentem falce decidas, quod uel puerile opus est, intra prædictum tempus uiuacitas eius absumitur. Sed iam expediendi rudis agri rationem sequitur cultorum noualium cura, de qua mox quid censeam profitebor, si quæ antiè discenda sunt aruorum studiosis præcepero. Plurimos antiquorum, qui de rusticis rebus scripserunt, memoria repeto, quasi confessa, nec dubia signa pinguis, ac frumentorum fertilis agri prodidisse, dulcedinem soli propriam herbarum & arborum prouentum, nigrum colorem uel cinereum. De cæteris ambigo, de colore satis admirari non possum cum alios, tum Cornelium Celsum, non solum agricolationis, sed uniuersæ naturæ prudentem uirum, sic & sententia, & uisu decrassæ, ut oculis eius tot paludes, tot etiam campi salinarum non occurrerent, quibus fere contribuuntur prædicti colores. Nullum enim temcre uidemus locum, qui modo pigrum contineat humorem, non eundem uel nigri, uel cinerei coloris, nisi fortè in eo fallor ipse, quod non putem aut in

solo limosæ paludis, & uliginis amare, aut in maritimis
 arcis salinarum gigni posse iacta frumenta: sed est manife-
 stior hic antiquorum error, quam ut pluribus argumentis
 conuincendus sit: non ergo color, tanquam certus auctor, te-
 stis est bonitatis aruorum. Et ideo frumentarius ager, id
 est pinguis magis alijs qualitatibus æstimandus est. Nam
 ut fortissimæ pecudes diuersos ac penè innumerabiles, sic
 etiam robustissimæ terræ plurimos & uarios colores sor-
 titæ sunt. Itaque considerandum crit, ut solum, quod exeo-
 lere destinamus, pingue sit. Per se tamen id parum est, si
 dulcedine caret, quod utrunque satis expedita nobis ratio-
 ne contingit discere: nam perexigua conspergitur aqua
 gleba, manuq; subigitur, ac si glutinosa est, & quouis leuif-
 simo tactu pressa inhærescit, & picis in morem ad digitos
 lentescit habedo, ut ait Vergilius. Eademq; illisa humo non
 dissipatur, ea res admonet nos inesse tali materiæ natura-
 lem succum, & pinguitudinem. Sed & si uelis scrobibus
 egestam humum recondere, & recalcare, cum aliquo qua-
 si fermento abundauerit, certum crit esse eam pinguem:
 cum defuerit, exilem: cum æquauerit, mediocrem: quan-
 quam ista quæ nunc reuuli, non tam uera possunt uideri,
 quam si sit pullula terra, quæ melius prouentu frugum ap-
 probatur. Sapore quoque sic dignoscemus, si ex ea parte
 agri, quæ maxime displicebit, effossæ glebæ, & in fictili
 uase madefactæ, dulci aqua permisceantur, ac more seculæ-
 ti uini diligenter colatæ gustu explorentur: nam qualem
 traditum ab eis retulerit humor saporem, talem esse dice-
 mus eius soli: sed citra hoc experimentum multa sunt, quæ
 & dulcem terram, & frumentisabilem significant, ut iun-
 cus, ut calamus, ut gramen, ut trifolium, cbulū, rubi pruni
 syluestres, & alia cōplura, quæ etiam indagatoribus aquarū

poti, non nisi dulcibus terræ uenis educantur. Nec con-
 entos esse nos oportet prima specie summi soli, sed dili-
 genter exploranda est inferioris materiæ qualitas, terrena
 nec ne sit. Frumentis autem sat crit, si æquè bona suberit
 bipedana humus: arboribus altitudo quatuor pedum abun-
 dante est. Hæc cum ita explorauerimus, agrum sationibus sã-
 tiundis, expediemus. Is autem non minimum exuberat, si
 turior se & scite subigitur: quare antiquissimi fere omnes
 formam huius operis conscripsere, quam uelut scita le-
 gemq; in proscindendis agris sequantur agricolæ. Igitur
 in opere boues arctè iunctos habere conuenit, quò specio-
 sius ingrediantur sublimes, & elatis capitibus, ac munus
 colla eorum labefactentur, iugumq; melius aptum cerui-
 cibus insadat. Hoc enim genus iuncturæ maxime proba-
 tum est. Nam illud, quod in quibusdã prouincijs usurpa-
 tur, ut cornibus illigetur iugum, fere repudiatum est ab
 omnibus, qui præcepta rusticis conscripserunt, neq; imme-
 rito: plus enim queunt pecudes collo & pectore conari,
 quàm cornibus. Atque hoc modo tota mole corporis, to-
 toq; pondere nituntur: at illo, retractis & resupinis ca-
 pitibus excruciantur, ægreq; terræ summam partem le-
 uari admodum uomere sauciant. Et ideo minoribus ara-
 tris moliuntur, qui non ualent aliè perfossam noualium
 terram rescindere: quod cum fit, omnibus uirentibus plu-
 rimum confert: nam penitus aruis sulcatis maiore incre-
 mento segetum, arborumq; scetus grandescunt. Et in hoc
 igitur à Celso dissentio, qui reformidans impensam, quæ
 scilicet largior est in amplioribus armētis, censet exiguis
 uomeribus & dentalibus terrā subigere, quò minoris for-
 mæ bubus administrari id possit, ignorans plus esse redi-
 tus in ubertate frugum quam impendij, si maiora merce-
 mur

mur armenta, præsertim in Italia, ubi arbutis atq; oleis
 confitus ager altius rosolui ac subigi desiderat, ut & sum-
 mæ radices uitium, olearumq; uomericibus rescindantur:
 quæ si maneant, frugibus obsint, & inferiores penitus sub-
 acto solo facilius capiant humoris alimentum. Potest ta-
 men illa Celsi ratio Numidiæ, & Aegypto conuenire, ubi
 plerunq; arboribus uiduum solum frumentis seminatur.
 Atq; eiusmodi terrâ pinguibus arcnis putrem ueluti cine-
 rem solutam, quamuis leuissimo dente moueri satis est. Bu-
 bulcum autem per proscissum ingredi oportet, alternisq;
 uersibus obliquum tenere aratrum, & alternis recto ple-
 noq; sulcare, sed ita, necubi crudum solum, & immotum
 relinquat, quod agricolæ scamnum uocant. Boues, cum
 ad arborem uenerint, fortiter retinere ac retardare, ne in
 radicem maiore nisu uomis impactus colla commoueat,
 neue aut cornu bos ad stipitem uehementius offendant,
 aut extremo iugo truncum delibet, ramumq; deplantet,
 uoce potius quam uerberibus terreat. Vltimaq; sint opus
 recusantibus remedia, plagæ. nunquam stimulo lacessat
 iuuenicum, quod retractantem, calcitrosumq; eum reddit,
 nonnunquam tamen admoncat flagello. Sed nec in media
 parte uersuræ consistat, detq; requiem in summa, ut spe-
 cessandi totum spatium bos agilis enitatur. Sulcum au-
 tem ducere longiorem, quam pedum centumviginti, con-
 trarium pecori est, quoniam plus æquo fatigatur, ubi hunc
 modum excessit. Cum uentum erit ad uersuram, in priore
 partem iugū propellat, & boues inhibeat, ut colla eorum
 refrigescant, quæ celeriter conflagrant (nisi assidue refri-
 gerentur) & ex eo tumor, ac deinde ulcera inuadunt. Nec
 minus dolabra, quam uomere bubulcus utatur, & præfra-
 ctas stirpes, summasq; radices, quibus arbusto consi-

us implicatur, omnes refodiat, ac persequatur.

Quæ cura adhibenda sit bubus ab opere.

disiunctis.

CAP. III.

BOUES cùm ab opere disiunxerit substrictos confricet, manibusq; comprimat dorsum, & pellem reucllat, nec patiatur corpori adherere, quia id genus morbi maxime est armētis noxiū. Colla subigat, merumq; faucibus, si æstuaauerint, infundat. Satis autē est singulis binos sextarios præbere: sed antè ad præsepia boues religari non expedit, quàm sudare, atq; anhclare desierint: cum deinde tempestiuè potuerint uesci, non multum, nec uniuersum cibum, sed partibus & paulatim præbere conuenit. Quem cùm absumpserint, ad aquam duci oportet, sibi loq; illectari, quò libentius bibant, tum demum reductos largiori pabulo satiari. Hactenus de officio bubulci dixisse abunde est. Sequitur, ut tempora quoque subigendi arui præcipiamus.

Quo tempore campi arandi sint, &

quomodo.

CAP. IIII.

PINGUES campi, qui diutius continent aquam, proscindendi sunt anni tempore iam incalescente, cùm omneis herbas ediderint, neq; adhuc earum semina maturerint, sed tam frequentibus densisq; sulcis arandi sunt, ut uix dignoscatur in utram partem uomer actus sit, quoniam sic omnes radices herbarum perruptæ necantur. Sed & compluribus iterationibus sic resoluatur ueruactum in puluerem, ut uel nullam, uel exiguam desideret occationem, cùm seminauerimus. Nam ueteres Romani dixerunt male subactum agrum, qui satis frugibus occandus sit: eum porrò an rectè aretur, frequenter explorare debet agricola. Nec tantum uisu, qui fallitur nonnunquam,

super

superfusa terra latentibus scamnis, uerumetiam tactu, quibus manus decipitur, cum solidi rigoris admota pertica transuersis sulcis inseritur: ea si æqualiter, ac sine offensione penetrauit, manifestum est totum solum deinceps esse motum: sin autem subeunti durior aliqua pars obstitit, crudum ueruactum esse demonstrat. Hoc cum sæpius bulbulci fieri uident, non committunt scamna facere. Igitur uliginosi campi proscindi debent post Idus mensis Aprilis. Quo tempore cum arati fuerint diebus interpositis circa solstitium, quod est nonum uel octauum Calendas Iulias, iteratos esse oportebit ac deinde circa Septembris Calendas tertiatos. Cum id tempus ab æstiuo solstitio conuenit inter peritos rei rusticæ non esse arandum, nisi si magnis, ut fit nonnunquam, ac subitaneis imbris, quasi hybernis pluuijs terra permaduerit. Quod cum accidit, nihil prohibet, quo minus mensis Iulio ueruacta subigantur: sed quandocunque arabitur, obseruabimus, ne lutosus ager tractetur, ne ue exiguis nimbus senam adidus, quam terram rustici uariam cariostamq; appellant. Ea est cum post longas siccitates leuis pluuia superiorem partem glebarum madefecit, inferiorem non attingit. Nam quæ limosa uersantur arua, toto anno desinunt posse tractari, nec sunt habilia sementi, aut occationi, aut sationi. At rursus, quæ uaria subacta sunt, continuo triennio sterilitate afficiuntur. Medium igitur temperamentum maxime sequamur in arandis agris, ut neq; succo careant, nec abundant uligine. Quippe nimius humor, ut dixi, limosos, lutososq; reddit: at quæ siccitatibus aruerunt, expediri probe non possunt, nam uel respuitur duritia soli dens aratri, uel si qua parte penetrauit, non minutè diffundit humum, sed uastos cespites conuellit, quibus

us obiacentibus impeditum aruum minus rectè potest ite-
 rari, quia ponderibus glebarum, sicut aliquibus obstanti-
 bus fundamentis uomis à sulco repellitur: quo cuenit, ut in
 iteratione quoque scamna fiant, & boues iniquitate operis
 maximè mulietur. Accedit huc, quòd omnis humus quam-
 uis letissima, tamen inferiorem partem iciuniorem habet,
 eamq; attrahūt excitatæ maiores glebæ. Quòd euenit, ut in-
 fecundior materia iusta pinguiori segetem minus ubcrem
 reddat, tum etiam ratio rustici aggrauatur exiguo profe-
 ctu operis. Iusta enim fieri nequeunt, cum induruit ager.
 Itaque siccitatibus censeo quod iam profcissum est, iterare.
 pluuiamq; opperiri, quæ madefacta terra, facilem nobis
 culturam præbeat. Sed iugerum talis agri quatuor ope-
 ris expeditur: nam commodè profcinditur duabus, una
 iteratur, tertiatur dodrante, in liram statim redigitur qua-
 drante opere. Liras autem rustici uocant easdem porcas,
 cum sic aratum est, ut inter duos latius distantes sulcos me-
 dius cumulus siccam sedem frumentis præbeat. Colles pin-
 guis soli peracta satione trimestri mense Martio, si uerò
 tepor coeli, siccitasq; regionis suadebit, Februario statim
 profcindendi sunt. Deinde de Aprili medio usque in sol-
 stitium iterandi, tertiandiq; . Septembri, circa æquino-
 ctium ac totidem operis, quot uliginosi cāpi excolitur iu-
 gerum talis agri. Sed in arando maximè est obseruandum,
 semper ut transuersus mons sulcetur. Nam hac ratione dif-
 ficultas accliuatatis infringitur, laborq; pecudum, & ho-
 minum commodissimè sic minuitur. Paulum tamen quo-
 tiescunque iterabitur, modo in clatiora, modo in depres-
 siora cliui obliquum agi sulcum oportebit, ut in utranque
 partem rescindamus, nec eodem uestigio terram moliamur.
 Exilis ager planus, qui aquis abundat, primum aretur,
 ultima

ultima in parte mensis Augusti. Subinde Septembri sit iteratus, paratusq; sementi circa æquinoctium. Expeditior autem labor eiusmodi solo est, eò quòd pauciores impenduntur operæ, nam tres uni iugero sufficiunt. Item graciles cliui non sunt æstate arandi, sed circa Septembres Calendas: quoniam si ante hoc tempus proscinditur, effœta, & sine succo humus æstiuo sole peruritur, nullasq; uirium reliquias habet. Itaque optimè inter Calendas, & Idus Septēbris aratur, ac subinde iteratur, ut primis pluuijs æquinoctialibus conseri possit: neque in lira, sed sub sulco talis ager seminandus est.

Exilis terra quomodo stercoretur. CAP. V.

PRius tamen, quàm exilem terram iteremus, stercorare conueniet, nam eo quasi pabulo gliscit. In campo rarius, in colle spissius, acerui stercoris instar quinque modiorum disponentur, atque in plano pedes interualli quoquo uersus octo, in cliuo duobus minus relinqui sat erit, sed id nobis decrescente luna fieri placet, nam ea res herbis liberat segetes. Iugerum autem desiderat, quod spissius stercoratur, uehes quatuor & uiginti, quod rarius, duodeuiginti. Disiectum deinde protinus finum inarari, & obrui conuenit, ne solis halitu uires amittat, & ut permista humus prædicto alimento pinguescat. Itaque cùm in agro disponentur acerui stercoris, non debet maior modus eorum dissipari, quàm quem bubulci eodem die possint obruere.

De generibus seminum.

CAP. VI.

QUoniam sementi terram docuimus præparare, nunc seminum genera persequemur. Prima, & utilissima sunt hominibus frumenta, triticum, & semen adonideum. Tritici genera complura cognouimus. Verum ex his maxime serendum

erendum est, quod robus dicitur, quoniam et pondere, et
 uitore præstet. Secunda conditio est habenda siliginis, cu-
 ius species in pane præcipua pondere deficitur. Tertium
 erit trimestre, cuius usus agricolis gratissimus. Nam ubi
 propter aquas, aliam uel causam matura satio est omissa,
 præsidium ab hoc petitur. Id genus est siliginis. Reliquæ
 tritici species, nisi si quos multiplex uarietas frugum, et
 inanis delectat gloria, superuacuae sunt. Adorei autem ple-
 runq; uidimus in usu genera quatuor. Far, quod appellatur
 clusinum, candoris nitidi. Far, quod uocatur uennuculum
 rutilum, atq; alterum candidum, sed utrunq; maioris pon-
 deris, quam clusinum. Semen trimestre, quod dicitur hali-
 castrum, idq; pondere, et bonitate est præcipuum. Sed hæc
 genera tritici, et adorei, propterea custodienda sunt agri-
 colis, quod raro quisquam ager ita situs est, ut uno semine
 contenti esse possimus, interueniente parte aliqua uel uligi-
 nosa, uel arida. Triticum autem sicco loco melius coalescit.
 Adorcum minus infestatur humore.

De generibus leguminum. CAP. VII.

Leguminum genera cum sint complura, maxime gra-
 ta, et in usu hominum uidentur, faba, lenticula, pi-
 sum, phaselus, cicer, cannabis, milium, panicum, sesama,
 lupinum, linum etiam, et ordeum, quia ex eo ptisana est.
 Item pabulorum optima sunt medica, et fœnum Græcum,
 nec minus uicia. Proxima deinde cicera, et eruum, et far-
 rago, quæ est ex ordeo: sed de his prius differemus, quæ no-
 stra causa seminantur, memores antiquissimi præcepti, quo
 monemur, ut locis frigidis nouissime, tepidis celerius, cali-
 dis ocysime scramus. Nunc autem proinde, ac si tempera-
 te regioni præcepta dabimus.

Quod sit seminandi tempus. CAP. VIII.

d

Placet

PLacet nostro poetæ adorem, atque etiam triticum non ante seminare, quàm occiderint Vergiliæ, quod ipsum numeris sic edisserit:

At si triticeam in messem, robustaq; farra

Exercebis humum, solisq; instabis aristis,

Ante tibi coe Atlantides abscondantur.

Absconduntur autem altero & trigésimo die post autumnale æquinoctium, quod fere conficitur nono Calend. Octobris, propter quod intelligi debet tritici satio dierum sex & quadraginta ab occasu Vergiliarum, qui fit ante diem 1 x. Calend. Nouemb. ad Brumæ tempora. Sic enim seruant prudentes agricolæ, ut quindecim diebus prius, quàm conficiatur bruma, totidemq; post eam confectam neque arent, neque uitem, aut arborem putent. Nos quoque non ambigimus in agro temperato, & minime humido sementem sic fieri debere. Cæterum locis uliginosis atque exilibus, aut frigidis, aut etiam opacis plerunq; citra Calendas Octobris seminare conuenire, dum sicca tellure licet, dum nubila pendent, ut prius conualescant radices frumentorum, quàm hybernis imbribus, aut gelicidijs, pruinis'ue infestentur. Sed quamuis tempestiue sementis confecta erit, cauebitur tamen, ut patentis liras, crebrosq; sulcos aquarios, quos nonnulli elices uocant, faciamus, & omnem humorem in colliquias, atq; inde extra segetes deriuemus. Nec ignoro quosdam ucteres autores præcepisse, ne seminarentur agri, nisi cum terra pluuijs permaduisset. Quod ego, si tempestiue competat, magis conducere agricolæ non dubito. Sed si, quod cuenit nonnunquam, feri sunt imbres, quamuis sitienti solo recte semen committitur, idq; etiam in quibusdam prouincijs, ubi status cœli talis est, usurpatur. Nam quod sicco loco ingestum, & in-

occatum

peccatum est, perinde ac si repositum in horreo non cor-
rumpitur: atq; ubi uenit imber multorum dierum semen-
tis uno die surgit. Tremellius quidē asseuerat, prius quā
impleuerit, ab auibus, aut formicis sata edi, ubi ~~est~~ sere-
nitatibus ager aret. Idq; etiam sæpius non experti, uerum
adhuc esse comperimus. Magis apte tamen in eiusmodi a-
gris adorem, quā triticum seritur, quoniam folliculum,
quo continetur, firmum & durabilem aduersus longioris
temporis humorem habet.

Quot seminum modios iugerum
postulet, & medicinæ
seminum. C A

C A P. IX.

I Vgerum agri pinguis plerumque modios tritici quatuor, mediocris quinque, postulat: adorea modios novem, si est letum solum, si mediocre, decem desiderat. Nam quamvis de mensura minus autoribus convenit, hanc tamen uideri commodissimam docuit noster usus, quem si quis sequi recusat, utatur præceptis eorum, qui bene uberem campum in singula iugera tritici quinque, & adorea octo modijs observare præcipiunt. Atque hac portione mediocribus agris semina præbenda censent. Nobis ne istam quidem, quam prædiximus, mensuram semper placet servari, quod eam uariat aut loci, aut temporis, aut cœli conditio. Locis, cum uel in campis, uel collibus frumentum seritur, atque his uel pinguibus, uel mediocribus, uel macris. Temporibus, cum autumno, aut etiam ingruente hyeme frumenta iacimus. Nam prima sementis rarius serere permittit, nouissima spissius postulat. Cœli, cum aut pluuium, aut siccum est. Nam illud idem quod prima sementis, hoc quoque ultima desiderat. Omne autem frumentum maxime campo patente, & ad solem prono, apricoque & soluto letatur. Collis enim quamuis

d 2 granum

granum robustius aliquanto, minus tamen tritici reddit. Densa, cretosa^{que} & uliginosa humus siliginem, & far adorem non incommode alit. Ordeum nisi solutum, & siccum locum non patitur. Atque illa uicibus annorum requietum, agitatum^{que} alterius, & quàm latissimum uolunt aruum. Hoc nullam mediocritatem postulat: nam uel pingui^{ssima}, uel macerrima humo iaciatur, perit: illa post continuos imbres, si necessitas exigat, quamuis adhuc limoso & madente sole sparseris, iniuriam sustinent. Hoc si lutoso commiseris, emoritur. Siliginis autem, uel tritici, si mediocriter cretosus uliginosus^{ue} ager est, etiam paulò plus, quàm ut prius iam dixi, quinque modijs ad sationem opus est. At si siccus, & resolutus locus, idemq; uel pinguis, uel exilis est, quatuor: quoniam & e contrario macer tantundem seminis poscit. Nam nisi rare conseritur, uanam, & minutam spicam facit. At ubi ex uno semine pluribus culmis frutificauit, etiam ex rara segete densam facit. Inter cætera quoque non ignorare debemus, quintam partem seminis amplius occupare agrum consitum arbusto, quàm uacuum, & apertum. Atque adhuc de satione autumnali loquimur, hanc enim potissimam ducimus. Sed & est altera, cum cogit necessitas, trimestrem uocant agricolæ. Ea locis prægelidis ac uinosi^s, ubi æstas est humida, & sine uaporibus, rectè committitur. Cæteris admodum raro respondet, quam tamen ipsam celeriter, & utique ante æquinoctium uernum conueniet peragere. Si uero locorum, & coeli conditio patietur, quantò maturius seuerimus, tantò commodius proueniet. Neque enim est ullum, sicut multi crediderunt, natura trimestre semen, quippe idem iactum autumnno melius respondet. Sed sunt nihilo minus quedam alijs potiora, quæ sustinent ueris tepores,

tepores, ut siligo, & ordeum galaticum, & halic astrum, granum' que fabæ marsicæ. Nam cætera robusta frumenta semper ante hyemem seri debent in regionibus temperatis. Solet autem falsam nonnunquam & amaram uliginem uomere terra, que quamuis natura iam sata manante noxio humore corrumpit, & locis glabrentibus sine ulla stirpe seminum arcas reddit. Ea glabreta signis adhibitis notari conuenit, ut suo tempore uitij eiusmodi mcedamur. Nam ubi uel uligo, uel aliqua pestis segetem enecat, ibi columbinum stercus, uel si id non est, folia cupressi conuenit spargi, & inarari. Sed antiquissimum est, omnem inde humorem, facto sulco, deducere, aliter uana erunt prædicta remedia. Nonnulli pelle hyenæ satoriam trimodiam uestiunt, atque ita ex ea, cum paulum immorata sunt semina iaciunt, non dubitantes prouentura, quæ sic sata sint. Quædam etiam subterraneæ pestes adultis segetes radicibus subsectis enecant. Id ne fiat, remedio est, aquæ mistus succus herbæ, quam rustici sedum appellant: nam hoc medicamine una nocte semina macerata iaciuntur. Quidam cucumeris anguinei humorẽ expressum, & eiusdem tritam radicem diluunt aqua, similiq; ratione madefacta semina terræ mandant. Alij hac eadem aqua uel amurca insulsa, cum cœpit infestari seges, perfundunt sulcos, & ita noxia animalia summouent. Illud deinceps præcipiendum habeo, ut de messis segetibus iam in area futuro semini cōsulamus. Nam quod ait Celsus, ubi mediocris est fructus, optimam quanq; spicā legere oportet, separatimq; ex ea semen reponere: cum rursus amplior messis prouenerit, quidquid exteretur, capisterio expurgandum erit, & semper quod propter magnitudinem ac pōdus in imo subsederit, ad semen reseruandum: nam id plurimum prodest,

quia quamuis celerius locis humidis, tamen etiam siccis frumenta degenerant, nisi cura talis adhibeatur. Neque enim dubium est, ex robusto semine posse fieri non robustum: quod uerò protinus exile natum sit, nunquam robur accipere manifestum est. Ideoq; Vergilius cum & alia tum & hoc de seminibus præclare sic disseruit:

Vidi ego lecta diu, & multo spectata labore

Degenerare tamen, ni uis humana quotannis

Maxima quæque manu legeret, sic omnia fatis

In peius rueret, ac retro sublapsa referri.

Granum autem rutilum si, cum disjunctum est, eundem colorem interiorem habet, integrum esse non dubitamus. Quod extrinsecus albidum, intus etiam conspicitur candidum, leue, ac uanum intelligi debet: nec nos tanquam optabilis agricolis fallat siligo. Nam hoc tritici uitium est, & quamuis candore præstet, pondere tamen uincitur. Verum in humido statu cœli recte prouenit, & ideo locis manantibus magis apta est. Nec tamen ea longè nobis, aut magna difficultate requirenda est. Nam omne triticum solo uliginoso post tertiam sationem conuertitur in siliginem. Proximus est his frumentis usus ordei, quod rustici hexastichum, quidam etiam cantherinum appellant, quoniam & alia animalia, quæ ruri sunt, melius quàm triticum, & hominem salubrius quàm malum triticum pascit. Nec aliud in egenis rebus magis inopiam defendit. Seritur soluta, sicq; terra, & uel præualida uel exili, quia constat arua segetibus eius macescere: propter quod pinguißimo agro, cuius nimis uiribus noceri non possit, aut macro, cui nihil aliud committitur. Altero sulco seminari debet post æquinoctium media ferè sementi, si lato solo: si gracili, maturius. Iugerum quinque modi occupabunt

pabunt. Id'que ubi paulum maturuerit, festinantius, quam ullum aliud frumentum demetendum crit. Nam & fragili culmo, & nulla uestitum palea granum eius celeriter decidit, iisdem'que de causis facilius teritur, quam cætera. Sed cum eius messem sustuleris, optimum est noualia pati anno cessare: si minus, stercore saturare, & omne uirus, quod adhuc inest terræ, propulsare. Alterum quoque genus ordei est, quod alij distichum, galaticum nonnulli uocant, ponderis, & candoris eximij, adeò ut tritico mistum egregia cibaria familiæ præbeat. Scriitur quam pinguisimis, sed frigidis locis circa Martium mensem. Melius tamen respondet, si clementia hyemis permittit, cum seminatur circa Idus Ianuarias. Iugerum sex modios postulat. Inter frumenta etiam panicum & milium ponenda sunt, quamuis iam leguminibus ea contribuerim: nam multis regionibus cibarijs eorum coloni sustentur. Leuem, solutam'que humum desiderant. Nec in sabuloso solo, sed in arena quoque proueniunt, modò humido cælo, uel riguo solo, nam siccum cretosum'que reformidant. Ante uer feri non possunt, quoniam temporibus maxime lætantur: ultima tamē parte Martij mensis commodissimè terræ committuntur. Nec impensa graui sationem cultoris onerant, quippe sextarijs fere quatuor iugerum implent. Frequentem tamen exigunt sarritionem, & runcationem, ut herbis liberentur. Ea cum spicas ediderunt, prius quam semina hient æstibus, manu carpuntur, & suspensa in sole cum assiccata fuerint, recoduntur, atq; ita reposita percennant diutius quam cætera. Panis ex milio conficitur, qui ante quam refrigescat, sine fastidio potest absumi. Panicum pinsitum, & euolutum fursure, sed & milium quoque pultem, quauis inopia, maxime

cum lacte non fastidiendam præbet.

Quod solum cuiq; legumini
conueniat.

CAP. X.

Quoniam de frumentis abunde præcepimus, de leguminibus deinceps disseramus. Lupini prima ratio est, quod & minimum operarum absument, & uilissimi emittur, & maxime ex ijs, quæ feruntur, iuuat agrum. Nam uincis iam emaciatis, & aruis optimum stercus præbet, ac uel effæcto solo prouenit, uel repositum in grandario patitur æuum. Boues per hycmem coctum maceratumq; probe alit. Famem quoq; si sterilitas annonæ incessit hominibus, commodè propulsat. Spargitur statim ex area. Atque id solum omnium leguminum non desiderat requiem in horreo, siue Septembri mense ante æquinoctium, seu protinus à calendis Octobris crudis noualibus ingeras. Et qualitercunque obruas, sustinet coloni negligentiam. Teporem tamen autumnii desiderat, ut celeriter confirmetur. Nam si non ante hycmem conualuerit, frigoribus affligitur. Reliquum quod seminis superest, in tabulatum, quod fumus peruenit, optime reponis. quoniam si humor inuasit, uermes gignit, qui simulatq; oscilla lupinorum cederunt, reliqua pars enasci non potest. Id, ut dixi, exilem amat terram, & rubricam præcipuè. Nam cretam reformidat, limosoq; non exit agro. Iugerum decem modij occupant. Ab hoc rectè phaselus terræ mandabitur, uel in ueruactio, uel melius pingui, & restibili agro. Nec amplius quatuor modijs iugerum obseritur. Similis quoque ratio est pisi, quod tamen facilem, & solutam terram desiderat, tepidumq; locum & cælum frequentis humoris. Eadem mensura iugerum, uel modio minus quam phaselum, licet obserere primo tempore sementis ab

tis ab æquinoctio autumnali. Fabæ pinguiſſimus locus,
 uel ſtercoratus deſtinatur, & ſi ueruaetum erit in ualle
 ſitum, quod à ſuperiore parte ſuccum accipit, prius tamen
 faciemus ſemina, deinde proſcindemus terram, proſciſſamq;
 in liram reuocabimus, occabimusq;, quo altius largiore
 humo contegatur. Nam id plurimum reſert, ut radices ena-
 torum ſeminum penitus demerſæ ſint. Sint autem proxi-
 mæ meſſis, occupandum erit reſtibile, deſectis ſtramentis
 quatuor & uiginti uehes ſtercoris in iugerum diſpone-
 mus, diſſipabimusque. Et ſimiliter cum ſemen crudo ſo-
 lo ingeſſerimus, inarabimus, imporcaturumque occabimus,
 quamuis ſint, qui negent locis frigidis oportere occari fa-
 bam, quia extantes glebæ à gelicidijs adhuc eam teneram
 uindicent, & aliquem teporem frigori laboranti præbe-
 ant. Sunt etiam qui putent in aruiſ hanc eandem uice ſter-
 coris fungi, quod ſic ego interpretor, ut exiſtimem non ſa-
 tionibus eius pingueſcere humum, ſed minus hanc quam
 cætera ſemina uim terræ conſumere. Nam certum habeo
 frumentis utiliorem agrum eſſe, qui nihil, quam qui iſtam
 ſiliquam proximo anno tulerit. Iugerum agri, ut Tre-
 mellio, quatuor, ut nobis uidetur, fabæ ſex occupant mo-
 dij, ſi ſolum pingue ſit: ſi mediocri paulò amplius. Eaque
 nec macrum, nec nebulosum locum patitur. Densa ta-
 men humo ſepe commodereſpondet. Media ſementi pars
 ſeri, & pars ultima debet, quæ ſeptimuncialis ſatio di-
 citur. Tempeſtiua frequentius, nonnunquam tamen ſe-
 ra, melior eſt. Poſt brumam parum rectè ſcritur peſſimè
 uere, quamuis ſit etiam trimestris faba, quæ menſe Februa-
 rio ſeratur. quinta parte amplius, quam matura, ſed exi-
 guas paleas, nec multam ſiliquam facit. Veteres itaq; ru-
 ſticos plerunque dicenteis audio, malle ſe matura fabalia

quàm fructum trimestrem. Sed quocunque tempore anni
seretur, opera danda erit, ut quantum destinauerimus in
sationē, tantum quintadecima luna, si tamen ea non trans-
curret eo die solis radios, quod Græci ἀπὸ ναυαρίῳ uocant.
Si minus, quartadecima utiq; adhuc crescente lumine spar-
gatur, etiam si confestim totum semen operiri non pote-
rit. Nihil enim nocebitur ei nocturnis roribus, alijs'ue ex
causis, dum à pecore et auibus uindictetur. Priscis autem
rusticis, nec minus Vergilio prius anurca, uel nitro ma-
cerari eam, et ita scri placuit:

Latior ut foetus siliquis fallacibus esset.

Et quamuis igni exiguo properata maderent.

Nos quoq; sic medicatam cōperimus, cum ad maturitatem
perducta sit, minus à curculione infestari. Sed et illud
quod deinceps dicturi sumus, experti præcipimus, silente
luna fabam uellito ante lucē. Deinde cū in arca exaruerit,
confestim prius quàm luna incrementum capiat, excussam
refrigeratamq; in granarium conferto. Sic condita à cur-
culionibus erit innoxia. Maximeq; ex leguminibus ea, et
sine iumentis teri, et sine uento purgari expeditissime si-
poterit. Modicus fasciculorum numerus resolutus in ex-
trema parte aræ collocetur, quem per longissimum eius,
mediumq; spatium tres uel quatuor homines promoucant
pedibus, et baculis furcillis ue contundant: deinde cum ad
alteram partem aræ peruenerint, in acruum culmos re-
gerant. Nam semina excussa in arca iacebunt, superq; ea
paulatim eodem modo reliqui fasciculi excutientur. Ac di-
rissime quidem acus resectæ, separatæq; erunt à cudenti-
bus: minutæ uerò, quæ de siliquis cum faba resederunt, ali-
ter secernentur. Nam cum acruus paleis, granisq; mistus
in unum fuerit coniectus, paulatim ex eo uentilabris per
longius

longius spatium iactetur, quo facto, palca, quæ leuior est, extra decidet: faba, quæ longius emittetur, pura eò perueniet, quo uentilator eam iaculabitur. Lentem sementi media, crescenti luna usq; in duodecimam, solo tenui & resoluta, uel pingui & sicco maxime loco seri conuenit: nam in flore facile luxuria & humore corrumpitur, quæ ut celeriter prodeat, & ingrandescat, antequam seratur, sîmo arido permisceri debet, & cum ita quatuor, aut quinque diebus requieuerit, spargi. Sationes eius duas seruamus, alteram maturam per mediam sementim, seriore alteram mense Februario. Iugerum agri paulò plus quam modius occupat. Ea ne curculionibus absumatur (nam etiam dum est in siliqua, estur) curandum erit, ut cum extrita sit, in aquam demittatur, & ab inani, quæ protinus innatat, separetur solida: tunc in sole siccetur, & radice silphij trita cum aceto aspergatur, defriceturq; atque ita rursus in sole siccata, & mox refrigerata recondatur, si maior est modus, in horreo: si minor, in uasis olearijs, salsamentaarijs quæ, quæ repleta cum confestim gypsata sint, quandocunq; in usus prompserimus, integram lentem reperiemus. Potest tamen etiam citra istam medicationem cineri mista commode seruari. Lini semen, nisi magnus est eius in ea regione quam colis prouentus, & pretium proeritat, serendum non est: agris enim præcipue noxium est: itaq; pinguißimum locum, & modice humidum poscit. Scribitur a Calend. Octob. in ortum Aquilæ, qui est VII. Idus Decemb. Iugerum agri octo modijs obseritur. Nonnullis placet macro solo quam spissißimum semen eius committi, quo tenue linum proueniat. Idem etiam si leto solo seratur mense Februario, X. modios in iugerum iaci oportere dicunt. Sesama, quæ rigantur maturius, quæ ca-

rent humore, ab æquinoctio autumnali serenda sunt, in Idus Octob. putre solum, quod Campani pullum uocant, plerunq; desiderant: non deterius tamen etiam pinguibus harenis, uel congestitia humo proueniunt: tantumq; seminis, quantum milium panicumq; interdum etiam duobus sextarijs amplius in iugerum spargitur. Sed hoc quidem semen Ciliciæ Syriæq; regionibus ipse uidi mense Iunio Iulioq; conscri, & per autumnum cum permaturuerit, tolli. Cicerula quæ ipso est similis, mense Ianuario, aut Februario feri debet læto loco, cœlo humido. Quibusdam tamen Italiæ locis ante Calend. Nouemb. feritur. Tres modij iugerum implent. Nec ullum legumen minus agro nocet, sed raro respondet, quoniam nec siccitates, nec austros in flore sustinet, quæ utraq; incommoda frere eo tempore anni sunt quo deflorescit. Cicer quod arietinum uocatur, itemq; alterius generis quod punicum, scri mense Martio toto potest, cœlo humido, loco quàm lætissimo. Nam etiam id terram lædit: atq; idco improbatur à callidioribus agricolis, quod tamen si feri debeat, pridie macerandum erit, ut celerius enascatur. Iugero modij tres abude sunt. Cannabis solum pingue stercoreatumq; & riguum, uel planum, atq; humidum, & alte subactum, deposcit. In quadratum pedem feruntur grana sex eius seminis Arcturo exoriente, quod est ultimo mense Februario circa sextum aut quintum Calend. Mart. Nec tamen usq; in æquinoctium ucrum, si sit pluuius cœli status, improbe feretur. Ab his leguminibus ratio est habenda naporum raporumq;, nam utraq; rusticos implent. Magis tamen utilia rapa sunt, quia & maiore incremento proueniunt, & non hominem solum, uerum etiam boues pascunt, præcipue in Gallia, ubi hyberna cibaria prædictis pecudibus id olus præbet. So-

um putre, & solutum res utraq; desiderat, nec densa nascitur humo. Sed rapa campis & locis humidis letantur. Napus deuexam amat, & siccam, tenuiq; propiorem terram. Itaque glareosis, sabulosisq; aruis melior exit, lociq; proprietates utriusque semen commutat. Nanque in alio solo rapa biennio sata conuertuntur in napum, in alio napus raporum accipit speciem. Riguīs locis utrunque recte ab solstitio scribitur, siccis ultima parte mensis Augusti, uel prima Septembris. Subactum solum pluribus iterationibus aratri uel rastri, largoq; stercore satiatum postulant. Nam id plurimum refert, non solum quod melius ea proueniunt, sed quod etiam post fructum eorum sic tractatum solum segetes opimas facit. Iugerum agri non amplius quatuor sextarijs raporum seminis obserendum est, quarta parte amplius napsi spargendum, quia non in uentrem lateſcunt, sed tenuem radicem deorsum agunt. Atque hæc hominum causa serenda censemus, illa deinde pecudum.

De genere pabulorum, & de medica, uicia,
farragine, auena, fœno græco,

eruo, & cicera. CAP. XI.

Pabulorum genera complura, sicut medicam, & uiciam, farraginem quoque ordaccam, & auenam, fœnum græcum, nec minus eruum, & cicera. Nam cætera neque enumerare, ac minus scribere dignamur, excepta tamen cythiso, de qua dicemus in ijs libris, quos de generibus surculorum conscripsimus. Sed ex ijs, quæ placent, eximia est herba medica, quod cum semel seritur, decem annis durat: quod per annum, deinde recte quater, interdum etiam sexies demetitur, quod agrum stercoreat, quod omne emaciatum armentum ex ea pinguescit, quod egrotanti pecori remedium est, quod iugerum eius toto anno

tribus

tribus equis abūde sufficit. Scriitur, ut deinceps præcipimus. Locum in quo medicam proximo uerè saturus es, proscindito circa Calendas Octobris, & cum tota hyeme putrescere finito. Deinde Calendis Februarijs diligenter iterato, & lapides omnes egerito, glebasq; effringito. Postea circa Martium mensem tertiato, & occato. Cū sic terram subegeris, in morem horti areas latas pedum denum, longas pedum quinquagenū facito, ut per semitas aqua ministrari possit. Aditusq; utraque parte runcantibus pateat: deinde uetus stercus inijcito, atque ita mense ultimo Aprilis scrito tantum, quantum ut singuli cyathi seminis locum occupent decem pedum longum, & quinque latum: quod ubi feceris, ligneis rastris id enim multum cōfert, statim iacta semina obruantur, nam celerime sole aduruntur. Post sationem ferro tangi locus non debet. Atq; ut dixi, ligneis rastris sarriendus, & identidem runcandus est, ne alterius generis herba inualidam medicam perimat. Tardius messē primam eius facere oportebit, cum iam seminum aliquam partem eiecerit. Posteaquam uoles teneram, cū profiluerit, deseces licet, & iumentis præbeas. Sed inter initia parcius, dum consuescant, ne nouitas pabuli noceat. Inflat enim, & multum creat sanguinem. Cum secueris autem, sæpius eam rigato. Paucos deinde post dies, ut cœperit fruticare, omneis alterius generis herbas eruncato. Sic culta, sexies in anno demeti poterit, & permanebit annis decem. Viciæ autem due sationes sunt. Prima, quam pabuli causa circa æquinoctium autumnale scriimus, septem modios eius in unum iugerum. Secunda, qua sex modios mense Ianuario, uel etiam serius iacimus semini prognerando. Vtraque satio potest cruda terra fieri, sed melius proscissa, idq;ue genus præcipue

præcipue non amat rores, cum feritur. Itaque post secundam dici horam, uel tertiam spargendum est, cum iam omnis humor sole uento uel deterius est: neque amplius proijci debet, quam quod eodem die possit operiri. Nam si nox incescit, quantulocunque humore prius, quam obruitur, corrumpitur. Obseruandum erit, ne ante quintam & trigessimam lunam terræ mandetur. Aliter satis ferè limacem nocere comperimus. Farraginem in restibili stercoreatissimo loco, & altero sulco serere conuenit. Ea fit optima cum cantherini ordeï decem modiis iugerum obseritur circa æquinoctium autumnale, sed impendentibus pluuijs, ut consita, rigataque imbribus celeriter prodeat, & confirmetur ante hyemis uiolentiam. Nam frigoribus cum alia pabula defecerunt, ea bubus cæterisque pecudibus optimè desecta præbetur, & si depascere sæpius uoles, usque in mensem Maium sufficit. Quod si etiam semen uoles ex ea percipere, à Calend. Martijs pecora depellenda, & ab omni noxa defendenda est, ut sit idonea frugibus. Similis satio auenæ, quæ autumnò sata, partim ceditur in foenum, uel pabulum, dum adhuc uiret, partim semini custoditur. Foenum Græcum, quod siliquam uocant rustici, duo tempora sationum habet, quorum alterum est Septembris mensis (cum pabuli causa feritur) iisdem diebus quibus uicia circa æquinoctium: alterum autem mensis Ianuarij ultimo, uel primo Februarij, cum in messem seminatur: sed hac ratione iugerum sex modiis, illa septem occupamus: utraque cruda terra non incommode fit: daturque opera, ut spissè aretur, nec tamen alte: nam si plus quatuor digitis adobrutum est, semen eius non facile prodit: propter quod nonnulli prius quam serant, minimis aratris proscindunt, atque ita iaciunt semina, & sarcu-

lis ad

lis adobruunt. Eruum autem latatur loco macro, nec humido, quia luxuria plerumque corrumpitur. Potest & autumnoferi, nec minus post brumam Ianuarij parte nouissima, uel toto Februario, dum ante calendas Martias: quem mensem uniuersum negant agricolæ huic legumini conuenire, quòd eo tempore satum pecori sit noxium, & præcipue bubus, quos pabulo suo cerebrofos reddat. quinque modijs iugerum obseritur. Cicera bubus erui loco, fresca datur in Hispania betica, quæ cum suspensa mola diuisa est, paulum aqua maceratur, dum lentescat. Atque ista mista paleis subtritis pecori præbetur. Sed erui duodecim libræ satisfaciunt uni iugo, cicerae sexdecim: eadem hominibus non inutilis, neque iniucunda est. Sapore certe nihilo differt à cicercula, colore tantum discernitur: nam est obsoletior, & nigro propior: scriitur primo uel altero sulco, mense Martio, ita ut postulat soli latitia: quòd eadem quatuor modijs, nonnunquam & tribus, interdum etiam duobus ac semodio iugerum occupat.

Quemadmodum, & quot operis unumquodque legumen colatur.

CAP. XII.

Quoniam quando quidque serendum sit persecuti sumus, nunc quemadmodum quotque operis singulorum, quæ retulimus colenda sint, demonstrabimus. Peracta sementi, sequens cura est sarritionis, de qua non conuenit inter autores. Quidam negant eam quicquam proficere, quòd frumenti radices sarculo detegantur, aliquæ etiam succidantur, ac si frigora inceserint, post sarritionem gelu frumenta enecentur. Satius autem esse ea tempestiue runcari & purgari. Pluribus tamen sarriri placet, sed neque eodem modo, neque iisdem temporibus usquequaque fieri. Nam in agris siccis & apricis, simulac pri-

miu

mum sarritionem pati queant segetes, debere eas permota
 terra adobruui, ut fruticare possint: quod ipsum ante hyemem
 fieri oportere, deinde post hyemem iterari. In locis autem
 frigidis, & palustribus plerumque transacta hyeme sarri-
 ri, nec adobruui, sed plana sarritione terram permoueri.
 Multis tamen nos regionibus aptam esse hyemalem sarri-
 tionem comperimus, duntaxat ubi & siccitas cœli, & tepo-
 res permittunt. Sed nec istud ubique fieri censemus, uerum
 incolarum consuetudine uti: sunt enim regionum propria
 munera, sicut Aegypti & Africa, quibus agricola post se-
 mentem, ante messem segetem non attingit, quoniam cœli
 conditio, & terræ bonitas ea est, ut uix ulla herba exeat,
 nisi ex semine iacto, siue quia rari sunt imbres, seu quia
 qualitas humi sic se cultoribus præbet. In ijs autem locis,
 ubi desideratur sarritio, non ante sunt attingendæ sege-
 tes, etiam si cœli status permittit, quam cum sata sulcos con-
 texerint. Triticumque & adonion cum quatuor fibras
 habere coeperint, ordeum cum quinque, faba & cætera
 legumina cum quatuor digitis à terra extiterit, recte sar-
 rientur. Excepto tamen lupino, cuius semini contraria
 est sarritio, quoniam unam radicem habet, quæ siue fer-
 ro succisa est, seu uulnerata, totus frutex emoriitur. Quod
 etiam si non fieret, superuacuum tamen esset cultus, cum
 sola hæc res adeò non infestetur herbis, ut ipsa herbas
 perimat. At aliæ segetes uel quæ humidæ moueri possunt,
 melius tamen sic sarriuntur, quoniam sic tractatæ
 non infestantur rubigine, hordeum uerò nisi siccissimum
 tangi non debet. Fabam multi ne sarriendam quidem
 putant, quòd & manibus, cum maturuerit, ducta secer-
 natur à cætera runcatione, & internatæ herbæ foeno re-
 cruentur. Cuius opinionis etiam Cornelius Celsus est,

qui inter cæteras dotes leguminis hanc quoque enumerat, quòd sublata faba fœnum ex eodem loco secari posse dicat. Sed mihi uidetur pessimi agricolæ, committere, ut satis herba proueniat. Frugibus enim plurimum detrahitur runcatio. Neque enim est rustici prudentis magis pabulis studere pecudum, quàm cibus hominum, cum præsertim liceat illa quoque cultu pratorum consequi: adeoq; fabam sarricendam censeo, ut existimem debere ter sarriri, nam sic cultam comperimus non solum multiplicare fructum, sed exiguam portionem in ualuulis habere. Frescæq; eius & expurgatæ modium pene tam plenum esse, quàm integræ, cum uix minuatur mensura detractis putaminibus. Atque in totum, sicut antè iam diximus, hyberna sarritio plurimum iuuat diebus serenis, ac siccis post brumam cōfectam mense Ianuario, si gelicidia non sint. Ea porrò sic debet fieri, ne radices satorum lædantur, & ut potius adobruantur, cumulisq; exaggerentur, ut latius se frutex humi diffundat. Id prima sarritione fecisse, proderit, secunda oberit, quia cum pullulare desijt frumentum, putrescit si adobrutum est. Nihil itaq; amplius in iteratione, quàm remoliri terra debet æqualiter: eamq; transacto æquinoctio uerno statim peragi oportet intra dies uiginti ante, quàm seges in articulum eat, quoniam serius sarritum corrumpitur in sequentibus æstiuis siccitatibus, & caloribus. Subiungenda deinde est sarritioni runcatio, curādumq; ne florentem segetem tangamus, sed aut antea, aut mox cum defloruerit. Omne autem frumentum, & hordæum, quicquid denique non duplici semine est, spicam à tertio ad quartum nodum emittit, & cum totam edidit, octo diebus deflorescit, ac deinde grandescit diebus quadraginta, quibus post florem ad maturitatem deuenit, Rur-

ſus quæ duplici ſemine ſunt, ut faba, piſum, lenticula, diebus
x l. florent, ſimulq; grandescunt.

Pro modo cuiuſq; agri quot operæ
deſignentur.

CAP. XIII.

ET ut iam percenſeamus quot operis in aream perdu-
cantur ea, quæ terræ credidimus. Tritici modij qua-
tuor, uel quinq; , bubulcorum operas occupant quatuor.
occatoris unam, ſarritoris duas primū, & unā cū iterum
ſarriuntur, runcatoris unam, meſſoris unam & dimidiam:
in totum ſumma operarum decem & dimidia. Siliginis
modij quinq; , totidem operas deſiderant. Sefami modij no-
uem, uel decem, totidem operas quot tritici modij quinq;
poſtulant. Hordei modij quinq; bubulci operas tres exi-
gunt, occatoriam unam, ſarritoriam unam & dimidiā, meſ-
ſoriam unam. Summa operarum ſex & dimidia. Fabæ mo-
dij quatuor, uel ſex, in ueruacto duas operas bubulcorum
detinent, at in reſtibili unam. Occantur ſeſquiopera, ſar-
riuntur ſeſquiopera, iterum ſarriuntur una opera, &
tertio una, metuntur una. Summa fit operarum octo, uel
ſeptem. Viciæ modij ſex, uel ſeptem, in ueruacto bubulco-
rum duas operas uolunt, in reſtibili unam: item occantur
una opera, metuntur una. Summa fit operarum quatuor
uel trium. Erui modij quinque totidem operis conſerun-
tur, occantur una: item ſingulis ſarriuntur, runcantur,
metunturq; : cuncta ſex operas occupant. Siliquæ modij
ſex, uel ſeptem totidem operis obruuntur, metuntur una.
Phaſcoli modij quatuor obruuntur totidem operis, occan-
tur una, metuntur una. Cicera, uel cicerculae modij qua-
tuor, operas bubulcorum tres poſtulant, occantur opera
una, runcantur una, uelluntur una. Summa fit ſex opera-
rum. Lentis ſeſquimodius totidē operas deſiderat, occatur

una, sarritur duabus, runcatur una, uellitur una. Summa fit operarū octo. Lupini modij decē, obtruuntur una, occantur una, metuntur una. Milij sextarij quatuor, totidemq; panici bubulcorū operas occupāt quatuor, occātur operis tribus, sarriuntur tribus: quot operis carpantur incertū est. Ciceris modij tres, operis totidē seminantur, occatur duabus, sarriuntur una, runcantur una, uelluntur tribus. Summa fit decē operarū. Lini decē modij, uel octo, quatuor iugis conseruntur, occantur operis tribus, runcātur una, uelluntur tribus. Summa fit undecim operarū. Sesami sextarij sex, tribus iugis à proscissione coluntur, occātur operis quatuor, sarriuntur quatuor, & sarriuntur iterū duabus, metuntur duabus. Summa fit operarum quindecim. Cannabis seritur, ut supra docuimus: sed incertū est quātam impēsā, curamq; desideret. At medica obruitur non aratro, sed ut dixi, ligneis rastellis. Iugerum agri eius occatur duabus, sarritur una, metitur una. Hac consummatione operarum colligitur posse agrum ducentorum iugerum subigi duobus iugis boum, totidemq; bubulcis, & sex mediastinis, si tamen uacet arboribus: at si sit arbuſtum, eundem modum Sacerna tribus hominibus adiectis asseuerat probe satis excoli: quæ nos ratio docet sufficere posse iugū boum tritici centum uiginti quinq; modijs totidemq; leguminum, ut sit in assem autumnalis satio modiorum ducentorum quinquaginta: & post hanc nihilominus conserat trimestrium modios quinq; & septuaginta. Hoc deinde sic probatur. Semina, quæ quarto sulco seruntur in iugeribus uiginti quinq; desiderant bubulcorū operas c x v. Nā proscinditur is agri modus, quamuis durissimū, quinquaginta operis, iteratur quinq; & uiginti, tertiatur & conseritur x l. Cætera legumina occupant operas l x. id est mēses duos.

Pluuiiales

pluuiiales quoq; & feriarum computantur, quibus non aratur, dies quinque; & x l. item peracta sementi, quibus requiescunt, dies x x x. Sic in asse fiunt octo menses, & dies x. Superfunt tamen de anno tres reliqui menses, & dies v. & xx. quos absumamus aut in satione trimestriū, aut in uecturis foeni, & pabulorum, & stercorum, aliorumq; utensilium.

Quæ legumina aruis noceant, quæq;
profint.

CAP. XIII.

Sed ex ijs, quæ retuli, seminibus, idem Saccrna putat. Alijs stercorari & iuuari agros, alijs rursus peruri, & emaciari. Stercorari lupino, faba, uicia, cruo, lente, cicercula, piso. De lupino nihil dubito, atq; etiam de pabulari uicia, si tamen cum uiridem defecta cōfestim aratrū subsequatur, & quod falx reliquerit prius quam inarescat, uomis rescindat, atq; obruat: id enim cedit pro stercore: nam si radices eius defecto pabulo relictæ inaruerint, succum omnem solo auferent, uimq; terræ absument. Quod etiam in faba, ceterisq; leguminibus, quibus terra gliscere uidetur, uerisimile est accidere, ut nisi protinus sublata messe eorū proscindatur, nihil ijs segetibus, quæ deinceps in eo loco seminari debet, profuturum sit. Ac de ijs quoq; leguminibus, quæ ueluntur, Tremellius obesse maxime ait solo uiridis cicris, & lini: alterū quia sit salis, alterum quia sit feruidæ naturæ, quod etiam Vergilius significat dicendo,

Vrit enim lini campum seges, urit auenæ,

Vrunt letheo perflusa papauera somno.

Neq; enim dubium, quin & ijs seminibus infestetur ager, sicut etiam milio, & panico. Sed omni solo, quod prædictorum leguminum segetibus fatiscit, una præsens medicina est, ut stercore adiuues, & absumptas uires hoc uelut pabulo refoucas. Nec tantū propter semina, quæ sulcis aratri

committuntur, uerum etiam propter arbores, ac uirgulta, quæ maiorem in modum letantur eiusmodi alimento. Quare si est, ut uidetur agricolis utilissimum, diligentius de eo dicendum existimo cum priscis autoribus, quamuis non omissa res, leui tamen admodum cura sit prodita.

De generibus stercoreis. CAP. XV.

TRia igitur stercoreis genera sunt præcipua, quod ex auibus, quod ex hominibus, quod ex pecudibus confit. Auium primum habetur, quod ex columbarijs egeritur. Deinde quod gallinæ, ceteræq; uolucres edunt exceptis tamen palustribus, aut nantibus, ut anatis & anseris: nam id noxiū quoq; est. Maxime tamen colubinum probamus, quod modice sparsum terram fermetare cōperimus. Secundum deinde quod homines faciunt, si & alijs uillæ purgamentis immisceatur, quoniam per se naturæ est feruentioris, & idcirco terram perurit. Aptior est tamen surculis hominis urina, quam sex mensibus passus sucris ueterascere, si uitibus aut pomorum arboribus adhibeas, nullo alio magis fructus exuberat: nec solum ea res maiorem facit prouentum, sed etiam saporem, & odorem uini, pomorumq; reddit meliorem. Potest & uetus amurca, quæ salem non habet, permixta hinc commodè frugiferas arbores, & præcipue oleas rigare. Nam per se quoque adhibita multum iuuat. Sed usus utriusq; maxime per hyemem est: & adhuc uere ante æstiuos uapores, dum etiam uites, & arbores ablaqueatæ sunt. Tertium locum obtinet pecudum stercus, atq; in eo quoque discrimen est, nam optimum existimatur, quod asinus facit, quoniam id animal lentissime mandit, ideoq; facilius concoquit, & bene cōfectum, atq; idoneum protinus aruo summum reddit. Post hæc quæ diximus, ouillum, & ab hoc caprinum est, mox cæterorum iumentorum, armentorumq;

Deterri

Deterrimum ex omnibus suillum habetur. Quinctiam fa-
 lis profuit cineris usus & fauillæ. Fruticx uero lupini succi-
 us optimi stercoris uim præbet. Nec ignoro quoddam es-
 se ruris genus, in quo neque pecora neque auis haberi
 possint, attamen inertis est rustici eo quoque loco defi-
 ci stercore. Licet enim quamlibet frondem, licet è ue-
 ribus compitisq; congesta colligere. Licet filicem sine
 iniuria uicini, etiam cum officio decidere, & permiscere
 cum purgamenti cortis. Licet depressa fossa, qualem ster-
 cori reponendo primo uolumine fieri præcipimus, cine-
 rem, coenumq; cloacarum, & culmos, cæteraq; quæ euer-
 runtur, in unum congerere, sed eodem medio loco robu-
 stam materiam defigere conuenit: nanq; ea res serpentum
 noxam latere in stercore prohibet. Hæc ubi uiduus pecu-
 dibus ager, nam ubi greges quadrupedum uersantur, quæ-
 dam quotidie, ut culina, & caseale, quædam pluuijs diebus,
 ut bubilia, & ouilia debent emundari. At si tantum frumen-
 tarius ager est, nihil refert genera stercoris separari, sin au-
 tem surculo, & segetibus, atq; etiam pratis fiendus est dispo-
 situs, generatim quoque reponendum est, sicut caprarum
 & auium. Reliqua deinde in prædictum locum concauum
 congerenda, & assiduo humore satianda sunt, ut herba-
 rum semina culmis, cæterisq; rebus inuoluta putrescant.
 Aestiuis deinde mensibus non aliter, ac si repastines, totum
 sterquilinum rastris permisceri oportet, quo facilius pu-
 trescat, & sit aruis idoneum. Parum autem diligentes exi-
 stimo esse agricolas, apud quos minores singulæ pecudes
 tricenis diebus minus quam singulas, itemq; maiores denas
 uches stercoris efficiunt, totidemq; singuli homines, qui non
 solum ea purgamenta quæ ipsi corporibus edunt, sed
 & quæ colluuiæ cortis & ædificij quotidie gignit, con-
 trahere

trahere & congerere possunt. Illud quoq; præcipiendum habeo, stercus omne quod tempestiue repositum anno requieverit, segetibus esse maxime utile. Nam & uires adhuc solidas habet, & herbas non creat. Quanto autem uctustius sit, minus prodesse, quoniã minus ualeat. Itaq; pratis quàm recentissimum debere iniici, quòd plus herbarum progeneret: idq; mense Februario luna crescente fieri oportere: nam ea quoq; res aliquantum fœni fructum adiuuat. De cætero usus stercoris qualis in quaq; re debeat esse, tum dicemus, cum singula persequemur.

Quibus temporibus agri stercorandi sunt.

CAP. XVI.

INterim qui frumentis arua præparare uolet, si autumno sementem facturus est, mense Septembri: si uere, quolibet parte hyemis modicos acervos luna decrescente disponat, ita ut plani loci iugrum duodeuiginti, clixosi quatuor & uiginti uehes stercoris teneant: & ut paulò prius dixi, non antea dissipet cumulos, quàm erit saturus. Si tamen aliqua causa tempestiuam stercorationem facere prohibuerit, secunda ratio est, ante quàm sarrias more seminantis ex auuarijs puluerem stercoris per segetem spargere. Si & is non erit, caprinū manu iacere, atq; ita terram sarculis permiscere, carcer lætas segetes reddit. Nec ignorare colonos oportet, sicuti refrigescere agrum, qui non stercoretur, ita peruri si nimium stercoretur, magisq; conducere agricolæ, frequenter id potius, quàm immodice facere. Nec dubium, quin aquosus ager maiorem eius copiam, siccus minorem desideret. Alter quòd assiduis humoribus rigens hoc adhibito regelatur. Alter quòd per se tepens siccitatibus, hoc assumpto largiore torretur, propter quod nec deesse ei talem materiam, nec superesse oportet. Si tamen nullum genus stercoris

stercoris suppetet, ei multum proderit fecisse, quod M. Columellam patrum meum doctissimum & diligentissimum agricolam sæpenumero usurpasse memoria repeto, ut fabulosis locis cretam ingereret: cretosus ac nimium densus, fabulum: atq; ita non solum segetes lætas excitaret, uerum etiam pulcherrimas uineas efficeret. Nam idem negabat stercus uitiibus ingerendum, quòd saporem uini corrumpere: melioremq; censebat esse materiam uindemijs exuberandis, congestitiam, uel de uepribus, uel deniq; aliam quamlibet arcessitam, & aduectam humum. Iam uero, ut ego reor, si deficiatur omnibus rebus agricola, lupini certè expeditissimum præsidium non deesse, quod cum exili loco circa Idus Septembris sparserit, & inarauerit, idq; tempestiuè uomere uel ligo ne succiderit, uim optimæ stercorationis exhibebit. Succidi autè lupinū fabulosis locis oportet, cū secundū florē: rubricosus, cū tertiū egerit. Illic dū tenerū est conuertitur, ut celeriter ipsum putrescat, permisceaturq; gracili solo: hic iam robustius, quòd solidiores glebas diutius sustineat, & suspendat, ut eæ solibus æstiuis uaporatæ resoluantur.

Quemadmodum ex aruo prata fiant, C A P. XVII.

ATque hæc arator exequi poterit, si non solum, quæ artuli genera pabulorum, prouiderit, uerum etiam copiam fœni, quò melius armenta tueatur, sine quibus terram commodè moliri difficile est: & ideo necessarius ei cultus est etiam prati, cui ueteres Romani primas in agricolatione tribuerunt. Nomen quoq; indiderunt ab eo, quòd protinus esset paratum, nec magnum laborem desideraret. M. quidem Porcius & illa commemorauit, quòd nec tempestatibus affligeretur, ut aliæ partes ruris, minimiq; sumptus egens, per omneis annos præberet redditum: neq; eum simplicem, cum etiam in pabulo non minus redderet, quam

in foeno. Eius igitur animaduertimus duo genera, quorum alterum est siccanum, alterum riguum. Læto pinguiq; campo non desideratur influens riuus, meliusq; habetur forum, quod suapte natura succoso gignitur solo, quam quod irrigatum aquis elicitur, quæ tamen sunt necessariae, si macies terræ postulat. Nam & in densa & resoluta humo quamuis exili, pratum fieri potest, cum facultas irrigandi datur. Ac nec campus concauæ positionis esse, neque collis prærupti debet: ille ne collectam diutius contineat aquam: hic ne statim præcipitem fundat. Potest tamen mediocriter accliuus, si aut pinguis est aut riguus ager, pratum fieri. At planicies maxime talis probatur, quæ exigue prona non patitur diutius imbres, aut influentes riuos immorari: aut si quis eam superuenit humor, lente proripit. Itaque si palus in aliqua parte subsidens restagnat, sulcis deriuanda est. Quippe aquarum abundantia atque penuria graminibus æque est exitio.

Quæadmodum facta prata colantur. CAP. XVIII.

CVLtus autem pratorum magis curæ, quam laboris est. Primum ne stirpes aut spinas ualidiorisq; incrementi herbas inesse patiamur: atque alias ante hyemem, & per autumnum extirpemus, ut rubos, uirgulta, iuncos: alias per uer euellamus: ut intuba, ac solstitialis spinas: ac neq; suem uelimus impasci, quoniam rostro suffodiat, & cespites excitet, neque pecora maiora, nisi cum siccissimum solum est, quoniam demergunt ungulas, & atterunt, scinduntq; radices herbarum. Tum deinde macriora, & pendula loca mense Februario luna crescēte fimo iuuanda sunt. Omnesq; lapides, & si qua obiacent falcibus obnoxia colligi debent, ac longius exportari, summittiq; pro natura locorum, aut temporis, aut serius. Sunt etiam quædam prata situ ucti-

statis

Atis obducta ueteri uel crasso musco, quibus mederi solent agricolæ seminibus de tabulato superiectis, uel ingesto stercore, quorū neutrum tantum prodest, quantum si cinerem sæpius ingeras, ea res muscum cnecat. At tamē pigriora sunt ista remedia, cum sit efficacissimum de integro locum exarare. Sed hoc si, prata cœpimus, facere debemus: in autē noua fuerint instituenda, uel antiqua renouanda (nam multa sunt, ut dixi, quæ negligentia exolescant, & fiant sterilia) ea expedit interdum etiā frumētī causa exarare, quia talis ager post longā desidiā letas segetes affert. igitur cum locum, quē prato destinauerimus, æstate proficissimum, subactumq; sæpius per autumnum rapis, uel nāpis, uel etiā faba cōseremus: insequente deinde anno, frumento: tertio diligenter arabimus, omnesq; ualidiores herbas, & rubos, & arbores, quæ interueniunt radicibus extirpabimus: nisi, si fructus arbusti id facere nos prohibuerit: deinde uiciam permistam seminibus foeni seremus, tum glebas sarculis resolucemus, & inducta crate coequabimus, grumosq; quos aduersuram plerunq; tractæ faciunt crates, dissipabimus ita, ut necubi ferramentum foenisecæ possit offendere. Sed eam uiciā non cōuenit antē defecare, quā permaturuerit, & aliqua semina subiaceti solo iccerit. Tum foenisecā messorē oportet inducere, & defectam herbam religare, & exportare, deinde locū rigare, si fuerit facultas aquæ, si tamen terra densior est: nam in resoluta humo non expedit inducere maiore uim riuorū, prius quā cōspissatum, & herbis colligatum sit solum, quoniā impetus aquarū proluit terram, nudatisq; radicibus gramina nō patitur coalescere, propter quod nec pecora quidem oportet teneris adhuc & subsidētibus pratis immittere, sed quoties herba prosiluerit falcibus defecare. Nam

pecudes

pecudes, ut ante iam dixi, molli solo infigunt ungulas, atque interruptas non sinunt herbarum radices serpere, et coddere. altero tamen anno minora pecora post foenisicia permitteremus admitti, si modo siccitas, et conditio loci patitur. Tertio deinde cum pratum solidius, ac durius erit, poterit etiam maiores recipere pecudes: sed in totum curandum est, ut secundum Fauonij exortum, mense Februario, circa Idus immistis seminibus foeni, macriora loca, et utique celsiora stercorentur: nam editior cliuius praebet etiam subiectis alimentum, cum superueniens imber, aut manu riuus perductus, succum stercoris in inferiorem partem secum trahit: atque ideo fere prudentes agricolae etiam in aratis collem magis, quam uallem stercoreant, quoniam, ut dixi, pluuiae semper omnem pinguiorem materiam in ima deducunt.

Quemadmodum succisum foenum

tractari, & condi debeat. CAP. XIX.

Foenum autem demetitur optime, ante, quam inarescat, nam et largius percipitur, et iucundior cibum pecudibus praebet. Est autem modus in siccando, ut neque peraridum, neque rursus uiride colligatur: alterum quod omnem succum si amisit, stramenti uicem obtinet: alterum quod si nimium retinuit, in tabulato putrescit: ac saepe concaluit, ignem creat, et incendium: nonnunquam etiam cum foenum cecidimus, imber oppressit, quod si permaduit, inutile est uerum mouere: meliusque patiemur superiorem partem sole siccari. tunc demum couertemus, et utrumque siccatum coartabimus in striam, atque ita manipulos uinciemus: nec omnino cunctabimur, quod minus sub tectum congeratur, uel si non competit, ut aut in uilla foenum portetur, aut in manipulos colligatur. Certe quicquid ad eum modum, quo debet, siccatum erit, in metas extrui conueniet, easque ipsas in angustissimos uertices

vertices exacui. Sic enim cōmodissimè fœnum defenditur à pluuijs, quæ etiam si non sint, nō alienū tamē est prædictas actas facere, ut si quis humor herbis inest, exudet, atq; excoquatur in acervis, propter quod prudētes agricolæ, quāvis iam illatam tecto non ante cōponunt, quā per paucos dies tenuere congestum, ut in se concoqui, & defruescere patiantur. Sed & iam fœnificia sequitur cura mēsis, quam rectè possimus percipere, prius instrumenta præparāta sunt, quibus fruges coguntur.

De area constituenda. CAP. XX.

Area quoq; si terrena erit, ut sit ad trituram satis habilis, primū radatur, deinde cōfodiatur, permistisq; paleis cum amurca, quæ salem non accepit, extergatur: tam ea res à populatione murium formicarumq; frumēta defendit: tum æquata pauculis, uel molari lapide cōdense-
tur, et rursus subiectis paleis inculcetur, atq; ita solibus sic-
canda relinquatur. Sunt tamen qui potius adiacentium fa-
balium partem trituræ destināt, areamq; demessa faba &
lecta expoliunt. nam dum à pecudibus legumina procul-
cantur, herbe etiam ungulis atteruntur, atq; ita glabrescit,
& fit idonea trituri area.

De messe facienda, & de tritura. CAP. XXI.

Sed cū matura fuerit seges, ante, quā torrecatur uapores æstiuī sideris, qui sunt uastissimi per ortū Caniculæ, celeriter demctatur. nam dispendiosa est cunctatio. Primū, quod auibus prædam, cæterisq; animalibus præbet: deinde quod grana, & ipsæ spicæ culmis arentibus & aristis celeriter decidunt. si uerò procellæ uentorum, aut turbines inceserint, maior pars ad terrā defluit: propter quæ recrastinari non debet: sed æqualiter flauentibus iam satis, ante, quā ex toto grana indurescāt, cū rubi-
cundum

cundum colorem traxerunt, messis facienda est, ut potius in area, & in aceruo, quam in agro grandescat frumenta: constat enim si tempestiue decisa sint, postea capere incrementum. Sunt autem metendi genera complura, multi falcibus uerriculatis, atque ijs uel rostratis uel denticulatis medium culmum secant, multi mergis, alij pectinibus spicam ipsam legunt, idque in rara segete facilius, in densa difficilius est. Quod si falcibus seges cum parte culmi demessa sit, protinus in aceruum, uel in nubilarium cogeritur & subinde opportunis solibus torrefacta proteritur. Sin autem spica tantummodo recisae sunt, possunt in horreum conferri, & deinde per hyemem uel baculis excuti, uel exteri pecudibus. At si competit, ut in area teratur frumentum, nihil dubium est, quin equis melius, quam bubus ea res conficiatur, & si pauca iuga sunt, adijcere tribulam & traham possis, quae res utraq; culmos facilius cominuunt. Ipsae autem spicae melius fustibus tunduntur, uannisque expurgantur. At ubi paleis immista sunt frumenta, uento separentur: ad eam rem Fauonius habetur eximius, qui lenis, aequalisque aestius mensibus perflat, quem tamen opperiri lentus est agricola: quid dum expectatur, saeva nos hyems deprehendit. Itaque in area detrita frumenta sic sunt aggerenda, ut omni flatu possint excerni. At si compluribus diebus undique silebit aura, uannis expurgentur, ne post nimiam uentorum seignitiem uasta tempestas irritum faciat totius anni laborem. Pura deinde frumenta, si in annos receduntur, repurgari debent: nam quanto sunt expolitiora, minus à curculionibus exeduntur: sin protinus usui destinantur, nihil attinet repoliri, satisque est in umbra refrigerari, & ita granario inferri. Leguminum quoque non alia cura est, quam reliquorum frumentorum: nam ea quoque uel statim absumuntur,

uel reconduntur, atq; hoc supremum est aratoris emolumentum percipiendorum seminum quæ terræ crediderat.

Quæ per ferias liceat agricolæ, & quæ non liceat facere.

CAP. XXII.

Sed cum tam otij, quam negotij rationem reddere maiores nostri censuerint, nos quoq; monendos esse agricolas existimamus, quæ ferijs facere, quæq; non facere debeant. Sunt enim, ut ait poëta, quæ festis exerceere diebus,

Fas, & iura sinunt. riuos deducere nulla

Religio uctuit, segeti prætere scire,

Insidias auibus moliri, incendere uesperes,

Balantumq; gregem fluuio mersare salubri.

Quamquam Pontifices negent segetem ferijs sciri debere.

Vetant quoque lanarum causa lauare oues, nisi propter

medicinam. Verg. quod liceat ferijs flumine abluere gregem, præcepit, & idcirco adiecit, fluuio mersare salubri.

Sunt enim uitia, quorum causa pecus utile sit lauare. Ferijs

autem ritus maiorum etiam illa permittit, far pinsere, faces

incidere, candelas sebare, uincam conductam colere, pisci-

nas, lacus, fossas ueteres tergere, & purgare, prata sicilire,

stercora æquare, fœnum in tabulata componere, fructus

oliueti conductos cogere, mala, pyra, ficos pandere, caseum

facere, arbores seredi causa, collo uel mulo clitellario affer-

re, sed iuncto aduehere non permittitur, nec apportata se-

tere, neque terram aperire, neque arborem collucare: sed

ne sementem quidem administrare, nisi prius catulo fece-

ris: nec fœnum secare, aut uincire, aut uehere, ac ne uin-

demiam quidem cogi per religiones pontificum ferijs licet:

nec oues tondere, nisi prius catulo feceris. Defrutum quoq;

facere, & defrutare uinum licet. Vuas, itemq; oliuas condi-

tui legere licet. Pellibus oues uestiri non licet. In horto

quicq

quicquid olerum causa facias, omne licet. Ferijs publicis hominem mortuum sepelire non licet. M. Porcius Cato mulis, equis, asinis nullas esse ferias dixit. Idemq; boues permittit coniungere lignorum, & frumentorum aduehendorum causa. nos apud Pontifices legimus ferijs tantum denicalibus mulos iungere non licere, ceteris licere. Hoc loco certum habeo quosdam cum solennia festorum percensuerim, desideraturos lustrationum, ceterorumq; sacrificiorum, quae pro frugibus sunt, morem priscis usurpatum. nec ego abnuo docendi curam: sed differo in eum librum, quem componere in animo est, cum agricolationis totam disciplinam praescripsero. Fine interim praesentis disputationis faciam, dicturus exordio sequente, quae de uineis, arbutisq; prodidere ueteres autores, quaeq; ipse mox comperi.

L I V N MODERATI COLVMELLAE DE RE RVSTICA LIB. III.

Quod genus uitis conueniat cuiq; solo,
& statui coeli.

CAP. I.



HACTENVS aruorum cultus, ut ait praestantissimus poeta. Nihil enim prohibet nos, P. Siluine, de iisdem rebus dicturos celeberrimi carminis auspiciari principia. Sequitur arborum cura, quae pars rei rusticae uel maxima est. Earum species diuersae, & multiformes sunt, quippe uarij generis (sicut autor idem refert) nullis hominum gentibus ipsae sponte sua ueniunt: multae etiam nostra manu satæ procedunt. Sed quae non ope humana gignuntur,

tur, syluestres, ac feræ, sui cuiusque ingenij semina gerunt. At quibus labor adhibetur, magis aptæ sunt frugibus. De eo igitur prius genere dicendum est, quod nobis alimenta præbet. Idq; tripartito diuiditur. Nam ex surculo uel arbor procedit, ut olca: uel frutex, ut palma campestris: uel tertium quiddam, quod nec arborem nec fruticem proprie dixerim, ut est uitis. Hanc nos cæteris stirpibus iure præponimus, non tantum fructus dulcedine, sed etiam facilitate, per quam omni penè regione, & omni declinatione mundi, nisi tamen glaciali, uel præferuida, curæ mortalium respondet. Tamq; felix campis, quam collibus prouenit, & in densa non minus, quam in resoluta, sepe etiam gracili, atq; pingui terra, siccaq; & aliginosa. Tum sola maxime utranque patitur intemperie cœli, uel sub axe frigido, æstiuo, procellosoq;. Refert tamen cuius generis, aut quo habitu uitæ pro regionis statu colere censeas: neque enī in omni cœlo solo'ue cultus idem: neque est idem stirpis eius genus: quod'que præcipuum est, ex omnibus non facile dictu est, cum suum cuique regioni magis aut minus aptum esse doceat usus. Exploratum tamen habebit prudens agricola genus uitis habile campo, quod nebulas pruinamq; sine noxa perfert, cœli'que siccitatem, uentos'que patitur. Pingui & uberi dabit agro gracilem uitem, nec natura nimis sæcundam: macro feracem: terræ dense uehementem, multa'que materia frondentem: resolutam, & læto solo rari sarmenti: humido loco sciet non rectè mandari fructus teneri, & amplioris acini, sed callosi, & angusti, frequentisq; uinacei: sicco rectè contribui diuerse quoque naturæ semina. Sed & post hæc non ignorabit dominus loci, plus posse qualitatem cœli frigidam, uel calidam, siccam, uel rosidam, grandinosam, uentosam'que, uel placidam

placidam, serenam, uel nebulosam. Frigidæq; aut nebulosæ duorum generum uites aptabit, seu præcoques, quarum maturitas frugum præcurrit hyemem: seu firmi, durique acini, quarum inter caligines uuæ deflorescunt, & mox gelicidijs ac pruinis, ut aliæ, caloribus mitescunt: uentoso quoq; & tumultuoso statu cœli fidentes easdem tenaces, ac duri acini committet, rursus calido teneriores uberrioresq; cōcredet: sicco destinabit eas, quæ pluuijs aut continujs roribus putrescunt: rosido, quæ siccitatibus laborant: grandinosis, quæ folijs duris latisq; sunt, quo melius protegant fructum: nam placida & serena regio nullam non recipit: commodissime tamen eam, cuius uel uuæ uel acini celeriter decidunt. At si noto est eligendus uineis locus, & status cœli, sicut censet uerissime Celsus, optimum est solum, nec densum nimis, nec resolutum, soluto tamen propius: nec exile, nec lætissimum, proximum tamen uberi: nec campestre nec præceps, simile tamen edito campo: nec siccum, nec uliginosum, modicè tamen rosidum: quod fontibus non in summo, non in profundo terræ scaturiat, sed ut uicinum radicibus humorem subministret, cumq; nec amarum, nec salsum, ne saporem uini corrumpat, & incrementa uirentium ueluti quadam scabra rubigine coërceat, si modo credimus Vergilio dicenti,

Salsa autem tellus, & quæ perhibetur amara,

Frugibus infelix, ea nec mansuescit arando,

Nec Baccho genus, aut pomis sua nomina seruat.

Cœlum porrò neq; glaciale, uinea, sicut prædixi, nec rursus æstuosum desiderat. Calido tamen potius quàm frigido letatur, imbris magis quàm serenitatibus offenditur, & solo sicco quàm nimis pluuiæ est amicio: perflatu modico leniq; gaudet, procellis obnoxia est, atque hæc

maxime

maximè probabilis est cœli & soli qualitas.

Quæ uites suburbanis regionibus ad escam
conferendæ sunt.

CAP. II.

Vitis autem uel ad escam, uel ad effusionem deponitur.
Ad escam non expedit instituire uincta, nisi cum tam
suburbanus est ager, ut ratio postulet inconditum fructum
mercantibus uelut promum uendere, quæ cum talis est con-
ditio, maximè præcoques, & duraciæ, tum deniq; purpu-
ræ, & bumasti, dactyliq; & rhodiæ, libycæ quoque &
cerauniæ. Nec solum quæ iucunditate saporis, uerum etiam
quæ specie commendari possint, conferri debent, ut stepha-
nitæ, ut tripedaneæ, ut unciariæ, ut cydonitæ. Item qua-
rum uix temporibus hycmis durabiles uasis conduntur, ut
ueniculæ, ut nuper in hos usus exploratæ, numisianæ. At
ubi uino consulimus, uitis eligitur, quæ & in fructu ualeat,
& in materia: quòd alterum ad redditus coloni, alterum
ad diuertitatem stirpis plurimū confert. Sed ea tum præ-
cipua est, si nec nimis celeriter spondet, & primo quoque
tempore deflorescit, nec nimis tarde mitescit: quinetiam
pruinæ, & caliginem, & carbunculum facile propulsat,
eademq; nec imbris putrescit, siccitatibus abolefcit. Ta-
lis nobis eligatur uel mediocriter fecunda, si modò is locus
habetur, in quo gustus nobilis pretiosusque fluit: nam si
sordidus aut uilis est, feracissimam quanque serere condu-
cit, ut multiplicatione frugum redditus augeatur. Fere
autem omni statu locorum campestria largius uinum, sed
iucundius afferunt collina: quæ tamen ipsa modico statu
cœli magis exuberant Aquiloni prona, sed sunt gene-
rosiora sub Austro. Nec dubium quin sit ea nonnulla-
rum uitium natura, ut pro locorum situ bonitate uini mo-
dò uincat, modò superetur. Solæ traduntur amineæ ex-
cepto

cepto coeli statu nimis frigido, ubicunq; sint etiam si degerent, sibi comparatae magis aut minus probi gustus uina praeberet, & cæteras omneis sapore præcedere. Ea, cū sint unius nominis, nō unam speciem gerunt. Duas germanas cognouimus, quarū minor ocysus & melius deflorescit, habilis arbori, nec nō iugo: illic pingue terram, hic mediocrem desiderat, longeq; præcedit maiorem, quia & imbres & uentos fortius patitur: nam maior celeriter in flore corumpitur, & magis in iugis, quā in arboribus. ideoq; nō est uineis apta, uix etiam arbusto, nisi præpingui & uuida terra: nam nec mediocri ualet, multoq; minus in exili: prolixarum frequentia materiarū, foliorumq; & uuarum, & acinorum magnitudine dignoscitur: internodius quoq; rarior, largis fructibus à minore superatur, gustu nō uincitur, & hæc quidē utraq; amineæ. Verum & aliæ duæ geminae, quæ ab eo quod duplices uuas exigunt, gemellæ uocantur, austerioris uini, sed æquē perennis: Earum minor uulgo notissima: quippe Campaniæ celeberrimos Vesuij colles, surrentinosq; uestit. Hilaris inter æstiuos Fauonij flatus, Austris affligitur. Cæteris itaq; partibus Italiæ non tam uineis, quā arbusto est idonea, cum prædictis regionibus comodissime iugum sustineat materiam, fructumq; nisi quod duplicem nō absimilem minori germanæ egerit, sicut maior gemina minori germanæ: quæ tamen minor hoc melior est, quod foecundior etiā mediocri solo: nam illā nisi præpingui non respondere iam dictū est. Lanatam quoque amineā quidam maxime probant, quæ hoc uocabulum nō ideo usurpat, quod sola ex omnibus amineis, uerum quod præcipue canescit lanugine. Sanè boni uini, sed leuioris, quā superioris, crebra quoq; materiā fundit, atque ideo propter pampini densitatē sæpe parū recte deflorescit, eademq;

demq; maturo fructu celeriter putrescit. Super hunc numerum, quē retulimus, singularis habetur aminea maiori geminae nō dissimilis, primum specie pampini & trunci, sed uini sapore aliquanto inferior, quamuis generosissimus sit, proximae praefenda etiam proprijs uirtutibus: nā & feracior est, & flore melius exuitur, spissaq; et albidas uuas, ac tumidioris acini gerit, gracili aruo non desciscit: atque ideo inter uberrimas uites numeratur. Nomentanae uini nobilitate subsequuntur amineas, fecunditate uero etiā praeueniunt: quippe cum se frequenter impleant, & id, quod ediderunt, optime tucantur. Sed earum quoq; feracior est minor, cuius & folium parcius scinditur, & materia nō ita rubet, ut amineis, à quo colore rubellianae nuncupantur: cædemq; feciniae, quod plus quam ceterae fecis afferunt. Id tamen incommodum repensant uuarum multitudine, quas & in iugo, sed & in arbore melius exhibent. Ventos & imbres ualenter sufferunt, & celeriter deflorescunt, & ideo citius mutescunt, omnis incommodi patientes, praeter caloris: nam quia minuti acini, & duræ cutis uuas habent, aestibus contrahuntur. Pingui aruo maxime gaudent, quod ubertatem aliquam natura gracilibus & exilibus uuis praebere ualet. Frigidum ac rosidum solum, & cælū commodissime sustinent eugeniae, dum sunt in Albano colle: nam mutato loco uix nomini suo respondent. nec minus Allobrogicae, quarum uini iucunditas cum regione mutatur. Magnis etiam dotibus tres apianae comendantur, omnes feraces, iugoq; & arboribus satis idoneae, generosior tamen una, quae nudis folijs est: nam duae lanatae quamuis frondibus & palmutum pari facie fluxurae, qualitate sunt dispariles, cum tardius altera recipiat cariē uctustatis. Pingui solo feracissima, mediocri quoq; fecunda, praecoquis fructus.

Ideoq; frigidis locis aptissima, uini dulcis, sed capiti, ner-
 uis, uenisq; non apta, nisi mature lecta: pluuijs, uentis'que,
 & apibus afferunt prædam, quarum uocabulo propter
 hanc expopulationem cognominantur: atque hæ pretiosi
 gustus celeberrimæ. Possunt tamen etiam secundæ notæ ui-
 tes prouentu & ubertate commendari, qualis est biturica,
 qualis basilica, quarum minorem cocolubem uocant Hi-
 spani, longe omnium primis utræq; proximæ: nam & ue-
 tustatem uinum carum patitur, & ad bonitatem aliquam
 per annos uenit. Iam uero ipsæ fecunditate præstant o-
 mnibus quas ante retuli, tum etiam patientia: quippe tur-
 bines, umbresq; fortissime sustinent, & commode fluunt nec
 deficiunt macro solo. Frigora melius quam humores susti-
 nent, humores commodius quam siccitates, nec caloribus ta-
 men contristantur. Visulæ deinde ab his & minor argitis
 terræ mediocritate lætantur: nam in pingui nimis uiribus
 luxuriant, in macra tenues & uacua fructu ueniunt. Ami-
 ciores iugo quam arboribus, sed argitis etiam in sublimi-
 bus fertilis uastis materijs & uuis exuberat, humilimis ta-
 bulatis aptior. Visula breuem materiam & latum folium
 exigit, cuius amplitudine fructus suos optime aduersus
 grandinem tuetur: qui tamen nisi primo quoq; tēpori ma-
 turi legantur, ad terram decidunt: humoribus etiam prius
 quam defluant putrescunt. Sunt & heluolæ quas nonnulli
 uarias appellant, neq; purpuræ, neq; nigrae, ab heluo (nisi
 fallor) colore uocitæ: melior est nigrior abundantia uini,
 sed hæ sapore pretiosior: color acinorum in neutra con-
 spicitur æqualis, utraq; candidi musti alterna uice anno-
 rum plus aut minus afferunt: melius arbore, sed & iugum
 commode uestiunt: mediocri quocq; solo fecundæ, sicut pre-
 tiæ minor, & maior: sed eæ generositate uini magis com-
 mendan

mendantur, & frequentibus materijs frondent, & cito maturefcunt. Albuclis utilior, ut ait Celfus, in colle, quàm in campo: in arbore, quàm in iugo: in summa arbore, quàm in ima, ferax & materiæ frequentis, & uuæ: nam quæ Græculæ uites sunt, ut marcotice, *thasie*, *psithiæ*, *sophortiæ* sicut habent probabilem gustum, ita nostris regionibus & raritate uuarum, & acinorum exiguitate minus fluunt. Inerticula tamen nigra, quam quidam Græci amethyston appellant, potest in secunda quasi tribu esse, quòd & boni uini est, & innoxia, unde etiam nomen traxit, quòd incers habetur in tentandis neruis, quamuis gustu non sit hebes. Tertium gradum facit earum Celfus, quæ fecunditate sola commendantur, ut tres helucnaciæ, quarum duæ maiores nequaquam minori bonitate & abundantia musti pares habentur: earum altera, quam Galliarum incolæ emarcuin uocant, mediocris uini: & altera, quam longam appellant, eandemq; auaram sordidi, nec tam largi quàm ex numero uuarum, quas prima spes promittit. Minima & optima è tribus facillime folio dignoscitur: nam rotundissimum omnium id gerit, atque est laudabilis, quòd siccitates maxime perfert, quòd frigora sustinet, dum tamen sine imbris sit, quòd nonnullis locis etiam uinum eius in uetustatem diffunditur, quòd præcipue sola acerrimum quoq; solum fertilitate sua commendet. At spionia dapsilis musto & amplitudine magis uuarum, quàm numero fertilis, ut oleagina, ut murgentina, eademq; pompeiana, ut numisiana, ut uenucula eademq; scirpula, atque sticula ut nigra fregellana, ut merica, ut retica, ut omnium quas cognouimus copiosissima arcelaca maior, à multis argitis falsò existimata. Nam has nuper mihi cognitæ pergulanam dico, & irtiolum, fereolamq; non facile asseuerem

quo gradu habendæ sint : quòd etsi satis fœcundas scio, nondum tamen de bonitate uini, quod afferunt, iudicare potui: unam etiam præcocem uitem nobis ante hoc tempus incognitã in Græca consuetudine dracontion uocitari comperimus, quæ fœcunditate iucunditate uel arcclacæ basilicæq; et bituricæ comparari possit, generositate uini amineæ. Multa præterea sunt genera uitium, quarum nec numerum, nec appellationes cum certa fide referre possumus. Neque enim, ut ait poëta, numero comprehendere refert:

Quem qui scire uelit, Libyci uelit æquoris idem

Discere quàm multæ Zephyro uersentur harenæ.

Quippe uniuersæ regiones, regionumq; pene singulæ partes habent propria uitium genera, quæ consuetudine sua nominant: quædam etiam stirpes cum locis uocabula mutauerunt, quædam propter mutationes locorum, sicut supra diximus, etiam à qualitate sua discesserunt, ita ut dignosci non possint: ideoq; in hac ipsa Italia, ne dicam in tam diffuso terrarum orbe, uicinæ etiã nationes nominibus eorum discrepant, uariantq; uocabula: quare prudentis magistri est eiusmodi nomenclationis aucupio quo potiri nequeant, studiosos non demorari: sed illud in totum præcipere, quod et Celsus ait, et ante eum M. Cato. Nullum genus uitium conferendum esse nisi fama, nullum diutius conseruandum nisi experimento probatum: atq; ubi multa inuitabunt regionis commoda, ut nobilem uitem conseramus, generosam requiremus, inquit Iulius Græcinus, ubi nihil crit, aut non multam, quod proritet, ferocitatem potius sequemur: quæ non eadem portione uincitur pretio quàm uincit abundantia. Sed de hac sententia, quanquam et ipse paulò antè id censuerim, quid tamen arcanius iudicem, suo loco mox dicam. Propositum est enim docere qua ratione uincæ pari-

ter feraces & pretiosæ, fluxuræ possint constitui.

Nihil magis rusticis conuenire, quàm
uitem colere.

CAP. III.

Nunc prius quàm de satione uitium disseram, non alienum puto, uelut quoddam fundamentum iacere disputationi futuræ, ut ante perpensum & exploratum habeamus, an locupletet patrem familiàs uinearum cultus: est enim pene adhuc superuacuum de his conferendis præcipere, dum quod prius est, nondum concedatur, an omnino sint habendæ. Idq; adeò plurimi dubitent, ut multi resugiant, & reformident talem positionem ruris, atque optabiliorem pratorum possessionem, pascuorum que uel syluæ cædæ iudicent: nam de arbusto etiam inter autores non exigua pugna fuit, abnuente Sacerna genus id ruris, Tremellio maxime probante, sed & hanc sententiam suo loco æstimabimus. interim studiosi agricolationis hoc primum docendi sunt, uberrimum esse redditum uinearum, atq; ut omittam ueterem illam felicitatem aruorum, quibus & ante iam M. Cato, & mox Teretius Varro prodidit singula iugera uinearum sexcenas urnas uini præbuisse: id enim maxime asseuerat in primo libro rerum rusticarum Varro: nec una regione prouenire solitum, uerum & in Fauentino agro, & in Gallico, qui nunc Pyccino contribuitur: hæc ijs certè temporibus. Sed Nomentana regio nunc celeberrima fama est illustris, & præcipue quam possidet Seneca, uir excellentis ingenij, atq; doctrinæ, cuius in prædijs uinearum iugera singula culleos octonos reddidisse plerunque compertum est: nam illa uidentur prodigialiter in nostris Ceretanis accidisse, ut aliqua uitis apud te excederet uuarum numerum duorum millium, & apud me octogenæ stirpes insitæ intra biennium septe-

nos culleos peræquarent, ut primæ uincæ centenas amphoras iugeratim præberent, cum prata, & pascua, & syluæ, si centenos sestertios in sigula iugera efficiant, optime domino consulere uideantur: nam frumenta maiore quidem parte Italiæ quando cum quarto responderint, uix meminisse possumus. Cur ergo res infamis est? non quidem suo, sed hominum inquit uitio Græcinus. Primum, quod in explorandis seminibus nemo adhibet diligentiam, & ideo pessimi generis plerique uincta conferunt, deinde satia non ita enutriunt, ut ante conualescant, ac prosiliant, quam retorrescant, sed & si forte adoleuerint, negligenter colunt. Iam illud à principio nihil referre censent, quem locum conferant, immo etiam seligunt deterrimam partem agrorum, tanquam sola sit huic stirpi maxime terra idonea, quæ nihil aliud ferre possit. Sed ne ponendi quidem rationem, aut perspiciunt, aut perspectam exequuntur: tum etiam dotem, id est, instrumentum raro uineis præparant, cum ea res si omiſsa sit, plurimas operas, nec minus arcam patrisfamilias semper exhauriat. Fructum uero plerique quam uberrimum præsentem conſectantur, nec prouident futuro tempori, sed quasi plane in diem uiuant, sic imperant uitibus, & eas multis palmitibus onerant, ut posteritati non consulant. Hæc omnia uel certe plurima ex his cum commiserint, quiduis malunt quam suam culpam confiteri: querunturque non respondere sibi uincta, quæ uel per auaritiam, uel inſcitiam, uel per negligentiam perdidierunt. At si qui cum scientia sociauerint diligentiam, non ut ego existimo tricenas uel quadragenas certe, sed ut Græcinus minimum computans, licet, inquit, amphoras uicenas percipient ex singulis iugcribus, omneis istos, qui fœnum suum, & olera amplexantur, incremento patri-

monij facile superabunt : nec in hoc errat , quippe ut diligens ratiocinator calculo posito uidet id genus agriculturae maxime rei familiari conducere. Nam ut amplissimas impensas uincæ poscant , non tamen excedunt septem iugera unius operam uinitoris , quem uulgus quidem paruæris , uel de lapide noxium posse comparari putat : sed ego plurimorum opinioni dissentiens , pretiosum uinitorem in primis esse censeo , isq; licet sit emptius sex , uel potius sestertijs octo milibus , cū ipsum solum septē iugerum totidem milibus numerum partum , uincasque cum sua dote , id est , cū pedamentis , & uinum binis milibus in singula iugera positas duco : fit tum in assem consummatum pretium sestertiorum $\times \times 1 \times$. milium. Huc accedunt semisses usurarum sestertia tria milia , & quadringenti octoginta numi biennij temporis , quo uelut infantia uincæ cessat à fructu. Fit in assem summa sortis , & usurarum $\times \times \times 11$. milium quadringentorum $L \times \times \times$. numerum. quod quasi nomen si , ut foenerator cum debitor , ita rusticus cum uincis suis fecerit , eius summæ , ut in perpetuum prædictam usuram semissium dominus constituat , percipere debet in annos singulos mille septingentos quadraginta sestertios numos , qua computatione uincit tamen redditus $\vee 11$. iugerum secundum opinionem Græcini usurarum trium milium quadringentorum octoginta numerum. Quippe , ut deterrimi generis sint uincæ , tamen si cultæ singulos utiq; culleos uini , singula earum iugera peræquabunt : utq; trecentis numis quadragenæ urnæ ueneant , quod minimum pretium est annonæ , consumant tamen septem cullei sestertia duo milia , & centum numos : ea porrò summa excedit usuram semissium : atq; hic calculus quem posuimus , Græcini rationem continet : sed nos

extirpanda uineta censemus, quorum singula iugera minus, quam ternos culleos præbent, & adhuc tamē sic computauimus, quasi nullæ sint uiuiradices, quæ de pastinato eximantur: cum sola ea res omnem impensam terreni pretio suo liberet, si modo non prouincialis, sed Italicus ager est: neque id cuiquam dubium esse debet, cum & nostram, & Iulij Attici rationem displexerit. Nos iam enim uicena milia malleolorum per uincæ iugerum inter ordines pangimus. Ille minus quatuor milibus deponit, cuius ut uincat ratio, nullus tamen uel iniquissimus locus nō maiorem questum reddet, quam acceperit impensam. Sit quidē, ut cultoris negligentia sex milia senunum intereant, reliqua tamen decem milia tribus milibus nummorum libet, & cum lucro redemptor emerit, quæ summa tertia parte superat duo milia sestertia, quanti constare iugerū uincarum prædiximus: quanquam nostra cura in tantum iam processit, ut nō inuiti sestertijs sexcētis numis, singula milia uiuiradices à me rustici mercentur. Sed uix istud alius præstiterit: nam nec quisquam nobis facile crediderit, tantam in agellis esse nostris abundantiam uini, quā tam tu Syluine nouisti. Mediocre itaq; uulgatumq; pretiū uiuiradices posui, quò celerius nullo dissentiente perducī possent in nostram sententiam, qui propter ignorantiam genus hoc agricolationis reformidat. Siue ergo pastinationis reditus, seu futurarum spes uindemiarum cohortari nos debet ad positionē uincarum, quas cum docuimus rationis esse conferere, nunc institutionis earum præcepta dabimus.

Quæ obseruare debet, qui uineas
instituit.

C A P. IIII.

CVi uineta facere cordi est, præcipue caueat, ne alienæ potius curæ, quam suæ credere uelit, ne uel mer-
cetur

etur uiuiradicem. Sed genus surculi probatissimum domi
conferat, faciatq; uitiarium, ex quo possit agrū uineis ue-
stire: nam quæ peregrina ex diuersa regione semina trans-
feruntur, minus sunt familiaria nostro solo, quàm uerna-
cula: eoq; uelut alienigena reformidant mutatam coeli lo-
ciq; positionem. Sed nec certam generositatis fidem polli-
centur, cum sit incertum, an is, qui conseruerit ea, diligen-
ter exploratum, probatumq; genus surculi deposuerit.
Quamobrem biennij spatium longum esse minime existi-
mandum est, intra quod utique tempestiuitas seminum re-
spondet, cum semper, ut dixi, plurimum retulerit exquisiti
generis stirpem deposuisse. Post hæc deinde meminerit ac-
curate locum uineis eligere, de quo cum iudicauerit, maxi-
mam diligentiam sciat adhibendam pastinationi: quam
cum peregerit, non minore cura uitem conferat: & cum
seuerit, summa sedulitate culturæ seruiat: id enim quasi ca-
put & columen est impensarum, quoniam in eo consistit,
melius an segnius terræ mandauerit paterfamiliās pecu-
niam, quàm in otio tractare. Igitur unumquodq; eorum,
quæ præposui, suo iam prosequar ordine.

Quali solo, & quomodo uitiarium
faciendum sit.

CAP. V.

Vitiarium neq; ieiuna terra, neq; uliginosa faciendum
est: succosa tamen, & mediocri potius, quàm pingui,
tametsi fere omnes autores huic rei latissimum locum de-
stinauerūt. Quod ego minime reor esse pro agricola: nam
depositæ stirpes ualido solo, quamuis celeriter cōprehen-
dant, atq; profoliant, tamen cū sint uiuiradices factæ prius
quàm transferantur, retorrescunt, nec adlescere queunt.
Prudētis autem coloni est ex deteriori terra potius in me-
liorem, quàm ex meliore in deteriorem transferre. Propter
quod

quod mediocritas in electione loci maxime probatur, quoniam in confinio boni maliq; posita est. Siue enim postmodum necessitas postulauerit tempestiua semina ieiuno solo committere, non magnam sentient differentiam, cum ex mediocri terra in exilem translata sunt, siue letior ager conscrendus est, longè celerius in ubertate coalescunt. Rursus tenuissimo solo uitiarium facere minime rationis est, quoniam malleolorū pars maior deperit, & quæ superest tarde fit idonea translationi. Ergo mediocris, & modicè siccus ager uituario est aptissimus, isq; bipalio prius subigi debet, quæ est altitudo pastinationis, cum in duos pedes, & semissem conuertitur humus, ac deinde tripedancis relictis spatijs, per quæ semina excolantur, in singulis ordinibus, qui ducenos quadragenos pedes obtinent, sexcenteni malleoli pangendi sunt: is numerus consumat per totum iugerum seminum milia quatuor & uiginti. Verum hanc curam præuenit inquisitio, & electio malleolorum: nam ut sæpe iam retuli, quasi fundamentum est prædictæ rei, probatissimum genus stirpis deponere.

Qualis, & ex quibus partibus uitis malleolus legendus sit.

CAP. VI.

SEd electio dupliciter facienda est: non enim solum secundam esse matrem satis est, ex qua semina petuntur, sed adhibenda ratio est subtilior, ut ex his partibus trunci sumantur, quæ & genitales sunt, & maxime fertiles. Vitis autem foecunda, cuius progeniem studemus submittere, non tantum debet eò aestimari, quòd uuas complures exigit: potest enim trunci uastitate id accidere, & frequentis palmitum, nec tamen eam feracem dixerim, cuius singula uua in singulis sarmentis conspiciuntur, sed si per unumqucque pampinum maior numerus uuarum dependet, si
ex sing

ex singulis geminis compluribus materijs cum fructu germinat: si deniq; etiam e duro uirgam cum aliquibus racemis citat, si etiam nepotum fructu grauida est, ea sine dubitatione ferax destinari debet legendo malleolo. Malleolus autē nouellus est, palmet innatus prioris anni flagello, cognominatusq; a similitudine rei, quod in ea parte, quæ deciditur ex uetere sarmento prominens utrinque malleoli speciem præbet. Hunc ex foecundissima stirpe legendū censemus omni tempore, quo uincæ putantur, ac super terram gemmis tribus, uel quatuor extantibus diligenter obruendum loco modice humido non uliginoso, dum tamen antiquissimum sit cōsiderare, ne uitis ex qua is sumitur, ancipitem floris habeat euentum, ne difficulter acinus ingrandescat, ne aut præcoquem, aut seræ maturitatis fructu afferat: nam illa uolucris, hæc etiā tempestatibus hyemis infestatur. Tale porro genus non una comprobatur uindemia: potest enim uel anni prouentu, uel alijs de causis etiam naturaliter infœcunda uitis semel exuberare. Sed ubi plurium uelut emeritis annorum stipendijs fides surculo constitit, nihil dubitandum est de foecunditate: nec tamen ultra quadriennium talis extenditur inquisitio: id enim tempus fere uirentium generositatē declarat, quo sol in eandem partem signiferi per eosdem numeros redit, per quos cursus sui principium coeperat, quem circuitum meatus dierum integrorum mille quadringentorum sexagintauius ἀποκατάστασις uocant studiosi rerum cœlestium.

Quomodo foecunditatem uitis

explores.

CAP. VII.

Sed certum habeo, P. Siluine, iamdudum te tacitum requirere, cuius generis sit ista foecunda uitis, quam nos tam accurate describimus, ac ne de ijs aliqua significetur

cetur, quæ uulgò non habentur feracissimæ: plurimi namq; bituricam, multi spioniam, quidam basilicam, nonnulli ar-eclacam laudibus cfferunt. Nos quoque hæc genera non fraudamus testimonio nostro, sunt enim largissimi uini: sed proposuimus docere uineas eiusmodi conscrere, quæ nec minus uberes fructus prædictis generibus afferant, & sint pretiosi saporis, uelut aminei, uel certe non procul ab co gustu: cui nostræ sententiæ scio pene omnium agricola-rum diuersam esse opinionem, quæ de amineis inueterata longo iam tempore conualuit, tanquam natali & ingeni-ta sterilitate laborantibus, quo magis nobis ex alto repcti-ta compluribus exemplis firmanda ratio est, quæ desidia, nec minus imprudentia colonorû damnata, & uelut igno-rantiæ tenebris obcæcata luce ueritatis caruit. Quare non intempestiuum est nos ad ea præuerti, quæ uidentur hunc publicum errorem corrigere posse.

Quæ spectanda sit qualitas in eo solo, quod uineis destinaueris.

CAP. VIII.

Igitur si rerum naturam P. Siluine, uelut acrioribus mentis oculis intueri uelimus, reperiemus parem legem fœcunditatis cam dixisse uirentibus, atque hominibus, cæ-terisq; animalibus, nec sic alijs nationibus, regionibus uel proprias tribuisse dotes, ut alijs in totum similia munera denegaret: quibusdam gentibus numerosam progeneran-di sobolem dedit, ut Aegyptijs, & Afris, quibus gemi-ni partus familiares, ac pene solennes sunt; sed & Itali-ci generis esse uoluit eximie fœcunditatis Albanas Curia-tiæ familiæ trigminorum matres. Germaniam decora-uit altissimorum hominum exercitibus, sed & alias gen-tes non in totum fraudauit præcipuæ stature uiris. Nam & M. Tullius Cicero testis est Romanum fuisse ciuem

Næuium

Næuium Pollionem pede longiorem quam quencquam longissimum: & nuper ipsi uidere potuimus in apparatu pompe Circēsium ludorum Iudææ gentis hominem proceriorem celsissimo Germano. Transco ad pecudes. Armentis sublimibus insignis Meuania est, Liguria paruis. Sed & Meuaniae bos humilis, & Liguriæ nonnunquam taurus eminentis staturæ conspicitur. India perhibetur molibus ferarum mirabilis, pari tamen in hac terra uastitate beluas prognerari quis neget? cum intra mœnia nostra natos animaduertamus elephantos. Ad genera frugum redco. Mysiam, Libyamq; largis aiunt abundare frumentis, nec tamen Appulos, Campanosq; agros opimis deficere segetibus. Tmolon, & Corycion florere croco. Iudæam & Arabiam pretiosis odoribus illustrem haberi, sed nec nostram ciuitatem prædictis egere stirpibus, quippe cum pluribus locis urbis, iam casiam frondente conspicimus, iam tuream plantam, florentesq; hortos myrrha & croco. His tamen exemplis nimirum admonemur curæ mortalium obsequentiſsimam esse Italiam, quæ pene totius orbis fruges, adhibito studio colonorum, ferre didicerit: quo minus addubitamus de eo fructu, qui uelut indigena, peculiarisq; & uernaculus est huius soli. Neq; enim dubium est massici, surrentiniq; & albani, atque cecubi agri uites omnium, quas terra sustinet, in nobilitate uini principes esse.

Quomodo Amineas feraces facias. CAP. IX.

Fœcunditas ab his forsân desideratur, sed & hæc adiuuari potest cultoris industria: nam si, ut paulò antè retuli, benignissima rerum omnium parens natura quasq; gentis atque terras ita muneribus proprijs ditauit, ut tamen cæteras non in uniuersum similibus dotibus fraudaret: cur eam dubitemus etiam in uitis prædictam legem seruasse?

seruasse? ut quamuis earum genus aliquod præcipue fœcundum esse uoluerit, tanquam bituricum, aut basilicum, non tamen sic amineum sterile reddiderit, ut ex multis nullibus eius ne paucissimæ quidem uites fœcundæ, tanquam in Italicis hominibus Albanæ illæ sorores reperiri possint. Id autem cum sit uerisimile, tum etiam uerum esse nos docuit experimentum, cum & in Ardeatino agro, quem multis temporibus ipsi ante possedimus, & in Carscolano, itemq; in Albano generis aminei uites huiusmodi notæ habuerimus, numero quidem per paucas, uerum ita fertiles, ut in iugo singulæ ternas urnas præberent, in pergulis autem singulæ denas amphoras prææquarent. Nec incredibilis debet in amineis hæc fœcunditas uideri: nam quemadmodum Terentius Varro, & ante eum M. Cato possent affirmare, sexcentenas urnas priscis cultoribus singula uineta iugera fudisse, si fœcunditas amineis defuisset? quas plerumq; solas antiqui nouerant, nisi putamus ea quæ nuper, ac modo planè longinquis regionibus accersita notitiæ nostræ sunt tradita, biturici generis, aut basilici uineta eos coluisse, cum uetustissimas quasq; uineas adhuc existimemus amineas. Si quis ergo tales, quales paulo ante possedisse me retuli, amineas pluribus uindemijs exploratas notet, ut ex his malleolos feracissimos eligat, posset is pariter generosas uineas & uberes efficere: nihil enim dubium est, quin ipsa natura sobolem matri similem esse uoluerit. Vnde etiam pastor ille in Bucolicis ait,

Sic canibus catulos similes, sic matribus hædos
Noram.

Vnde sacrorum certaminum studiosi perniciosissimarum quadrigarum semina, diligenti obseruatione custodiunt, & spem futurarum uictiarum concipiunt propagata sobole gener

generosi armenti: nos quoq; pari ratione uelut olympio-
nicarum equarum, ita feracissimarum aminearum semini-
bus electis largæ uindemiæ spem capiamus: neq; est quod
temporis tarditas quenquā deterreat, nam quidquid mo-
ræ est, in exploratione surculi absumitur. Cæterum, cum
fœcunditas uitis comprobata est, celerrimè insitionibus ad
maximum numerum perducitur. eius rei testimonium tu
præcipue Publi Siluini perhibere nobis potes, cū pulchre
memineris à me duo iugera uinearum intra tempus bien-
nij ex una præcoque uite, quam in Ceretano tuo possi-
des, insitione facta consummata. Quemnam igitur existi-
mas uitium numerum intra tantundem temporis interscri-
posse duorum iugerum malleolis, cum sint ipsa duo iuge-
ra unius uitis progenies? quare si, ut dixi, laborem & cu-
ram uelimus adhibere, facile prædicta ratione tam feraces
aminei generis uincas cōstituemus, quàm biturici, aut ba-
silici: tantum retulerit, ut in transferendis seminibus simi-
lem statum cœli, lociq; , & ipsius uitis habitum obserue-
mus, quoniā plerūq; degenerat surculus, si aut situs agri,
aut aëris qualitas repugnet, aut etiam si ex arbore in iu-
gum defertur. Itaq; de frigidis in frigida, de calidis in si-
milis, de uincis in uincas transferemus: magis tamen ex fri-
gido statu stirps aminea potest calidū sustinere, quàm ex
calido frigidum, quoniam omne uitis genus, tum maxime
prædictū, naturaliter letatur tepore potius, quàm frigo-
re. Sed & qualitas soli plurimum iuuat, ut ex macro aut
mediocri transducatur in melius: nam quod assuetū est pin-
gui, nullo modo maciē terræ patitur, nisi sæpius stercores.
Atq; hæc de cura eligendi malleoli generalim præcepimus
nunc illud proprie specialiter, ut non solū ex fœcundissima
uite, sed etiam è uitis parte feracissima semina eligantur.

Ex qua uitis parte semina eligenda sunt.

CAP. X.

Feracissima autē semina sunt, nō ut ueteres autores tradiderunt, extrema pars eius quod caput uitis appellāt, id est ultimum & productissimum flagellum : nam in eo quoq; falluntur agricolae. Sed erroris est causa prima species, & numerus uuarum, qui plerunq; conspicitur in productissimo sarmento, quae res nos decipere non debet: id enim accidit non palmitis ingenita fertilitate, sed loci opportunitate, quia reliquas trunci partes humor omnis & alimentū, quod à solo ministratur transcurrit, dum ad ultimum perueniat: naturali enim spiritu omne alimentum, uirentis quasi quaedam anima per medullā trunci ueluti per siphonē, quē diabeten uocant mechanici, trahitur in summum. Quò cum peruenerit, ibi consistit, atq; consumitur. Vnde etiam materiae uehementissimae reperiuntur aut in capite uitis, aut in crure uicino radicibus: sed & eae stirpes, quae è duro citantur, duplici ex causa probatae sunt, quod à foetu uacant, quodq; ex proximo terrae integro atq; illibato succo aluntur: & illae fertiles ac firmae, quia è tenero prorepunt, & quidquid, ut supra dixi, ad eas alimentum peruenit, indiuiduum est. Mediae sunt macerrimae, quia transcurrit hinc parte aliqua interceptus, illinc à se tractus humor. Non debet igitur ultimum flagellum quasi foecundum obseruari, etiā si plurimum asserat, siquidē loci ubertate in fructum cogitur: sed id sarmētum quod media uite situm, nō importuna quidē parte deficit, ac numeroso foetu benè gnitatem suam ostendit. Hic surculus translatus rarius degenerat, cum ex dexteriore statu meliorem sortitur, siue enim pascinato deponitur, siue trūco inseritur, largioribus satiatur alimentis, quàm prius, cum esset in
egeno

egeno. Itaque custodimus, ut a prædictis locis, quos hu-
 morosos rustici uocant, semina legamus tamē quæ attulif-
 se fructū antea animaduertimus: nam si foetu uacua sint
 quamuis laudabilē partem uitis nihil censemus ad feracita-
 tem conferre malleolo: quare uitiosissima est eorum agri-
 colarum opinio, qui minimum referre credunt, quot uuas
 sarmentū habuerit, dum ex uite fertili legatur, & non ex
 duro trunco enatum, quod pampinariū uocant. Hæc autem
 opinio, quæ orta est ex inscitia seminum eligendorum, pri-
 mum parum foecundas uineas, deinde etiam nimis steriles
 reddit. Quis enim omnino iam per tam longam seriem
 annorum agricolæ malleolum legenti præcepit ea quæ
 paulò ante retulimus? Immo quis non imprudentissimum
 quenque, & cum, qui nihil aliud operis facere ualeat, huic
 negotio delegat? Itaque ex hac consuetudine ueniunt im-
 prudentissimi ad rem maxime necessariam, deinde, etiam
 infirmissimi: nam & inutilissimus quisque, ut dixi, qui
 nullum alium laborem ferre queat, huic officio applica-
 tur. Is porro etiam si quam scientiam eligendi malleoli
 habet, eam propter infirmitatem dissimulat, aut seponit:
 & ut numerum, quem uillicus imperauit, explere possit,
 nihil curiose, nihil religiose administrat, unūq; est ei pro-
 positum peragere operis sui p̄sum, cum tamē & ut sciat,
 & quod scit exequatur, hoc solum præceptum à magi-
 stris accepit, ne pampinariam uirgam deplantet, cætera
 omnia ut seminibus contribuat. Nos autem primum ra-
 tionem secuti, nunc etiam longi temporis experimentum,
 non aliud semen eligimus, nec frugiferum esse ducimus,
 nisi quod in parte genitali fructum attulerit. Nam illud
 quidem, quod loco sterili lætum, robustumq; sine foetu
 processit, fallacem foecunditatis imaginem præfert, nec

ullam generandi uim possidet. Id procul dubio uerum esse ratio nos admonet, si modo ut in corporibus nostris propria sunt officia cuiusq; membri, sic & frugiferarum stirpium partibus propria munia. Videmus hominibus inspi-
 ratam uelut aurigam reatricemq; membrorum animam, sensusq; iniectos ad ea discernenda, quæ tactu, naribus, auribusq; & oculis indagatur, pedes ad gressum compositos, brachia ad complexum: ac ne per omnes uices ministeriorum uagetur insolenter oratio, nihil aures agere ualent quod est oculorum, nihil oculi quod aurium, nec generandi quidem data est facultas manibus aut plantis, sed quod hominibus ignotum uoluit esse genitor uniuersi, uentre protexit, ut diuina præditus ratione rerum æternus opes, quasi quibusdam secretis corporis in arcano atq; operto sacra illa spiritus elementa cum terrenis primordijs misce-
 ret, atq; hanc animantis machinæ speciem effingeret. Hac lege pecudes, ac uirgulta progeniuit, hac uitium genera figurauit, quibus eadem ipsa mater ac parens primum radices uelut fundamenta quædam iecit, ut ijs quasi pedibus insisteret. Truncum deinde superposuit uelut quandam staturam corporis, & habitus: mox ramis diffudit quasi brachijs. Tum caules & pampinos elicuit, uelut palmas, eorumq; alios fructu donauit, alios fronde sola uestiuit ad protegendos tutandosq; partus. Ex his igitur, ut supra diximus, si non ipsa membra genitalia conceptu atq; foetu grauida, sed tanquam tegmina & umbracula corum, quæ fructibus uidua sunt, legerimus, umbræ scilicet non uindemiæ laborabimus. Quid ergo est cur quamuis non sit è duro pampinus, sed è tenero natus, si tamen orbus est, etiam in futurum quasi sterilis damnatur à nobis? Modo enim disputatio nostra colligebat unicuiq; corporis parti pro-
 prium

prium esse attributum officium, quod scilicet ei conuenit, ut malleolo quoq; qui opportuno loco natus est, foecunditatis uis adsit, etiam si interim cesset à partu. Nec ego abnuerim in hoc me instituisse argumentari: sed & illud maxime profiteor, palmitem, quamuis frugifera parte enatum, si fructum non attulerit, ne uim quidem foecunditatis habere: nec hoc illi sententiae repugnat. Nam & homines quosdam non posse generare, quamuis omnium membrorum numero constante, manifestum est, ne sit incredibile, si genitali loco uirga nata fructu careat, carituram quoq; esse foetu. Itaq; ut ad consuetudinem agricolarum reuertar, eiusmodi surculos, qui nihil attulerint, spadones appellant, quod non facerent, nisi eos suspicarentur inhabiles frugibus, quæ & ipsa appellatio rationem mihi subiecit non eligendi malleolos, quamuis probabili parte uitis enatos, si fructum non tulissent: quanquam & hos sciam non in totum sterilitate affectos: nam confiteor pampinarios quoq; cum è duro prorepserint, tempore anni sequentis acquirere foecunditatem, & ideo in ressecum submitti, ut progenerare possit. Verum eiusmodi partum comperimus, non tam ipsius ressecis, quam materni esse muneris. Nam quia inhæret stirpi suæ, quæ est natura ferax, mistus adhuc parentis alimentis, & foecundi partus seminibus, ac uelut altricis uberibus eductus, paulatim fructum ferre condiscit. At quæ citra naturæ quandam pubertatem, immatura atque intempestiua planta direpta trunco, uel terræ, uel etiam stirpi recisæ inseritur, quasi puerilis ætas, ne ad coitum quidem, nedum ad conceptum habilis uim generandi uel in totum perdit, uel certe minuit. Quare magnopere censeo in eligendis seminibus adhibere curam, uti fructuosa parte uitis palmites legamus eos, qui futuram foecunditatem iam toto fructu promittunt.

mittunt. Nec tamen contenti sumus singulis uuis, maximeq;
 probemus eos, qui numerosissimis foetibus conspiciuntur.
 An non opilionem laudabimus ex ea matre sobolem propa-
 gantem, quæ geminos enixa sit, & caprarium summitten-
 tem foetus earum pecudum, quæ trigemino partu commen-
 dantur? uidelicet quasi semper sit parentiū fœcunditati pro-
 les responsura, & nos sequamur in uitibus hanc ipsam ra-
 tionem, tanto quidem magis, quòd compertum habeamus
 naturali quadam malignitate desciscere interdum, quamuis
 diligenter probata semina, idq; nobis poeta uelut surdis ue-
 ritatis indulget dicendo,

Vidi lecta diu, & multo spectata labore

Degenerare tamen, ni uis humana quotannis

Maxima quæq; manu legeret, sic omnia fatis

In peius ruere, ac retro sublapsa referri.

Quod non tantum de seminibus leguminum, sed in totam
 agricolationis rationem dictum esse intelligendum est. Si
 modo longi temporis obseruatione comperimus, quod certè
 comperimus, cum malleolum, qui quatuor uuas tulerit,
 deputatum, & in terram depositum à fœcunditate mater-
 na sic degenerare, ut interdum singulis, nōnunquam etiam
 binis uuis minus afferat. In quantum autem censemus dese-
 cturos eos, qui binos, aut fere singulos foetus in matre tule-
 rint, cum etiam feracissimi translationem sæpe reformi-
 dent: itaque huius rationis demonstratorem magis esse me,
 quàm inuentorem, libenter profiteor, nequis existimet frau-
 dari maiores nostros laude merita: nam id ipsum censuisse
 eos non dubium est, quamuis nullo alio sit scripto proditū,
 exceptis quæ retulimus metris Vergilij. Et hic tamen ut de
 seminibus leguminū præcipiatur. Cur enim aut è duro na-
 tam uirgam, aut etiam ex fœcundo malleolo, quem ipsi pro-
 bassent,

bassent, decisam sagittam repudiabant, si nihil interesse dicebant, ex quo loco semina legerentur? Nunc quia uim foecunditatis certis quasi membris inesse non dubitabant, idcirco pampinarium, & sagittam uelut inutiles ad deponendum prudentissime damnauerant. Quod si ita est, nihil dubium est multo magis ab his improbatum esse etiam illum palmitem, qui frugifero loco natus, fructum non attulisset. Nā, si sagittam, id est superiorcm partem malleoli, uituperandam censebant, cum esset eadem pars surculi frugiferi, quanto magis uel ex optima uitis parte natum flagellum, si est sterile improbatum ab his, ratio ipsa declarat? Nisi tamen (quod est absurdum) crediderunt id translatum, & abscissum à sua stirpe, destitutumq; materno alimento, frugiferum, quod in ipsa matre nequam fuisset. Atq; hæc & forsitan pluribus dicta sunt, quam exigebat ratio ueritatis, minus tamen multis, quam postulabat prauè detorta, & inueterata opinio rusticorum.

Quæ spectandæ qualitates in eo solo, quod uineæ destinaueris.

C A P. X I.

Nunc ad reliquum ordinem propositæ disputationis redeo. Sequitur hanc eligendi malleoli curam pastinationis officium, si tamen ante de qualitate soli constituerit, nam eum quoq; plurimum & bonitati, & largitati frugum conferre nihil dubium est, ac prius, quam ipsum perspiciamus, illud antiquissimum censemus, rudem potius eligendum agrum, si sit facultas, quam ubi fuerit seges, aut arbusculum: nam de uinetis, quæ longo situ exoleuerunt, inter omnes autores constituit, pessima esse si referere uelimus, quod & inferius solū pluribus radicibus sit impeditum, ac uelut irretitū, & adhuc nō amiserit uirus, & carie illā uelutatis, quibus hebetata quasi aliquibus uenenis humus tor

peat. Quam ob causam sylvestris ager præcipue est eligendus, qui etiam si frutetis, aut arboribus obsessus est, facile extricatur, quod suapte natura quæcunq; gignuntur, non penitus, nec in profundum radices agunt, sed per summum terræ dispergunt, atq; deducunt, quibus ferro recisis, atque extirpatis, parum, quod superest, inferioris soli rasteris licet effodere, & in fermentum congerere, atq; componere: si tamen rudis terra non sit, proximum est uacuum arboribus aruum: si nec hoc est, rarissimum arbustum, uel oliuicū quod non fuerit maritum, uineis destinatur. Ultima est, ut dixi, conditio restibilis uineæ: nam si necessitas facere cogit, prius quicquid est residuæ uitis extirpari debet: deinde totum solum sicco fimo, aut, si id non sit, alterius generis quam recentissimo stercoreari, atq; ita conuerti, & diligentissimè refossas omnes radices in summū regeri, atq; comburi. Tunc rursus uel stercore uetusto, quia non gignit herbas, uel de uepribus egesta humo pastinatum large cōtegi. At ubi pura noualia arboribus sunt libera, consyderandum est antè, quàm pastinemus, surcularis, nec ne sit terra: idq; faciliè exploratur per stirpes, quæ sua sponte proueniūt. Neq; enim est ullum tandiu uiduum solum uirgultis, ut non aliquos surculos progeneret tanquam pyros syluestres, & prunos, uel rubos certè. Nam hæc quamuis genera spinarum sint, solent tamen fortia, & leta, & grauida fructu consurgere. Igitur si non retorrída, & scabra, sed leuia, & nitida, & prolixa, fœcundaq; uiderimus, eam intelligemus esse terram surcularem. Sed hoc in totum ad illud, quod uineis præcipue est idoneum, propriè consyderandum, ut prius retuli, si facilis est humus, & modicè resoluta, quam diximus pullam uocitari, nec quia sola ea, sed quia sit habilis maximè uinctis. Quis enim uel mediocris

agricola nesciat etiam durissimum tophum, uel carbuncul-
 um, simulatq; sunt confracti, & in summo rogesti tem-
 pestatibus, gelu ue, nec minus æstiuus putrescere calo-
 ribus, ac resolui, eosq; pulcherrimè radices uitium per
 statem refrigerare, succumq; retinere: quæ res alendo
 furculo sunt accommodatissimæ. Simuli quoque de causa
 probari solutam glaream, calculosumq; agrum, & mo-
 dum lapidem, si tamen hæc pingui glebæ permixta sunt,
 eadem eadem ieiuna maxime culpanitur. Est autem (ut mea
 est opinio) uincis amicus etiam filex, cui superpositum
 est modicum terrenum, quia frigidus, & tenax humoris
 per ortum caniculæ non patitur sitire radices. Higinius
 eundem secutus Tremellium præcipue montium ima, quæ
 uerticibus defluentem humum receperint, uel etiam ual-
 les, quæ fluminum alluuiæ, & inundationibus concreue-
 rint, aptas esse uincis assuecit, me non dissentiente. Cre-
 tæ humus utilis habetur uiti, nam per se ipsa creta, qua
 utuntur figuli, quamq; nonnulli argillam uocant, inimi-
 cissima est: nec minus ieiunus sabulo, & quicquid, ut ait
 Iulius Atticus, retorridum furculum facit. Id autem solum
 uel uliginosum est, uel salsum, uel amarum, & uel siticulo-
 sum, & peraridum. Nigrum tamen, & rutilum sabulonè,
 qui sit humidæ terræ permixtus, probauerunt antiqui, nam
 carbunculosum agrum, nisi stercore iuues, macras uineas
 efficere dixerunt. Grauis est rubrica, ut idem Atticus ait,
 & ad comprehendendum radicibus iniqua. Sed alit eadem
 item, cum tenuit, uerum est in opere difficilior, quod neq;
 humentem fodere possis, quod sit glutinosissima, nec nimis
 siccam, quia ultra modum prædura.

Quæ Iulius Græcinus tradiderit de
 terra uineali.

CAP. XII.

Sed

Sed ne nunc per infinitas terreni species euagemur,
 non intempestiue commemorabimus Iulij Græcini con-
 scriptam uelut formulam, ad quam posita est limitatio ter-
 ræ uincalis. Idem enim Græcinus sic ait: Esse aliquam ter-
 ram calidam, uel frigidam, humidam, uel siccam, raram,
 uel densam, leuem, aut grauem, pinguem, aut macram: sed
 neque nimium calidum solum posse tolerare uitam, qui
 inurat, neq; prægelidum, quoniam uelut stupentes, &
 congelatas radices nimio frigore moueri non sinat, neque
 humidum, quoniam cum se promunt uites, modico tepore
 euocant humorem terræ iusto maiorem, qui putrefacit de-
 posita semina. Rursus nimiam siccitatem destituere plan-
 tas dicit naturali alimento, aut in totum necare, aut scar-
 bras, & retorridas facere. Perdens animum coelestem
 aquas non sorbere, nec facile perflari, facillime perum-
 pi, & præbere rimas, quibus sol ad radices stirpium pe-
 netret: eademq; uelut conclausa, & coarctata semina
 comprimere, atq; strangulare. Raram supra modum uelut
 per infundibulum transmittere imbres, & sole, ac uento pe-
 nitus siccari, atq; exarescere. Grauem terram uix ulla cul-
 tura uincibilem, leuem uix ulla sustineri, pinguis-
 simam, & letissimam luxuria, macram, ac tenuem, ieiunio laborare.
 Opus est, inquit, inter has tam diuersas inæqualitates ma-
 gno temperamento, quod in corporibus quoq; nostris de-
 sideratur, quorum bona ualetudo calidi, & frigidi, humi-
 di, & aridi, densi, & rari, certo, & quasi examinato modo
 continetur. Nec tamen hoc temperamentum in terra, quæ
 uineis destinetur, pari momento libratum esse debere ait,
 sed in alteram partem propensius, ut calidior terra sit, quam
 frigidior, siccior quam humidior, rarior quam densior, &
 si qua sunt his similia, ad quæ contemplationem suam diri-
 git.

at, qui uineas instituet: quæ cuncta (sicut ego reor) ma-
 gis profunt, cum suffragatur etiã status coeli, cuius regio-
 nem, quã spectare debeãt uineæ, uetus est dissensio, Safer-
 na maxime probante solis ortum, mox deinde meridiẽ, tum
 occasum, Tremellio Scrofa præcipuã positionẽ meridianã
 censente, Vergilio de industria occasum repudiante,
 Ne ue tibi ad solem uergant uineta cadentem.

Democrito, & Magone laudantibus coeli plagam septen-
 trionalem, quia existimẽt ei subiectas feracissimas fieri ui-
 neas, quæ tamen bonitate uini superentur. Nobis in uniuersum
 præcipere optimũ uisum est, ut in locis frigidis meri-
 diano uineta subijciantur, tepidis orienti aduertantur, si ta-
 mẽ non infestabuntur austris, curisq; uelut oræ maritimæ
 in Bætica. Sin. autem regiones prædictis uetis fuerint ob-
 noxiæ, melius aquiloni, uel fauonio cõmittentur, nam fer-
 uentibus prouincijs, ut Aegypto, & Numidia, uni septen-
 trioni rectius opponẽtur, quibus omnibus diligenter explo-
 ratis, tum demum pastinationem suscipiemus.

Quomodo terra pastinetur. CAP. XIII.

Plus autem ratio cum Italici generis futuris agricolis,
 Etum etiam prouincialibus tradenda est, quoniam in
 longinquis, & remotis regionibus istud genus uertendi,
 & subigendi agri minime usurpatur, sed aut scrobibus,
 aut sulcis uineæ plerunq; cõseruntur. Scrobibus uineta sic
 ponuntur. Quibus uitem mos est scrobibus deponere, ferẽ
 per tres longitudinis pedes, perq; duos in altitudinem, ca-
 uato solo quantum latitudo ferramenti patitur, malleolos
 utrinq; iusta latera fossarum cõsternunt, & aduersis scro-
 bium frontibus curuatos erigunt: duabusq; gemmis supra
 terram eminere passi reposita humo cætera coæquãt, quæ
 faciunt in eadem linea intermissis totidem pedum scamnis,
 dum

dum peragant ordinem. Tum deinde relicto spatio pro
 cuiq; mos est uineas colenti, uel aratro, uel bidente, perse-
 quentes ordinem insistant. Et si fossore tantum terra uerse-
 tur, minimum est quinq; pedum interordinium, septem ma-
 ximum: si bubus, et aratro, minimum est septē pedum, sa-
 tis amplum decem. Nonnulli tamē omnē uitē per denos
 pedes in quincūcem disponunt, ut more noualiū terra tras-
 uersis, aduersisq; sulcis proscindatur. Id genus uineti non
 conducit agricolæ, nisi ubi letissimo solo uitis amplo in-
 cremento confurgit. At qui past nationis impensam refor-
 midant, sed aliqua tamen parte pastinationē imitari studēt,
 paribus alternis omīssis spatijs, senum pedum latitudinis
 sulcos dirigūt: fodiuntq; & exaltant in tres pedes, ac per
 latera fossarum uitē, uel malleolum disponunt. Auarius
 quidam dupondio, & dodrante altum sulcum, latum pe-
 dum quinq; faciunt: deinde ter tanto amplius spatium cru-
 dum relinquunt: atq; ita sequentem sulcum infodiunt: quod
 cum per definitum uinetis locum fecerint in lateribus sul-
 corum uiu radices, uel decisos quā recentissimos palmi-
 tes nouellos erigunt, cōsitis compluribus inter ordinaria
 semina malleolis, quos posteaquā conualuerint, crudo
 solo quod emissum est, transuersis scrobibus propagent,
 atq; ordinēt uineam paribus interuallis: sed eæ, quas retuli-
 mus, uinearū sationes, pro natura, & benignitate cuiusq;
 regionis aut usurpādæ, aut repudiandæ sunt nobis. Nunc
 pastinandi agri propositum est rationem tradere. Ac pri-
 mum ex omni siue arbustiuo, siue syluestri loco, quem ui-
 neis destinauerimus, omnis frutex, atq; arbor crui, & sum-
 moueri debet, ne postea fossorē meretur, ne uē iam pastina-
 tum solum iacentibus mollibus imprimatur, & exportatiū
 ramos, atq; trūcos ingressu proculcetur. Neq; enim parum
 refert

refert suspensissimum esse pastinatum, & si fieri possit,uestigio quoque inuiolatum, ut mota æqualiter humus nouelli seminis radicibus quancunque in partem prorepserint, moliter cedat, ne incrementa duritia sua reuerberet, sed tenero uelut nutritio sinu recipiat, & cœlestes admittat imbres: eosq; alendis seminibus dispense: ac suis omnibus partibus ad educandam prolem nouam conspiret. Campestris locus aliè duos pedes, & semissem infodiendus est, accliuus regio treis. Præruptior uerò collis uel in quatuor pedes uertendus, quoniam cum à superiore parte in inferiorem detrahitur humus, uix iustum pastinationi præbet regestum: nisi multo editiorem ripam, quam in plano feceris. Rursus depressis uallibus minus alte duobus pedibus deponi uincam non placet. Nam præstat non conferere, quàm in summa terra suspendere. Nisi tamen si scaturigo palustris obuia (sicut in agro Rauennate) plus quàm sesquipedem prohibeat infodere. Primum autem prædicti operis exordium est, non ut huius temporis pleriq; faciunt agricolæ, sulcum paulatim exaltare, & ita secundo, uel tertio gradu peruenire ad destinatam pastionis altitudinē. Sed protinus æqualiter linea posita rectis lateribus perpetuam fossam educere, & post tergum motam humum componere, atq; in tantum deprimere, donec altitudinis mensuram datam ceperit: tum per omne spatium gradus æqualiter mouenda linea est: obtinendumq; ut eadem latitudo in imo reddatur, quæ coepta est in summo: opus est autem perito, ac uigilante exa flore, qui ripam erigi iubeat, sulcumq; uacuari, ac totū spatium crudi soli cum emota iam terra committi, sicut præcepi superiore libro, cū arandi rationē traderē, monendo nec ubi scamna omittantur, & quod est durū, summis glebis obtetur: sed huic operi exigēdo quasi quādam machinā cōmentimaio

maiores nostri, regulam fabricauerunt, in cuius latere uirgula prominens ad eam altitudinem, qua deprimi sulcum oportet, contingit summam ripæ partem. Id genus mensuræ ciconiam uocant rustici.



Sed ea quoq; fraudem recipit, quoniam plurimum interest utrum eam pronam, an rectam ponas: nos itaq; huic machinæ quasdam partes adiecimus, quæ contenditum litæ, disputationemq; dirimerent. Nam duas regulas eius latitudinis, qua pastinator sulcum facturus est in speciem Græcæ literæ x decussauimus, atque ita mediæ parti, qua regulæ committuntur, antiquam illam ciconiam infiximus, ut tanquam suppositæ basi ad perpendicularum normata insisteret: deinde transversæ quæ est in latere uirgulæ, fabrilem libellam supposuimus.



Sic compositum organum, cum in sulcum demissum est, li-

tem

tem domini, & conductoris sine iniuria deducit. Nam stella, quam diximus Græca literæ faciem obtinere, pariter inæ fossæ solum metitur, atq; perlibrat, quia siue prouum, seu resupinum est, positione machinæ deprehenditur: quippe prædictæ uirgule superposita libella alterutrum ostendit, nec patitur exactorem operis decipi: sic permensum, & perlibratum opus in similitudinem ueruaucti semper procedit: tantumq; spatij linea promota occupatur, quantum effusus sulcus longitudinis, ac latitudinis obtinet, atq; id genus præparandi soli probatissimum est.

Quot modis uitis ponatur aut in
prouincijs, aut in Italia.

CAP. XIII.

SEquitur opus uinæ conferendæ, quæ uel uere, uel autumno tempestiue deponitur. Vere melius, si aut pluuius, aut frigidus status cœli est, aut ager pinguis, aut capestris, & uliginosa planities: rursus autumnis si sicca, si calida est aeris qualitas, si exilis, atq; aridus campus, si macer præruptus uel collis: uernæq; positionis dies serè quadraginta sunt ab Idibus Februarijs usq; in æquinoctium: rursus autumnalis ab Idibus Octob. in Cal. Decembres. Sationis autem duo genera malleoli, uel uiuiradicis, quod utrunq; ab agricolis usurpatur, & in prouincijs magis malleoli: neq; enim seminarijs student, nec usum habent faciendæ uiuiradicis: hanc sationem cultores Italiæ plerique iure improbauerunt, cum plurimis dotibus præstet uiuiradix. Nam minus interit, cum & calorē, & frigus, & cæteras tempestates propter firmitatem facilius sustineat: deinde adolescit maturius, ex quo euenit, ut celerius quoq; sit tempestiua edendis fructibus, tum etiam nihil dubium est sæpius translaturum: potest tamen malleolus protinus in uicem uiuiradicis conferi soluta, & facili

h terra:

terra: cæterum densa, & grauis utiq; uitæ desiderat.

Meliorẽ esse positionem pastinato
solo quàm nouali.

C A P. XV.

Seritur ergo prius in emundata, inoccataq; & equata
pastinatione, macro solo quinque pedibus inter ordi-
nes omiſſis: mediocri, senis: in pingui uero septenium pe-
dum spatia danda sunt, quò largiora uacent interualla,
per quæ frequentes, prolixæq; materiæ diffundantur: hæc
in quincuncem uinearum metatio expeditissima ratione
conficitur: quippe linea per totidem pedes, quot destina-
ueris interordiniorum spatijs purpura, uel quolibet alio
conspicuo colore insuitur: eaq; sic denotata per repastina-
tum intenditur, & iuxta purpuram calamus deſigitur:
atque ita paribus spatijs ordines diriguntur: quod dein-
de cum est factum, fossor inſequitur, scrobemq; alternis
omiſſis per ordinem spatijs à calamo ad proximum cala-
mum non minus altum quàm duos pedes & semissem pla-
nis locis refodit, accliuibus in dupondium & dodrantem,
præcipitibus etiam in tres pedes: in hanc mensuram scrobi-
bus depreſſis uiuiradices ita deponuntur, ut à media scro-
be singulæ & in diuersum sternantur, & contrarijs fron-
dibus fossarum ad calamos erigantur. Satoris autem offi-
cium est primum quam recentissimam, & si fieri possit, eo-
dem momento, quo serere uelit: de seminario transſerre
plantam diligenter exemptam & integram: deinde eam ue-
lut ueteranam uitæ totam exputare, & ad unam materiam
firmissimam redigere, nodosque, & cicatrices alluare: si
quæ etiam radices (quod maxime cauendum est, ne fiat in
eximendo) laborauerint, eas amputare, sic deinde curuatam
deponere, ne duarum uitium radices implicentur: id enim
uitare facile est per imū solum iuxta diuersa latera fossarum
dispositi

dispositis paucis lapidibus, qui singuli nō excedant quinq;
librale pondus. Hi uidentur (ut Mago prodit) & aquas
hyemis, & uapores æstatis propulsare radicibus: quē secu-
tus Vergilius tutari semina, & muniri sic præcipit:

Aut lapidem bibulum, aut squallentes infode conchas;
& paulo post: - iamq; reperi

Qui saxo super, atq; ingentis pondere testæ

Vrgrent: hoc effusos munimen ad imbres,

Hoc ubi hiulca siti findit canis æstifer arua.

Idemq; Pœnus autor probat uinacea permista stercore de-
positis seminibus in scrobem uires mouere, quod illa pro-
uocent, & eliciant nouas radículas: hoc per hyemem fri-
gentem, & humidā scrobibus inferre calorē tempestiuum,
ac per æstatem uirētibus alimentū, & humore præbere. Si
uerò solum, cui uitis cōmittitur, uidetur exile, longius ac-
cessitam pingue humum scrobibus inferre censet: quod an
expediat, regionis annona, operarumq; ratio nos docebit.

Quæ mensura pastinandi soli

abunde sit uineis.

CAP. XVI.

EXigue humidum pastinatum sationi conuenit: melius
tamen uel arido, quàm lutofo semen committitur: idq;
cum supra summā scrobem cō pluribus internodijs produ-
ctum est, quod de cacumine superest, duabus gemmis tan-
tum supra terrā relictis amputatur, & ingesta humo scro-
bis completur. Coæquato, deinceps pastinato mallicolus
ordinarijs uitibus interserendus est: cumq; sat erit medio
spatio, quod uacat inter uites per imam lineam depange-
re. Sic enim melius & ipse conualescit, & ordinarijs semi-
nibus modicē uacuum solum ad culturam præbebit iter: in
eadem deinde linea, in qua uiuiradix obtinebit ordinem
suum, præsidij causa quorum ex numero propagare pos-
sit in

sit in locū demortuæ uitis, quinq; malleoli pangendi sunt, per spatium pedis, isq; pes à medio interordinio sumitur, ut ab utraque parte paribus interuallis distent: tali consuetudini Iulius Atticus abunde putat esse malleorum sexdecim millia. Nos tamen plus quatuor milibus conferimus, quia negligentia cultorum magna pars deperit, & interitu seminum cætera, quæ uirent, rarefcunt.

Quemadmodum, & quo tempore uitis
serenda sit.

CAP. XVII.

DE positione surculi non minima disputatio fuit inter autores: quidam totum flagellum sicut erat matri detractum crediderunt sationi conuenire: idq; per gemmas quinas, uel etiam senas partiti complureis taleolas terræ mandauerunt. Quod ego minime probo, magisq; assentior his autoribus, qui negauerunt esse idoneam frugibus superiorem partem materiæ, solamq; eam, quæ est iuncta cum uetere sarmento, probauerunt. Cæterum omnem sagittam repudiauerunt. Sagittam rustici uocant nouissimam partem surculi, siue quia longius recessit à matre, & quasi micuit, atq; prosiluit, seu quia cacumine attenuata prædicti teli speciem gerit. Hanc ergo prudentissimi agricolæ negauerunt conferi debere: nec tamē sententiæ suæ rationem nobis prodiderunt, uidelicet quæ ipsis in re rustica multum calletibus prompta erat, & ante oculos penè exposita: omnis enim foecundus pampinus intra quintam, aut sextam gemmam fructu exuberat, reliqua parte quauis longissima uel cessat, uel perexiguos ostendit racemos: quam ob causam sterilitas cacuminis iure ab antiquis incusata est. Malleolus autē sic ab iisdē pangebatur, ut nouello sarmento pars aliqua ueteris hæreret: sed hanc positionē dānauit usus. Nam quicquid ex uetere materia relictum erat, depresso, atq;

obru

obrutum celeriter humore putrescebat, proximasq; radices teneras, & uixdum prorumpentes uitio suo enecabat: quod cum acciderat, superior pars seminis retorrescebat. Mox Iulius Atticus, & Cornelius Celsus ætatis nostræ celeberrimi autores patrem, atque filium Sasernam secuti, quicquid residui fuit ex uetere palma per ipsam commissuram, qua nascitur materia noua, resecuerunt, atq; ita cum suo capitulo sarmentum depresserunt.

Quæ obseruare debet qui uitem ponit.

C A P. X V I I I.

SEd Iulius Atticus prætorto capite, & recuruato, ne pastinum effugiat, prædictum semen demersit. Pastinū uocant agricolæ ferramentum bifurcum, quo semina panguntur: unde etiam repastinata dictæ fuere uineæ ueteres, quæ refodiebantur: hæc enim propria appellatio restibilis uineti erat: nunc antiquitatis imprudens consuetudo quicquid emoti soli uincis præparetur, repastinatum uocat: sed redeamus ad propositum, uitiosa est (ut mea fert opinio) Iulij Attici satio, quæ contortis capitibus malleolum recipit: eiusq; rei uitandæ non una ratio est. Primum quòd nulla stirps ante quàm deponatur, uexata, & infracta melius prouenit, quàm quæ integra, & inuiolata sine iniuria deposita est: deinde quicquid recuruum, & sursum uersus spectans, diuersum est: cum tempestiuum eximitur, in modum hami repugnat obluctanti fossori: & uelut uncus infixus solo ante quàm extrahatur, prærumpitur. Nam fragilis est ea parte materia, qua torta, & recuruata cum deponeretur, cœperat uitium, propter quod perfractam maiorem partem radicum amittit. Sed ut incommoda ista præteream, certè illud, quod est inimicissimum, dissimulare nequeo. Nam paulò ante cum de summa parte sarmenti dis-

h 3 putarem

putarem, quam sagittam dixeram uocitari, colligebam fore intra quintam, uel sextam gemmam, quæ sint proximæ ueteri sarmento fructus medij. Hanc ergo fecundam partem consumit, qui contorquet malleolum, quoniam & ea pars, quæ duplicatur, tres gemmas uel quatuor obtinet, & reliqui duo, uel tres fructuarij oculi penitus in terram deprimantur, mersiq; non materias, sed radices creant: ita euenit, ut quod in saliceto cōserendo uitaueramus, id sequamur in eiusmodi malleolo, quem necesse est facere longiorem si uolumus detortum depangere: nec dubiū, quin gemmæ cacumini proximæ, quæ sunt infœcundæ, in eo relinquuntur, ex quibus pampini pullulant uel steriles, uel certe minus feraces, quos rustici uocat racemarios: quid quod plurimum interest, ut malleolus, qui deponitur ea parte, qua est à matre decisus, coalescat, & celeriter cicatrice ducat. Nam si id factū non est, uelut per fistulā, ita per apertam uitis medullam nimius humor trahitur, idemq; truncum cauat: unde formicis, alijsq; animalibus, quæ putrefaciunt crura uitium, latebræ præbentur: hoc autem euenit retortis seminibus: cum enim per exemptionem imæ partes eorū perfractæ sunt, apertæ medullæ deponuntur: atq; irrepen- tibus aquis, prædictisq; animalibus celeriter senescunt, quare pāgendi optima est ratio recti malleoli, cuius imum caput, cum consertū est bifurco pastini, angustis faucibus ferramenti facile continetur, ac deprimitur: idq; sarmentū sic depressum citius coalescit. Nam & radices è capite, qua recisum est æque mittit: quæ cū excreuerunt, cicatricem obducunt, & alioquin plaga ipsa deorsum spectans non tantum recipit humorem, quantum illa, quæ reflexa, & resupina more infundibuli per medullam transmittit quicquid aquarum cœlestium superfluit.

Quàm longus debet esse malleolus,

CAPVT XIX.

Longitudo, quæ debeat esse malleoli, parum certa est, quoniam siue crebras gemmas habet, breuior faciendus est: seu raras, longior: attamen nec maior pede, nec dodrante minor esse debet. hic ne per summa terræ sitiatur aestibus: ille ne depressus altius cum adoleuerit, exemptionem difficilem præbeat. sed hæc in plano. Nam in clinosis, ubi terra decurrit, potest palmipedalis deponi. Vallis & uliginosi campi situ serimus etiam trigeminum, qui est paulò minor dodrante, longior utique semipede, isq; non ab eo trigemmis dictus est, quod omnino trium oculorum est, cum fere circa plagam, qua matri abscissus est, plenus sit gemmarum, sed quòd his exceptis, quibus est frequens in ipso capite, tres deinceps articulos, totidemq; gemmas habet. Super cætera illud quoq; siue malleolum, siue uiuiradicem ferentem præmoneo, ne semina exarescant, immodicū uentum, solemq; uitare, qui uterq; non incommodè arcetur obiectu uestis, aut cuiuslibet densi tegminis. Veruntamen præstat eligere sationi silentis, uel certe placidi spiritus diem. Nam sol umbraculis facile depellitur. Sed illud etiam, quod nondum tradidimus, antè quàm disputationi clausulam imponamus, dicendum est, an plurium generum uites habende sint, eæq; separate, & distincte specialiter, an confuse, & mixtæ cateruatim. Prius differemus de eo, quod primum proposuimus.

Quot genera uitium ponenda sint.

CAPVT XX.

Prudens igitur agricolæ est uitem, quam præcipuè probauerit, nulla interueniente alterius notæ stirpe conferere, numerumq; quam maximum eius semper augere. Sed

re. Sed prouidentis est diuersa quoq; genera deponere : neque enim unquam sic mitis, ac temperatus est annus, ut nullo incommodo uexet aliquod uitis genus : siue enim siccus est, id, quod humore proficit, contristatur, seu pluius, quod siccitatibus gaudet, seu frigidus, & pruinosus, quod non est patiens uredinis, seu feruens, quod uaporem non sustinet. Ac ne nunc mille tempestatum iniurias persequar, semper est aliquid, quod uineas offendat : igitur si unum genus scucrimus, cum id acciderit, quod ei noxium est, tota uindemia priuabimur. Neq; enim ullum erit subsidium, cui diuersarum notarum stirpes non fuerint : at si uarij generis uineta fecerimus, aliquid ex ijs inuiolatum erit, quod fructum perferat : nec tamen ea causa nos debet compellere ad multas uitium uarietates, sed quod iudicauerimus eximium genus, id, quantæ multitudinis possumus, efficiamus : quod deinde proximum à primo, tum quod est tertie notæ, uel quartæ, quodq; catenus uelut lectarum quoddam contenti simus tertio, satis est enim per quatuor, uel summum quinque genera uindemiæ fortunam opperiri : de altero quod mox proposueram, nihil dubito, quin per species digerendæ uites, deponendæq; sint in proprios hortos semitis, ac decumani distinguendæ : nec quod ipse potueram à meis familiaribus obtinere, ut ante me quisquam eorum, qui quammaxime id probaucrit, effecerit. Est enim omnium rusticorum operum difficilimum, quia, & summam diligentiam legendis desyderat seminibus, & nonnihil discernendis, in quo maxima plerunq; felicitate, & prudentia opus est, sed interdum (quod ait diuinus auctor Plato) rei nos pulchritudo trahit, uel ea consecrandi, quæ propter infirmitatem commortalis naturæ consequi nequeamus. Istud tamen, si ætas suppetat, & scientia,

facil

facultasq; cum uoluntate congruant, non ægerrimè persiciemus, quamuis non omnino minimè ætatis spatio perseuerandum sit, ut magnus numerus per aliquot annos disceratur: neq; enim omne tempus permittit eius rei iudicium: nam uites, quæ propter similitudinè coloris, aut trunci, flagellorum uè dignosci nequeunt, maturo fructu, folijsq; declarantur, quam tamen diligentia nisi per ipsum patrem familiàs exhiberi posse nò affirmauerim: nã credidisse uillico, uel etiã uinitori secordis est, cū qd' longè sit facilius, adhuc ppaucissimis agricolis cõtigerit, ut nigri uini stirpe careat, quauis color uux possit uel ab imprudētissimo deprehēdi.

Vtrum distinctis generibus uitium horti

conferendi sint.

CAP. XXI.

Illa tamen una mihi ratio suppetit, celerrimè quod proposuimus efficiendi, si sint ueteranæ uincæ, ut separatorum surculorum cuiusque generis singulos hortos inseramus, sic paucis annis multa nos milia malleolorum ex insitis percepturos: atque ita discreta semina per regiones consituros, nihil dubito: eius porrò faciendæ rei nos utilitas multis de causis compellere potest: & ut à leuioribus incipiam, primum quòd ad omnem rationem uitæ, non solum agricolationis, sed cuiusq; disciplinæ, prudentem delectant impensius ea, quæ proprijs generibus distinguuntur, quam quæ passim uelut abiccta, & quodam aceruo confusa sunt. Deinde quòd uel alienissimus rusticæ uitæ, si in agrum tempestiuè consitum ueniat, summa cum uoluptate naturæ benignitatem miretur: cum istinc bituricæ fructibus opimæ, hinc pares ijs heluolæ respondent. Illinc arcellæ, rursus illinc spionia, basilicæ uè conueniant, quibus alma tellus annua uice (uelut æterno quodā puerperio) læta, mortalibus distenta musto demittit ubera. Inter quæ fauente libero for-

tis palmitibus, uel generis albi, uel flauentis, ac rutili, uel purpureo nitore micātis, undiq; uersicoloribus pomis grauidus collucet autumnus. Sed hæc quamuis plurimum delectent, utilitas tamen uincit uoluptatem. Nam & paterfamilias libentius ad spectaculū rei suæ quanto est ea luculentior descendit, & quod de sacro numine poëta dicit,

Et quocunq; deus circum caput egit honestum.

Verum quocunq; domini præsentis oculi frequenter accersere, in ea parte maiorem in modum fructus exuberat. Sed omitto illud, quod in descriptis etiā uitibus contingere potest, illa, quæ sunt maxime spectanda, persequar. Diuersæ notæ stirpes nec pariter deflorescunt, nec ad maturitatem simul perueniunt. Quā ob causam, qui separata generibus uineta non habet, patiatur alterum incōmodum necesse est, ut aut serum fructum cum præcoque cleuet, quæ res mox acorem facit, aut si maturitatē serotini expectet, amittat uindemiam præcoquem, quæ plerunque populationibus uolucrum, pluuijsq; aut uentis laceßita dilabitur. Si uerò interiectibus capere cuiusq; generis fructum aueat, primum necesse est, ut uindemiatorū aleam subeat, neq; enim singulis totidem antistites dare potest, qui obseruent, quiq; præcipiant, ne acerbæ uuæ cū maturis demetantur: deinde etiam quarum uitium maturitas competit, cum diuersæ notæ sint, melioris gustus ab deteriore corrumpitur, confususque in unum multarū sapor, uctustatis impatiens fit: atq; ideo necessitas cogit agricolam musti annonam expedire, cum plurimum pretio accedat, si uenditio uel in annū, uel in æstatem certe deferri possit. Iam illa generū separatio summam commoditatem habet, quòd uinitor suam cuiq; facilius putationem reddet, cum scit cuius notæ sit hortus, quē deputet: idq; in uineis non consimineis obseruari difficile est, quia
maior

maior pars putationis per id tempus administratur, quo uitis neq; foliū notabile gerit, ac multum interest plures ne an pauciores materias pro natura cuiusque stirpis uinitor summittat, prolixis uel flagellis incitet, an angusta putatione uitem coerceat. Quin etiam quam cœli parte spectat genus quodq; uineti plurimum refert, neq; enim omni calido statu, nec rursus frigido letatur, sed est proprietas in furculis, ut alij meridiano axe conualescant, quia rigore uitiantur: alij septentrionem desiderant, quia contristentur aestu, quidam temperamento latentur orientis, uel occidentis. Has differentias seruat pro situ, & positione locorum, qui genera per hortos separat. Illam quoq; non exigam sequitur utilitatem, quod & laborem uindemiæ minorem patitur, & sumptum. Nam & quæ maturescere incipiunt, tempestiue leguntur, & quæ nondum maturitatem coeperunt uua, sine dispendio differuntur. Nec pariter uetus, atq; tēpestiuus fructus præcipitat uindemiam, cogitq; plureis operas quantocunque pretio conducere. Iam & illud magnæ dotis est posse gustum cuiusq; generis non mistum, sed uere merum condere, ac separatim reponere, siue est ille bituricus, seu basilicus, seu spionicus, quæ genera cum sic diuisa sunt, quia nihil interuenit diuersæ naturæ, quod repugnet, per potus tamen nobilitantur: neq; enim post annos quindecim, uel paulò plures deprehendi potest ignobilitas in gustu, quoniam ferè omne uinum post id tempus eam qualitatem sortitur, ut uetustate acquirat bonitatem. Quare, ut dicere instituimus, utilissima est generum dispositio, quam si tamen obtinere non possis, secunda est ratio, ut diuersæ notæ non alias confectas uites, quàm quæ saporem consimilem, fructumq; maturitatis eiusdem præbeant. Potes iam (si te cura pomorum

rum tangit) ultimis ordinibus in ea uineti fine, que subiacet septentrionibus, ne cum increuerint obumbrent, cacumina ficorum, pirorum'ue, & malorum depangere, que uel inferas interposito biennij spatio, uel si generosa sint, adulta transferas. Hæc de positione uinearū. Superest pars antiquissima, ut præcipiamus etiam cultus earū, de quibus sequenti uolumine pluribus differemus.

L. IVN. MODERATI

COLVMELLAE

DE RE RVSTICA

LIB. IIII.

Contra opinionem Attici, & Celsi non esse
satis altos scrobes bipedaneos

uineaticis seminibus. CAP. I.



V M de uineis conferendis librum à me scriptum Publi Siluine compluribus agricolationis studiosis relegisses, quosdam repletos esse ais, qui cætera quidem nostra præcepta laudassent, unum tamen atque alterum reprehendissent, quippe seminibus uineaticis nimium me profundos censuisse fieri scrobes adiecto dodrante super altitudinem bipedaneam, quam Celsus, & Atticus prodiderant, singulasq; uiuiradices singulis adminiculis parum prudenter contribuisse, cum permiserint iisdem illi autores minore sumptu gemmis diductis duo continua per ordinem uestire pedamenta, quæ utraque ambiguum magis habent æstimationem, quam ueram. Etenim (ut quod prius proposui, prius refellam) si cōtinenti bipedanea scrobe futuri sumus, quid ita censemus altius pastinare tam humili mensura

uitem

item posituri? Dicet aliquis, ut sit inferior tenera subiacens terra, quæ non arceat, nec duricie sua repellat nouas repentes radículas. Istud quidē contingere potest etiam si ager bipalio moueatur, & deprimantur semina in regeſto, quod est fermentatum, plus dupondio semisse: nam semper in plano refusus egeſta humus tumidior est, quàm gradus soli crudi: nec sanè positio ſeminum ſibi altum cubile ſubſterni deſiderat. Verum abunde est ſemipedaneam conſitis reſolutam uitibus terram ſubijcere, quæ uelut hoſpitali, atque etiam materno ſinu recipiat incrementa uirulentium. Exemplum eius rei capiamus in arbuſto, ubi cum ſcrobis deſodimus, admodum exigui pulueris uiuiradici ſubijcimus. Verior igitur cauſa eſt depreſſius paſtinandi, quoniam iugata uineta melius conſurgunt altioribus deſiſſa ſcrobibus, nam bipedanei uix etiam prouincialibus agricolis approbari poſſunt, apud quos humili ſtatu uitis plerunque iuxta terram coërcetur. Cumq; iugo deſtinatur, altiore fundamento ſtabilienda ſit, & ſi modo ſcandit excelſius, plus alimenti, terræq; deſiderat. Et ideo in maritandis arboribus nemo minorem bipedanea ſcrobem uitibus comparat. Cæterum illa parum proſunt agricolarum ſtudio præcipua commoda humilis poſitionis, quòd & celeriter adoleſcant ſemina, quæ non fatigantur multo ſoli preſſa pondere, ſiantq; uberiora, quæ leniter ſuſpenſa ſunt. Nam utraque iſta Iulij Attici ratio conuincitur exemplo arbuſtiuæ poſitionis, quæ ſcilicet multo ualidiorem, fertilioremq; ſtirpem reddit, quod non facerent ſi non laborarent altius demerſa ſemina. Quid quòd repaſtinata humus, dum eſt recens ſoluta, laxaq; uelut fermento quodam intumeſcit? cum deinde non longiſſimam cepit ætatem, còdenſata ſubſidit, ac uelut innatantes radices

uitium

uitium summo solo destituit. Hoc autem minus accidit no-
stræ sationi, in qua maiore mensura uitis demittitur. Nam
quod in profundo semina frigore laborare dicuntur, nos
quoque non diffitemur. Sed non est dupondij, et dodrantis
altitudo, quæ istud efficere possit, cum præsertim, quod
paulò antè retulimus, de pressior arbusciuæ uitis satio ta-
men effugiat prædictum incommodum.

Non oportere unius uiuiradicis duos palos
uestire, sed singula semina singulis admi-
niculis esse contribuenda. CAP. II.

Alterum illud, quod minori impensa duos palos uni-
us seminis flagellis censent maritari, falsum est. Siue
enim caput ipsum demortuum est, duo uideantur statumi-
na, et mox uiuiradices totidem substituendæ sunt, quæ
numero suo rationem cultoris onerant. Siue uiuit, et ut
sæpe uenit, uel nigri est generis, uel parum fertilis, non in
uno, sed in pluribus pedamentis fructus claudicat, quan-
quam etiam generosæ stirpis uitem sic in duos palos diui-
sam rerum rusticarum prudētiores existimant minus fer-
tilem fore, quia cratem factura sit. Et idcirco ueteres ui-
ncas mergis propagare potius, quàm totas sternere idem
ipse Atticus præcipit, quod mergi mox faciliè radican-
tur, ita ut quæque uitis suis radicibus tanquam proprijs funda-
mentis innitatur. Hæc autem, quæ toto prostrata corpore cum
inferius solum quasi cancellauit, atque irretiuit, cratem fa-
cit, et pluribus radicibus inter se connexis angitur, nec
aliter quàm si multis palmitibus grauata deficit. Quare
per omnia prætulerim duobus potius seminibus depositis,
quàm unico periclitari, nec id uelut compendium consesta-
ri, quod in utranque partem longe maius afferre possit di-
spendium. Sed iam prioris libri disputatio repetit à nobis
promissum

promissum sequentis exordium.

Nouam conditionem uineæ, nisi magna, &
assidua cultura adiuuetur, cele-
riter interire.

CAP. III.

IN omni genere impensarum (sicut ait Græcinus) pleriq; noua opera fortius auspicantur, quàm tuentur perfecta. Nam quidam, ut inquit, ab inchoato domos extruunt, nec perædificatis cultum adhibent. Nonnulli strenuè fabricant nauigia, nec consummata perinde instruunt armamentis, ministrisq; quosdā emacitas in armentis, quosdam excr cet in comparandis mancipijs, sed ijsdem tuendis nulla cura tangit. Multi etiam beneficia quæ in amicos contulerunt, leuitate destruunt. Ac ne ista Siluine miremur, liberos suos nonnulli nuptijs, uotis'que quæsitos auare nutriunt, nec disciplinis, aut cæteris corporis excolunt instrumentis. Quid ijs colligitur? scilicet plerunque simili genere peccari etiam ab agricolis, qui pulcherrime positas uincas antè quàm pubescant, uarijs ex causis destituunt. Alij sumptum annuum refugientes, & hunc primum redditum certissimum existimantes impendere nihil, quasi planè fuerit necesse uincas facere, quas mox auaritia desererent. Nonnulli magna potius, quàm culta uineta possidere pulchrum esse ducunt. Cognoui iam plurimos, qui persuasum haberent, agrum bonis, ac malis rationibus colendum. At ego, cum omne genus ruris, nisi diligenti cura, sciteq; exerceatur, fructuosum esse non posse iudicem, tum uel maxime uincas. Res enim est tenera, infirma, iniuriæ maxime impatiens, quæ plerunque nimio labore, & ubertate consumitur, peritq; si modum non adhibeas, fecunditate sua. Cum tamen aliquatenus se confirmauit: & ueluti iuuenile robur accepit, negligentiam sustinet. Nequella uerò

uero, dum adolefcit, nifi omnia iufta perceperit, ad ultimam redigitur maciem, & fic intabefcit, ut nullis deinceps impenfis recreari poffit. Igitur fuma cura ponenda funt quafi fundamenta, & ut membra infantium à primo ftatim die confitionis formanda, quod nifi fecerimus, omnis impenfa incaffum recidat, nec prætermiffa cuiusq; rei tempeftiuitas reuocari queat. Experto mihi crede Siluine, bene pofitam uincæ boniq; generis, & bono cultore nunquam non cum magno fœnore gratiam reddidiffe. Idq; non folum ratione, fed etiam exẽplo nobis idem Græcinus declarat eo libro, quem de uineis fcripfit, cum refert ex patre fuo fæpe fe audire folitum Paridium quendam Veterenfem uicinum fuum duas filias, & uineis confitum habuiffe fundum, cuius partem tertiam nubenti maiori filiæ dediffe in dotẽ, ac nihilo minus æquẽ magnos fructus ex duabus partibus eiusdem fundi percipere folitum. Minorem deinde filiam nuptui collocaffe in dimidia parte reliqui agri. Nec fic ex priftino reditu detraxiffe. Quo quid conijcit? nifi melius fcilicet poftca cultam effe tertiam illam fundi partem, quam antea uniuerfam.

Profterni uitem in fcrobem, & recuruatam
ufque ab imo folo rectam calamo

applicari oportere. CAP. IIIL

ET nos igitur Publi Siluine magno animo uincas ponamus, ac maiore ftudio colamus, quarum confitionis fola illa commodiffima ratio eft, quam priore tradidimus exordio, ut facta in pafinato fcrobe, tota uitis à media fere parte fulci profternatur, & ad frontem eius ab imo ufq; recta materies erigatur, calamoque applicetur, id enim præcipue obferuandum eft, ne fimilis fit aluco fcrobs, fed ut expreffis angulis uelut ad perpendicularum frontes eius
dirig

dirigantur. Nam uitis supina, & uelut recumbens in alueo deposita, posteaquam ablaqueatur uulneribus obnoxia est. Nam dum exaltare fortius orbem ablaqueationis fossor studet, obliquā uitem plerūq; sauciat, & nonnunquam præcidit. Meminerimus ergo usq; ab imo scrobis solo rectum adminiculo sarmentum applicare, & ita in summum perducere. Tum cætera, ut priore libro præcepimus, ac deinde duabus gemmis super extantibus terrā coequare. Deinde malleolo inter ordines posito crebris fossionibus pastinatum resolvere, atq; in puluerem redigere. Sic enim malleoli, & uiuiradices, & reliqua semina, quæ deposuerimus, conualescent, si mollis, ac tenera humus nullis herbis irrepentibus humorem stirpibus præbuerit, nec duritia soli nouellas adhuc plantas uelut arcto uinculo compresserit.

A consitione omnibus mensibus fodiendū, & curandum, ne herbæ nascantur. CAP. V.

Numerus autem uertendi soli bi'dentibus (ut uerum fatear) definiendus non est, cum quanto crebrior sit, plus prodesse fossionē conueniat. Sed quoniam impensarum ratio modum postulat, satis plerisq; uisum est, ex Calendis Martijs usque in Octobres trigesimo quoq; die nouella uincta confodere, omnesq; herbas, & præcipue gramina extirpare, quæ nisi manu eliguntur, & in summū reijciuntur, quantulacunq; parte adobruta sunt, reuiuiscunt, & uitum semina ita perurunt, ut scabra, atq; retorrida efficiant.

De pampinatione, malleolis, & uiuirad-

dicibus facienda.

CAP. VI.

EA porrò siue malleolo, seu uiuiradice deposuimus, optimum est ab initio sic formare, ut frequenti pampinatione superuacua detrahantur: nec patiamur plus quam in unam materiam uires, & omne alimentum conferre, pri-

mo tamen bini pampini summittuntur, ut sit alter subsidio, si alter forte deciderit. Cum deinde paulum induruerit uirga, tum deteriores singulae detrahuntur. Ac ne quæ relictæ sunt procellis uentorum decutiantur, molli, & laxo uinculo adsurgentes subsequi conueniet, dum clauiculis suis quasi quibusdã manibus adminicula comprehendant. Hoc si operarum penuria facere prohibet in malleolo, quæ & ipsum pampinare censemus: at certè in ordinarijs uitibus utique obtinendũ est, ne pluribus flagellis emacientur, nisi si propaginibus futuris prospiciamus. Sed ut singulis materijs seruiant, quarum incrementa eligere debebimus, applicato longiore adminiculo, per quod prorepant in tantum, ut sequentis anni iugum exuperent, & in fructum curuari possint. Ad quam mensuram cum increuerint, cacumina infringenda sunt, ut potius crassitudine conualescant, quàm superuacua longitudine attenuentur. Idem tamen sarmentum, quod in materiam submittimus, ab imo usq; in tres pedes, & semissem pampinabimus, & omnes eius intra id spatium nepotes enatos sæpius decerpemus. Quicquid deinde supra germinauerit, intactum relinqui oportebit. magis enim conueniet proximo autumnò falce deputari superiorem partem, quàm æstiuo tempore pampinari, quoniam ex eo loco, unde nepotem ademeris, confestim alterum fundit, quo enato, nullus relinquitur oculus in ipsa materia, qui sequenti anno cum fructu germinet.

Tempestiuam esse pampinationem, qua digito palmites deŋciuntur.

CAP. VII.

OMnis autem pampinationis ea est tempestiuitas, dum adeò teneri palmites sunt, ut leui tactu digiti decutiantur. Nam si uehementius induruerint, aut maiore nisu conuulcendi sunt, aut falce deputandi, quod utrunque uitandum

dum est. Alterū quia lacerat matrem, si reuellere coneris. Alterum quia sauciat, quod in uiridi, & adhuc stirpe immatura fieri noxium est. Neq; enim catenus plaga consistit, qua uestigiū fecit acies: sed æstiuus caloribus falce uulnus penitus impressum, latius inarescit ita, ut non minimā partem de ipso matris corpore enecet. Atq; ideo si iam caulibus duris falcem adhibere necesse est, ij paululum ab ipsa matre recidendi, & uelut resces relinquendi sunt, qui caloris excipiant iniuriam, catenus qua nascuntur à latere palmitis. Vltrā enim non serpit uaporis uiolentia. In maleolo similis ratio est pampinandi, & in longitudinem eliciendi materiā, si eo uelimus adminiculo uti, quod ego sæpe feci: sed si propositum est utiq; recidere, ut bino potius utamur, cum ad unum pampinum iam redegeris, & ipse excesserit pedale longitudinem, decacuminare conueniet, ut in ceruicem potius confirmetur, & sit robustior. Atq; hæc positorum seminum prima cultura est.

Per autumnum ablaqueandam

esse uineam.

CAP. VIII.

SEquens deinde tempus (ut prodidit Celsus, & Atticus, quos in re rustica maxime nostra ætas probauit) ampliorē curam deponit. Nam post Idus Octobris priusquam frigora inuadant, uitis ablaqueanda est, quod opus ad opertas ostendit æstiuas radículas, casq; prudens agricola ferro decidit. Nam si passus est conualescere, inferiores deficiunt, atque euenit, ut uinea summa parte terreni radices agat, quæ & frigore infestentur, & caloribus maiorem in modum æstuent, ac uehementer finire matrem in ortu caniculæ cogant. Quare quicquid intra sesquipedem natum est, cum ablaqueaueris, recidendū est. Sed huius non eadem ratio est, quæ amputandi, quæ traditur in

superiori parte uitis. Nam minime adleuanda plaga est, minimeq; applicandum ferramentum ipsi matri, quoniam si iuxta truncum radicem præcideris, aut ex cicatrice plures enascentur, aut hyemalis, quæ ex pluuijs consistit in lacusculis ablaqueationis aqua brumæ congelationibus noua uulnera peruret, & ad medullam penetrabit, quod ne fiat, recidere ab ipso codice instar unius digiti spatium conueniet, atq; ita radículas præcidere, quæ sic ademptæ non amplius pullulant, & à cætera noxa truncum defendunt. Hoc opere cōsummato, si est hyems in ea regione placida, patens uitis relinquenda est, sin uiolentior, id facere nos prohibet, ante Idus Decembris prædicti lacusculi æquandi sunt. Si uerò etiam prægelida frigora regionis eius suspensa erunt, aliquid fimi, uel, si est comodius, columbini stercoreis, aut in hunc usum præparatæ ueteris urinæ senos festarios, antè quàm uitem adobruas, radicibus superfundes. Sed ablaqueare omnibus autūnis oportebit, primo quinquennio, dum uitis conualescat: ubi uerò truncus adoluerit, fere triennio intermittendus est eius operis labor. Nam & minus ferro crura uitium læduntur, nec tam celcritè radiculae inueterato iam codice enascentur.

Quemadmodum ablaqueata

uinea putetur.

CAP. IX.

Ablaqueationem deinde sequitur talis putatio, ut ex præcepto ueterū autorū uitis ad unam uirgulā reuocetur, caq; recidatur duabus gemmis iuxta terrā relictis. Quæ putatio non debet secundū articulū fieri, ne reformidet oculus, sed medio fere internodio ea plaga obliqua falce fit, ne si trāsuersa fuerit cicatrix, cœlestē superincidentē aquā cōtineat. Sed nec ad eam partē, qua est gēma, uerū ad posteriorem declinatur, ut in terram potius de-

uexa

uexa, quàm in germcn delacrymet. Nanq; defluens humor cecat oculum, nec patitur frondescere.

Quod sit optimū tempus putadi. C A P. X.

PVtandi autem duo sunt tempora, melius autem (ut ait Mago) uernum, ante quàm surculus progerminet, quoniam humoris plenus facilem plagam, & leuem, & æqualem accipit, nec falci repugnat. Hunc autem secuti sunt Celsus, & Atticus. Nobis neq; angusta putatione coërcenda semina uidentur, nisi si admodum inualida sunt, neq; utiq; uerno recidenda. Sed primo quidem anno, quo sunt posita, frequentibus fossionibus, omnibus mensibus dum frondent, ac pampinationibus adiuuanda sunt, ut robur accipiant. Nec plus quàm uni materiæ seruiat: quam ut educauerint, autumno, uel uere si magis competit, abradenda, & nepotibus, quos pampinator in superiore parte omiserat, liberanda censemus, atq; ita in iugū imponenda. Ea enim leuis, & recta sine cicatrice uinea est, quæ se primi anni flagello supra iugū extulit. Quod tamen apud paucos agricolas, & raro contingit. Ideoq; prædicti auctores primitias uitis resecare censuerunt. Sed nec utique uerno omnibus regionibus melior putatio est: nā ubi cœlū frigidum est, ea sine dubio eligenda est. Vbi uerò aprica loca sunt, mollesq; hyemes, optima, & maxime naturalis est autumnalis, quo tempore diuina quadā lege, & æterna fructum cum fronde stirpes deponunt.

Quomodo malleolus resecandus sit. C A P. X I.

HOc facere siue uiu radicem, siue malleolum consue-
ris, censeo: nam illam ueterem opinionem damna-
uit usus, non esse ferro tangendos anniculos malleolos,
quod aciem reformudent: quod frustra Vergilius, & Sa-
serna, Stoloncsq; & Catones timuerunt, qui non solum

in eo errabant, quòd primi anni capillamenta seminum intacta patiebantur, sed & post biennium cùm uiuiradix recidenda erat, omnem superficiem amputabant solo tenus iuxta ipsum articulum, ut è duro pullularct: nos autem magister artium docuit usus, primi anni malleolorum formare incrementa, nec pati uitem superuacuis frondibus luxuriantem syluescere: nec rursus in tantum coercere, quantum antiqui præcipiebant, ut totam superficiem amputemus: nam id quidem maxime contrarium est. Primum quòd cùm ad terram decideris, semina (uelut intolerabili affecta uulnere) pleraq; intereunt, & nonnulla etiam, quæ pertinaciter uixerunt, minus fecundas materias efferunt: siquidè è duro quæ pullulant, omnium confessione, pāpinaria sæpiissime fructu carent. Media igitur ratio sequenda est, ut neq; solo tenus malleolum recidamus, nec rursus in longiorem materiam prouocemus: sed annotato superioris anni pollice supra ipsam commissuram ueteris sarmeti unam, uel duas gemmas relinquemus, ex quibus germinet.

Quemadmodum pedanda sit uinea.

& de canterio.

C A P. XII.

Putationem sequitur iam pedandæ uincæ cura: uerum hic annus nondum uehementer palum, aut ridicam desiderat: notatum est enim à me plerunq; tenerā uincam melius adminiculo modico, quam uehementi palo adquiescere: itaq; aut ueteres (ne nouæ radicem agant) arundines binas singulis uitibus applicabimus, aut si regionis conditio permittit, uetera deponemus hastilia, quibus adnectantur singulæ transuersæ perticæ in imā partē ordinis, quod genus iugi canteriū uocant rustici: plurimum id refert esse, quod paulum infra curuationem uitis prorepens pampinus statim apprehendat, & in transuersa potius se fun

se fundat, quàm in edita, uentosq; facilius sustineat subnixus canterio. Idq; iugum intra quartum pedem conueniet alluuari, dum se uinea corroboret in pedationem.

Quomodo uitis alliganda sit. CAP. XIII.

DEinde sequitur alligator, cuius officium est, ut rectam uitem producat in iugum, quæ siue iuxta palum est posita, ut quibusdam placuit autoribus, obseruare debet, qui adnectit, ne in alliganda materia flexum pali (si forte curuius est) sequendum putet, nam ea res uncam uitæ facit, siue (ut Attico, & nonnullis alijs agricolis uisum est) inter uitæ & palum spatium relinquatur, quod nec mihi displicet. Recta arundo adiungenda stirpi est, & ita per crebra retinacula in iugum perducenda. Vinculi genus quale sit, quo religantur semina, plurimum refert. Nam dum nouella uinea est, quàm mollißimo neßtenda est, quia si uiminibus salicis, aut ulmi ligaueris, increßcens uitis se ipsam præcidit. Optima est ergo genista, uel paludibus deßectus iuncus, aut ulua. non peßime tamen in umbra siccata faciant in hunc usum arundinum quoq; folia.

Malleolis iugum imponendum, & quàm altè canterius alleuandus sit. CAP. XLIII.

SED & malleolorum similis cura agèda est, ut ad unam aut duas gemmas deputatis autumnò, uel uere prius quàm germinent, iungentur. is, ut dixi canterius propius à terra, quàm uitibus ordinarijs submittendus est: neq; enim editior esse debet pedali altitudine, ut sit quo teneri adhuc pampini se capreolis illigent suis, ne uentis explantentur. insequitur deinde fossor, qui crebris bidentibus æqualiter & minutim soli terga conuertat: hanc planà fossuram maxime nos probamus: nam illa, quàm in Hispania hybernam appellant, cum terra uitibus detrahatur, & in media

spatia interordiniorum confertur, superuacua nobis uidetur, quia iam præcessit autumnalis ablaqueatio, quæ & nudauit summa, & ad inferiores peruenit radículas, & hybernos transmisit imbres: numerus autem fossionis, aut idem debet esse, qui primi anni, aut una minus: nam utique frequenter solum exercendum est, dum id incremento suo uites inumbrent, nec patiantur herbam suberescere. Pampinationis eadem debet esse ratio huius anni, atque prioris, adhuc enim compescenda, quasi pueritia seminum est, nec plus quam in unum flagellum est submittenda: tanto quidem magis, quod tenera eius ætas non sustinet, & foetu, & materijs onerari.

Quemadmodum nouella uinea frequentanda est, & propagines faciendæ sint. CAP. XV.

Sed cum annicula, mensiumq; sex ad uindemiam perducta est, sublato fructu protinus frequentanda est, & præsidarij malleoli propagandi sunt, qui in hunc usum fuerant depositi: uel si ne hi quidem sunt, ex ordinaria uite in alterum palum mergus est attrahendus: nam plurimum interest, adhuc noua consitione, pedamen omne uestiri: nec mox uineam tum subscri, cum fructus capiendus est: mergi genus est, ubi supra terram iuxta adminiculum uitis curuatur, atque ex alto scrobe summersa perducitur ad uacantem palum: tum ex arcu uehementer citat materiam, quæ protinus applicata suo pedamento ad iugum euocatur. Sequenti deinde anno infecatur superior pars curuaturæ, usque ad medullam, ne totas uires matris propagatum flagellum in se trahat, & ut paulatim condiscat suis radicibus ali, bima deinde præciditur proximè palmam, quæ ex arcu summissa est: & id, quod a matre abscissum recens erit, confestim altè circumfoditur, & scrobiculo factò ad
inum

imum solum præciditur, adobruiturq; , ut & radices deorsum agat , nec ex propinquo negligenter in summa terra resectum progerminet: tempus autem non aliud magis idoneum est hunc mergum amputandi , quàm ab Idib. Octob. in Idus Nouemb. ut hybernis mensibus suas radices confirmet: nam si uere id fecerimus , quo gemmare palmites incipiunt, matris alimentis subito destitutus languescit.

Quo tempore uiuiradix transferenda sit.

CAPVT XVI.

EAdem ratio est in transferendo malleolo : nam in secundo autumno, si cæli, & loci qualitas patitur, commodissime post Idus Octob. exemptus conferitur : si autem aliqua terræ, uel aeris repugnat iniuria, tempestiuitas eius in proximum uer differtur : neque diutius in uineis relinquendus est, ne soli uires absumat : & ordinaria semina infestet : quæ quanto celerius liberata sunt consortio uiuiradicum, tanto facilius conualescunt : at in seminario licet trimam, atque etiam quadrimam uitem resectam, uel angustè putatam custodire, quoniam non consulitur uindemæ : cum menscm trigesimum excesserit posita uinea, id est tertio autumno uehementioribus statuminibus statim impedanda est, idq; non ut libet, aut fortuito faciendum : nam siue prope truncum defigitur palus, pedali tamen spatio recedendum est, ne aut premat, aut radicem ulneret, & ut fossor ab omni parte semina circumsodiat: inq; palus sic ponendus est, ut frigorum, & Aquilonum excipiat uiolentiam, uitemq; protegat, siue medio interordine pangetur, uel defodiendus est, uel prius paxillo perforato solo, altius adigendus, quò facilius & iugum, & fructum sustineat. Nam quanto propius truncus cum radice statuitur, etiam leuiter defixa stabilior est, quoniam

contingens uitem mutua uice sustinetur, & sustinet. Statuminibus deinde firmiora iuga sunt alliganda, eaq; uel salignis perticis, uel compluribus quasi fasciculis arundinum connectuntur, ut rigorem habeant, nec pandantur onere fructuum: nam binæ iam materiae singulis seminibus summittendæ erunt, nisi si tamen gracilitas uitis alicuius angustiores putationem desyderabit, cuius unus palmes, atque idem paucorum oculorum erit relinquendus.

Quomodo iugum faciendum sit. CAP. XVII.

Perticæ iugum firmitus faciūt, minusq; operosum, arundines pluribus operis iugantur, quoniam & pluribus locis necuntur: eaq; inter se conuersis cacuminibus ianciendæ sunt, ut æqualis crassitudo totius iugi sit: nam si cacumina in unum compctunt, imbecillitas eius partis grauata pondere iam maturū fructum prosternit, & canibus, ferisq; reddit obnoxium. At cum iugum in fascem pluribus arundinibus alterna cacuminum uice ordinatum est, seriquinquennij præbet usum: neq; enim est alia ratio putationis, aut ceteræ culturæ, quàm quæ primi biennij: nam & autumnalis ablaqueatio sedulo faciendæ, nec minus uacantibus palis propagines applicandæ: hoc enim opus nunquam intermittendum est, quin omnibus instauretur annis. Neque enim ea, quæ seruntur à nobis, immortalia esse possunt, attamen æternitati eorum sic consulimus, ut demortuis seminibus alia substituamus: nec ad occidionem uniuersum genus perducipatimur complurium annorum negligentia: quinetiam crebræ fossiones dandæ, quamuis possit una detrahi culturæ prioris anni: pampinationes quoq; sepe adhibendæ: neq; enim satis est semel, aut iterū tota æstate uiti detrudere frondē superuacuam. Præcipuè autē decutienda sunt omnia, quæ infra trunci caput egerminauerint: item
si oculi

si oculi singuli sub iugo binos pampinos emiserint, quam-
 uis largos fructus ostendāt, detrahēdi sunt eis singuli pal-
 mites. quò lætior, quæ superest materia consurgat, & reli-
 quum melius educet fructū: post quadragesimū, & alterū
 mēsem perfectā uindemia, sic instituēda est putatio, ut sub-
 missis pluribus flagellis, uitis in stellam diuidatur. Sed pu-
 tatoris officium est pedali fere spatio circa iugum uitem
 compescere, ut ē capite quicquid tenerum est, per brachia
 emissum prouocetur, & per iugum inflexū præcipitetur,
 ad eam mensuram, quæ terram non possit contingere: sed
 modus pro uiribus trunci seruandus est, ne plures palmi-
 tes submittantur, quàm quibus uitis sufficere queat: fere
 autem prædicta ætas lato solo, truncoq; tres materias, ra-
 rō quatuor desiderat, quæ per totidem partes ab alliga-
 tore diuidi debent: nihil enim refert iugum in stellam de-
 cussari, atque diduci, nisi & palmites adiurgentur: quam
 tamen formam non omnes agricolæ probauerunt, nam
 multi simplici ordine fuere contenti: uerū stabilior est
 uinea, & oneri sarmentorum, & fructui ferendo, quæ ex
 utraq; parte iugo deuincta pari libramento uelut ancho-
 ris quibusdam distinctur: tum etiam per plura brachia ma-
 terias diffundit, & facilius eas explicat undique subnixa,
 quàm quæ in simplici canterio frequentibus palmitibus
 stipatur: potest tamen, si uel parum late disposita uinea,
 uel parum fructuosa, cælumq; non turbidum, nec procel-
 losum habeat, uno iugo contenta esse: nam ubi magna uis,
 & incursus est pluuiarum, procellarumq; ubi frequenti-
 bus aquis uitis labefactatur, ubi præcipitibus cliuis uelut
 pendens plurima præsidia desiderat, ibi quasi quadrato
 circumfirmanda est agmine: calidis uerò, & siccioribus
 locis in omnem partem iugum porrigendum est, ut pro-
 repentes

repentes undiq; pampini iungantur, & condensati cameræ moræ, terram sitientem obumbrent: contra frigidis, & pruinosis regionibus simplices ordines instituendi, nam & sic facilius insolatur humus, & fructus percoquitur, per flatumq; salubriorem habet: fossiores quoq; liberius, & aptius iactant bidentes, meliusq; perspicitur à custodibus fructus, & commodius legitur à vindemiatore.

Quomodo in hortulos uineæ diuidendæ sint.

CAP. XVIII.

Sed quando uineta placuerit ordinare, centenæ stirpes per singulos hortos semitis distinguantur: uel (ut quibusdam placet) in semiuigera omnis modus dirimatur, quæ distinctio præter illud commodum, quòd plus solis, & uenti uitibus præbet, tum etiam oculos, & uestigia domini (res agro saluberrima) facilius admittit, certamq; æstimationē in exigendis operibus præbet: neq; enim saluti possumus per paria interualla iugeribus diuisis. Quint etiam ipsa hortulorum descriptio, quanto est minoribus modulis confita, fætigationem ueluti minuit, & simul eos, qui opera moliuntur, ad festinādum inuitat: nam fere uastitas instantis laboris animos debilitat: nonnihil etiam prodest uires, & prouetum cuiuscūq; partis uinearū nosse, ut æstimemus, quæ magis, ut minus colenda sint. Vindemiatoribus quoq; hæ semitæ, & iugum, pedamenta q; sarrientibus opportunam laxitatem præbent, per quam uel fructus, uel statumina portentur.

De positione iugi, & quatenus à terra leuandum.

CAP. XIX.

DE positione iugi quatenus à terra leuandum sit, hoc dixisse abunde est, humilimam esse quatuor pedum, celsissimam septem. Quæ tamen in nouellis seminibus ui-

canda

anda est. Neq; enim hæc prima constitutio uinearum esse debet, sed per annorum longam seriem ad hanc altitudinem uitis perducenda est. Cæterum quanto humidius est solum, & cœlū, humidioresq; uenti, tanto est altius attolendum iugum. Nam lætitia uitium patitur se celsius euagari, fructusq; summotus à terra minus putrescit: & hoc uno modo perflatur uentis, qui nebulam, & rorem pestiferum celeriter adsiccant, multumq; ad deflorescendum, & ad bonitatem uini conferunt. Rursus exilis terra, & scellius, torrensq; æstu, uel quæ uehementibus procellis obnoxia est, humilior iugum poscit. At si cuncta compent uoto, iusta est altitudo uincæ pedum quinque; nec tamen dubium, quin uites tanto melioris saporis præbeant mustum, quanto in editiora iuga consurgunt.

De cura, & modo alligandarum uicium.

C A P. X X.

PEdatam uincam, iugatamq; sequitur alligatoris cura, cui antiquissimum esse debet, ut supra dixi, ream conseruare stirpem, nec flexum ridicæ persequi, ne prauitas statuminum ad similitudinem sui uitem configuret. Id non solum ad speciem plurimum refert, sed ad ubertatem, & ad firmitatem, perpetuitatemq;. Nam rectus truncus similem sui medullam gerit, per quam uelut quodam itinere sine flexu, atq; impedimento facilius terræ matris alimenta meant, & ad summum perueniunt. At quæ curuæ sunt, & distortæ, non æqualiter allizantur, in uidentibus nodis, & ipso flexu incursum terreni humoris eluti salebris, retardante. quare cum ad summum palum recta uitis extenta est, capistro cōstringitur, ne foetu gravata subsidat, curucturq;. tum ex eo loco quod proximum iugo ligatum est, brachia disponuntur in diuersas partes, palmæq;

palmaeque superpositae deorsum uersus curuantur à uinculo: itaque id quod iugo dependet, fructu impletur: rursusque curuatura iuxta uinculum materiam exprimit. Quidam eam partem, quam nos praecipitamus, supra iugum porrigunt, et crebris uiminibus innexis continent, quos ego minime probandos puto. Nam dependentibus palmitibus, neque pluuiae, neque pruinae, grandines uel tantum nocent, quantum religatis, et quasi tempestatibus oppositis. iude tamen palmites prius quam fructus mutescant, uariantibus adhuc, et acerbis uinis religari debent, quo minus roribus queant putrescere, aut uentis, ferisque deuastentur. Iuxta decumanum, atque semitas palmites intrinsecus flectendi sunt, ne praetercuntium incursum ledantur. et hac quidem ratione tempestatium uitis ad iugum perducitur. Nam quae uel infirma, uel breuis est, ad duas gemmas recidenda est, quo uehementiore fundat materiam, quae protinus emicet in iugum.

Nouella uinea quomodo putanda sit.

C A P. X X I.

Quinquennis uinae non alia est putatio, quam ut figuretur, quemadmodum supra instituimus, ne uel superuagetur. Sed ut caput trunci pedali fere spatio sit inferius iugo, quaternisque brachijs, quae duramenta quidam uocant, diuidatur in totidem partes. Haec brachia sat erit interim singulis palmitibus in fructum summitti, donec uinea iusti sint roboris. cum aliquot deinde annis, quasi iuuenilem aetatem ceperint, quot palmites relinqui debeant, incertum est. Nam loci letitia plures, exilitas pauciores desiderat. Siquidem luxuriosa uitis nisi fructu compescitur, male deflorescit, et in materiam, frondemque effunditur: infirma rursus, cum onerata est, affligitur. Itaque pingui terra singulis brachijs licebit bina iungere flagella, nec

nec tamen numerosius onerare, quàm ut una uitis octo seruiat palmitibus, nisi si admodum nimia ubertas plurcis possulabit. illa enim pergulae magis, quàm uince figuram obtinet, quæ supra hunc modum materijs distenditur: nec debemus cõmittere, ut brachia pleniora trunco sint: uerum assidue, cum è lateribus eorũ flagella licuerit summittere, amputanda erunt superiora duramēta, ne iugum excedant, sed nouellis palmis semper uitis renouetur, quæ si satis excreuerint, iugo superponantur: sin aliqua earũ uel perfracta, uel parum proccra fuerit, locumq; idoneum obtinebit, unde uitis anno sequenti renouari debeat, in pollicem tondeatur, quem quidã custodem, alij rescem, nonnulli præsidarium appellant, id est, sarmentũ gemmarum duarum: uel trium, ex quo cum processere fructifera materia, quicquid est supra uetusti brachij amputatur, & ita ex nouello palmite uitis pullulascit. Atq; hæc ratio bene institutarum uincarum in perpetuum custodienda erit.

Quemadmodum ueteranæ uineæ
restituuntur.

CAP. XXII.

Si uerò aliter formatas acceperimus uincas, & multorum annorum negligentia superuenerint iugum, considerandum erit, cuius longitudinis sint duramina, quia excedunt prædictam mensuram. Nam si duorum pedum, aut paulò amplius fuerint, poterit adhuc uniuersa uinea sub iugum mitti. Si autem palus trunco est applicitus, is à uite summoctur, & in medio spatio duorum duraminum ad lineam pangitur, transversa deinde uitis ad statumen perducitur, atq; ita iugo subiicitur. At si duramenta eius longius excesserint, aut in quartum, uel etiam in quintum statumen prorepserint, maiore sumptu restituentur mergis. His nanque, quod nobis maxime placet, propagata celerissime

rime prouenit. Hoc tamen si uetus, & exesa est superfi-
 cies trunci, maiorem, at si robusta, & integra, minorem
 operam desyderat. Quippe hyberno tempore ablaquea-
 ta fimo satiatur, angusteq; deputatur, & inter quartum,
 ac tertium pedem à terra uiridissima parte corticis acuto
 mucrone ferramenti uulneratur. Frequētib; deinde fossu-
 ris terra permiscetur, ut incitari uitis possit, & ab ea ma-
 xime parte, quæ uulnerata est, pampinum fundere. Ple-
 runq; autem germen de cicatrice procedit, quod siue lon-
 gius prosiluerit, in flagellum summittitur, siue breuius, in
 pollicem, siue admodum exiguum in furunculum, is ex
 quolibet uel minimo capillamento fieri potest. Nam ubi
 unius, aut alterius folij pampinus prorupsit e duro, dummo-
 do ad maturitatem proueniat, sequente uere si non obno-
 datus, neq; abrasus est, uehementem fundit materiam: quæ
 cum conualuit, & quasi brachium fecit, licet tunc superua-
 gatam partem duramenti recidere, & ita reliquam iugo
 subijcere. Multi sequentes compendium temporis, tales ui-
 neas supra quartū pedem detruncant, nihil reformidantes
 eiusmodi resectionem, quoniam fere plurimarum stirpium
 natura sic se commodat, ut iuxta cicatricem nouellis fron-
 dib; repullulescant. Sed hæc quidem ratio minime nobis
 placet, siquidē uastior plaga nisi habeat superpositam ua-
 lentem materiam, qua possit inolescere, solis halitu torre-
 tur: mox deinde roribus putrescit, & imbribus. Attamen-
 cum est utique uinea recidenda, prius ablaquare, deinde
 paulum infra terram conuenit amputare, ut superiecta hu-
 mus uim solis arceat, & e radicibus nouellos prorumpen-
 tes caules transmittat, qui possint uel sua maritare statu-
 mina, uel si qua sunt uidua in propinquo propaginibus
 uescire. Hæc autem ita fieri debebunt, si uinea altius po-
 sita,

sitæ, nec in summo labentis radices habebunt, & si boni generis erūt, nanq; aliter incassum dependitur opera, quoniam degeneres etiam renouatæ pristinum seruabunt ingenium, atque summa parte terræ uix adhærebunt, & deficient antè, quam conualescant. Altera ergo uinea fructuosius potius surculis inserenda erit, altera funditus extirpanda & referenda, si modo soli bonitas suadebit: at si cum eius uitio consenuit, nullo modo restituendam censemus. Locis porrò uitia sunt, quæ ferè ad internicionem uincta perdunt, macies, & sterilitas, terra salsa, uel amara, uligo, præceps & prærupta positio, nimium opaca, & soli auersa, ualles arenosæ, arenosus etiam tofus, & plus iusto iciunus sabulo, nec minus terreno carens, ac nuda glareæ, & si qua est proprietas similis, quæ uitæ non alit: Cæterum si uacat ijs, & horum similibus incommodis, potest ea ratione fieri restibilis uinea, quam priore libro præcepimus. Illa rursus mali generis uincta, quæ quamuis robusta sint, propter sterilitatem fructu carent, ut diximus, emendantur inscriptione facta, de qua suo loco disseremus, cum ad eam disputationem peruenerimus.

Quemadmodum eadem putentur.

CAPVT XXIII.

Nunc quoniam parum uidemur de putatione uinearum locuti, maxime necessariam partem propositi operis diligentius persequemur. Placet ergo si mitis, ac temperata permittit in ea regione, quam colimus, cœli clementia, facta uindemia secundum Idus Octobris auspiciari putationem, cum tamen æquinoctiales pluuiæ præcesserint, & sarmenta iustam maturitatem coeperint, nam siccitas seriore putationem facit, Sin autem cœli status frigidus, & pruinosus hyemis uiolentiam denuntiat,

in Idus Febr. hanc curam differemus. Atq; id licebit facere, si erit exiguus possessionis modus. Nam ubi ruris uastitas electionem nobis temporis negat, ualentissimam quaque partem uineti frigoribus, macerrimam uere, uel autumnio, quin etiam per brumam meridiano axi oppositas uites, aquiloni per uer, & autumnum deputari conueniet. Nec dubium, quin sit horum uirgultorum natura talis, ut quanto maturius detonsa sint, plus materiæ, quanto serius, plus fructus afferant.

Quæ bonus uinitor in constituta iam uinea uitare aut sequi debeat. CAP. XXIIII.

Quandocunque igitur uinitor hoc opus obibit, tria præcipue custodiat. Primum, ut quammaxime fructui consulat. deinde, ut in annum sequentem quamlatissimas iam hinc eligat materias. tum etiam, ut quamlongissimam perennitatem stirpi acquirat. Nam quicquid ex his omittitur, magnum affert domino dispendium. Vitis autem cum sit per quatuor diuersa partis, totidem cœli regiones aspiciat. Quæ declinationes cum contrarias inter se qualitates habeant, uariam quoque postulant ordinationem pro conditione suæ constitutionis à parte uitium. Igitur ea brachia, quæ septentrionibus obiecta sunt, paucissimas plagas accipere debent, & magis si putabuntur ingruentibus iam frigoribus, quibus cicatrices inuruntur. Itaque una tantummodo materia iugo proxima, & unus infra eam custos erit summittendus, qui uitem mox in annum renouet. At è contrario per meridiem plures palmites submittantur, qui laborantem matrem feruoribus æstius opacent, nec patiantur antè maturitatem fructum inarescere. Orientis, atque occidentis haud sanè magna est in putatione differentia, quoniam solem pari horarum

rarum numero sub utroque axe uitis accipi. Modus itaque materiarum is crit, quem dictabit humi, atque ipsius stirpis letitia. Hæc in uniuersum, illa per partcis custodien-
da sunt. Nam ut ab una uite quasi à quibusdam fundamētis incipiam, semper circa crus dolabella dimouenda terra est. Et si soboles, quam rustici suffraginem uocant, radici-
bus adhæret, diligenter explantanda, ferroq; alleuanda est, ut hybernas aquas respuat. Nam præstat ex uulnere so-
bolem repullescentem uellere, quam nodosam, & scabram plagam relinquere. Hoc enim modo celeriter cicatricem ducit, illo cauatur, atque putrescit. Percuratis deinde quasi
pedibus crura ipsa, trunciq; circumspiciendi sunt, ne aut pampinari-
us palmes internatus, aut uerrucæ similis furunculus relin-
quatur, nisi si iugo superiecta uitis, desyderabit ab inferiore parte reuocari. Si uerò trunci pars secta solis
asslatu peraruit, aut aquis, noxijs uel animalibus, quæ per medullas irrepunt, cauata uitis est, dolabella conueniet ex-
purgare, quicquid emortuum est: deinde falce eradi uiuo
tenuis, ut à uiridi codice ducat cicatricem. Neque est diffi-
cile, mox alleuatas plagas terra, quam prius amurca ma-
defeceris, linire: nam & teredinem, formicamq; prohibet.
Solem etiam, & pluuias arcet eiusmodi litura, propter
quæ celerius coalescit, & fructum uiridem conseruat. Cor-
tex quoque aridus, fissusq; per summa trunci dependens
corpore tenuis delibrandus est, quod & melius uitis quasi
sordibus liberata conualescit, & minus uino fecis affert.
Iam uerò muscus, qui more compedis crura uitium deuin-
cta comprimit, situq; & ueterno macerat, ferro distrin-
gendus, & eradendus est. Atque hæc in ima parte uitis.
Nec minus ea, quæ in capite seruanda sint, deinceps præ-
cipiantur. Plagæ, quas in duro uitis accipit, obliquæ, ro-
tundæq;

tundæq; fieri debent, nam citius conualescunt, & quandiu cicatricem non obdlexerint, commodius aquam fundunt. Transuersæ plus humoris & excipiunt, & cōtinent. Eam culpam maxime uinitor fugito. Sarmenta lata, uetera, male nata, contorta, deorsum spectantia recidito. Nouella, & fructuaria recta summittito. Brachia tenera, & uiridia seruato. Arida, & uetera fālece amputato. Vngues custodum annotinos ressecato. In quatuor ferme pedes supra terram uitem elatam totidem brachijs composito, quorum singula spectent decussati iugi partes. tum uel unum flagellum, si macrior uitis erit, uel duo, si plenior, brachio cuiq; summittito, eaq; iugo superposita præcipitato. Sed meminisse oportebit, ne in eadem linea, unoq; latere brachij esse duas materias, plures uel patiamur. Nanq; id maxime uitæ infestat, ubi nō omnis pars brachij pari uice laborat, atq; æqua portione succum proli suæ dispensat, sed ab uno latere exugitur. Quo fit ut ea uena, cuius omnis humor assumitur, uelut iēta fulgure arcescat. Vocatur etiā focancus palmes, qui solet in bisurco medius prorrepere, & idcirco cum prædicto uocabulo rustici appellant, quod inter duo brachia, quæ se diuidit uitis, enatus uelut fauces obfidet, atq; uiribusq; duramenti alimēta præripit. Hunc ergo tanquā æmulū diligenter ijdē amputant, & abnodat, priusquam corroboretur. Si tamen ita præualuit, ut alterutrum brachium affligerit, id quod imbecillius est, tollitur, & ipse focancus summittitur. Reciso enim brachio, æqualiter utrique parti uires mater sumministrat. Igitur caput uitis pendens infra iugum constituito, unde se pandant quatuor (ut dixi) brachia, in quibus quotannis uitis renouetur, amputatis ueteribus, et summissis nouis palmitibus, quarū delectus scitè faciendus est. Nā ubi magna materialū facultas est,

putator

putator custodire debet, ne aut proximas duro, id est, à trūco, & capite uitis relinquat, aut rursus extremas. Nam illæ minimum uindemiæ conferunt, cum exiguum fructū præbent, similes scilicet pampinarijs, hæ uitē exhaustiunt, quia nimio foetu onerant, & usq; in alterum ac tertium palum, quod uitiosum esse diximus, se extendunt. Quare medio in brachio commodissime palmæ summittentur, quæ nec spem uindemiæ destituant, nec emacient stirpem suam, nonnulli fructus auidius eliciunt, extrema & media flagella summittendo, nec minus proximum duro sarmentum in custodem refecando, quod faciendū, nisi permittentibus soli, & trūci uiribus minime censeo. Nam ita se induūt uuis, ut nequeāt maturitatem capere, si benignitas terræ, atq; ipsius trunci letitia non adsit, subsidiarius, idemq; custos in pollicem refecari non debet, cum palmæ, ex quibus proximi fructus sperantur, idoneo loco sitæ sunt. Nam ubi ligaueris eas, & in terram spectantes deflexeris, infra uinculū materias exprimes. At si longius, quam ritus agrorum permittit, & à capite uitis emicuerit, & brachijs in aliena iugorum compluua perrepsit, custodem ualidum, & quam maximum iuxta truncum duorum articulorum, uel trium relinquemus, ex quo quasi pollice, proximo anno citata materia formetur in brachium, ut sic reccisa uitis, ac renouata intra iugum contineatur. Sed in summittendo custode hæc maxime sunt obseruanda. Primum, ne resupina cœlum, sed prona potius plaga terram spectet: sic enim & gelidijs ipsa se protegit, & ab sole obumbratur, deinde ne sagittæ, sed ungulis quidem similis fiat refectio: nam illa celerius, & latius emoritur, hæc tardius, & angustius reformidat. Quodq; etiam usurpari uitiosissime animaduertito, maxime uitandum est. Nam dum seruiunt decori, quo

sit breuior custos, & similis pollici, iuxta articulū sarmentum recidunt. Id autē plurimum officit, quoniā secundum plagam posita gēma pruinis, & frigore, tum deinde aestu laborat. Optimum est igitur medio fere internodio subsidiarium tondere palmitem, de uexamq; resectionem facere post gemmam, ne (ut iam antea diximus) superlaccrymet, & gemmantem cæcet oculum. Sed si rescis facultas nō crit, circumspectendus est furunculus, qui quamuis angustissime præcisus in modum uerrucæ proximo uere materiam exigat, quam uel in brachium, uel in fructuarium remittamus: si neque is reperiatur, saucianda ferro est, atque exulceranda uitis in ea parte, qua pampinum studemus elicere. Iam uero ipsos palmites, quos uindemiæ præparamus, clauiculis, ac nepotibus liberandos magnopere censeo. Sed in ijs recidendis alia conditio est, atque alia in ijs, quæ procedunt e trunco, nam quicquid est, quod è duro prominet, uehementius applicata falce abnodatur, atque eraditur quò celerius obducatur cicatricem. Rursus quicquid è tenero processit, sicut nepos, parcius detundetur, quoniam fere coniunctam gerit ab latere gemmam, cui consulendum est, ne falce destringatur, pressius enim si abnodes applicato ferro, aut tota tollitur, aut conuulneratur: propter quod palmes, quem mox in germinatione citauerit, imbecillus, ac minus fructuosus erit: tum etiā magis obnoxius uentis, scilicet, quia infirmus de cicatrice prorepsit. Ipsius autem materie, quam summitteremus longitudini modum difficile est imponere. Pleriq; tamen in tantum prouocant, ut curuata, & præcipitata per iugum nequeat terram contingere. Nos subtilius dispicienda illa censemus: primum uitis habitum, nam si robusta est, ampliores materias sustinet: deinde soli quoq; pinguitudi-


nem, quæ nisi adest, quauis ualidiſſimā uitē celeriter necabimus procerioribus emaciatam flagellis. Sed longi palmites non mensura: uerum gemmarū numero æstimantur: nam ubi maiora sunt spatia inter articulos, licet couſq; materiam producere, dum penē terrā cōtingat: nihilo minus enim paucis frondeſcet pampinis. At ubi ſpiſſa internodia, frequentesq; oculi ſunt, quamuis breue ſarmentum, multis palmitibus uiſcit, & numeroſo fœtu exuberat. Quare modus talis generis neceſſariō maxime eſt adhibendus, ne procerioribus fructuarijs oneretur. Et ut conſyderet uinitor proximi anni magna, nec ne fuerit uindemia. Nā poſt largos fructus parcendū eſt uitibus, & ideo anguſtē putandum, poſt exiguos, imperandum. Super cætera illud etiam cenſemus, ut duris, tenuiſſimisq; & acutiſſimis ferramentis totū iſtud opus exequamur: obtuſa enim, & hebes & mollis falx putatōre moratur, coq; manus operis efficit, et plus laboris aſſert uinitori. Nam ſiue curuatur acies, quod acedū molli, ſiue tardius penetrat, quod cūenit in retuſo, & craſſo ferramento, maiore niſu eſt opus. Tum etiam plagæ aſperæ, atq; inæquales, uites lacerāt. Neq; enim uno, ſed ſæpius repetito ictu res tranſigitur. Quo plerūq; fit: ut quod præcidi debeat, perfringatur, et ſic uitis laniata, ſcabrataq; putreſcat humoribus, nec plagæ conſanentur. Quare magnopere monendus putator eſt, ut prolixet aciem ferramenti, & quantum poſſit, nouaculæ ſimilem reddat. Nec ignoret in quaq; re, qua parte falcis utendum ſit. Nam plurimos per hanc inſcitiam uāſtare uineta comperi.

Figura falcis.

CAP. XXV.

Eſt autē ſic diſpoſita uinitoriæ falcis figura, ut capulo pars proxima, quæ rectam gerit aciem, culter ob ſimilitudinem nominetur. Quæ flectitur, ſinus: quæ à flexu

procurrit, scalprum. Quæ deinde adunca est, rostrum appellatur. Cui superposita semiformis Lunæ species, securis dicitur. Eiusq; uelut apex pronus imminens, mucro uocatur. Harum partium quæque suis muneribus fungitur, si modo uinitor gnarus est. Nam cum in aduersum pressa manu desecare quid debet, cultro utitur: cum autē retrahere, sinu: cum alleuare, scalpro: cum incauare, rostro: cum ictu cedere, securi: cum in angusto aliquid expurgare, mucrone. Maior autem pars operis in uincā ductim potius, quàm cæsim facienda est. Nam ea plaga, quæ sic efficitur, uno uestigio alleuatur. Prius enim putator applicat ferrum, atque ita quæ destinauit præcidit. Qui cæsim uitem petit, si frustratus est (quod sæpe euenit) pluribus ictibus stirpem uulnerat. Tutior igitur, & utilior putatio est: quæ (ut retuli) ductu falcis non ictu conficiuntur.



Decura adminiculandæ, iugandæq;
uincæ.

CAP. XXVI.

His peractis, sequitur (ut antè iam diximus) adminiculandæ, iugandæq; uincæ cura, cui stabiliendæ melior est ridica palo, neque ea quælibet: nam est præcipua cuneis fissâ olca, quercus, & suber, ac si qua sunt similia robora. Tertium obtinet locum pedamen teres: idq; maxime probatur ex iunipero, & lauru, & cupressu. Recte
etiam

etiam faciunt ad eam rem sylvestres pinus, atq; etiam sambuci probabilis usus: tamen in his hæc, eorumq; similia pedamenta post putationem retractanda sunt, partesq; eorum putres dedolande. Atq; alia conuertenda, quæ synce-ritatem habent, alia summouenda, quæ uel cariosa, uel iusto breuiora sunt, eorumq; in uicem idonea reponenda, iacenta statuenda, declinata corrigenda. Iugo si non erit opus noua sartura, recentia uincula inserantur. Si restituendum uidebitur antè quàm uitis palo applicetur, perticis, uel arundinibus connectatur, ac tum demum (sicut in nouella præcipimus) uitè iuxta caput, infraq; brachia colligemus cum ridica, idq; facere non oportebit omnibus annis eodem loco, ne uinculum incidat, & truncum strangulet. Brachia deinde sub stella quadripartito locabimus, tenerosq; palmites super iugum ligabimus nihil repugnantes naturæ, sed ut quisquis obsequetur, leuiter curuabitur, ne deflexu frangatur, ne uel iam tumentes gemmæ detergeantur: atq; ubi duæ materiæ per unam partem iugi mittentur, media pertica interueniat, d rectæq; palmæ per iugorum compluuiâ decurrant, & uelut mersæ cacuminibus in terram despiciant. Id ut scitè fiat, meminerit alligator, ne retorqueat sarmementum, sed tantum inflexum deuinciat, & ut omnis materia, quæ nihil potest præcipitari, iugo superponatur, ut potius innixa perticæ, quàm è uinculo pendeat. Sæpe enim notauimus per imprudentiam rusticos subijcere iugo palmam, & ita colligare, ut solo uimine suppendeat. quæ uinea cum accipit pampini, & uuarum pondus, infringitur.

Quæ bonus uinitor in constituta iam uinea uicare, aut sequi debeat. CAP. XXVII.

Sic deinde ordinata uineta festinabimus emundare, sarmementisq; & calametis liberare. Quæ sicco tamen solo

legenda sunt, ne lutosa humus inculcata maiorem fossori laborem præbeat, qui protinus adhuc silenibus uineis inducendus est. Nam si palmis incipientibus, progemmantibusq; fossorem immiseris, magnam partem uidemæ decusseris. Igitur ante, quam gemment, per diuortium ueris, atq; hyemis quamaltissimè fodiendæ uineæ sunt, quo letius, atq; hilarius pullulent. Eæq; ubi se frondibus, & uuis uestierint, teneris caulibus necdum adultis modus adhibendus est. Idemq; uinitor, qui ante ferro, nunc manu decutiet umbrasq; compescet, ac superuacuos pampinos deturbabit. Nam id plurimum refert, non inscite facere, siquidem uel magis pampinatio, quam putatio uitibus consulit. Nam illa quamuis multum iuuat, sauciat tamen, & resecat: hæc clementius sine uulnere medetur, & anni sequentis expeditiorem putationem facit. Tum etiam uitem minus cicatricosam reddit, quoniam id ex quo uiride, & tenerum decerptum est, celeriter consanescit. Super hæc materiæ, quæ fructum habent, melius conualescunt, & uua commodius insolatæ percoquantur. Quare prudentis est, ac maxime callentis uinitoris æstimare, ac dispicere, quibus locis in annum debeat materias summittere, nec orbos tantum detrahère palmutes, uerum etiam frugiferos, si supra modum se numerus eorum profuderit: siquidē cucnit, ut quidam oculi trigeminis palmis eggerminet, quibus binos detrahère oportet, quò commodius singulos alumnos educent. Est enim sapientis rustici reputare, num maiore fructu uitis se inducrit, quam ut perferre eū possit. Itaq; non solum frondem superuacuam debet decerpere, quod semper faciendū est, uerum interdum partē aliquam foetus decutere, ut ubere suo grauata uitē leuet, Idq; faciet uarijs de causis pampinator industrius, etiam si non

erit maior fructus, quam ut maturefcere queat. Si autem
 continuis superioribus annis dapfili prouentu fatigata uitis
 fuerit, requiefcere, ac refici par erit, & sic futurae materiae
 confulendum. Nam cacumina flagellorum confringere lu-
 xuriae comprimendae causa uel e dura parte, aut à trunco
 surgentes pampinos submouere oportebit, nisi ad renouan-
 dam uitem unus, atque alter feruandus est. Tum e capite
 quicquid inter brachia uiret explantare: atque eos, qui per
 ipsa duramenta steriles, nequicquam matrem occupant, pal-
 mutes detergere, cuiuslibet uel pueri est officium.

Quomodo pampinari, & quot fossuris uinea
 excoli debeat.

CAP. XXVIII.

TEmpus autem pampinationis ante, quam florem ui-
 tis ostendat, maxime est eligendum, sed & postea li-
 cet eandem repetere. Medium igitur eorum dierum spa-
 tium, quo acini formantur uinearum, nobis aditum negat,
 quippe florentem fructum mouere non expedit, pubescen-
 tem uero, & quasi adolescentem conuenit religare, folijsq;
 omnibus nudare, tum & crebris fossionibus implere, nam
 fit uberior puluerationibus. Nec inficior plerosq; ante me
 rusticarum reru magistros tribus fossuris contentos fuisse:
 ex quibus Graecinus, qui sic refert, Potest uideri satis esse
 constitutam uineam ter fodere. Celsus quoque, & Atticus
 consentiunt tres esse motus in uite, seu potius in omni sur-
 culo naturales: unum, quo germinet: alterum, quo floreat:
 tertium, quo maturefcat. Hos ergo motus censent fossioni-
 bus concitari. Non enim natura, quod uult satis efficit, nisi
 eam labore cum studio iuueris. Atque haec colendarum
 uinearum cura est, quae finitur uindemia.

De inferendis uitibus, & insitione tuenda.

CAPUT XXIX.

Redeo

REdeo nunc ad eam partem disputationis, qua sum professus uitium inferendarum, tuendarumq; insitionum praecepta. Tempus inferendi Iulius Atticus tradidit ex Calend. Nouemb. in Calendas Iunias quoad posse custodiri surculum, siue gemmā affirmat. Eoq; debemus intelligere nullam partē anni excipi, si sit sarmentis alendis facultas. Id porro in alijs stirpium generibus, quæ firmioris & succosioris libri sunt, posse fieri sanè cōcesserim. In uitis nimis temere tot mensium rusticis insitione permissam dissimulare non est fidei meæ, non quòd ignorem brumæ temporibus aliquādo insitam uitē cōprehendere: sed non quid in uno uel altero experimento casu fiat: uerum quid certa ratione plerunq; proueniat discentibus, præcipere debemus. Etenim si exiguo numero periclitandū sit, in quo maior cura temeritati medetur, possum aliquatenus conuiuere. Cum uero uastitas operis etiam diligentissimi agricolæ curam distendat, omnem scrupulum sum mouere debemus. Est enim contrariū quod Atticus præcipit. Nam idem per brumam negat recte putari uincem. Quæ res, quamuis minus lædat uitē, merito tamē fieri prohibetur, quòd frigoribus omnis surculus rigore torpet, nec propter gelicidia corticem mouet, ut cicatricem consanet. Atque idem Atticus non prohibet eodem ipso tempore inferere, quod tum, & totius obtruncatione uitis, & cum eiusdem resectionis fissura præcipit fieri. Verior itaq; ratio est inferendi tepentibus iam diebus post hyemem, cum & gemmas, & corticem naturaliter mouent, nec frigus ingruit, quod possit aut surculū insitū, aut fissuræ plagā inurere. Permisserim tamen festinantibus autumno uitē inferere, quia non dissimilis est eius aëris qualitas uernæ: sed quocunq; quis tempore destinauerit inferere, non aliam sciat esse

esse curam surculis explorandis, quam quæ tradita est prio-
 re libro, cum de malleolis eligendis præcepimus, quos ubi
 generosos & fœcundos, & quam maturissimos uiti de-
 traxerit, dicm quoq; tepidum, silentemq; à uentis eligat.
 Tum consideret surculum tercetm, solidiq; corporis, nec
 fungosæ medullæ crebris etiam gemmis, & breuib; inter
 nodijs: nam plurimum interest non esse longum sarmen-
 tum, quod inscratur, & rursus plures oculos, quibus eger-
 minet, inesse. Itaq; si sunt longa internodia, necesse est ad
 unam, uel summum duas gemmas recidere surculum, ne
 proceriorem faciamus, quam ut tempestates, & uentos,
 & imbres immobilis pati possit. Inscratur autem uitis uel
 rescissa, uel integra perforata terebra: sed illa frequentior,
 & pene omnibus agricolis cognita insitio: hæc rarior, &
 paucis usurpata: de ea igitur prius disseram, quæ magis in
 consuetudine est. Reciditur uitis plerunq; supra terram,
 nonnunquam tamen & infra, quo loco magis solida est,
 atq; enodis: cum iuxta terram insita est, surculus adobru-
 tur cacumine tenuis: at cum editior est à terra, fissura dili-
 genter subactò luto linitur, atq; superposito musco liga-
 tur, quòd & calores, & pluuias arceat: tēperatur ita sur-
 culus, ut calamo nō absimilis, coagmentet fissurā sub qua
 nodus in uite desideratur, qui quasi alliget eam fissuram,
 nec rimam patiatur ultra procedere. Is nodus etiā si qua-
 tuor digitis à resectione absuerit, illigari tamen eum prius
 quam uitis findatur, conueniet, ne cum scalp pro factum fue-
 rit iter surculo, plus iusto plaga hiet, calamus autem non
 amplius tribus digitis debet alleuari: æqualiter ex ea par-
 te, qua raditur, ut sit leuis, eaq; rasura ita deducitur, ut
 medullam contingat uno latere, atque altero paulò ul-
 tra corticem dstringatur, figurcturq; in speciem cunei,

sic ut

sic ut ab ima parte acutus surculus, latere altero sit tenuior, atque altero plenior, perq; tenuiorem partem insertus co latere arctetur quo est plenior, & utrinque contingat fissuram. Nam nisi cortex cortici sic applicetur, ut nullo loco transluceat, nequit coalescere. Vinculi genus ad insitionem non unum est: alij uiminibus obstringunt: nonnulli circumdant libro fissuram: plurimi ligant iunco, quod est aptissimum. Nam uimen, cum inaruit, penetrat, & insecat corticem, propter quod molliora uincula magis probamus, quae cum circumuicere truncum, adactis arundineis cuncolis arctantur: sed antiquissimum est, & ante haec ablaqueari uitem, radicesque summas, uel soboles amputari, & post haec adobruui truncum: isque cum comprehendit, aliam rursus exigit curam, nam saepius pampinandus est, cum germinat, frequentiusque detrahendae sunt soboles, quae a lateribus, radicibusque prorumpunt: tum quod ex insito profundit subligandum, ne uento surculus motus labefactetur, aut explantetur tener pampinus, qui cum excreuit, nepotibus orbandus est, nisi si propter penuriam, & caluitium loci sumitur in propaggines autumnus: deinde falcem maturis palmitibus admouet: sed putationis insitis custoditur ea ratio, ut ubi nulla desideratur propago, unus surculus euocetur in iugum: alter ita recidatur, ut adaequetur plaga trunco, sic tamen nequid radatur e duro: pampinandum non aliter est, quam in nouella uiu radice: putandum uero sic, ut usque in quartum annum parcius impetretur, dum plaga trunci ducat cicatricem: atque haec per fissuram insitarum est ordinatio, in illa autem quae sit per terebrationem, primum ex uicino fructuosissima oportet considerare uitem, ex qua (uelut traducem inherentem matri) palmitem attrahas, & per foramen transmittas: haec enim tutior,

& certior est insitio, quoniam & si proximo uere nō com-
 prehendit, sequente certē, cum increuit, cōiungi cogitur, &
 mox à matre reciditur, atq; ita superficies insitæ uitis usque
 ad receptum surculum obtruncatur: huius tradueis si non
 est facultas, tum detractum uiti quā reeentissimum eligi-
 tur sarmentum, & leuiter circumrasum, ut cortex tantum
 detrahatur, aptatur foramini, atq; ita luto circumlinitur re-
 secta uitis, ut totus truncus alieni generis uiti seruiat: quod
 quidem non fit in traduce, qui à materno sustinetur ubere,
 dum inolescat: sed aliud est ferramentum, quo priores uitem
 perforabant: aliud, quod ipse usu nunc magis aptum compe-
 ri. Nam antiqua terebra, quam solam ueteres agricolæ no-
 uerāt, scobem faciebat, peruribatq; eam partem, quam per-
 forauerat, dextra porrò raro reuirescebat, uel cum priore
 coalescebat, in eaq; nec insitus surculus comprehendebat:
 tum etiam scobis nunquam sic eximebatur, ut non inhære-
 ret foramini: ea porrò interuentu suo prohibebat corpus
 surculi corpori uitis applicari: nos terebram, quam gallicā
 dicimus, ad hāc insitionem commenti longē habiliorem, uti-
 lioremq; comperimus, nam sic excauat truncum, ne fora-
 men inurat: quippe non scobē, sed ramēta facit, quibus exem-
 ptis, plaga leuis relinquitur, quæ facilius omni parte seden-
 tem surculum contingat, nulla interueniente lanugine, quam
 excitabat antiqua terebra: igitur secundum uernum æqui-
 noctiū perfectā uitū insitionē habeto, locisq; aridis, & sic-
 cis nigram uitē inserito, humidis albam: neq; est ulla eius
 propagandi necessitas, si modo tam mediocris est crassi-
 tudo tunci, ut incrementum insiti plagam possit contege-
 re, & nisi tamen uacuus locus demortui capitis uitē re-
 poscit: quod cū ita est, alter ex duobus surculis mergitur,
 alter eductus ad iugum in fructum summittitur: neq; inu-
 tile ex

tile ex ea uitæ, quam merferis, enascentes in arcu propaginis pampinos educare, quos possis mox, si ita competet, uel propagare, uel ad fructum relinquere.

De ratione pedaminum, uiminum,
& de salicæ.

CAP. XXX,

Quoniam constituendis, colendisq; uincis, quæ uidebantur utiliter præcipi posse, disseruimus, pedaminum, iugorumq; & uiminum prospiciendorum tradenda ratio est: hæc enim quasi quædam dotes uincis ante præparantur, quibus si deficitur agricola, causam faciendi uineta non habet, cum omnia, quæ sunt necessaria extra fundum querenda sint: nec emptionis tantum (sicut ait Atticus) pretium onerat uitis rationem, sed est etiam comparatio molestissima: conuehenda sunt enim tempore iniquissimo hyberno, quare salices uiminales, atq; arundinetæ, uulgaresq; syluæ uel consultò consitæ è castaneis prius facienda sunt. Viminaliū (ut Atticus putat) singula iugera, sufficere possunt quinis, & uigenis iugribus ligandæ uincæ: arundineti singula iugera, uigenis iugandis: castaneti iugrum, totidem palandis, quot arundineti iugandis: salicem uel riguus ager, uel uliginosus optimè, nec incommode tamē alit planus, & pinguis, atq; is debet conuerti bipalio (ita enim præcipiunt ueteres) in duos pedes & semissem salicæ destinatum solum: nec refert cuius generis uimen seras, dum sit lentissimum, putant tamen tria esse genera præcipue salicis, Græcæ, Gallicæ, Sabinae, quam plurimi uocant amerinam. Græca flauæ coloris est, Gallica obsoleti purpurei, & tenuissimi uiminis. Amerina salix gracilem uirgam, & ritilam gerit. Atq; hæ uel cacuminibus, uel talcis deponuntur, perticæ cacuminum modicæ plenitudinis, quæ tamē dipteridarij orbiculi crassitudinem non excedant, optimè panguntur.

guntur, eousq; dum ad solidum demittantur, talæ sesquipedales terreno immersæ paululum obruuntur. Riguus locus spatia laxiora desiderat, eaq; senum pedum per quincuncem rectè faciunt, siccancus spissiora sic, ut sit facilis accessus colētib; ea, quinum pedū interordinia esse abunde est, ut tamen in ipsa linea consitionis alterna uacuis intermissis bipedancis spatijs consistant semina. Satio est eorum prius, quam germinent, dum silent uirgæ, quas arboribus detrahi siccas conueniet. Nam rosidas si recideris, parum prosperè proueniunt: ideo pluuij dies in exputanda salice uitantur: fodienda sunt primo triennio salicta crebrius, ut nouella uincta, cum deinde conualuerint, tribus fossuris contenta sunt, aliter culta celeriter deficiunt. Nam quamuis adhibeatur cura, plurimæ salices intereunt, quarum in loco ex propinquo mergis propagari debent, curuatis, & defossis cacuminibus, quibus restituatur quicquid intercidit: anniculus deinde mergus decidatur à stirpe, ut suis radicibus tanquam uitis ali possit,

De genista,

CAP. XXXI.

Peradida loca, quæ genus id uirgultorum non recipiunt, genistam postulant, eius cum sit satis firmum, tum etiam lentissimum est uinculum. Seritur autem semine, quod cum est natum, uel defertur bima uiuiradix, uel relictæ cum id tempus excessit, omnibus annis more segetis iuxta terram demeti potest: cætera uincula, qualia sunt ex rubo, maiorem operam, sed in egeno tamen necessariam exigunt: perticalis ferè salix eundem agrum, quem uiminalis, desiderat, melior tamen riguo prouenit, atq; ea taleis conscribitur, & cum germinauit ad unam perticam summittitur, crebroq; foditur, atque exherbatur, nec minus, quam uinea pampinatur, ut in longitudinem ramorum potius, quam in
latitud

latitudinem euocetur: sic culta quarto demum anno ceditur. Nam quæ uinculis præparatur, potest annicula præcidi ad semissem supra duos pedes, ut e trunco fruticet, & in brachia uelut humilis uinea disponatur: si tamen siccior fuerit ager, bima potius rescabitur.

De arundinetis.

CAP. XXXII.

A Rundo minus altè pastinatur, melius tamen bipalio seritur: ea cum sit uiuacissima, nec recusset ullum locum, prosperius resoluta, quàm denso, humido, quàm secco, uallibus, quàm cliuis, fluminum ripis, & limitibus, ac uepreis commodius, quàm medijs agris deponitur: seritur bulbis radicis, seritur & talea calami, nec minus toto proster-nitur corpore: bulbus tripedaneis interuacantibus spatij obrutus anno celerius maturam perticam præbet: talea, & tota arundo serius prædicto tempore euenit: sed siue recisa in dupondium, & semissem talea, siue totæ arundines prostratæ deponantur, extent earum cacumina oportet, quòd si obruta sunt, totæ putrescunt: sed cultus arundinetis primo triennio non alius est, quàm cæteris: cum deinde consenuit, repastinandum est: ea est autem senectus, cum uel exaruit situ, & inertia plurium annorū, uel ita densatum est, ut gracilis, & canne similis arundo prodeat. Sed illud de integro refodi debet, hoc potest intercidi, & dirarari, quod opus rustici castrationem uocant: quæ tamen resectio arundineti cæca est, quia non apparet in terra quid aut tollendum sit, aut relinquendum: tolerabilius tamen arundo castratur antè, quàm ceditur: quatenus calami uelut indices demonstrant, quid eruendum sit: tempus repastinandi, & conferendi est prius, quàm oculi arundinum egerminant: ceditur deinde post brumam. Nam usq; in id tempus incrementum capit, ac tum compestitur, cum ob-

rigrant

rigant hyberno frigore, fodiendum quoties & uincta: sed
& macies eius, cinere, uel alio stercore iuuanda est, pro-
pter quod caesum pleriq; incendunt arundinetum.

De castaneis, & castanetis. CAP. XXXIII.

Castanea roboribus proxima est, & ideo stabilicendis
Cuncis habilis, eius enim in repastinato nux posita ce-
leriter emicat, & post quinquennium caesa more salicti re-
creatur, atq; in palum formata fere usq; in altera caesionem
perenat: ea pulla terram, & resoluta desiderat, sabulonem hu-
midum, uel refractum tosum non respuit: opaco, & septen-
trionali cliuo latatur, spissum solum, & rubricosum refor-
midat: scribitur ab Nouembri mense per tota huius sicciter-
ra, & repastinata in altitudine dupondij, & semissis: nu-
ces in ordinem semipedalibus: ordines autem quinquum pedum
spatijs dirimuntur: in altitudine dodratis castanea depres-
sis sulcis committitur, qui ubi nucibus sunt consiti prius,
quam coplanentur, breues arundines ab latere castancarum
panguntur, ut per hos sationis indices cautius fodi, &
runcari possint: simul atq; semina stillauerint, & iam bi-
ma transferri queunt, interuelluntur, ac bini pedes arbuscu-
lis uacui relinquuntur, ne densitas plantas emaciet: spissius
autem semen propter uarios casus deponitur: nam interdum
prius quam enascatur, aut siccitatibus nux inarescit, aut
aquarum abundantia putrescit: interdum subterraneis ani-
malibus sicuti muribus, & talpis infestatur: propter quae
sepe nouella castaneta caluescunt: atq; ubi frequentanda
sunt, melius ex uicino, si copetitur (mergi more) pertica de-
clinata propagatur, quam exempta reseritur: haec enim uelut
immota sua sede uehementer germinat: at quae radicitus
exempta, & deposita est, biennio reformidat, propter quod
compertum est commodius nucibus, quam uiuerradicibus

eiusmodi sylvas institui: spatia huiusce sationis, quæ supra scripta sunt, capita castanearum recipiunt M. M. D. CCC LXXX. cuius summæ (sicut ait Atticus) ex facili iugera singula præbebunt statuminum duodena millia: etenim talcæ propius stirpem recisæ quadrifidas plerumq; , ac deinde in secundæ talcæ eiusdem arboris bifidas ridicas summistrat: quod genus fissilis adminiculi manet diutius, quam teres palus. Cultus eiusdē est fossionis, positionisq; , qui uineæ supputari debet bima, quinetiam trima, nam bis ferro repetenda est ueris principio, ut incitetur eius procreitas: potest etiā quercus similiratione feri, ucrum biennio tardius, quam castanea deciditur: propter quod ratio postulabat tempus potius lucrari, nisi si dumosi, glareosiq; montes, atq; ea genera terræ, quæ supra diximus, glandem magis, quam castancam postulabunt. Hæc de uincis Italici, uincarumq; instrumentis, quantum reor, non inutiliter, et abunde disserui, mox agricolarum provincialium uincaticos, nec minus nostratis, et Gallici arbusi cultus traditurus.

L. IVN. MODERAT

TI COLVMELLAE

DE RE RVSTICA

LIB. V.

Quemadmodum datas formas agrorum
metiri debeas.

CAP. I.



UPERIORIBVS libris, quos ad te de constituendis, coledisq; uincis Siluine scripseram, nonnulla de fuisse dixisti, quæ agrestium operum studiosi desideraret: neq; inficior aliquid me præterisse, quauis inquirentem sedulo, quæ nostris seculis

eculi cultores, quæq; ueteres literarum monumentis pro-
 liderunt: sed cum sim professus rusticæ rei præcepta, nisi
 illor, non asseueraueram, quæ uastitas eius sciëntiæ cōtineret,
 unctâ me dicturum, sed plurima: nam illud in unius homi-
 nis prudentiam cadere nō poterat: neq; enim est ulla disci-
 plina, aut ars, quæ singulari consummata sit ingenio: qua-
 propter ut in magna sylua boni uenatoris est indaganter
 trās quamplurimas capere, nec cuiquam culpæ fuit non
 omnes cepisse: ita nobis satis, abundeq; est, tam diffusæ ma-
 teriæ, quam suscepimus, maxima partem tradidisse: quip-
 pe cum in ea uelut omiſsa desiderantur, quæ non sunt pro-
 pria nostræ professionis, ut proxime cum de commetien-
 dis agris rationem M. Trebellius noster à me requireret,
 uicinum ad cō atque coniunctum esse censebat demonſtran-
 ti quemadmodum agrum pastinarcmus, præcipere etiam
 pastinatum quemadmodum metiri debeamus, quod ego
 non agricolæ, sed mensoris officium esse dicebam, cum
 præsertim ne architecti quidem, quibus necesse est men-
 surarum nosse rationem, dignentur consummatorum ædi-
 ficatorum, quæ ipsi disposuerint, modum comprehendere, sed
 aliud existiment professioni suæ conuenire, aliud eorum,
 qui iam extructa metiuntur, & imposito calculo perfecti
 operis rationem computant, quo magis ueniam tribuendâ
 esse nostræ disciplinæ censeo, si eatenus progreditur, ut di-
 cat, quæ quidq; ratione faciendum, non quantum id sit,
 quod effecerit. Verû quoniam familiariter à nobis tu quoq;
 siluine præcepta mensurarû desideras, obsequar uolunta-
 ti tuæ, cum eo, ne dubites id opus geometrarum magis esse
 quàm rusticorum, desq; ueniam, siquid in eo fuerit erra-
 tum, cuius scientiam mihi non uindico: sed ut ad rem re-
 dâ, modus omnis areæ pedali mensura cōprehenditur, qui

digitorum est xvi. pes multiplicatus in passus, & actus,
 & climata, & iugera, & stadia, cēturiasq; mox citam in
 maiora spatia procedit. Passus pedes habet quinq; : actus
 minimus (ut ait M. Varro) latitudinis pedes quatuor, lon-
 gitudinis habet pedes cxx. Clima quoquouersus pedum
 est lx. actus quadratus undiq; finitur pedibus cxx. hoc
 duplicatum facit iugerum, & ab eo, quod erat iunctum,
 nomen iugeri usurpauit : sed hunc actum prouinciæ Bati-
 cæ rustici agnam uocant : iſdemq; triginta pedum latitu-
 dinem, & clxxx. longitudinem porcā ducunt : at
 Galli candetum appellant in arcis urbanis, spatium cen-
 tum pedum, in agrestibus autem pedum cl. quod arato-
 res cadetum nominant : semiugerum quoq; arepennem
 uocant : ergo (ut dixi) duo actus iugerum efficiunt lon-
 gitudine pedum cclxx. latitudine pedū cxx. quæ utre-
 quæ summæ inter se multiplicatæ quadratorū faciūt pe-
 dum uigintioctomilla & octingentos : stadiū deinde ha-
 bet passus cxxxv. id est pedes dcxxxv. quæ octies multi-
 plicata efficit mille passus, sic ueniunt quinquemillia pe-
 dum. Centuriam nunc dicimus (ut idem Varro ait) ducent-
 torum iugerū modum : olim autē ab centum iugeribus uo-
 cabatur centuria, sed mox duplicata nomen retinuit : sicut
 ti tribus dictæ primum à partibus populi tripartito di-
 uisi, quæ tamen nunc multiplicatæ pristinum nomen pos-
 sident : hæc non aliena, nec procul à ratiocinio, quod
 tradituri sumus, breuiter præfari oportuit : nunc uenia-
 mus ad propositum. Iugeri partes non omnes posuimus,
 sed eas, quæ cadunt in æstimationem facti operis, nam
 minores persequi superuacuum fuit pro quibus nulla mer-
 ces dependitur. Igitur (ut diximus) iugerum habet qua-
 dratorum pedum uigintioctomillia & octingentos, quæ
 pedes

pedes efficiūt scrupula CC LXXXVIIII. ut autem à mi-
 nima parte, id est ab dimidio scrupulo incipiam, pars quin-
 gentesima septuagesima sexta pedes efficit quinquaginta: id
 est iugeri dimidium scrupulum: pars ducentesima octoge-
 sima octaua pedes centi: hoc est scrupulum: pars CXLIIII.
 pedes CC. hoc est scrupula duo: pars septuagesima secun-
 da, pedes CCCC. hoc est sextula, in qua sunt scrupula
 quatuor. Pars quadragesima octaua, pedes DC. hoc est sici-
 licus, in quo sunt scrupula sex. Pars uigesima quarta, pedes
 milleducentos, hoc est semuncia, in qua sunt scrupula XIIII.
 pars duodecima duomillia & quadringentos, hoc est un-
 cia, in qua sunt scrupula XXIIII. pars sexta, pedes qua-
 tuormillia & octingentos, hoc est Sextans, in quo sunt scri-
 pula XLVIII. pars quarta pedes septemmillia et duecen-
 tos, hoc est Quadrans, in quo sunt scrupula LXXXII. Pars
 tertia pedes nouemmillia & sexcentos, hoc est Triens, in
 quo sunt scrupula XCVI. Pars tertia & unaduodecima,
 ped. duodecimmillia, hoc est Quincunx, in quo sunt scru-
 pula CXX. pars dimidia pedes quatuordecim millia &
 quadringentos, hoc est Semis, in quo sunt scrupula CXL-
 IIII. Pars dimidia & unaduodecima, pedes sexdecim mil-
 lia & octingentos, hoc est Septunx, in quo sunt scrupula
 CLXVIII. Partes duæ tertiæ, pedes decemnouem millia
 & ducentos, hoc est Bes, in quo sunt scrupula CCII. Par-
 tes tres quartæ, pedes unum & uigintimillia & sexcentos,
 hoc est Dodrans, in quo sunt scrupula CCXVI. pars dimi-
 dia & tertia. ped. uigintiquatuormillia, hoc est Dextans,
 in quo sunt scrupula CCXL. Partes duæ tertiæ & una
 quarta, pedes uigintisexmillia & quadringentos, hoc est
 Deunx, in quo sunt scrupula CC LXXIIII. Iugerū pedes
 uigintioctomillia & octingentos, hoc est As, in quo sunt
 l 4 scrupula

scrupula CCLXXXVIII. Iugeri autem modus si semper quadraret, & in agendis mensuris in longitudinem haberet pedes CCXL. in latitudine pedes CXX. expeditissimum esset eius ratiocinium, sed quoniam diuersae agrorum formae ueniunt in disputatione, cuiusque generis species subiciemus, quibus quasi formulis utemur.

De uarijs agrorum formis, & eorum dimensionibus.

CAP. II.

OMnis ager aut quadratus, aut longus, aut cuneatus, aut triquetrus, aut rotundus, aut etiam semicirculi, uel arcus, nonnunquam etiam plurium angulorum formam exhibet. Quadrati mensura facilima est: nam cum sit undique pedum totidem, multiplicantur in se duo latera, & quae summa ex multiplicatione effecta est, eam dicemus esse quadratorum pedum: tanquam est locus quoquouersus C. pedum: ducimus centies centenos, fiunt decemmillia. Dicemus igitur eum locum habere decemmillia pedum quadratorum, quae efficiunt iugeri trientem, & sextulam, pro qua portione operis effecti numerationem facere oportebit.

100

quadrati

100

10000

100


agri forma

100


At si longior fuerit, quam latior, ut exempli causa iugeri forma pedes habeat longitudinis CCXL. latitudinis pedes CXX. ita ut paulò ante dixi, latitudinis pedes cum longitudinis pedibus sic multiplicabis centies uicies duceni qua-

drag


drageni fiunt uigintioctomillia, & octingenti. Dicemus iugerum agri tot pedes quadratos habere. Similiterq; fiet de omnibus agris, quorum longitudo maior sit latitudine.




Si autē cuneatus ager fuerit, ut puta lōgus pedes centum: latus ex una parte pedes x x . & ex altera pedes decem, tunc duas latitudines componemus, fiet utraq; summa pedes x x x . Huius dimidia pars est quindecim, quā cum longitudine multiplicando efficiemus pedes mille & quingentos. Hos igitur in eo cuneo quadratos pedes esse dicemus, quæ pars erit iugeri semuncia, & scrupula tria.



At si tribus paribus lateribus triquetrum metiri debueris, hanc formā sequeris. Esto ager triangulus pedum quoquō uersus tricentorum. Hunc numerū in se multiplicato, fiunt ped. nonagintamillia. Huius summæ partē tertiam sumito, id est, trigintamillia: item sumito decumā, id est, nouemmillia. Vtranq; summā composito, fiūt pedes trigintanouēmillia. Dicemus hanc summā pedum quadratorū esse in eo triquetro. Quæ mēsurā efficit iugerū, & trientem, & sicilicū.




Sed si triangulus disparibus fuerit lateribus ager tanquam in subiecta forma, quæ habet rectum angulum, aliter rationocinium ordinabitur. Esto unius lateris linea, quæ facit angulum rectum pedum quinquaginta, & alterius pedum centum. Has duas summas in se multiplicato, quinquagies centeni fiunt quinquemillia. Horum pars dimidia duomilliaquingeni: quæ pars iugeri unciam, & scrupulum efficit.




Si rotundus ager erit, ut circuli speciem habeat, sic pedes sumito. Esto area rotunda, cuius diametros habeat pedes $L \times x$. Hoc in se multiplicato, septuagies septuageni fiunt quatuormillia & noningenti. Hanc summam undecies multiplicato, fiunt pedes quinquagintatriamillia noningenti. Huius summe quartamdecimam subduco, scilicet pedes triamillia octingenti, & quinquaginta. Hos esse quadratos in eo circulo dico. Quæ summa efficit iugeri sexcunciam, scrupula duo & dimidium.

Rotundi




agri formæ

Si semicirculus fuerit ager, cuius basis habeat pedes CXL . curvaturæ autē latitudo pedes LXX . oportebit multiplicare latitudinē cū basi, septuagies cēteni quadragenī fiūt nouēmillia & octingēti. Hæc undecies multiplicata fiunt cētūseptēmillia & octingēti. Huius summæ quartadecima est septē millia & septingēti. hos pedes esse dicemus in semicirculo, qui efficiūt iugeri quadrantē scrupula quinq.

Semicir
cularisforma
agri

140

Si autē minus, quā semicirculus crit, arcū sic metiemur. Esto arcus, cuius basis habeat pedes XVI . latitudo autem pedes $IIII$. Latitudinē cum basi pono. Fit utrunq; pedes XX . Hoc duco quater, fiunt $LXXX$. horū pars dimidia est XL . Itē sexdecim pedū, qui sunt basis pars dimidia $VIII$. VI in se multiplicati fiūt $LXIIII$. Quartadecimā partē duco, ea efficit pedes $IIII$. paulò amplius, hoc adijciet ad quadraginta. Fit utraque summa pedes $XLIIII$. hos in arcu quadratos esse dico, qui faciunt iugeri dimidiū scrupulum quinta, & uigesima parte minus.

Minor se
micirculo.agri for
ma

Si fuerit sex angulorum in quadratos pedes, sic redigitur. Est hexagonum quoquoersus lineis pedum $\times \times \times$. Latus unū in se multiplico tricies tricenī fiunt D C C C C . Huius summæ tertiam partem statuo C C C . eiusdem partem decumam $\times \text{C}$. Fiunt $\text{C C C} \times \text{C}$. Hoc sexies ducendum est, quoniam sex latera sunt, quæ consummata efficiunt duomilliatricenteni et quadraginta. Tot igitur pedes quadratos esse dicemus. Itaq; erit iugeri uncia dimidio scrupulo, et decima parte scrupuli minus.

Hexagoni

agri forma



Inter uites pangendas quot pedes relinquiendi sint.


CAP. III.

His igitur uelut primordijs talis ratiocinijs perceptis non difficiliter mensuras inibimus agrorum, quorum nunc omneis persequi species et longum, et arduum est. Duas etiam nunc formulas præpositis adiiciā, quibus frequenter utuntur agricolæ in disponendis seminibus. Est ager longus pedes milleducentos, latus pedes $\text{C} \times \times$. in eo uites disponendæ sunt ita, ut quini pedes inter ordines re-

lin

linquantur. Quæro quot seminibus opus sit, cum quinum pedum spatia inter semina desiderantur. Duco quintam partem longitudinis, fiunt $ccxL$. & quintā partem latitudinis, hoc est $xxiiii$. bis utrisq; summis semper singulos asses adijcio, qui efficiunt extremos ordines, quos uocant angulares. Fit ergo altera summa ducentorum quadraginta unius, altera uiginti quinque. Has summas sic multiplicato, quinquies & uicies ducentiquadrageni singuli. fiunt sexmillia & uiginti quinque. Totidem dices opus esse seminibus.


Semina inter quinos pedes.



Similiter inter senos pedes si uoles ponere, duces sextam partem longitudinis milleducentorum, fiunt cc . & sextam latitudinis cx . id est xx . His summis singulos asses adijcies, quos dixi angulares esse. Fiunt cc . & xx . Has summas inter se multiplicabis uicies, & semel ducentos & unum, atque ita efficies quatuormillia ducentos & uiginti unum. Totidem seminibus opus esse dices.


Semina

Semina inter senos pedes.




Similiter si inter septenos pedes ponere uoles septimam partem longitudinis, & latitudinis duces, & adijcies asses angulares, eodem modo, eodemq; ordine consummabis numerum seminum.

Semina inter septenos pedes.



Deniq; quocunq; pedum spatia facienda censueris, totam partem longitudinis, & latitudinis duces, & praedictos asses adijcies. Hæc cum ita sint, sequitur uti iugerum agri, qui habet pedes ccx l. longitudinis, & latitudinis pedes cx x. recipiat inter pedes ternos (hoc enim spatium minimum esse placet uilibus ponendis) per longitudinem semina $lxxx$ i. per latitudinē inter quinos pedes semina xxv . Qui numeri inter se multiplicati fiunt seminum duomillia & uiginti quinq;.

Semina inter ternos pedes.



Vel si quoquouersus inter quaternos pedes uinea erit disposita, longitudinis ordo habebit semina $L \times I$. latitudinis $x \times x \times I$. qui numeri efficiunt in iugero uites millicoctingentas & nonaginta unam: uel si in longitudinem per quaternos pedes, in latitudinem per quinos pedes fuerit disposita, ordo longitudinis habebit semina $L \times I$. latitudinis $x \times v$. quod si inter quinos pedes consitio fuerit, per longitudinem ordinis habebit semina $x \times L \times I \times x$. & rursus per latitudinem semina $x \times v$. qui numeri duo inter se multiplicati efficiunt mille ducentum & uiginti quinque. At si per senos pedes eundem uitibus locum placuerit ordinare, nihil dubium est, quin longitudini danda sint $x \times L \times I$. uites, latitudini autem uiginti una. Quae inter se multiplicatae efficiunt numerum $DCCCLXI$. Sin autem inter septenos pedes uinea fuerit constituenda, ordo per longitudinem recipiet capita triginta quinque, per latitudinem $x \times v \times I \times I \times I$. qui numeri inter se multiplicati efficiunt $DCXXX$. Totidem dicemus semina praeparanda. At si inter octonos pedes uinea conseretur, ordo per longitudinem recipiet semina $x \times x \times x \times I$. per latitudinem autem $x \times v \times I$. qui numeri inter se multiplicati efficiunt $CCCCXCVI$. At si inter nouenos pedes, ordo

ordo in longitudinem recipiet semina uigintiseptem, & in latitudinem quatuordecim, hi numeri inter se multiplicati faciunt CCCLXXVIII. At si inter denos pedes, ordo longitudinis recipiet semina XXV. latitudinis XIIII. Hi numeri inter se multiplicati faciunt CCCXXV. & ne in infinitum procedat disputatio nostra, eadem portione, ut cuiq; placuerint laxiora spatia, semina faciemus. Ac de mensuris agrorum, numerisq; seminum dixisse abunde sit, nunc ad ordinem redeo.

De cultura prouincialium uinearum. CAP. IIII.

Vinearum prouincialium plura genera esse comperi. Sed ex ijs, quas ipse cognoui, maxime probantur, uelut arbusculæ, breui curæ sine adminiculo per se stantes: deinde quæ pedaminibus adnixæ singulis iugis imponuntur, eas rustici canteriatas appellant. Mox quæ defixis arundinibus circummunitæ per statumina calamorum materijs ligatis in orbiculos, gyrosq; flectuntur, eas nonnulli characatas uocant. Vltima est conditio stratarum uitium, quæ ab enata stirpe confestim uelut proiectæ per humum porriguntur. Omnium autem sationis ferè eadem est conditio. Nam uel scrobe, uel sulco semina deponuntur, quoniam pastinationis expertes sunt externarum gentium agricolæ: quæ tamen ipsa penè superuacua est ijs locis, quibus solum putre, & per se resolutum est: nanque hoc inutatur arando (ut ait Vergilius) quod etiam pastinando: itaque Campania, quoniam uicinum ex nobis capere potest exemplum, non utitur hac molitione terræ, quia facilitas eius soli minorem operam desyderat: sicubi autem densior ager prouincialis rustici maiorem poscit impensam, quod nos pastinando efficimus, ille sulco facto consequitur, ut laxius subacto solo deponat semina.

Repetitio eorum, quæ dicta sunt, per

singula genera.

CAP. V.

¶ Ed ut singula earum, quæ proposui, uinearum genera
persequar, prædictū ordinem repetam. Vitis, quæ sine
admiculo suis uiribus consistit, solutiore terræ scrobe,
densiore sulco ponenda est. Sed & scrobes & sulci plu-
rimum profunt, si in locis temperatis, quibus æstas non
est perferuida, ante annum fiant, quàm uineta conseran-
tur: soli tamen ante bonitas exploranda est. Nam si ieiu-
no, atq; exili agro semina deponentur, sub ipsum tempus
sationis scrobs, aut sulcus faciendus est. Si ante annum
fiant, quàm uinea conseratur, scrobs in longitudinem, al-
titudinemq; defossus tripedaneus abunde est, latitudine ta-
men bipedanea: uel si quaternum pedum spatia inter or-
dines relicturi sumus, commodius habemus eandem quo-
quouersus dare mensuram scrobibus, non amplius tamen
quàm in tres pedes altitudinis depressis. Cæterum quatuor
angulis semina applicabuntur subiecta minuta terra, &
ita scrobes adobruentur. Sed de spatijs ordinum eatenus
præcipiendum habemus, ut intelligant agricolæ siue ara-
tro uineas culturi sint, laxiora interordinia relinquenda,
siue bidentibus angustiora: sed neque spatiosiora, quàm
decem pedum, neque contractiora quàm quatuor. Multi
tamen ordines ita disponunt, ut per rectam lineam binos
pedes, aut ut plurimum, ternos inter semina relinquunt.
Transuersa rursus laxiora spatia faciāt, per quæ uel fossor,
uel arator incedat. Sationis autem cura nō alia debet esse,
quàm quæ tradita est à me tertio uolumine. Vnum tamen
huic consitioni Mago Carthaginensis adiicit, ut semina
ita deponantur, ne protinus totus scrobs terra complea-
tur, sed dimidia ferè pars eius sequente biennio paulatim

m

adeque

adequetur. Sic enim putat uitem cogi deorsum agere radices. Hoc ego siccis locis fieri utiliter non negauimus, sed ubi aut uliginosa regio est, aut cœli status imbrifer, minime faciundum censeo. Nam consistens in semiplenis scrobibus nimius humor ante, quam coualescât, semina necat. Quare utilius existimo repleti quidem scrobes stirpe deposita, & cum semina comprehēderint, statim post æquinoctium autūnale debere diligenter, atq; aliè ablaqueari, & recisis radiculis, si quas in summo solo citauerint, post paucos dies adobruui: sic enim utrunq; incommodum uitabitur, ut neque radices in superiore partem euocentur, neq; immodicis pluuijs parum ualida uexētur semina: ubi uerò iam corroborata fuerint, nihil dubium est, quin celestibus aquis plurimum iuuentur. Itaq; locis quibus clementia hyemis permittit, ad apertas uites relinquere, & tota hyeme ablaqueatas habere eas cōueniet. De qualitate autem seminū inter autores non conuenit. Alij malleolo protinus conferri uineam melius existimant, alij uiuiradice: de qua re quid sentiam, iam superioribus uoluminibus professus sum. Et nunc tamē hoc adiicio, esse quosdā agros, in quibus nō æquē bene trās lata semina, quā immota respōdeant, sed istud rarissimē accidere. Notandū itaq; & diligēter explorandū esse, & quid quæq; ferat regio, & quid quæq; recuset: depositam ergo stirpem, id est, malleolū, uel uiuiradicem formare sic conuenit, ut uitis sine pedamine consistat: hoc autem protinus effici non potest. Nam nisi adminiculum teneræ uiti, atq; infirmæ contribueris, prorepens pampinus terræ se applicabit: itaque posito semini arundo adnectitur, quæ uelut infantiam eius tueatur, atque educet, producatq; in tantam staturam, quantum permittit agricola: ea porro non debet esse sublimis: nam

usque

usq; in sexquipedem coercendum est: cum deinde robur accipit, & iam sine adiumento consistere ualet, aut capitis, aut brachiorum incrementis adolescit: nam duæ species huius quoq; culturæ sunt: alij capitatas uineas, alij brachiatas magis probant, quibus cordi est in brachia uitem componere, conuenit ut à summa parte, qua decisa nouella uitis est, quicquid iuxta cicatrice citauerit, conscruari, & in quatuor brachia pedalis mensuræ diuidere, ita ut omnem partem cœli singula aspiciant: sed hæc brachia non statim primo anno procera summittuntur, ne oneretur exilitas uitis, sed cōpluribus putationibus in prædictam mensuram educuntur: deinde ex brachijs, quasi quædā cornua prominentia relinqui oportet, atq; ita totā uitē omni parte in orbē diffundi: putationis autē ratio eadē est, quæ in iugatis uitibus: uno tantū differt, quòd pro materijs longioribus pollices quaternū, aut quinū gemmarū relinquuntur. pro custodibus autē bigemes resceces fiunt: in ea deinde uinea quam capitatam diximus, iuxta ipsam matrem, usq; ad corpus sarmentū detrahitur, una aut altera tantummodò gemma relicta, quæ ipsi trunco adheret: hæc autē riguis, aut pinguißimis locis fieri tutò potest, cum uires terræ, & fructum, & materias ualent præbere: maxime autē aratris excolunt, qui sic formatas uineas habēt, & cum rationē sequuntur detrahēdi uitibus brachia, quòd ipsa capita sine ulla extantia neque aratro, neq; bubus obnoxia sunt: nam in brachiatis plerunque fit, ut aut crure, aut cornibus bouum ramuli uitium defringantur, sepe etiam & stiuā, dum sedulus arator uomere perstringere ordinem, & quā proximam partem uitium excolere studet: atque hæc quidem cultura uel brachiatis, uel capitatis uitibus ante, quā gemment, adhibetur: cum deinde germinauerint, fossor insequitur, ac bi-

dentibus eas partes subigit, quas bubulcus non potuit per-
tingere: mox ubi materia uitis exigit, insequitur pampi-
nator, & superuacuos deterget, fructuososq; palmites
submittit, qui cum induruerunt, uelut in coronam religan-
tur: hoc duabus ex causis fit, una, ne libero excursu in lu-
xuriam prorepant, omniaq; alimenta pampini absument,
altera ut religata uitis rursus aditum bubulco, fossoriq; in
excolenda se praebeat. Pampinandi autem modus is erit, ut
opacis locis, humidisq; & frigidis aestate uitis nudetur, fo-
liaq; palmitibus detrahantur, ut maturitatem fructus cape-
re possit, & ne situ putrescat: locis autem siccis, calidisq;
& apricis, ut è contrario palmitibus uuae contegantur, efi-
parum pampinosa uitis est, aduectis frondibus, & inter-
dum stramentis fructus muniatur. M. quidem Collumella
patruus meus uir illustribus disciplinis eruditus, ac diligen-
tissimus agricola Beticæ provinciae sub ortu caniculæ pal-
meis tegetibus uineas adumbrabat, quoniam plerunq; dicti
syderis tempore quædam partes eius regionis sic infestan-
tur Euro, quem incolæ Vulturnum appellant, ut nisi tegmi-
nibus uites opacentur, uelut halitu flammæ fructus ura-
tur: atque hæc capitata, brachiataq; uitis cultura est. nam
illa, quæ uno iugo superponitur, aut quæ materijs summis-
sis arundinum statunibus per orbem connectitur, fere
eandem curam exigit, quam iugata: nonnullos tamen in ui-
neis characatis animaduerti, & maxime eluenaci generis
prolixos palmites, quasi propagines summo solo adobruere,
deinde rursus ad arundines erigere, & in fructum sum-
mittere, quos nostri agricolæ mergos, Galli candosoccos
uocant: eosq; adobruunt simplici ex causa, quòd existiment
plus alimenti terram præbere fructuarijs flagellis: inique
post uindemiam uelut inutilia sarmenta decidunt, & à stir-
pe

per summouent: nos autem præcipimus easdem uirgas, cum à matre fuerint præcisæ, sicubi demortuis uitibus ordines uacent, aut si nouellam quis uineam instituere uelit, pro uiradice ponere, quoniam quidem partes sarmetorum quæ fuerant obrutæ, satis multas habent radices, quæ depositæ scrobibus, confestim comprehendant. Superest reliqua illa cultura prostratæ uincæ, quæ nisi uiolentiſſimo cœli statu suscipi non debet: nam & difficilem laborem colonis exhibet, nec unquam generosi saporis unum præbet: atque ubi regionis conditio solam eam culturam recipit, bipedaneis scrobibus malleolus deponitur, qui cum egerminauit, ad unam materiam reuocatur: eaq; primo anno compeſcitur in duas gemmas: sequente deinde, cum palmites profudit, unus summittitur, cæteri decutiuntur: at ille, qui summissus est, cum fructum edidit, in eam longitudinem deputatur, uti iacens non excedat interordinij spatium: nec magna est putationis differentia cubantis, & stantis rectæ uincæ, nisi quòd iacenti uiti breuiiores materiæ summitti debent, reſecæ quoque angustius in modum furunculorum relinqui, sed post putationem: quam utique autumnò in eiusmodi uinea fieri oportet, ut uitis tota deflectatur in alterum interordinium, atque ita pars ea, quæ fuerat occupata, uel foditur, uel aratur, & cum exculta est, eandem uitem recipit, ut altera quoque pars excoli possit: de pampinatione talis uincæ parum inter autores conuenit: alij negant esse nudandam uitem, quo melius contra iniuriam uentorum, ferarumq; fructum abscondat: alijs placet parcius pampinari, ut & uitis non in totum superuacuis frondibus oneretur, & tamen fructum uestire, aut protegere possit, quæ ratio mihi quoque commodior uidetur.

De ulmarijs faciendis.

CAP. VI.

m 3

Sed

Sed iam de uincis satis diximus, nūc de arboribus præ-
 sciendum est: qui uolet frequens, & dispositum arbu-
 stum paribus spatijs, fructuosumq; habere, operā dabit ne
 emortuis arboribus rare scat, ac primam quanque senio, aut
 tempestate afflictam summoueat, & in uicem nouella sobo-
 lem substituatur: id autem facile consequi poterit, si ulmo-
 rum seminarium paratum habuerit: quod, & quomodo,
 & qualis generis faciendum sit, non pigebit deinceps
 præcipere: ulmorum duo esse genera conuenit: gallicum,
 & uernaculum: illud atinia, hoc nostrās dicitur. Atiniam
 ulmum Tremellicius Scrofa non ferre sameram (quod est
 semen eius arboris) falsò est opinatus: nam rariorem
 sine dubio creat, & idcirco plerisque & sterilis uidetur,
 seminibus inter frondem, quam prima germinatione edit,
 latentibus: itaque nemo iam scribit ex samera, sed ex soboli-
 bus: est autem ulmus longè lætior, & procerior, quam
 nostrās, frondemq; iucundiorē bubus præbet: qua cum
 assidue pecus alucris, & postea generis alterius fron-
 dem dare institueris: fastidium bubus affert: itaque si fieri
 poterit, totum agrum genere uno atiniæ ulmi conscre-
 mus: si minus, dabimus operam, ut in ordinibus disponen-
 dis pari numero uernaculas, & atinias alternemus, ita
 semper mista fronde utemur, & quasi hoc condimento
 illectæ pecudes fortius iusta cibariorum conficiant: sed
 uitem maxime opulus uidetur alere, deinde ulmus, post
 etiam fraxinus. Opulus, quia raram, neque idoneam fron-
 dem pecori præbet, à plerisq; repudiata est. Fraxinus, quæ
 capris, & ouibus gratissima est, nec inutilis bubus, locis
 asperis, montosis, quibus minus lætatur ulmus, recte scri-
 tur: ulmus, quod & uitem commodissime patitur, & iu-
 cundissimum pabulum bubus affert, uarijsque generibus
 soli

soli prouenit, à plerisq; reseritur : itaq; cui arbutum nouum institucere cordi est, seminaria ulmorum, uel fraxinorum parentur ea ratione, quam deinceps subscripsimus: nam opuli melius cacuminibus, in arbusto protinus deponuntur. igitur pingui solo, & modicè humido bipalio terram pastinabimus, ac diligenter occatam, & resolutam, uerno tempore in arcam componemus, sameram deinde, quæ iam rubicundi coloris crit, & compluribus insolata diebus iacuerit, ut aliquem tamen succū, & lentorē habeat, iniicimus areis, & eas totas seminibus spisse contegemus, atq; ita cribro putrem terram duos alte digitos incernemus, & modicè rigabimus, stramentisq; arcas cooperiemus, ne prodcuntia cacumina seminum ab auihus prærodantur: ubi deinde prorepserint plantæ, stramenta colligemus, & manibus herbas carpemus: idq; leuiter, & curiose faciendum est, ne adhuc teneræ, breuesq; radiculæ ulmorum conuellantur, atq; ipsas quidem arcas ita angustè compositas habebimus, ut qui runcaturi sunt, medias partes earum facile manu contingant: nam si latiores fuerint ipsis seminibus, quæ proculcata erunt, noxam capient. Aestate deinde prius quàm sol oriatur, aut ad uesperum, seminaria conspergi potius, quàm rigari debent, & cum terrinum pedum plantæ fuerint, in aliud seminarium transferri, ac ne radices alius agant (quæ res postmodum in eximendo magnum laborem affert, cum plantas in aliud seminarium transferre uolumus) oportebit non maximos scrobiculos sesquipede inter se distantes fodere: deinde radices in nodum si breues, uel in orbem coronæ similem, si longiores erunt, inflecti, & oblitas fimo bubulo scrobiculis deponi, ac diligenter circūculcari, possunt etiam collectæ cum stirpibus plantæ eadem ratione disponi: quod in atinia ul-

mo fieri necesse est, quæ non feritur è samera, sed hæc ulmus autūni tēpore melius, quàm uere disponitur, paulatimq; ramuli eius manu detorquentur, quoniam primo biennio, ferri reformidat ictum, tertio demū anno acuta falce abraditur, atque ubi translationi iam idonea est, ex eo tempore autumnī, quo terra imbribus permaduērit, usq; in uernū tempus ante, quàm radix ulmī in eximendo delubretur, rectē feritur. igitur in resoluta terra ternū pedū quoquò uersus faciendi scrobes: at in densa, sulci eiusdem altitudinis, qui arbores recipiant præparandi: sed deinde in solo rosido, & nebuloso conferendæ sunt ulmī, ut earum ramī ad orientem, & in occidentem dirigantur, quoplus solis mediæ arbores, quibus uitis applicata, & reli-gata innuitur, accipiant. Quòd si etiam frumentis consulemus, uberi solo intra quadraginta pedes, exili ubi nihil feritur, intra uiginti arbores disponantur: cū deinde adolēscere incipient, falce formandæ, & tabulata instituenda sunt: hoc enim nomine usurpant agricolæ ramos, truncosq; prominentes, eosq; uel propius ferro compe-scunt, uel longius promittunt, ut uites laxius diffundantur: hoc in solo pingui, melius illud in gracili: tabulata inter se ne minus ternis pedibus absint, atq; ita formētur, ne superior ramus in eadem linea sit, qua inferior: nā demissū ex eo palmitē germinantē inferior atteret, & fructum decutiet: sed quacunque arborem seueris, eam biennio proximo putare non oportet: post deinde si ulmus exiguum incrementum recipit, uerno tempore, antè quàm librum demittat, decacuminanda est iuxta ramulum, qui uidebitur esse nitidissimus, ita tamen uti supra cum trunco stirpem dodrantalem relinquant, ad quam ductus, & applicatus ramus alligetur, & correptus cacumen arbori præbeat.

beat. Deinde stirpem post annū præcidi, & alleuari oportet: quòd si nullum ramulum arbor idoneum habuerit, sat erit nouæ pedes à terra relinqui, & superiorē partem detruncari, ut nouæ uirgæ, quas emiserit, ab iniuria pecoris tutæ sint: sed si fieri poterit, uno ictu arbore præcidi: si minus, ferra desecari, & plagā falce alleuari oportebit, eaq; plagam luto paleato tegi, ne sole, aut pluuijs infestetur. Post annum, aut biennium, cum enati ramuli recte conualuerint, superuacuos deputari, & idoneos in ordinem summitti conueniet: quæ ulmus à positione bene prouenerit, eius summæ uirgæ falce debent enodari. At si robusti ramuli erunt, ita ferro amputentur, ut exiguum stirpem prominentem trunco relinquant. Cum deinde arbor conualuerit, quicquid falce contingi poterit, exputandum est, alleuandumq; eatenus, ne plaga corpori matris applicetur. Vnum autem nouellam sic formare conueniet: loco pingui octo pedes à terra, sine ramo relinquendi, uel in aruo gracili septem pedes: supra quod spatium deinde per circuitum in tres partes arbor diuidenda est, ac tribus lateribus singuli ramuli submittendi, primo tabulato assignentur. mox de ternis pedibus superpositis, alij rami summittendi sunt, ita ne iisdem lincis, quibus in superiore positi sint. in eademq; ratione usq; in cacumē ordināda erit arbor, atq; in frondatione cauendum, ne aut prolixiores pollices fiant, qui ex amputatis uirgis relinquuntur, aut rursus ita alleuentur, ne ipse truncus lædatur, aut delibretur. nam parū gaudet ulmus, quæ in corpus nudatur: uitandumq; ne de duabus plagis una fiat, cum talem cicatricē non facile cortex comprehendat. Arboris autem perpetua cultura est, non solum ante diligenter eadem disponere, sed etiam truncum circumfodere, & quicquid frondis enatum fuerit, alternis

annis aut ferro amputare, aut astringere, ne æmula umbra
uili noceat. cū deinde arbor uetustate fuerit adepta, pro-
pter ramū uulnerabitur ita, ut excauetur usq; in medullā,
quā sit exitus humori, quem ex superiore parte concepe-
rit. uite quoq; ante quā ex toto arbor præualeat, con-
serere cōuenit. At si tenerā ulmum maritaueris, noua suffe-
ret, si uetustam uitē applicueris: coniugem necabit: ita sibi
pares esse ætate, & uiribus arbores, uitesq; conuenit. Sed
arboris maritandæ causa scrobis uiuiradici fieri debet, la-
tus pedū duorū, altus leui terra: totidem pedum, graui, du-
pondio, & dodrāte, longius pedū sex, aut min mū quinq;
absit autem hic ab arbore ne minus scsq;ipedali spatio.
Nam si radicibus ulmi iunxeris, male uitis comprehendet,
& cū tenuerit, incremento arboris opprimetur. Hanc
scrobem, si res permittit, autūno facito, ut pluuijs, & ge-
licidijs maceretur. Circa uernum deinde æquinoctiū bine
uites, quo celerius ulmū uestiant, pedem inter se distantes
scrobibus deponendæ: cauendumq; ne aut septentrionalibus
uentis, aut rorulentæ, sed siccæ seratur. Hanc obseruatio-
nem non solum in uitium positione, sed in ulmorū, cætera-
rumq; arborū præcipio, & uti cū de seminario eximun-
tur, rubrica notetur una pars quæ nos admoncat, ne ali-
ter arbores cōstituamus, quā quemadmodū in seminario
steterint. plurimum enim refert, ut eam partem cœli spe-
ctent, cui ab tenero consueuerūt: melius autem locis apri-
cis, ubi cœli status neq; prægelidus, neq; nimium pluuius
est, autūni tempore, & arbores, & uites post æquinoctiū
deponuntur. Sed cæ ita cōserendæ sunt, ut summam terrā,
quæ aratro subacta sit semipedem alte substernamus, ra-
dicesq; omnes explicemus, & depositas stercoremus (ut
ego existimo) si minus terra subacta operiamus, & circū-
cale

allemus ipsum seminis codicem, uites in ultimo scrobe
poni oportet, materiasq; earum per scrobem porrigi,
inde ad arborem erigi, atque ab iniuria pecoris caucis
muniri. Locis autem feruidis semina septentrionali parte
arbori applicanda sunt: locis frigidis à meridie, tempera-
to statu cœli, aut ab oriente, aut ab occidente, ne toto die
solem, uel umbram patiantur. Proxima deinde putatione
melius existimat Celsus ferro abstineri, ipsosq; coles in
nodum coronæ contortos arbori circundari, ut flexura
materias profundat, quarum ualidissimam sequente anno
caput uitis faciamus. Me autem longus docuit usus, multo
uilius esse primo quoque tempore falcem uitibus admo-
uere, nec superuacuis sarmentis pati syluescere. Sed eam
quoque, quæ primo summittetur, materiam ferro coërcen-
dam censeo usque in alteram, uel tertiam gemmam, quo ro-
busiores palmites agat: qui cum primū tabulatum appre-
henderint, proxima putatione disponitur omnibus annis,
alioquin in superius tabulatum excitabitur, relicta semper
una materia, quæ applicata trunco cacumen arboris spe-
ctet. Iamq; uiti cōstitutæ certa lex ab agricolis imponitur:
plerique ima tabulata materijs frequentant: uberiorem fru-
ctum, & magis facilem cultum sequentes. At qui bonitati
uini student, in summas arbores uitem promouent, ut quæq;
materiæ se deuectæ in celsissimū quæq; ramum extendunt
sic, ut summæ uitis summam arborem sequatur, id est ut duo
palmites extremi trunco arboris applicentur, qui cacumē
eius spectent, & prout quisque ramus conualuit, uitem ac-
cipiat. Plenioribus ramis plures palmites alius ab alio se-
parati imponantur, gracilioribus pauciores. Vitisq; no-
uella tribus toris ad arborem religetur, uno qui est in crure
arboris à terra quatuor pedibus distans: altero, qui sum-

ma parte uitem capit : tertio, qui mediam uitem complet-
 tur. Torum imum imponi tum oportet, cum uires uiti adi-
 mit, interdum enim necessarius habetur, cum aut arbor si-
 ne ramis truncata est, aut uitis praeualens in luxuriam eua-
 gatur. Caetera putationis ratio talis est, ut uetres palmi-
 tes, quibus proximi anni fructus pependit, omnes recidan-
 tur, noui circuncisis undique capreolis, & nepotibus, qui
 ex his nati sunt, amputati committantur. & si laeta uitis est,
 ultimi potius palmutes per cacumina ramorum praeci-
 tentur: si gracilis, trunco proximis : si mediocris, medijs.
 quoniam ultimus palmes plurimum fructum affert, proxi-
 mus nimium, uitemque exhaurit, atque attenuat : maxime
 autem prodest uitibus, omnibus annis resolui. Nam & com-
 modius enodantur, & refrigerantur, cum alio loco alliga-
 ta sunt, minusque leduntur, ac melius conualescunt, atque
 ipsos palmites ita tabulatis superponi conuenit, ut a tertia
 gemma, uel quarta religati dependant, eosque non constrin-
 gi, ne sarmentum uimine praecidatur. Quod si ita longe
 tabulatum est, uti materia parum commodè in id perduc-
 i possit, palmitem ipsum uiti alligatum supra ternam gem-
 mam religabimus : hoc ideo fieri praecipimus, quia quae
 pars palmitis praecipitata est, fructu induitur : At quae uin-
 culo adnexa sursum tendit, ea materias sequente anno
 praebet. Sed ipsorum palmitum duo genera sunt. Alterum,
 quod ex duro prouenit, quod quia primo anno plerumque
 frondem sine fructu affert, pampinarium uocant. Alterum,
 quod ex anniculo palmitate procreatur, quod quia protinus
 creat, fructuarium appellant, cuius ut semper habeamus co-
 piam in uinea, palmitis partes ad tres gemmas religande
 sunt, ut quicquid intra uinculum est, materias exigat. Cum
 deinde annis, & robore uitis conualuit, traduces in proxi-
 mam

iam quaque arborem mittendæ, easq; post biennium
 imputare, simulatq; alias teneriores transmittere conue-
 nit: nam uetustate uitem fatigant. nonnunquam etiam
 um arborem totam uitis comprehendere nequit, ex usu
 uit partem aliquam eius deflexam terræ immergere, &
 rursus ad eandem arborem duas, uel tres propagines exci-
 rare, quò pluribus uitibus circumuenta celerius uestiatur.
 Viti nouellæ pampinarium dimitti non oportet, nisi ne-
 cessario loco natus est, ut uiduum ramum maritet. ueteri-
 bus uitibus loco nati palmites pampinarij utiles sunt, &
 plerique ad tertiam gemmam resecti optime submittuntur.
 Nam in sequenti anno materias fundunt. Quisquis autem
 pampinus loco natus in exputando, uel alligando fractus
 est, modò ut aliquam gemmam habuerit, extolli non opor-
 tet, quoniam proximo anno uel ualidiorem materiam ex
 una creabit. Præcipientes palmites dicuntur, qui de hornoti-
 nis uirgis enati in duro alligantur. Hi plurimum fructus
 afferunt, sed plurimum matri nocent, Itaque nisi extremis
 ramis, aut si uitis arboris cacumen superauerit, præcipita-
 ri palmitem non oportet. Quòd si tamen id genus colis
 propter fructum summittere quis uelit, palmitem intor-
 queat. Deinde alliget, & præcipitet. Nam & post eum lo-
 cum, quem intorseris, lætam materiam citabit, & præcipi-
 tata minus uirium in se trahet, quamuis fructu exubret.
 Præcipientem uero plus anno pati non oportet. Alterum est
 genus palmitis, quod de nouello nascitur, & in tenero alli-
 gatum dependet: (materiam uocamus) ea & fructum &
 noua flagella bene procreat, & iam si ex uno capite duæ
 uirgæ summittantur, tamen utraq; materia dicitur. Nam
 pampinarius quam uim habeat, suprâ docui. Focaneus est,
 qui inter duo brachia uelut in furca de medio nascitur. Eum
 colcm

colem deterrimum esse comperi, quod neq; fructum ferat, & utraque brachia inter quæ natus est, attenuet: itaq; tollendus est. Pleriq; uitem ualidam, & luxuriosam falso crediderunt feraciorem fieri, si multis palmitibus submissis oneretur. Nam ex pluribus uirgis plures pampinos creat, & cum se multa fronde cooperit, peius defloret, nebulasq;, & rores diutius continet, omnemq; uiam perdit. Validam ergo uitem in ramos diducere censeo, & traducibus dispergere, atque diradiare, cæterosq; uinearior coles precipitare, & si nimis luxuriabitur, solutas materias relinquere, ea ratione uitem feraciorem facere. Sed ut densum arbuscum commendabile fructu, & decore est, sic ubi uetustate rarefcit, pariter inutile, & inuenustum est. Quod ne fiat, diligentis patrisfamilias est, primam quaque arborem senio defectam tollere, ut in eius locum nouellam restituere uitem queat, nec tam uiuiradice frequentare (ea & si sit facultas) quam (quod est longè melius) ex proximo propagare. Cuius utriusque ratio cõsimilis est ei, quam tradidimus. Atque hæc de Italico arbusto satis præcepimus.

De arbusto Gallico.

CAP. VI.

Est & alterum genus arbusci Gallici, quod uocatur Rumpotinum. Id desiderat arborem humilem, nec frondosam. Cui rei maxime uidetur idonea opulus. Ea est arbor corno similis, quinetiam cornus, & carpinus, & ornus, nonnunquam & salix à plerisque in hoc ipsum disponitur. Sed salix nisi in aquosis locis, ubi aliæ arbores difficiliter comprehendunt, ponenda non est, quia uini saporem infestat. Potest etiam ulmus sic disponi, ut adhuc tenera decacuminetur, ne altitudinem quindecim pedum excedat. Nam ferè ita constitutum rumpotinetum admodum ucti

ueri, ut ad octo pedes locis siccis, & cliuosis, ad duodecim locis planis, & uliginosis tabulata disponantur. Plerumque autem ea arbor in tres ramos diuiditur, quibus singulis ab utraq; parte complura brachia summittuntur, tum omnes penè uirgæ ne umbrent eo tempore, quo uitis putatur, abraduntur. Arboribus rumpotinis si frumentum non inferitur, in utraq; partem uiginti pedum spatia interueniunt. At si segetibus indulgetur, in alteram partem quadraginta pedes, in alteram uiginti relinquuntur. Cætera simili ratione, atq; in arbusto Italico administrantur, ut uites longis scrobibus deponantur, ut eadem diligentia curetur, atq; in ramis deducatur, ut noui traduces omnibus annis inter se ex arboribus proximis cōnectantur, & ueteres decidantur. Si tradux traducem non contingit, media uirga inter eas deligetur. Cū deinde fructus pondere urgebit, subiectis adimuniculis sustineatur. Hoc autem genus arbusti, cæteræq; omnes arbores quāto altius arantur, & circumfodiuntur, maiore fructu exuberant, quod an expediat patrifamiliās facere cultus docet.

De generibus olearum. CAP. VII.

OMnis tamen arboris cultus simplicior, quā uinearum est, longeq; ex omnibus stirpibus minorem impensam desiderat olea, quæ prima omnium arborum est, nam quamuis non continuis annis, sed ferè altero quoque fructum afferat, eximia tamen eius ratio est, quod leui cultu sustinetur, & cū se non induit, uix ullam impensam poscit: sed & siquam recipit, subinde fructus multiplicat: neglecta compluribus annis nō ut uinea deficit, eoq; ipso tempore aliquid etiam interim patrifamiliās præstat, & cū adhibita cultura est, uno anno emendatur. Quare etiam nos in hoc genere arboris diligenter præcipere cœsumus.

suimus. Olearum, sicut uitium, plura genera esse arbitror,
 sed in meam notitiam decem modò peruenerunt. Pausia,
 algiana, liciniana, sergia, neuia, culminia, orchis, regia,
 circites, murtea. Ex quibus bacca iucundissima est pausia,
 speciosissima est regia, quæ potius escæ, quam oleo est
 idonea. Pausiæ tamen oleum saporis egregij, dum uiride
 est, uetustate corrumpitur. Orchis quoque, & radius me-
 lius ad escam, quam in liquorem stringitur. Oleum opti-
 mum licinia dat, plurimū sergia: omnisq; olea, & maior
 ferè ad escam, minor oleo est aptior. Nulla ex his generi-
 bus, aut perferuidum, aut gelidum statum cœli patitur.
 Itaq; æstuosus locis septentrionali colle, frigidis meridia-
 no gaudet. Sed neque depressa loca, neq; ardua, magisq;
 modicos cliuos amat, quales in Italia Sabinorum, uel tota
 prouincia Bætica uidemus. Hanc arbore pleriq; existimāt
 ultra miliarium sexagesimum à mari, aut non uiuere, aut
 non esse feracem. Sed in quibusdam locis rectè ualet. Opti-
 me uapores sustinet pausia, frigus sergia. Aptissimum ge-
 nus terræ est oleis, cui glareæ subest, si superposita creta
 sabulo admista est. Nō minus probabile est solum, ubi pin-
 guis sabulo est. Sed & densior terra, si uiuida, & leta est,
 commodè recipit hanc arborem. Creta ex toto repudian-
 da est, magis etiam scaturiginosa, & in qua semper uligo
 consistit. Inimicus est etiam ager sabulo macer, & nuda
 glareæ. Nam & si non emoritur in eiusmodi solo, nun-
 quàm tamen conualescit. Potest tamen in agro frumenta-
 rio feri, uel ubi arbutus, aut ilex steterant. Nam quercus
 etiam excisa radices noxias oliucto relinquit, quarum
 uirus enecat oleam. Sed hæc in uniuersum de toto genere
 huius arboris habui uobis dicere. Nunc per partes cultu-
 ram eius exequar.

De seminarijs oliuarum faciendis. CAP. IX.

Seminarium oliucto præparetur cœlo libero, terreno modicè ualido, sed succoso, neq; denso, neq; soluto solo, potius tamen resolutio. id genus terræ fere nigræ est, quam cum in tres pedes pastinaueris, & alta fossa circundederis ne aditus pecori detur, fermentari finito. Tum ramos nouellos proceros, & nitidos, quos comprehensos manus possit circumuenire, hoc est manubrij crassitudine feracissimos arboribus adimuto, & ex his quàm recentissimas talcas recidito, ita ut ne corticem, aut ullam aliam partem, quàm quæ serra præciderit, lèdas: hoc autem facile contingit, si prius uaram feceris, & eam partem, supra quam ramum secaturus es, foeno, aut stramentis texeris, ut molliter, & sine noxa corticis talcæ superpositæ secantur. Talcæ deinde sexquipedales serra præciantur, atque earum plage utraque parte falce leuentur, & rubrica notentur, ut sic quemadmodum in arbore steterat ramus, ita parte ima terram, & cacumine cœlum spectans deponatur. Nam si inuersa mergatur, difficulter comprehendet, & cum ualidius conualuerit, sterilis in perpetuum crit. Sed oportebit talearum capita, & imas partes misto fimo cum cinere oblinire, & ita totas eas immergeri, ut putris terra quatuor digitis alte superueniat. Sed binis indicibus ex utraque parte humantur: hi sunt de qualibet arbore breui spatio iuxta eas positi, & in summa parte inter se uinculo connexi, ne facile singuli deiciantur. Hoc facere utile est propter fossorum ignorantiam, ut cum bidentibus, aut sarculis seminarium colere institueris, depositæ talcæ non lædantur. Quidā melius existimāt hortulis excolere, & chorda simili ratione disponere: sed utrunq; debet post uernum æquinoctium seri, & quàm frequentissimè seminarium pri-

mo anno sarriri, postero, & sequentibus, cum iam radicle
 seminum conualuerint, rastris excoli. Sed biennio à puta-
 tatione abstineri, tertio anno singulis seminibus binos ra-
 mulos relinquere, & frequenter sarriri seminarium conue-
 nient. Quarto anno ex duobus ramis infirmior amputan-
 dus est, sic excoltae quinquennio arbusculæ habiles trans-
 lationi sunt. Plantæ autem in oliucto disponuntur opti-
 me siccis, minimeq; uliginosis agris per autumnum, lætis,
 & humidis uerno tempore paulò ante, quàm germinent.
 Atq; ipsis scrobes quaternum pedum præparantur anno
 ante: uel si tempus non largitur, prius quàm deponantur
 arbores, stramentis incendantur scrobes, ut eos ignis pu-
 tres faciat, quos sol, & pruina facere debuerat. Spatium
 inter ordines minimum esse debet, pingui, & frumentario
 solo sexagenum pedum in alteram partem, atque in alte-
 ram quadragenum: macro, nec idoneo segetibus quinum
 & uicenum pedum. Sed in Fauonium dirigi ordines con-
 uenit, ut æstiuo proflatu refrigerentur. Ipsæ autem arbu-
 sculæ hoc modo possunt transferri, ante quàm explantes
 arbusculam, rubrica notato partem eius, quæ meridiem spe-
 ctat, ut eodem modo, quo in seminario erat, deponatur.
 Deinde ut arbusculæ spatium pedale in circuitu relinqua-
 tur, atq; ita cum suo cespice planta eruatur. Qui cesspes in
 eximendo ne resoluetur, modicos surculos uirgarum inter
 se connexos facere oportet, eosq; pile, quæ eximitur, ap-
 plicare, & uiminibus ita innectere, ut constricta terra ue-
 lut inclusa teneatur. Tum subruta parte ima leuiter pilam
 cōmouere, & suppositis uirgis alligare, atq; plantam trans-
 ferre. Quæ ante quàm deponatur, oportebit solum scrobis
 imum fodere bidentibus, deinde terram aratro subactam
 (si tamen pinguior erit summa humus) immittere, & ita
 ordi

ordei semina substernere, & si constet in scrobibus aqua, ea omnis haurienda est ante quàm demuttantur arbores: deinde ingerendi minuti lapides, uel glarca musta pingui solo, depositisq; seminibus latera scrobis circuncidenda, & aliquid stercoris interponendum. Quòd si cum ea terra planta non conuenit, tum optimum est omni fronde priuare truncum, atq; leuatis plagis, fimoq; & cinere oblitis in scrobem, uel sulcum deponere. Truncus autem aptior translationi est, qui brachij crassitudinem habet. Poterit enim longe maioris incrementi, & robustioris transferri, quem ita conuenit poni, ut si non periculum à pecore habeat, exiguus admodum supra scrobem emineat, lætius enim frondet: si tamen incursum pecoris aliter uitari non poterit, celsior truncus constituitur, ut sit innoxius ab iniuria pecorum, atq; etiam rigandæ sunt plantæ, cum siccitates incoesserunt, nec nisi post biennium ferro tangendæ: ac primo surculari debent, ita ut simplex stylus altitudinem maximi scrobis excedat: deinde arando ne coxam bos, aliam uel partem corporis offendant: optimum est etiam constitutas plantas circummunire caueis, deinde constitutum iam, & maturum oliuetum in duas partes diuidere, quæ alternis annis fructu induantur, neque enim olea continuo biennio uberat. Cum subiectus ager consitus non est, arbor coliculum agit: cum seminibus repletur, fructum affert, ita sic diuisum oliuetum omnibus annis æqualem redditum adfert. Sed id minime bis anno arari debet: & bidentibus altè circumfodiri. Nam post solstitium cum terra æstibus hiat, curandum est, ne per rimas sol ad radices arborum penetret. Post æquinoctium autumnale ita sunt arbores ablaqueandæ, ut à superiore parte, si olea in cliuo sit, incilia excitentur, quæ limosam

aquam ad codicem deducant. Omnis deinde soboles, quæ ex uno stirpe nata est, quotannis extirpanda est, ac tertio quoq; fimo uel pabulandæ sunt oleæ. Atq; eadem ratione stercorabitur oliuetum, quam in secundo libro proposui, tamen segetibus prospicietur. Ac si ipsis tantummodo arboribus satis seruaueris, singulis stercoreis caprini sex libræ, stercoreis sicci modij singuli, uel amurcæ in singulis cõgius. Stercus autumnò debet iniici, ut permixtum hyemì radices oleæ calefaciat. Amurca ualentibus infundenda est: nã per hyemẽ si uermes, atq; alia suberunt animalia, hoc medicamento necantur. Plerunq; etiam locis siccis, & humidis, arbores musco infestantur, quem nisi ferramẽto rescueris, nec fructum, nec lætam frondem olea inducet. Quinetiam compluribus interpositis annis oliuetum putandum est: nam ueteris prouerbij meminisse conuenit, Eum, qui aret oliuetum, rogare fructum: qui stercoret, exorare: qui cædat, cogere. Quod tamen satis erit octauo anno fecisse, ne fructuarij rami subinde amputentur. Solent etiam quamuis lætæ arbores fructũ non asferre. Eas terebrari gallica terebra conuenit, atq; ita in foramen uiridem taleã olea stri demitti, sic uelut inita arbor fœcundo semine fertilior extat. Sed & sine ablaqueatione adiuuanda est amurca infusa cum suilla, uel nostra arina uetere, cuius utriusq; modus seruatur. Nam maximæ arbori, ni tantundem aquæ miscetur, urna abunde erit. Solent etiam uitio soli fructum oleæ necare. Cui rei sic medebimur: altis gyris ablaqueabimus eas, deinde calcis pro magnitudine arboris plus, minusue circumdabimus: sed minima arbor modicum postulat. Hoc remedio si nihil fuerit effectum, ad præsidium insitionis confugiendum erit. Quemadmodum autem olea inferenda sit postmodum dicemus. Nonnunquam etiam

in olea unus ramus cæteris aliquanto est lætior, quem nisi recideris, tota arbor contristabitur. Ac de oliuetis hæcenus dixisse satis est. Superest ratio pomiferarum arborum, cui rei deinceps præcepta dabimus.

De arboribus pomiferis.

CAP. X.

Locum pomarij, priusquam semina seras, circummunire macerij oportet, uel sepe, uel fossa præcipiti, ut non solum pecori, sed & homini transitu negare ualeat: quoniam si sæpius cacumina hominis manu tractata, aut à pecoribus prærosa sunt, in perpetuū semina incrementum capere nequeunt. Generatim autē disponere arbores utile est maxime etiam ne imbecilla à ualentiore prematur, quia nec uiribus, nec magnitudine par est, impariq; spatio temporis adolefcit. Terra, quæ uitibus apta est, etiā arboribus est utilis: ante annum, quā seminare uoles, scrobem fodito, ita sole, pluuijs uel macerabitur, & quod positum est, citò comprehendet. At si eodem anno & scrobem facere, & arbores serere uoles, minimum ante duos menses scrobes fodito, postea stramentis incensis calefacito: quos si latiores, patentioresq; feceris, lætiores, uberioresq; fructus percipies. Sed scrobis clibano similis fiat, cuius imum summo patentius est, ut laxius radices uagentur, ac minus frigoris hyemæ, minusq; æstatis uaporis per angustum os penetret, etiam ut cliuosis locis terra, quæ in eum congesta est, à pluuijs non abluatur. Arbores raris interuallis serito, ut cum creuerint, spatium habeant, quo ramos extēdant: nā si spisse posueris nec infra serere quid poteris, nec ipsæ fructuosæ erunt nisi interuulseris: itaq; inter ordines quadragenos pedes, minimūq; tricenos relinquere cōuenit. Semina lege crassa, non minus, quā manubriū bidentis, recta, leuia, proccra, sine ulceribus, integro

libro, ea bene, & celeriter cōprehendent. Si ex ueteribus ramis sumes, de ijs quoq; qui quotannis bonos, & uberiores fructus afferūt, eligito, ac illos magis qui sunt cōtra solem, quā qui umbris, ramis, aut plātis continētur. Sed ante quā arbusculas transferas, nota quibus uentis antea fuerāt cōstitutæ, postea manus admoueto, ut de cliuo, & sicco in humidū agrum transferas. Trifurcam maxime ponito. Ea extet minime tribus pedibus. Si eodem scrobe duas, aut tres arbusculas uoles constituere, curato, ne inter sese contingant, quoniam mutuo contactu aut cōputrescent, aut uermibus interibunt. Cū semina depones, dextra, sinistraq; usq; in imum scrobē fasciculos sarmētorum brachij crassitudinis demittito, ita ut supra terrā paululum extent, per quos æstate paruo labore aquam radicibus sumministrare possis. Arbores, ac semina cū radicibus autūno serito, hoc est circa Calēdas, & Idus Octobris. Primo uere ante quā germinet, arbores deponito: ac ne tinca molesta sit seminibus ficulneis, in imū scrobē lentisci taleam inuerso cacumine demittito. Ficū frigoribus ne serito. Loca aprica, calculosa, glareosa interdū & saxosa amat. Eiusmodi arbor cito cōualescit, si scrobes amplos, patentesq; feceris. Ficorū genera, & si sapore, atq; habitu distant, uno modo, sed pro differentia agri seruntur. Locis frigidis autumnī temporibus, & aquosis præcoques ponito, ut ante pluuiā fructum deligas. Locis calidis hybernas serito: at si uoles ficum, quamuis non natura, scram facere, tum grossulos, priorem uē fructum decutito, iterū alterum edet, quem in hyemem differt: nonnunquam etiam, cū frondere cœperunt cacumina fici, ferro summa prodest amputare, sic firmiores arbores, & feraciores fiunt: ac semper conueniet, simulatq; folia agere cœperint ficus, rubricam amurcam diluere

lucere, & cum stercore humano ad radicem infundere. Ea res efficit uberiores fructum, & sacrum fici pleniores, ac meliores. Serendæ sunt autem præcipue liuianæ, africanæ, calcidicæ, sulcæ, lydiæ, callistrutiæ, topiæ, rhodiæ, libycæ, hybernæ, omnes etiam biferæ, & trifæræ flosculi. Nucem Græcam serito circa Cal. Februar. quæ primam gemmascit: agrum durum, calidum, siccum desyderat. Nam in locis diuersis nucem si deposueris, plerunq; putrescit. Antequam nucem deponas, in aqua mulsa, nec nimis dulci macerato. ita iucundioris saporis fructum, cum adoleuerit, præbebit, & interim melius, atq; celerius frondebit. Ternas nuces in trigonum statuito, ut nux à nuce minime palmo absit, & anceps ad fauoniū spectet. Omnis autem nux unam radicem mittit, & simplici stylo prorepat. Cum ad scrobis solum radix peruenit, duritia humi coercita recuruat, & ex summo diuim ramorum ambas radices emittit. Nucem Græcam, & auellanam tarentinam facere hoc modo poteris. In quo scrobe destinaueris nuces serere, in eo terram minutam pro modo semipedis ponito, ibiq; semen ferulæ repangito. Cum ferula fuerit enata, eam findito, & in medulla eius sine putamine nucem Græcam, aut auellanam abscondito, & ita adobruito. Hoc ante Calend. Martias facito, uel etiā inter Nonas, & Idus Mart. Eodem tempore iuglandem, & pincam, & castaneam serere oportet. Malum punicum ab eodem tempore usq; in Cal. Aprilis recte seritur. Quod si acidum, aut minus dulcem fructum feret, hoc modo emendabitur. Stercore suillo, & humano, urinaq; uetere radices rigato. Earum & fertilem arborem reddet, & primis annis fructū uinosum, & post quinquennium dulcem, & apyrenum facit. nos exiguum admodum laseris uino diluimus, & ita cacumina arboris

*summa obleuimus. Ea res emendabit acore malorum. Mala punica ne in arbore rumpantur, remedio sunt lapides tres, si cum sercs arbore, ad radicem ipsam collocaueris: at si iam arborem satam habueris, scillam secundum radicem arboris serito. Alio modo cum iam matura mala fuerint ante, quam rumpantur, ramulos, quibus dependent, intorqueto, eodem modo seruabuntur incorrupta etiam toto anno. Pyrum autumno ante brumam serito, ita ut minime dies x x v. ad brumam supersint: quæ ut sit serax, cum adoleuerit, alit eam ablaqueato, & iuxta ipsam radicem truncum findito, & fissuram cunco tedæ pineæ adigito, & ibi relinquito, deinde absumpta ablaqueatione, cinerem supra terram iniijcto. Curandum est autem, ut quam generosissimis pyris pomaria conseramus. Ea sunt crustumina, regia, signina, tarentina, quæ syria dicuntur, purpurea, superba, ordeacea, anticiana, neuiana, fauoniana, lateritana, dolabelliana, turraniana, uolema, mulsæ, præcocia, uenerea, & quædam alia, quorum enumeratio nunc longa est. Præterea malorum genera exquirenda maxime scædiana, matiana, orbiculata, sextiana, pelusiana, amerina, syrica, melimela, cydonia, quorum genera tria sunt struthia, chrysomeliana, mustea. Quæ omnia non solum uoluptate, sed etiam salubritatem afferunt. Sorbi quoque, & armeniaci, atque persici non minima est gratia. Et mala sorba pruna post mediam messem usque in Idus Febru. serito. Mororum ab idibus Febru. usque ad æquinotium uernum satio est. Siliquam Græcam, quam quidam *κεράτιον* uocant, & persicum ante brumam per autumnum serito. Amygdala si parum serax crit, forata arbore lapide adijcto, & in librum arboris inolescere finito. Omnium autem generum ramos, circa Cal. Martias in hortis subacta, & stercoreata terra supra puluinos arearum disponere con-*

re conuenit: danda est opera, ut dum teneros ramulos habent, ueluti pampinetur, & ad unū stylum primo anno semina redigantur, & cū autumnus incesſerit, antè quàm frigus cacumina adurat, omnia folia decerpere expedit, & ita craſſis arundinibus, quæ ab una parte nodos integros habeant, uelut pilcis inducere, atq; sic à frigore, & gelicidijs teneras adhuc uirgas tueri. Post uigintiquatuor deinde menses siue transferre, & disponere in ordinem uoles, siue inferere, satis tutè utrunq; facere poteris.

De insitione arborum.

CAP. XI.

OMnis surculus omni arbori inferi potest, si non est ei cui inferitur, cortice diſſimilis. Si uerò etiam similem fructum, & eodem tempore affert, sine scrupulo egregie inferitur. Tria genera porrò insitionum antiqui tradiderunt. Vnū, quo reſecta, & fissa arbor reſectos surculos accipit. Alterum quo reſecta inter librum & materiam semina admittit, quæ utraq; genera uerni temporis sunt. Tertium, quo ipsas gemmas cum exiguo cortice in partem sui deliberatam recipit, quam uocant agricolæ emplastrationem, uel, ut quidam, inoculationem. Hoc genus insitionis æſtuo tempore optime uſurpatur, quarum insitionum rationem cū tradiderimus, à nobis quoq; repertam docebimus. Omnes arbores ſimulatq; gemmas agere cœperint, luna crescente inscrito, oliuam autem circa æquinoctium uernum uſq; in Idus Aprilis. Ex qua arbore inferere uoles, & surculos ad insitionem ſumpturus es, uideto, ut ſit tenera, & ſerax, nodisq; crebris, & cū primū germi-
na tumbunt de ramulis anniculis, qui ſolis ortū ſpectabūt, & integri erunt, eos legito craſſitudine digiti minimi, surculi ſint bifurci, uel trifurci. Arborem, quam inferere uoles, ſerra diligenter exſecato ea parte, qua maxime nitida, &
n s sine

sine cicatrice est, dabisq; operam, ne librum lædas. Cum de-
 inde truncum recideris, acuto ferramento plagam leuato:
 deinde cuneum tenuem ferrum, uel ossum inter corticem,
 & materiam ne minus digitos tres, sed considerate demit-
 tito, ne lædas, aut rumpas corticem. Postea surculos, quos
 inserere uoles, falce acuta ex una parte deradito tantum,
 quantum cuneus demissus spatij dabit, atq; ita, ne medullas,
 ne ue alterius partis corticem lædas. Vbi surculos paratos
 habueris, cuneum uellito, statimq; surculos in ea foramina,
 quæ cuneo adacti inter corticem, & materiam feceris, de-
 mittito. Ea autem sine, qua adraferis, surculos sic inserito, ut
 semipede, nec amplius de arbore extent, supra deinde mu-
 scum imponito, & ita ligato, ne pluuia dilabatur. Quosdam
 tamen magis delectat in trunco arboris locum seminibus
 ferra facere, insectasq; partes tenui scalpello leuare, atque
 ita surculos aptare. Si pusillam arborem inserere uoles,
 imam abscindito, ita ut sexquipedæ terra extet, & cum
 deinde præcideris, plagam diligenter leuato, & medium
 truncum acuto scalpello permodicè findito, ita ut fissura
 digitorum trium sit in ea: deinde cuneum, quo diducatur,
 inserito, & surculos ex utraq; parte derafos dimittito, sic
 ut librum seminis libro arboris æqualem facias. Cum sur-
 culos diligenter aptaueris, cuneum eximito, & arborem,
 ut supra dixi, alligato: deinde terram circa arborem ad-
 aggerato usque ad ipsum insitum. ea res à uento, & ca-
 lore maxime tuebitur. Hoc tertium genus insitionis, cum
 sit subtilissimum, non omni generi arborum idoneum est,
 sed fere recipiant talem insitionem, quæ humidum, suc-
 cosumque, & ualidum librum habent, sicut ficus. Nam
 & lactis plurimum mittit, & corticem robustum habet,
 optime itaq; inseritur caprifici ramus. Ex arbore, de qua
 inser

serere uoles, nouellos & nitidos ramos eligito. in iisdēq;
 seruato gemmam, quæ bene apparebit, certamq; spem
 erminis habebit: eam duobus digitis quadratis circun-
 gnato, ut gemma media sit, & ita acuto scalpello circun-
 cidito, delibratoq; diligenter, ne gemmam lædas: postea
 tem alterius arboris, quam emplastraturus es, nitidissimū
 amum eligito, & eiusdem spatij corticem circuncidito,
 & materiam delibrato: deinde in eam partem, quam nuda-
 veris, præparatum emplastrum aptato, ita ut alteræ deli-
 bratæ parui conueniat. ubi ita hæc feceris, circa gemmam
 bene alligato, cautoq; ne lædas ipsum germē. deinde com-
 missuras, & uincula luto oblitio spatio relicto, ut gem-
 ma libera uinculo non urgeatur. arboris autem insitæ so-
 lelem, & ramos superiores præcidito, nequid sit, quo pos-
 sit succus euocari, aut ne cui magis, quàm insito seruiat.
 post x x i. diem soluito emplastrū. & hoc genere optimē
 etiam inseritur olea. Quartū illud genus insitionis iam do-
 cuimus, cum de uitibus disputauimus. Itaq; superuacuum est
 hoc loco repetere traditam rationem terebrationis. Sed
 cum antiqui negauerint posse omne genus surculorum in
 omnem arborem inseri, & illam quasi finitionem, qua nos
 paulò ante usi sumus, ueluti quandam legem sanxerint, eos
 tantum surculos posse coalescere, qui sint cortice, ac libro,
 & fructu consimiles ijs arboribus, quibus inseruntur: exi-
 stimauimus errorem huius opinionis discutiendum, traden-
 damq; posteris rationem, qua possit omne genus surcu-
 li omni generi arboris inseri. quod ne longiore exordio
 legentem fatigemus, unum quasi exemplū subiiciemus, quo
 possit omne genus surculi omnibus arboribus inseri. Scro-
 pem quoquò uersus pedum quatuor ab arbore oliuæ tam
 longe fodito, ut extremi ramū olæ possint eam cōtingere:

in scrobē deinde fici arbusculam deponito, diligentiamq;
 adhibeto, ut robusta, & nitida fiat. Post triennium, cum
 iam satis amplum incrementum ceperit, ramum oliuæ,
 qui uidetur nitidissimus, deflecte, & ad crus arboris ficul-
 neæ religa, atq; ita amputalis cæteris ramulis, ea tantum
 cacumina, quæ inferere uoles, relinque. tum arborem ficul-
 neæ detrunca, plagamq; leua, & mediam cuneo finde, cacu-
 mina deinde oliuæ, sicuti matri cohærent, ex utraq; par-
 te abraide, & ita fissuræ fici infere, cuneumq; exime, di-
 genterq; ramulos colliga, ne qua ui reuellantur: sic inter-
 posito triennio conualescet ficus cum olea, & tum demum
 quarto anno, cum bene coierint, uelut propagines, ramu-
 los oliuæ à matre refecabis. hoc modo omne genus in om-
 nem arborem inferes. At prius quàm finem libri faciamus,
 quoniã fere species surculorum omnium persecuti sumus
 prioribus libris, de Cythiso dicere nunc tempestiuum est.

De Cythiso.

CAP. XLII

CYthisum in agro esse quàm plurimū maxime refertur.
 Quoddā gallinis, apibus, capris, bubus quoq; & omni
 generi pecudū utilissimus est, quoddā ex eo cito pinguescit
 & lactis plurimum præbet ouibus: tum etiam quoddā oc-
 to mensibus uiridi eo pabulo uti, & postea arido possit
 præterea in quolibet agro, quamuis macerrimo celeritè
 comprehendit: omnem iniuriam sine noxa patitur. mul-
 lieres quidem, si lactis inopia premuntur, cythisum ar-
 dum in aquam macerari oportet, & cum tota nocte per-
 maduerit, postero die expressi succi ternas heminas permi-
 sceri modico uino, atq; ita potandum dari, sic & ipsæ ual-
 lebunt, & pueri abundantia lactis confirmabuntur. Sani
 autem cythisi uel autumnno circa idus Octobr. uel uere fe-
 ri potest. Cum terram bene subegeris, arcolas facito, ubi
 uel

lut ocymi semen cythisi autumnno serito. Plantas deinde
 re disponito, ita ut inter se quoquouersus quatuor pedū
 atia distent. Si semen non habueris, cacumina cythisorum
 re deponito, & stercoratam terram circumaggerato. Si
 luuia non inceserit, rigato quindecim proximis diebus,
 mulatq; nouam frondem agere cœperit, sarrito, & post
 iennium deinde cædito, & pecori præbeto. Equo abun-
 e est uiridis pondo x v. bubus pondo uicena, cæterisq;
 ecoribus pro portione uirium. Potest etiā ante Septem-
 rem satis commodè ramis cythisus feri, quoniam facilē
 omprehendit, & iniuriam sustinet. Aridum si dabis, par-
 us præbeto, quoniam uires maiores habet, priusq; aqua
 lacerato, & exemptum paleis permisceto. Cythisum cum
 ridum facere uoles, circa mensem Septembrem, ubi semen
 us grandescere incipiet, cædito, paucisq; horis, dum flac-
 escat, in sole habeto: deinde in umbra exsiccato, & ita con-
 to. Hactenus de arboribus præcepisse abunde est, reddi-
 ro pecoris curam, & remedia sequenti uolumine.

LI. IVN. MODERA- TI COLVMELLAE

DE RE RVSTICA

LIB. VI.



SCIO quosdam Publi Siluine, pruden-
 tes agricolas pecoris, gregariorumq; pa-
 storum abnuisse curam, & eam uelut ini-
 micam professionis suae disciplinam con-
 stantissimè repudiassè: neque inficior id
 os aliqua ratione fecisse, quasi sit agricolæ contrarium
 pastoris propositum: cum ille quàm maxime subacto, &
 puro

puro solo gaudeat; hic nouali, graminosoq; ille fructum
 è terra speret, hic è pecore. Ita fit, ut quod arator abomi-
 natur, contra pastor optet herbarum prouentum. Sed in
 his tam discordantibus uotis est tamen quæda societas, atq;
 coniunctio, quoniam & pabulum è fundo plerunque do-
 mesticis pecudibus magis, quàm alienis depascere ex usu
 sit, & copiosa stercoratione, quæ contingit è gregibus,
 terrestres fructus exuberare. Nec tamen ulla regio est, in
 qua modo frumenta gignantur, quæ non, ut hominū, ita ar-
 mentorum adiumento iuuetur: unde etiam iumenta nomen
 à re traxere, quòd nostrum laborem, uel onera subuectio,
 uel arando iuuarent. Itaq; sicut ueteres Romani præcep-
 runt, ipse quoq; censo tam pecorum, quàm agrorum cul-
 tum pernoscere. Nā in rusticatione uel antiquissima est ra-
 tio pascendi, eademq; quæstuosissima: propter quod nomi-
 na quoq; & pecuniæ, & peculij tracta uidentur à pecore.
 quoniā id solū ueteres possederunt, & adhuc apud quas-
 dam gentes unum hoc usurpatur diuitiarum genus: &
 nunc apud nostros quidem colonos alia res uberior nulla
 est, ut etiam M. Cato credidit, qui consulenti quam partem
 rei rusticæ exercendo celeriter locupletari posset, respon-
 dit, si bene pasceret: rursusq; interroganti quid deinde fa-
 ciendo satis uberes fructus percepturus esset, affirmauit si
 mediocriter pasceret: cæterum de tam sapiente uiro piget
 dicere, quod cum quidā autores memorant, quidnam quæ-
 renti cuidam tertium in agricoltatione quæstuosum esset,
 assuauerasse, si quis uel male pasceret, cum præsertim ma-
 ius dispendium sequatur inertem, & inscium pastorem,
 quàm prudentem, diligentemque compendium. De se-
 cundo tamen responso, dubium non est, quin mediocrem
 negligentiam domini fructus pecoris exuperet. Quam ob
 rem

et nos quoque; hanc partem rei rusticæ Siluine, quanta ualimus industria, maiorum secuti præcepta, posteritati mandauimus. Igitur cum sint duo genera quadrupedum, quorum alterum paramus in consortium operum, sicut bouem, uulam, equum, asinum: alterum uoluptatis, ac reditus, et custodiæ causa, ut ouem, capellam, suem, canem: de eo genere primum dicemus, cuius usus nostri laboris est particeps. Nec dubium, quin (ut ait Varro) cæteras pecudes bos honore superare debeat, præsertim autem in Italia, quæ ab hoc nuncupationem traxisse creditur, quod olim Græci ταυρος ἰταλός uocarent, et in ea urbe, cuius mœnibus condentis mas, et fœmina aratro terminum signauerunt, uelut pecus: quod item Athenis Cereris, et Triptolemi fertur munus: quod inter fulgentissima sidera particeps coeli: quod deinde laboriosissimus adhuc hominis socius in agricultura: cuius tanta fuit apud antiquos ueneratio, ut tam capitale esset bouem necasse, quam ciuem. Ab hoc igitur promissi operis capiamus exordium.

De bubus parandis, atque emendis,

earumque forma.

CAP. I.

QUæ in emendis bubus sequenda, quæque uitanda sint, non ex facili dixerim, cum pecudes pro regionis, atque statu, et habitum corporis, et ingenium animi, et pili colorem gerant: aliæ formæ sunt Asiaticis, aliæ Gallicis, Epiroticis alia: nec tantum diuersitas prouinciarum, sed ipsa quoque Italia partibus suis discrepat. Campania plerumque boues progenerat albos et exiles, labori tamē et cultura patrij soli non inhabiles. Umbria uastos, et albos, eademque rubros: nec minus probabiles animis, quam corporibus. Hetruria et Latium compactos, sed ad opera fortes. Apenninus durissimos, omnemque difficultatem tolerantes

rantes, nec ab aspectu decoros: quæ cùm tam uaria & diuersa sint, tamen quædã quasi cõmunia, & certa præcepta in emendis iuuentis arator sequi debet, eaq; Mago Carthaginiensis ita prodidit, ut nos deinceps memorabimus. Parandi sunt boues nouelli, quadrati, grãdibus membris, cornibus proceris, ac nigrantibus, & robustis, fronte lata & crispa, hirtis auribus, oculis, & labijs nigris, naribus resimis patulisq; ceruice longa, & torosa, pallearibus amplis, & pene ad genua promissis, pectore magno, armis uastis, capaci & tanquã implente utero, lateribus porrectis, lumbis latis, dorso recto planoq; uel etiam subsidente, clunibus rotundis, cruribus compactis ac rectis, sed breuioribus potius, quàm longis, nec genibus improbis, ungulis magnis, caudis longissimis, & setosis, pilosisq; corpore denso, breuiq; colore rubeo, uel fusco, tactu corporis mollißimo.

De bubus domandis.

CAP. II.

TAlis notæ uitulos oportet, cùm adhuc teneri sunt, consuescere manu tractari, ad præsepia religari, ut exiguus in domitura labor eorum, & minus sit periculi: uerum neq; ante tertium, neq; post quintum annum iuuenticos domari placet, quoniam illa ætas adhuc tenera est, hæc iam prædura: eos autem, qui de grege feri comprehenduntur, sic subigi conuenit. Primum omnium spatiosum stabulum præparetur, ubi domitor facile uersari, & unde digredi sine periculo possit. Ante stabulum nullæ angustiae sint, sed aut campus, aut uia late patens, ut cùm producentur iuuenti, liberum habeant excursus, ne pauidi aut arboribus, aut obiacenti cuilibet rei se implicant, noxamque capiant. In stabulo sint ampla præsepia, supraq; transversim asseres in modum iugorum à terra septem pedibus clauis configantur, ad quos religari possint iuuenti: diem deinde, quo do

quo domituram auspicceris, liberum à tempestatibus, & à religionibus matutinum eligito: canabinisq; funibus cornua iuencorum ligato: sed iaculi, quibus copulantur, lanatis pellibus inuoluti sint, ne tenera fronte sub cornua ledantur: cum deinde buculos comprehenderis, extra stabulum producito, & ad stipites religato ita, ut exiguum laxamenti habeant, distentq; inter se aliquanto spatio, ne in colluctatione alter alteri noceat: si nimis asperi erunt, paterere unum diem noctemq; desæviant, simulatque iras contuderint, manu producantur, ita ut & aliquis ante, & à tergo complures, qui sequantur, retinaculis eos contineant, & unus cum claua salignea procedens modicis ictibus subinde impetus eorum cœrceat: sin autem placidi & quieti boues erunt, uel eodem die, quo alligaueris, ante uesperum licebit producere, & docere per mille passus compositè, ac sine pauore ambulare: cum domum perduxeris, arctè ad stipites religato, ita ne capite moueri possint: tum demum ad alligatos boues, neque à posteriore parte, neq; à latere, sed aduersus placidè, & cum quadam uocis adulatione uenito, ut accedentem consuefcent aspicere: deinde nares perfricato, ut hominem discant odorari. Mox etiam conuenit tota tergora & tractare, & respergere mero, quo familiares bubulco fiant: uentri quoque, & sub femina manum subijcere, ne ad eiusmodi tactum postmodum pauescant, & ut ricini, qui plerunq; feminibus inhaerent, eximantur: itaq; cum sit, à latere domitor stare debet, ne calce contingi possit. Post hæc diductis malis, educito linguam, totumq; eorum palatum sale defricato, libralesq; offas in præfulse adipis liquamine tinctas, lingua demittito, ac uini singulos sextarios per cornu faucibus infundito: nam per hæc blandimenta triduo ferè man-

o suse

suscunt, iugumq; quarto die accipiunt, cui ramus illigatur,
 & temonis uice trahitur: interdum & pondus aliquod in-
 iungitur, ut maiore nisu laboris exploretur patientia: post
 eiusmodi experimenta uacua plostro subiungendi, & pau-
 latim longius cum oneribus producendi sunt. Sic perdomi-
 ti mox ad aratrum instituantur, sed in subactō agro ne sta-
 tim difficultatem operis reformident, ne uē adhuc tenera
 colla, dura prosciissione terræ contendant. Quemadmo-
 dum autem bubulcus in arando bouem instituat, primo
 præcepi uolumine: curandum ne in domitura eos calce,
 aut cornu quenquam contingat: nam nisi hæc cauantur,
 nunquam eiusmodi uitia, quamuis subacta, eximi poterunt.
 Verum ista sic agenda præcipimus, si ueteranum pecus
 non aderit: nam si aderit, expeditior, tutiorq; ratio doman-
 di est, quam nos in nostris agris sequimur: nam ubi plau-
 stro, aut aratro iuuenicum consuescimus, ex domitis bubus
 ualentissimum, eundemq; placidissimum cum indomito iun-
 gimus, qui & procurrentem retrahat, & cūstantem pro-
 ducat, si uero non pigeat iugum fabricare, quo tres iungan-
 tur, hac machinatione consequemur, ut etiam contumaces
 boues grauissima opera non recusent: nam ubi piger iuuen-
 cus medius inter duos ueteranos iungitur, aratroq; inun-
 cto terram moliri cogitur, nulla est imperium respuendi fa-
 cultas: siue enim efferratus profilit, duorum arbitrio inibi-
 betur: seu consistit, duobus gradientibus etiam obsequitur:
 seu conatur decumbere, a ualentioribus subleuatus trahi-
 tur: propter quæ undique necessitate contumaciam depo-
 nit, & ad patientiam laboris paucissimis uerberibus per-
 ducitur: est etiam post domituram mollioris generis bos,
 qui decumbit in sulco: cum non seuitia, sed ratione censo-
 emendandum: nam qui stimulis, aut ignibus, alijsq; tor-
 mentis

mentis id uitium eximi melius iudicant, ueræ rationis ignari sunt, quoniam peruicax contumacia plerunq; sæuientem fatigat. Propter quod utilius est citra corporis uexationem fame potius, & siti cubitorem bouem emendare: nam cum uehementius afficiunt naturalia desideria, quàm plagæ. Itaque si bos decubuit, utilissimum est sic pedes eius uinculis obligari, ne aut insistere, aut progredi, aut pasci possit: quo factò inedia, & siti compulsus deponit ignauiam, quæ tamen rarissima est in pecore uernaculo: longeq; omnis bos indigena melior est quàm peregrinus: nam neque aquæ, nec pabuli, nec cœli mutatione tentatur, neque infestatur conditione regionis, sicut ille, qui ex planis, & campestribus locis, in montana, & aspera perductus est, uel ex montanis in campestria: itaque etiam, cum cogimur ex longinquo boues arcessere, curandum est, ut ex similibus patrijs locis traducantur: item custodiendum est, ne incorporatione, uel statura, uel uiribus impar cū ualentiore iungatur: nam utraque res inferiori celeriter affert exitium. Mores huius pecudis probabiles habentur, qui sunt propiores placidis, quàm concitatis: sed non inertes, qui sunt uerentes plagarum, et acclamationum, sed fiducia uirum, nec auditu, nec uisu pauidi, nec ad ingredienda flumina, aut pontes formidolosi, multi cibi edaces, uerum in conficiendo lenti: nam hi melius concoquunt: idcoq; robora corporum citra maciem conseruant, qui ex commodo, quàm qui festinanter mandunt. Sed tam uitium est bubulci pinguem, quàm exilem bouem reddere: humilis enim, & modica corporatura pecoris operarij debet esse, necruisq; & musculus robusta: non adipibus obesa, ut nec sui tergoris mole, nec labore operis degrauctur. Sed quoniam quæ sequenda sunt in emendis, domandisq; bobus

tradidimus, tutelam eorum præcipiamus.

De bouum cura, & cibarijs.

CAP. III.

BOues calore sub diuo, frigoribus intra tectum manere oportet: itaque hybernæ stabulationi eorum præparanda sunt stramenta, quæ mense Augusto intra dies triginta sublata mæsis præcisa, in acervum extrui debent: horum defectio cum pecori, tum agro est utilis: liberantur arua sentibus, qui æstiuo tempore per caniculæ ortum recisi, plerunque radicitus intereunt, & stramentis pecoris subiecti plurimum stercoris efficiunt: hæc cum ita curauerimus, tum & omne genus pabuli præparabimus, dabimusq; operam, ne penuria cibi macrescat pecus. Boues autem rectè pascendi non una ratio est: nam si ubertas regionis uiride palulū sumministrat, nemo dubitat, quin id genus cibi cæteris præponendum sit: quod tamen nisi riguis, aut rosidis locis non contingit: itaque in ijs ipsis uel maximum commodum est, quod sufficit una opera duobus iugis, quæ eodem die alterna temporum uice uel arant, uel pascuntur siccioribus agris. Ad præsepia boues alendi sunt, quibus pro conditione regionum cibi præbentur: eosq; nemo dubitat, quin optimi sint uicia in fascem ligata, & cicercula, itemq; pratense foenum. minus commodè tuemur armentum paleis, quæ ubique & quibusdam regionibus solæ præsidio sunt, cæprobantur maxime ex milio, tum ex ordeo, mox etiam ex tritico: sed iumentis iustam operam reddentibus, ordeum præter has præbetur: bobus autem pro temporibus anni pabula dispensantur. Ianuario mense singulis fressi, & aqua macerati crui quaternos sextarios mistos paleis dare conuenit, uel lupini macerati modios, uel cicerculæ macerate semodios, & super hæc affatim paleas, licet etiam si sit leguminum inopia, & eluta, & siccata uinacia, quæ de lors
eximunt

eximantur, cum paleis miscere. Nec dubium est, quin ea
 longè melius cum folliculis ante, quàm eluantur, præberi
 possint: nam & cibi, & uini uires habent, nitidumq; & hi-
 lare, corpulentum pecus faciunt: si grano abstinemus, fron-
 dis aridæ corbis pabulatoria modiorum uiginti sufficit, uel
 fœni pondo triginta, uel si non, modius uiridis laureæ &
 ilignæ frondis, sed his, si regionis copia permittat, glans
 adiicitur, quæ nisi ad satietatem detur, scabiem parit: potest
 etiam si prouetus uilitatem facit, semodius fabæ fræse præ-
 beri. Mense Febuario plerunque eadem cibaria sufficiunt.
 Martio, & Aprili debet ad fœni pondus adijci, quia terra
 proscinditur: sat autem erit pondo quadragena singulis
 dari: ab Idibus tamen mensis Aprilis usque in Idus Iunias
 uiride pabulum rectè secatur: potest etiam in Calend. Iulias
 frigidioribus locis idem præstari: à quo tempore in Calen.
 Nouemb. tota æstate, & deinde autumno satientur fronde,
 quæ tamen non antè est utilis, quàm cum maturuerit uel
 imbris, uel assiduis roribus: probaturq; maxime ulmea,
 post fraxinea, & ab hac populnea: ultimæ sunt ilignæ, &
 quernæ, & laureæ, sed post æstatem necessariæ deficienti-
 bus cæteris. possunt etiam & folia ficulnea probe dari, si
 sit eorum copia, aut stringere arbores expediat: ilignæ ta-
 men uel melior est quernæ, sed eius generis, quod spinas
 non habet: nam id quoque uti iuniperus respuitur à pecore
 propter aculeos. Nouembri mense, ac Decembri, per se-
 mentem quantum appetit bos, tantum præbendum est: ple-
 runque tamen sufficiunt singulis modij glandis, & paleæ
 ad satietatē datæ, uel lupini macerati modij, uel crui aqua
 conspersi sextarij v i i . permisti paleis, uel cicercula si-
 militer conspersæ sextarij x i i . misti paleis, uel singuli
 modij uinaccorum, si ijs, ut supra dixi, largæ paleæ adij-
 ciantur

ciantur : uel si nihil horum est , per se fœni pondo quadraginta.

De uitijis boum, & medicinis. CAP. IIII.

Sed non proderit cibis satiari pecora , nisi omni adiuentur diligentia, ut salubri sint corpore, uiresq; conseruent: quæ utraq; custodiuntur large dato per triduum medicamento, quod componitur pari pondere triti lupini, cupressiq; , & cum aqua, nocte una sub diuo habito: idq; quater anno fieri debet ultimis temporibus ueris, æstatis, autumni, hyemis : sæpe etiam langor, & nausea discutitur, si integrum gallinaceum crudum ouum ieiunis faucibus inferas, ac postero die spicas ulpici, uel allij cum uino conterras, & in naribus infundas: neq; hæc tantum remedia salubritatem faciunt. Multi & largo sale miscent pabula: quidā marrubium dederūt cum olco, & uino, quidā porri fibras, alij grana thuris, alij sabinam herbā , rutamq; cū mero diluunt. Ea; medicamenta potanda præbent. Multi caulibus uitis albæ, & ualuulis crui bubus medentur: nonnulli pellem serpentis obtritā cum uino miscent. Est etiam remedio, cum dulci uino tritum scrpillum , & concisa, & in aqua macerata scylla. Quæ omnes prædictæ potiones trium heminarum singulis diebus per triduum datæ , aluum purgant, depulsisq; uitijis, recreant uires, maxime tamen habetur salutaris amurca, si tantundem aquæ misceas, & ea pecus insuescas: quæ protinus dari non potest : sed primo cibi asperguntur: deinde exigua portione medicatur aqua, mox pari mensura mista datur ad satietatem.

Quæ sint, quibus pestilentia ingruit gregi, & quæ remedia adhibenda. CAP. V.

Nullo autem tempore, & minimè æstate utile est boues in cursum concitari, nam ea res aut cit aluum,

aut mouet febrem. Cauendum quoque est, ne ad præsepia
 sus, aut gallina perrepat. Nam hoc, quod decedit, immistum
 pabulo, bubus affert necem, & id præcipue, quod egerit
 sus ægra, pestilentiam facere ualet, quæ cum in gregem in-
 cidit, confestim mutandus est cœli status, & in plures par-
 tes distributo peccore longinquæ regiones petendæ sunt,
 atque ita segregandi à sanis morbidi, nequis interueniat, qui
 contagione cæteros labefaciat. Itaque cum ablegabuntur,
 in ea loca perducendi sunt, quibus nullum impascitur pecus,
 ne aduentu suo etiam illis tabem afferant. Euincendi sunt
 autem quamuis pestiferi morbi, & exquisitis remedijs pro-
 pulsandi. Tunc panacis, & cryngij radices fœniculi semi-
 nibus miscendæ, & cum defruti, ac moliti tritici farina,
 candentiq; aqua conspergendæ, eoq; medicamine saluan-
 dum ægrotum pecus. Tum paribus casie myrrhæq; , &
 thuris ponderibus, ac tantūdem sanguinis marinæ testudi-
 nis miscetur potio, cum uini ueteris sextarijs tribus, & ita
 per nares infunditur. Sed ipsum medicamentum ponderis
 sex uncie diuisum, portione æqua per tridū cum uino de-
 disse sat erit. Præscis etiam remedium cognouimus radicu-
 le, quam pastores consiliginem uocant. Ea in Marsis
 montibus plurima nascitur, omniq; pecori maxime est sa-
 lutaris. Læua manu effoditur ante solis ortum, sic enim le-
 ta maiorem uim creditur habere. Vsus traditur talis, anea
 subula pars auriculæ latissima circumscribitur, ita ut manan-
 te sanguine tanquam O litræ ductus appareat orbiculus.
 Hoc & intrinsecus, & ex superiore parte auriculæ cum
 factum est, media pars descripti orbiculi eadē subula tran-
 suitur, & facto foramini prædicta radícula inseritur,
 quam cum recens plaga comprehendit, ita continet, ut ela-
 bi non possit: in eam deinde auriculam omnis uis morbi,

pestilensq; uirus elicitur, donec pars, quæ subula circumscripta est, demortua excidat, & minimæ partis iactura caput conseruatur. Cornelius Celsus etiam uisci folia cum uino trita per nares infundere iubet. Hæc facienda, si gregatim peccora laborant: illa deinceps, si singula.

Quod remedium adhibetur boui cruditate laboranti.

CAP. VI.

CRuditatis signa sunt crebri ructus, ac uentris sonitus, fastidia cibi, neruorum intentio, hebetes oculi. Propter quæ bos neque ruminat, neque lingua se deterget. Remedio erunt aquæ calidæ duo congi, & mox triginta brassicæ caules modicè cocti, & ex aceto dati. Sed uno die abstinendum est alio cibo. Quidam clausum intra tecta continent, ne pasci possit. Tum lentisci, oleastriq; cacuminum pondus IIII. & libra mellis una trita permiscet aquæ congio, quam nocte una sub dio habent, atq; ita faucibus infundunt. Deinde interposita hora macerati erui quatuor libras obijciunt, aliaq; potione prohibent. Hoc per triduum fieri, dum omnis causa languoris discutiatur. Nam si neglecta cruditas est, & inflatio uentris, & intestinorum maior dolor insequitur, qui nec capere cibos sinit, gemitus exprimit, locoq; stare non patitur, sæpe decumbere, & agitare caput, caudamq; crebrius agere. Manifestum remedium est proximam clunibus partem caudæ uinculo uehementer obstringere, uiniq; sextarium cum olei hemina faucibus infundere, atque ita citatum per malle & quingentos passus agere. Si dolor permanet, ungulas circumsiccare, & unctâ manu per anum inserta fimû extrahere, rursusq; agere currentem. Si nec hæc profuit res, caprifici aridæ conteruntur, & cum dodrante aquæ calidæ dantur. Vbi nec medicina processit, myrti syluestris foliorum duæ li-
brae

e deligantur, totidemq; sextarij calidæ aquæ misti per ligneum faucibus infunduntur. Atq; ita sub cauda sanguis emittitur, qui cum satis profluxit, inhibetur papyri lini. Tum concitate agitur pecus eousq; , dum anhelet. Et ante' detractionem sanguinis illa remedia, tribus minimis uini tres uncie pinsiti alij permiscuntur, & postea in potionem currere cogitur. Vel salis sextans, cum cepis necem conteritur, & admusto melle decocto collyria immittuntur aluo, atq; ita citatus bos agitur.

Quo remedio sedatur dolor uentris, &

intestinorum pecoris.

CAP. VII.

Ventris quoq; & intestinorum dolor sedatur uisu nantium, & maxime anatis, quam si conspexerit, cui intestinum dolet, celeriter tormento liberatur. Eadem anas maiore profectu mulos, & equinum genus conspectu suo sanat. Sed interdum nulla prodest medicina. Sequitur tormentum uitium, quorum signum est cruenta, & mucosa uentris proluuies. Remedia sunt cupressini quindecim coni, totidemq; gallæ, & utrorumque ponderum uetustissimus caseus, quibus in unum tunsis admiscetur austeri uini quatuor sextarij, qui pari mensura per quatrimum dispensantur: nec desint lentisci, myrtiq; & oleastri cacumina uiridis. Alius corpus, ac uires carpit, operiq; inutilem reddit: quæ cum accident, prohibendus erit bos potione per triduum, primoq; die cibo abstinendus. Sed mox cacumina oleastri, & arundinis, item baccae lentisci, & myrti dandæ, nec potestas aquæ, nisi quamparcissime facienda est. Sunt qui teneræ laurus caulium libram, cum abrotani macerati pari portione dent, cum aquæ calidæ duobus sextarijs, atque ita faucibus infundant, eademq; pabula, ut supra diximus, obijciant. Quidam uinaceorum duas li-

bras torrefaciunt, & ita conterunt, & cum totidem sextarijs uini austeri, potandum medicamentum præbet, omniq; alio humore prohibent, nec minus cacumina prædictarum arborum obijciunt. Quòd si neq; uentris restiterit citata proluuies, neq; intestinorum, ac uentris dolor, cibosq; respuit, & prægrauato capite, si sæpius, quàm consuevit, lacrymæ ab oculis, & pituita à naribus profluent, usque ad ossa frons media uratur, auresq; ferro scindantur. Sed uulnera facta igne, dum sanescunt, defricare bubula urina conuenit. At ferro rescissa melius pice, & olco curantur.

De uitiosis incrementis linguæ. CAP. VIII.

Solent etiam fastidia cibo afferre uitiosa incrementa lingua, quas ranas ueterinarij uocant. Hæc ferro reciduntur, & sale cum allio pariter trito uulnera defricantur, donec lacescita pituita decidit. Tum uino perluitur os, & interposito unius horæ spatium uirides herbe, uel frondes dantur, dum facta ulcera cicatrices ducant. Si neque rana fuerint, neq; alius citata, & nihilo minus cibos non appetet, proderit allium pinsitum cum olco per nares infundere, uel sale, uel cuncta defricare fauces, uel eandem partem allio unso, & hallicula linire. Sed hæc his solum fastidium est.

De febre boum.

CAP. IX.

Febricitanti boui conuenit abstinere cibo uno die. Postero deinde exiguum sanguinem ieiuno sub cauda emitti, atque interposita hora modicæ magnitudinis coctior brassicæ coliculos triginta ex olco, & garo saluiati more demitti, eamq; escam per quinque dies ieiuno dari. Præterea cacumina lentisci, aut oleæ, uel tencerrimam quantæ frondem, aut pampinos uitis obijci, tum etiam sponsa labra detergeri, & aquam frigidam ter die præberi potand

ndam. Quæ medicina sub tecto fieri debet, nec ante satem bos emitti. Signa febricitantis, manentes lacrymæ, natum caput, oculi compressi, fluidum salivæ os, longum, et cum quodam impedimento tractus spiritus, internum et cum gemitu.

De tussi boum.

CAP. X.

Ecce tussis optimè saluiato farinæ ordeaceæ discutitur. Interdum magis prosunt gramina concisa, et his mista fresa faba. Lentæ quoque ualuulis exemptæ, et minutæ molitæ, miscentur aquæ calidæ sextarij duo, sanæq; sorbitio per cornu infunditur. Veterem tussim sanant et libræ hyssopi macerati sextarijs aquæ tribus. Nam id medicamentum teritur, et cum lentis minutæ, ut dixi, morte sextarijs quatuor more saluiati datur, ac postea aqua hyssopi per cornu infunditur. Porri etiam succum oleo, uel ipsa fibra cum ordeacea farina contrita remedio est. Eiusdem radices diligenter lotæ, et cum farre tritico pinsitæ, ciunog; datæ, uetustissimam tussim discutunt. Facit idem pari mensura cruum sine ualuulis cum torrefacto ordeo molitum, et saluiati more in fauces demissum.

Suppurationis remedia.

CAP. XI.

Suppuratio melius ferro rescinditur, quàm medicamentis. Expressus deinde sinus ipse, qui eam continebat, calida bubula urina eluitur, atque linamentis pice liquida, et oleo imbutis colligatur. Vel si collui ea pars non potest, lamina candenti seuum caprinum, aut bubulum instillatur. Quidam, cum uitiosam partem inusserunt, urina uetere eluunt, atq; ita æquis ponderibus incocta pice liquida cum uetere axungia linunt.

Claudicanti boui quod remedium adhibeatur.

CAP. XII.

Sanguis

Sanguis dimissus in pedes claudicationem affert. quod
 cum accidit, statim ungula inspicitur. tactus autem fr
 uorem demonstrat: nec bos uitiatam partē uehementius pr
 nu patitur. Sed si sanguis adhuc supra ungulas in crura
 bus est, fricatione assidua discutitur: uel cum ea nihil pro
 fuit, scarificatione demitur. At si iam in ungulis est, inter
 duos ungues cultello leuiter aperies. Postea linamenta sa
 le, atque aceto imbuta applicantur, ac solea sparteā pes in
 duitur, maximeq; datur opera, ne in aquam pedē mittat, et
 ut sicce stabuletur. Hic idem sanguis nisi emissus fuerit, san
 niem creabit, qui si suppurauerit, tarde procurabitur: ac pri
 mo ferro circuncisus, et expurgatus, deinde pannis ace
 to, et sale, et oleo madentibus inculcatis, mox axungia ne
 tere, et seuo hircino pari pondere decoctis, ad sanitatem
 perducitur. Si sanguis in inferiore parte ungulae est, extre
 ma pars ipsius unguis ad uiuum rescatur, et ita emitti
 tur, ac linamentis pes inuolutus sparteā munitur. *Mediam*
 ungulam ab inferiore parte non expedit aperire, nisi colo
 co iam suppuratio facta est. Si dolore neruorum claudicat,
 olco, et sale genua, poplitesq; et crura confricanda sunt,
 donec sanetur. Si genua intumuerint, calido aceto fouenda
 sunt, et lini semen, aut milium detritū, conspersumq; aqua
 mulsa imponendum: spongiae quoq; feruenti aqua imbuta
 et expressae, atq; melle litae recte genibus applicantur, ac
 fasciis circundantur. Quod si tumori subest aliquis humor,
 fermentum, uel farina ordeacea ex passo, aut aqua mulsa
 decocta imponitur: et cum maturuerit suppuratio, rescin
 ditur ferro, eaq; emissa, ut supra docuimus, linamentis cu
 ratur. Possunt etiam (ut Cornelius Celsus praecipit) lilij
 radix, aut scylla cum sale, uel sanguinalis herba, quam
 πολύγονον Graeci appellant, uel marrubium ferro re
 clusa

sa sanare. Ferè autem omnis dolor corporis, si sine uul-
ne est, recens melius fomentis discutitur: uetus uritur, &
traustum, butyrum, uel caprinus instillatur adeps.

Ad scabiem remedia, & ad morsum rabiosi
canis, uel lupi, nec non & ad co-
riaginem. CAP. XIII.

Scabies extenuatur trito allio defricto: eodemq; reme-
dio curatur rabiosæ canis, uel lupi morsus, qui tamen
ipse imposito uulnere uetere salsamento, æque bene sa-
tur. Et ad scabiem præsentior alia medicina est, cunila
bubula, & sulphur conteruntur, admistaq; amurca cum
leo, aqua, aceto incoquuntur. Deinde tepesfactis scissum
lumen tritum spargitur. Id medicamentum candente sole
uitum maxime prodest. Vlceribus gallæ tritæ remedio
unt. Nec minus succus marrubij cum fuligine. Est & in-
ista pestis bubulo pecori, coriaginem rustici appellant,
cum pellis ita tergori adhæret, ut apprehensa manibus de-
luci à costis non possit. Ea res non aliter accidit, quàm si
bos aut ex langore aliquo ad maciem perductus est, aut
sudans in opere faciendo refrixit, aut si sub onere pluuiæ
madefactus est. Quæ quoniam perniciofa sunt, custodien-
dum est, ut cum ab opere boues redierint, adhuc æstuentes,
anhelantesq; uino aspergatur, & offæ adipis faucibus eo-
rum inscrantur. Quod si prædictum uitium inhæserit, pro-
derit decoquere laurum, & ea calda fouere terga, multoq;
oleo, & uino confestim subigere, ac per omnes partes ap-
prehendere, & attrahere pellem. Idq; optimè fit sub dio so-
le feruente. Quidam fraces uino, & adipe commiscent, eoq;
medicamenro post fomenta prædicta utuntur.

Ad exulcerationem pulmonis, & palati, atq;
ceruicis tumorem. CAP. XIII.

Est

Est etiam illa grauis pernicies, cum pulmones exules-
 rantur: inde tussis, & macies, & ad ultimum phthisis
 inuadit. Quæ ne mortem afferant, radix coryli iusta ita
 ut supra docuimus, perforatæ auriculæ inseritur, tum per-
 ri succus instar heminæ pari olei mensuræ miscetur, &
 cum uini sextario potandus datur diebus compluribus. In-
 terdum & tumore palati cibos respuit, crebrumq; suffi-
 rium facit, & hanc speciem præbet, ut bos in latus pende-
 re uideatur: ferro palatum opus est sauciare, ut sangui-
 profluat, & exemptum ualuulis cruum maceratum, uiri-
 demq; frödem, uel aliud molle pabulum, dum sanctur, præ-
 bere. Si in opere collum contusum erit, præsentissimum est
 remedium sanguis de aure emissus: aut si id factum non erit,
 herba, quæ uocatur auia, cum sale trita, & imposita. Si cer-
 uix mota, & deiecta est, considerabimus quàm in partem
 declinet, & ex diuersa auricula sanguinem detrahemus. Ea
 porro uena, quæ in aure uidetur esse amplissima, sarmento
 prius uerberatur: deinde cum ad ictum intumuit, cultella
 soluitur, & postero die iterum ex eodem loco sanguis emit-
 titur, ac biduo ab opere datur uacatio. Tertio deinde die le-
 uius iniungitur labor, & paulatim ad iusta perducitur.
 Quod si ceruix in neutram partem deiecta est, mediūq; intum-
 uuit, ex utraque auricula sanguis emititur, qui cum intra
 biduum, cum bos uitium coepit, emissus non est, intumescit
 collum, neruiq; tenduntur, & inde nata duricies iugum non
 patitur. Tali uitio comperimus aureū esse medicamentum
 ex picce liquida, & bubula medulla, & hircino seuo, &
 uetere olco æquis ponderibus compositum, atque inco-
 ctum. Hac compositione sic utendum est, cum disiungitur
 ab opere in ea piscina, ex qua bibit: tumor ceruicis aqua
 madefactus subsiccatur, prædictoq; medicamento defri-
 catur.

itur, & illinitur. Si ex toto propter cervicis tumorem iuvum recusset, paucis diebus requies ab opere dāda est. Tum cruix aqua frigida defricanda, & spuma argenti illinenda est. Celsus quidem tumenti cervici herbam, quæ vocatur auia, ut supra dixi, contundi, & imponi iubet. Clauorum, qui ferè cervicem infestant, minor molestia est: nam facile peranti lucerna instillatur. Potior tamen ratio est custodiendi, ne nascantur, ne' ut colla caluescant, quæ non aliter labra fiunt, nisi cum sudore, aut pluuia cruix in opere madefacta est: itaq; cum id accidit, ueteri lateri later contectur, eoq; intrito prius, quàm disiungantur, colla conspergi oportet: deinde cum id siccum erit, subinde oleo imbui.

Ad talum, seu ungulam læsam

remedia.

CAP. XV.

Si talum, aut ungulam uomer læserit, picem duram, & axungiam cum sulfure, & lana succida inuolutam candente ferro supra uulnus inurito. Quod idem remedium optime facit exempta stirpe, si fortè surculum calcauerit, aut acuta testa, uel lapide ungulam pertuderit, quæ tamen si altius uulnerata est, latius ferro circūciditur, & ita inuritur, ut supra præcepi: deinde spartea calceata per triduum affuso aceto curatur. Idem si uomer crus sauciarit, marina ætusa, quam Græci τιβυμαλλον uocant, admisto sale imponitur. Subtriti pedes cluuntur calefacta bubula urina: deinde fasce sarmentorum incenso, cum iam ignis in fauillam recidit, feruentibus cineribus cogitur insistere, ac pice quida cum oleo, uel axungia cornua eius linuntur. Minus tamen claudicabunt armenta, si opere disiunctis multa frigida lauentur pedes: & deinde suffragines, coronæ, ac diuerim ipsas, quo diuisa est bouis ungula, uetere axungia defricetur.

Ad

Ad conuulsos armos, & cornua
præfracta

CAP. XVII.

SAepe etiam uel grauitate longioris, uel cum in proscindendo, aut duriori solo, aut obuia radici oblectatus conuellit armos. Quod cum accidit, è prioribus cruribus sanguis mittendus est: si dextrum armum læsit, in sinistro: si læuum, in dextro: si uehementius utrunq; uitiauit, item in posterioribus cruribus uenæ soluentur. Præfractis cornibus linteola sale, atque aceto, & oleo imbuta superponuntur, ligatisq; per triduum eadem infunduntur. Quarto demum axungia pari pondere cum picce liquida, & cortice pineo, leuigatoq; imponitur. Et ad ultimum cum iam cicatricem ducunt, fuligo infricatur. Solent etiam neglecta ulcera scatere uermibus, qui si mane perfunduntur aqua frigida, rigore contracti decidunt: uel si hac ratione non possunt eximi, marrubium, aut porrum conteritur, & admixto sale imponitur: id celerrime necat prædicta animalia. Sed expurgatis ulceribus, confestim adhibenda sunt linamenta cum picce, & oleo, uetereq; axungia: & extra uulnera eodem medicamento circunlinienda, ne infestentur à muscis, quæ in ulceribus infederunt, uermes creant.

Ad ictus serpentis, & noxiorum
animalium.

CAP. XVIII.

Est etiam mortifer ijs serpentis ictus, est & magnorum animalium noxium uirus: nam & uipera, & caecilia sæpe cum in pascua bos improvidè supercubuit, læcessu onere morsum imprimunt. Musq; araneus, quem Greci σκυῶλην appellant, quamuis exiguis dentibus, non exiguum pestem molitur. Venena uiperæ depellit super sacificationem ferro factam herba, quam uocant personatam, trita & cum sale imposita. Plus etiam eiusdem radice

confusa

ontusa prodest: uel symonianum trifolium, quod inuenitur
 in fragosis locis, efficacissimū traditur, odoris grauis, neq;
 dissimilis bitumini, & idcirco Græci eā ἀσφάλτιον appel-
 lant, nostri autē propter figurā uocant acutū trifoliū: nam
 longis, & hirsutis folijs uiret, caulemq; robustiorem facit,
 quam pratense. Huius herbæ succus uino mistus infunditur
 uicibus, atque ipsa folio, cum sale trita malagmatis more,
 scarificationi intenditur: uel si hanc herbam uiridem tem-
 pus anni negat, semina eius collecta, & leuigata cum uiuo
 uantur potanda, radicesq; cum suo caule tritæ, & farina,
 & sale comistæ ex aqua mulsa scarificationi superponun-
 tur. Est etiam præsens remedium, si conteras fraxini tene-
 a cacumina quinque librarum cum totidem uini, & duobus
 extarijs olei, expressumq; succum faucibus infundas. Itemq;
 cacumina eiusdem arboris cum sale trita læsæ parti super-
 onas. Cæcilie morsus tumorem, suppurationemq; molitur.
 dem facit etiam muris aranei. Sed illius sanatur noxa subu-
 aenea, si locum læsum compungas, cretaq; cimolia ex ace-
 o linas. Mus perniciem, quam intulit, suo corpore luit: nam
 animal ipsum oleomersum necatur, & cum imputruit, con-
 tritur, eoq; medicamine morsus muris aranei linitur. Vel
 si id non adest, humorq; ostendit iniuriam dentium, cumi-
 um conteritur, eiq; adijcitur exiguum picis liquidæ, &
 xungie, ut lentore malagmatis habeat. Id impositum per-
 niciem commouet. Vel si antequam tumor discutiat, in
 ppurationem conuertitur, optimum est ignea lamina con-
 uersionem rescare, & quicquid uitiosi est, inurere, atque
 ta liquida pice cum oleo linire: solet etiam ipsum animal
 iuum creta figulari circumdari: quæ cum siccata est, collo-
 boum suspenditur: ea res innoxium pecus à morsu muris
 aranei præbet. Oculorū uitia plerunq; melle sanantur: nam

siue intumuerūt, aqua mulsa triticeæ farinae conspergitur
 & imponitur, siue album in oculo est, montanus sal, Hispanus,
 uel Ammoniacus, uel etiam Cappadocus minute tritus
 & inmixtus melli uitium extenuat: facit idem trita sepie
 testa, & per fistulam ter die oculo inspirata: facit & radix
 quam Græci σιλφιον uocant, uulgus autem nostra consue-
 tudine laserpitium appellat: huius quantocunq; ponderi de-
 cem partes salis ammoniaci adiiciuntur, eaq; pariter trita
 oculo similiter infunduntur, uel eadem radix confusa, &
 cum oleo lentisci inuncta uitium expurgat: epiphoram sup-
 primit polenta conspersa mulsa aqua, & in supercilia, ge-
 nasq; imposita, pastinacæq; agrestis semina, & succus ar-
 moracæ, cum melle conlinita oculorum sedant dolorem:
 sed quotiescunque mel, aliud uel succus remedijs adhibetur,
 circumliniendus erit oculus pice liquida cum oleo, ne à mu-
 scis infestetur: nam & ad dulcedinem mellis, aliorumq; me-
 dicamentorum non hæ solæ, sed & apes aduolant.

Remedia ad hausta hircinam. CAP. XVIII.

Magnam etiam perniciem sæpe affert hircus ha-
 sta cum aqua: ea adherens faucibus sanguinem du-
 cit, & incremento suo transitum cibis præcludit: si tam
 difficili loco est, ut manu detrahi non possit, fistulam, uel
 arundinem inserito, & ita calidum oleum infundito: nam
 eo contactu animal confestim decedit. Potest etiam per fi-
 stulam deusti cimicis nidor immitti, qui ubi superponitur
 igni, fumum emittit, & conceptum nidorem fistula usque
 ad hircinam perfert, isq; nidor depellit hærentem: si ti-
 men uel stomachum, uel intestinum tenet, calido aceto per
 cornu infuso necatur: has medicinas quamuis bubus adhibe-
 ri præceperimus, posse tamen ex his plurima etiam omni
 maiori pecori conuenire nihil dubium est.

De machina facienda, qua clausa,

iumenta curentur. CAP. XIX.

Sed & machina fabricanda est, qua clausa iumenta, bo-
uesq; curentur, ut & propior accessus ad pecudē me-
dentibus sit, nec in ipsa curatione quadrupes reluctando
remedia respuat: est autem talis machinæ forma, roboreis
axibus compingitur solum, quod habet in longitudinē pe-
des nouem, & in latitudinem pars prior dupondū semis-
sem, pars posterior quatuor pedes: huic solo septenūm pe-
dū stipites recti ab utroq; latere quaterni applicantur: ij
autē in ipsis quatuor angulis affixi sunt, omnesq; trāsuer-
sis sex temonibus quasi uaccerræ inter se ligantur, ita ut à
posteriore parte, quæ latior est, uelut in caueā quadrupes
possit induci, nec exire alia parte prohibentibus aduersis
axiculis: primis autē duobus statuminibus imponitur firmū
iugū, ad quod iumēta capi stratur, uel boum cornua religā-
tur, ubi possunt etiam numelli fabricari, ut inserto capite
descendentibus per foramina regulis ceruix teneatur: cæte-
rū corpus laqueatū & distentū temonibus obligatur, sicq;
immutum animal medentis arbitrio est expositū: hæc ipsa
machina cōmunis erit omnium maiorum quadrupedum.

De tauri forma.

CAP. XX.

Quoniam de bubus satis præcepimus, opportune de
tauris, uaccisq; dicemus. Tauros maxime membris
amplissimis, moribus placidis, media ætate probandos cen-
seo: cætera fere eadem omnia in his obseruabimus, quæ in
bubus eligendis: neque enim alio distat bonus taurus à ca-
strato, nisi quòd huic, torua facies est, uegetior aspectus,
breuiora cornua, torosior ceruix, & ita uasta, ut sit maxi-
ma portio corporis, uentre paulò substrictiore, qui magis
rectus, & adineundas fœminas habilis sit.

De forma uaccæ.

C A P. XXI.

VT Accæ quoque probantur altissimæ formæ, longæq; maximis uteris, frontibus latissimis, oculis nigris, & patentibus, cornibus uenustus & leuibus, & nigrantibus, pilosis auribus, compressis malis, palearibus, & caudis amplissimis, ungulis modicis, & modicis cruribus: cætera quoque fere eadem in fœminis, quæ & maribus desiderantur, & præcipue ut sint nouellæ, quoniam, cum excesserint annos decem, fœtibus inutiles sunt. Rursus minores bimis iniri non oportet. Si antè tamen conceperint, partum earum remoueri placet, ac per triduum, ne laborent, ubera exprimi, postcà mulctra prohiberi.

Quotannis delectus faciendus. C A P. XXII.

SEd & curandum est omnibus annis in hoc æque, atq; Sin reliquis gregibus pecoris, ut delectus habeatur: nam & enixæ, & uetustæ, quæ gignere desierunt, summouendæ sunt, & utiq; tauræ, quæ locum fœcundarum occupant, ablegandæ, uel aratro domandæ, quoniam laboris, & operis non minus, quàm iuuenti propter uteri sterilitatem patientes sunt. Eiusmodi armentum maritima, & aprica hyberna desiderat: æstate, opacissima nemorum, ac montium alta magis, quàm plana pascua: nam melius nemoribus herbidis, & frutetis, & carectis, quàm lapidiosis locis durantur ungulæ: nec tam fluuios, riuosq; desiderant, quàm lacus manu factos, quoniam fluuialis aqua, quæ fere frigidior est, partum abigit, & coelestis iucundior est. Omnis tamen extremi frigoris tolerantiior equino armento uacca est, ideoq; facile sub dio hybernatur.

De cōsepris, & stabulis faciendis. C A P. XXIII.

SEd laxo spatio cōsepta faciendæ sunt, ne in angustiis cōseptum altera alterius elidat, & ut inualida fortioris

tioris ictus effugiat: stabula sunt optima saxo, aut glareâ strata, non incommoda tamen etiam sabulosa: illa, quod imbres respuant: hæc, quod celeriter sorbeant, transmittantq; sed utraq; dextera sint, ut humorem effundant, spectentq; ad meridiem, ut facile siccantur, & frigidis uetis non sint obnoxia. Levis autem cura pascui est: nam ut latior herba consurgat, ferè ultimo tempore æstatis incenditur: cætes & teneriora pabula recreat, & sentibus ustis fruticem surrecturum in altitudinem compescit: ipsis uero corporibus affert salubritatem iuxta conceptum saxi, & canalibus sal superiectus, ad quem saturæ pabulo libenter recurrunt, cum pastoralis signo quasi receptui canitur: nam id quoq; semper crepusculo fieri debet, ut ad sonum buccinæ pecus, si quod in sylvis substituerit, septa repetere consuescat: sic enim recognosci grex poterit, numerusq; censeri, si ueluti ex militari disciplina intra stabularij castra manserint: sed non eadem in tauros exercentur imperia, qui freti uiribus per nemora uagantur, liberosq; egressus, reditusq; habent, nec reuocantur, nisi ad coitus foeminarum.

Quæ ætas idonea ad admissuram. C A P. XXIII.

EX his qui quadrimis minores sunt, maioresq; quam duodecim annorum, prohibentur admissura: illi quoniam quasi puerili ætate seminandis armentis parum habentur idonei: hi, quia senio sunt effæti. Mense Iulio foeminae maribus plerumq; permittendæ, ut eo tempore conceptos proximo uere adultis iam pabulis edant. Nam decem mensibus uentrem perferunt, neq; ex imperio magistri, sed sua sponte marem patiuntur. Atq; in id ferè, quod dixi tempus, naturalia congruunt desideria, quoniam nimitate uerni pabuli pecudes exhilaratæ lasciuunt: quod si aut foemina recusat, aut non appetit taurus, eadem ra-

tionem, qua fastidientibus equis mox præcipientur. Elicitur cupiditas odore genitalium admoto naribus. Sed & pabulum circa tempus adnassuræ subtrahitur foeminis, ne eas steriles reddat nimia corporis obesitas, & tauris adijcitur, quò fortius ineant, unumq; marem quindecim uaccis sufficere abunde est: qui ubi iuuenecam supercruit, certis signis comprehendere licet, quem sexum generauerit, quoniam si parte dextra desiluit, marem seminaisse manifestum est, si læua foeminam: id tamen uerum esse non aliter apparet, quam ubi post unum coitum forda non admittit taurum: quod & ipsum raro accidit. Nam quamuis plena foetu non expletur libidine, adeò ultra naturæ terminos etiam in pecudibus plurimū pollent blandæ uoluptatis illecebræ. Sed non dubium est, ubi pabuli sit lætitia, posse omnibus annis partum educari: at ubi penuria est, alternis submitti: quod maxime in operarijs fieri placet, ut & uituli annui temporis spatio lacte satientur, nec forda simul operis, & uteri grauetur onere, quæ cum partum edidit, nisi cibis sulta est, quamuis bona nutrix labore fatigata nato subtrahit alimentum. Itaq; & foetæ cythisus uiridis & torrefactum ordeum, maceratumq; cruū præbetur, uel tenero olere commisto, torrido, molitoq; milio, & per unā noctem lacte macerato saluiatur: melius etiā in hos usus altinæ uaccae probantur, quas eius regionis incolæ ceuas appellant: eæ sunt humilis stature, lactis abundantes, propter quod remotis earum foetibus, generosum pecus alienis educatur uberibus: uel si hoc præsidium non adest, faba fresa, & uinum recte tolerat, idq; præcipue in magnis gregibus fieri oportet.

Remedia ad lumbricos uitulorum. C A P. XXV.

Solent autem uitulis nocere lumbrici, qui fere nascuntur cruditatibus. Itaq; moderandum est, ut bene concoquant

coquant: aut si iam tali uitio laborant, lupini semicrudi con-
teruntur, & offæ saluati more faucibus ingeruntur: potest
etiam cum arida fico, & cruo conterî herba santonica, &
formata in offam, sicut saluiatum demitti: facit idem axun-
giæ pars una tribus partibus hyssopi permista. Marrubij
quoq; succus, & porri ualet eiusmodi necare animalia.

De castrandis uiculis.

CAP. XXVI.

CAstrare uitulos Mago censet, dum adhuc teneri sunt,
neq; id ferro facere, sed fissa ferula comprimere testi-
culos, & paulatim confringere. Idq; optimum genus ca-
strationum putat, quod adhibetur ætati teneræ sine uulne-
re. Nam ubi iam induruit, melius bimus, quam anniculus ca-
stratur. Idq; facere uel autumnio Luna decresciente præci-
pi, uitulumq; ad machinâ deligare: deinde prius, quam fer-
rum admoucas, duabus angustis ligneis regulis (ueluti for-
cipibus) apprehendere testiu neruos, quos Græci *αἰμαστί-
δας* ab eo appellant, quod ex illis genitales partes depen-
dent, quibus comprehensis, statim testes ferro resecare, &
expressos ita rescindere, ut extrema pars eorum adhærens
prædictis neruis relinquatur. Nam hoc modo nec eruptio-
ne sanguinis periclitatur iuuençus, nec in totum effœmina-
tur adempta omni uirilitate, formaq; seruata maris, gene-
randi uim deposuit, quam tamen ipsam non protinus amit-
tit. Nam si patiaris eum à recenti curatione fœminâ inire,
constat ex eo posse generari. Sed minime id permittendum,
ne profluuio sanguinis intereat: uerû uulnera eius sarmen-
titio cinere cum argenti spuma linenda sunt, abstinendusq;
eo die ab humore, & exiguo cibo alendus. Sequenti triduo
uelut æger cacuminibus arborum, & defecto uiridi pabulo
oblectandus, prohibendusq; multa potione. Placet etiam
pice liquida, & cinere, cum exiguo oleo ulcera ipsa post

triduum linire, quo & celerius cicatricem ducant, nec a muscis infestentur. Haftenus de bubus dixisse abunde est.

De equis.

CAP. XXVII.

Quibus cordi est educatio generis equini, maxime conuenit prouidere autorem industrium, & pabuli copiam, quæ utraque uel mediocria possunt alijs pecoribus adhiberi. summam sedulitatem, & largam satietatem desiderat equinum pecus. quod ipsum tripartito diuiditur. est enim generosa materies, quæ circo, sacrisq; certaminibus equos præbet. est mularis, quæ pretio foetus sui comparatur generoso. est & uulgaris, quæ mediocres foeminas, maresq; progenerat: ut quæq; est præstantior, ita ubere campo pascitur. Gregibus autem spatiosa, & palustria, nec non montana pascua eligenda sunt, rigua nec unquam siccanea, uacua uel magis, quam stirpibus impedita, frequenter mollibus potius quam proceris herbis abundantia. Vulgaribus equis passim maribus, ac foeminis pasci permittitur, nec admissuræ certa tempora seruantur. Generosis circa uernum æquinoctium mares iungentur, ut eodem tempore, quo conceperint, iam letis, & herbidis capis post anni mensem paruo cum labore foetum educent. nam mense duodecimo partum edunt. Maxime itaq; curandum est prædicto tempore anni, ut tam foeminis, quam admissarijs desiderantibus coeundi fiat potestas, quoniã id præcipue armentum si prohibeas, libidinis extimulatur furijs, unde etiam ueneno inditum est nomen $\iota\pi\pi\acute{o}\mu\alpha\upsilon\epsilon\varsigma$, quod equinæ cupidini similem mortalibus amorem accendant. Nec dubium quin aliquot regionibus tanto flagrèt ardore coeundi foeminæ, ut etiam si mare non habeant, assidua, & nimia cupiditate figurantes sibi ipsæ uencrem (cobortalium more auium) uento concipiant. Quæ enim poëta licentius dicit:

Scilicet

Scilicet ante omnes furor est insignis equarum:
 Et mentem Venus ipsa dedit, quo tempore Glauci
 Potniades malis membra absumpsere quadrigæ.
 Illas ducit amor trans Gargara, transq; sonantem
 Ascanium, superant montes, & flumina tranant,
 Continuoq; avidis ubi subdita flamma medullis,
 Vere magis, quia uere calor redit ossibus, illæ
 Ore omnes uersæ in Zephyrum stant rupibus altis,
 Exceptantq; leueis auras, & sæpe sine ullis
 Coniugijs, uento grauidæ (mirabile dictu)
 Saxa per & scopulos, & depressas conualles
 Diffugiunt, non Eure tuos, neq; solis ad ortus
 In Boream, Caurumq; aut unde nigerrimus Auster
 Nasctur, & pluuiæ contristat frigore cælum.

Cum sit notissimum etiam in sacro monte Hispaniæ, qui
 procurrit in occidentem iuxta oceanum, frequenter equas
 sine coitu uentrem pertulisse, foetumq; educaſſe, qui tamen
 inutilis est, quod triennio prius quam adolescat, morte
 absumitur. Quare, ut dixi, dabimus operam, ne circa æqui-
 noctium uernum equæ desyderijs naturalibus angantur.
 Equos autem pretiosos reliquo tempore anni remoue-
 re oportet à foeminis, ne aut cum uolent, ineant: aut si id
 facere prohibeantur, cupidine sollicitati noxam contrahant.
 itaque uel in longinqua pascua marem placet ablegari, uel
 ad præsepia contineri. eoq; tempore, quo uocatur à fo-
 minis, roborandus est largo cibo, & appropinquante uere
 ordeo, eruoq; saginandus, ut ueneri supersit, quantoq; for-
 tior inierit, firmiora semina præbeat futuræ stirpi. Qui-
 dam etiam præcipiunt eodem ritu, quò mulos, admissarium
 saginare, ut hac sagina hilaris plurimis foeminis sufficiat.
 ueruntamen nec minus, quàm quindecim, nec rursus plu-

res quàm uiginti, unus debet implere, isq; admissuræ potest
 trimus adhiberi, & usq; ad annos uiginti plerunq; idoneus
 esse. Quòd si admissarius incers in uenctem est, odore perfu-
 catur deterfis spongia foeminae locis, & admotà naribus
 equi. Rursus si equa marem non patitur, detrita scylla na-
 turalia eius linuntur, quæ res accendit libidinem. nonnun-
 quam ignobilis quoque uulgaris elicit cupidinem coeundi.
 Nam ubi admotus fere tentauit obsequium, foemina abdu-
 citur, & iam patientiori generosior equus imponitur, inde
 maior prægnantibus adhibenda cura est, largoque pascuo
 firmandæ. Quòd si frigore hyemis herbae defecerint, tecto
 contineantur, ac neq; opere, neq; cursu exerceantur, neque
 frigori cõmittantur, nec in angusto, clauso'ue, ne aliæ alia-
 rum conceptus elidant, nam hæc omnia incommoda sætum
 abigunt. quod tamen si aut partu, aut abortu equa labora-
 uit, remedio crit filicula trita, & aqua tepida permista,
 dataq; per cornu. Sin autem prosperè cessit, minime manu
 contingendus pullus crit. Nam læditur etiam leuissimo con-
 tactu. tantum cura adhibebitur, ut & amplo, & calido lo-
 co cum matre uersetur, ne aut frigus adhuc infirmo no-
 ceat, aut mater in angustijs eum obterat. Paulatim deinde
 producendus crit, prouidendumq; ne stercore ungulae
 adurat. mox cum firmior fuerit, in eadem pascua, in qui-
 bus mater est, dimittendus, ne desyderio partus sui labo-
 ret equa. Nam id præcipue genus pecudis amore natorum,
 nisi fiat potestas, noxam trahit. Vulgari foeminae solenne
 est omnibus annis parere, generosam conuenit alternis
 continere, quo firmior pullus lacte materno laboribus cer-
 taminum præparetur.

De ætate admissarij, & quis pullus
 generetur,

CAP. XXVIII.
 Marem

M Arcem putant minorem trimo nō esse idoneū admis-
suræ, posse uerò usq; ad uigesimum annum proge-
nerare, fœminam binam recte concipere, ut post tertiu an-
num enixa fœtū educet, eamq; post decimū non esse utilē,
quod ex annosa matre tarda sit, atq; iners proles, quæ
siue ut fœmina, siue ut masculus cōcipiatur, nostri arbitrij
fore Democritus affirmat, qui præcipit, ut cū progenera-
ri marcem uelimus, sinistrū testiculum admissarij lineo fu-
niculo, alio'ue quolibet obligemus, cū fœminam, dextrū:
idemq; in omnibus pene pecudibus faciendum censet.

De indole, & forma equi. CAP. XXIX.

C Vm uerò natus est pullus, confestim licet indolem æ-
stimare, si hilaris, si intrepidus, si neq; conspectu, no-
uæq; rei auditu terretur, si ante gregem procurrit, si lasci-
ua, & alacritate interdū & cursu certas æquales exupe-
rat, si fossam sine cunctatione transilit, pontem, flumenq;
transcendit. Hæc erunt honesti animi documēta. Corporis
uerò forma cōstabit exiguo capite, nigris oculis, naribus
apertis, breuib; auriculis, & arrectis, ceruice molli, lataq;
nec longa, densa iuba, & per dextrā partē profusa, lato,
& musculorū toris numeroso pectore, gradibus armis, &
rectis lateribus inflexis, spina duplici, uētre substricto, te-
stibus paribus, exiguis, latis lumbis & subsidetibus, cau-
da longa, & setosa, crissaq; æqualibus, atq; altis, rectisq;
cruribus, tereti genu, paruoq; neq; introrsus spectanti, ro-
tundis clunibus, feminibus torosis, ac numerosis, duris un-
gulis, & altis, & concavis, rotundisq; quibus coronæ me-
diocres superpositæ sunt: sic uniuersim corpus cōpositum,
ut sit grande, sublime, erectum, ab aspectu quoq; agile, &
ex longo, quātum figura permittit, rotundū. Mores autem
laudantur, qui sunt ex placido, & ex concitato mitissimi.

Nam

Nam hi & ad obsequia reperiuntur habiles, & ad certamina laborū patientissimi. equus binus ad usum domesticū recte domatur, certaminibus autem expleto triennio, sic tamen ut post quartum demum annum labori committatur. Annorum notæ cum corpore mutantur: nam dum binus, & sex mensium est, medij dentes superiores, & inferiores cadunt: cum quartum agit annum, ijs, qui canini appellantur, deiectis, alios affert: intra sextum deinde annum, molares superiores cadunt. Sexto anno, quos primos mutauit, exæquat. Septimo omnes explentur æqualiter, & excoauatos gerit. Nec postea quot annorum sit, manifestò comprehendendi potest. Decimo tamen anno tempora cauari incipiunt, & supercilia nonnunquam canescere, & dentes prominere. Hæc, quæ ad animum, & mores, corpusq; & ætatem pertinent, dixisse satis habeo. Nunc sequitur curam recte, & minus ualentium demonstrare.

De cura, & medicina equorum. CAP. XXX.

SI sanis est macies, celcius torrefacto tritico, quam ordeo reficitur, sed & uini potio danda est, ac deinde paulatim eiusmodi cibi subtrahendi immistis ordeo fursuribus, dum consuescat faba, & puro ordeo ali. Nec minus quotidie corpora pecudum, quam hominum defricanda sunt: ac sæpe plus prodest pressa manu subegisse terga, quam si longissime cibos præbeas, multum autem refert robur corporis, ac pedum seruare: quod utrunq; custodimus, si idoneis temporibus ad præsepia, ad aquā, ad exercitationem pecus duxerimus, curæq; fuerit, ut stabulentur sicco loco. ne humore madescant ungulæ: quod facile euitabimus, si aut stabula roboreis axibus constrata, aut diligenter subinde emundata fuerit humus, & paleæ superiectæ. Plerunq; iumenta morbos concipiunt lassitudine, &

stu, nonnunquā & frigore, & cū suo tempore urinam
non fecerint: uel si sudat, & à concitatione confestim bibe-
ant: uel si cū diu steterint, subito ad cursum extimulata
sint. Lassitudini quies remedio est, ita ut in fauces oleum,
uel adeps uino mista infundatur: frigori fomenta adhiben-
tur, caputq; , & spina tepenti adipi uel uino liniuntur: si
urinam non facit, eadem ferè remedia sunt nā oleū immistū
uino super ilia, & renes infunditur, & si hoc parum pro-
fuit, melle decocto, & sale collyrium tenue inditur forami-
ni, quò meat urina, uel musca uiua, uel thuris mica, uel de
bitumine collyriū inseritur naturalibus. Hæc eadē remedia
adhibentur, si urina genitalia deusserit. Capitis dolorē indi-
cant lacrymæ, quæ profluunt, auresq; flaccidæ, & ceruix
cum capite aggrauata, & in terram summissa. Tū rescin-
ditur uena, quæ sub oculo est, & os calda fouetur, ciboq;
abstinetur primo die. In postero autem potio ieiuno tepidæ
aquæ præbetur, ac uiride gramen, tum uetus fœnum uel
molle stramentum substernitur, crepusculoq; aqua iterum
datur, parumq; ordci cum uiciæ libris 1 i. s. ut per exigua
portione cibi ad iusta perducatur. Si equo maxillæ dolent,
calido aceto fouendæ, & axungia uetere confricandæ sunt,
eademq; medicina tumētibus adhibenda est. Si armos læse-
rit, aut sanguinē demiserit, medio ferè in utroq; crure uenæ
soluatur, & thuris polline cū eo, qui profluit, sanguine im-
misto, arui linantur, & ne plus iusto exinaniatur, stercus
ipsius iumenti fluentibus uenis ad motum fascijs obligetur.
Postero quoq; die ex iisdē sanguis detrahatur, eodēq; mo-
do curetur, ordeoq; abstineatur exiguo fœno dato. Post tri-
die deinde usque in diem sextum porri succus instar trium
cyathorū mistus cū olei hemina faucibus per cornu infun-
datur. Post sextum diē lentē ingredi cogatur, & cum am-
bula

bulaucrit, in piscinā demitti eū cōueniet, ita ut natet: sic paulatim firmioribus cibis adiutus ad iusta perducetur. At si bilis molestā iumento est, uenter intumescit, nec emittit uētos. Manus uēta inseritur aluo, & obsepsi naturales exitus adaperiuntur, exemptosq; stercore posita cumila bubula & herba pedicularis cū sale trita, & decocta melli misceantur, atq; ita facta collyria subiiciuntur, quae uētrē mouēt, bilemq; omnē deducūt. Quidam myrrhae tritae quadrante cū hemina uini faucibus infundūt, & anū liquida picce oblinūt. Alij marina aqua lauant aluū, alij recenti muria. Solent etiam uermes quasi lumbrici nocere intestinis, quorum signa sunt, si iumenta cum dolore crebro uolutantur, si admouēt caput utero, si caudā sepius iactant. Præsens medicina est, ita ut supra scriptū est, inferere manum, & finium eximere: deinde aluū marina aqua, uel muria dura lauare, postea radicē capparis trita cū sestario aceti faucibus infundere: nam hoc modo prædicta intercunt animalia.

Ad tussim.

CAP. XXXI.

OMni autem imbecillo pecori alte substernendum est, quo mollius cubet. Recens tussis celeriter sanatur, pinsita lente, & a ualuulis separata, minuteq; molita. Quae cum ita facta sunt, sestarius aquae calidae in eandem mensuram lentis miscetur, & faucibus infunditur, similisq; medicina triduo adhibetur, ac uiridibus herbis, cacuminibusq; arborum recreatur egrotum pecus. Vetus autem tussis discutitur porri succo trium cyathorum cum olei hemina faucibus infuso, iisdemq; ut supra monuimus, cibis præbitis. Impetigines, & quicquid scabies occupat, aceto & alumine defricantur. Nonnunquam, si haec permanent, paribus ponderibus permixtis nitro, & scisso alumine, cum aceto linuntur. Papulae feruentissimo sole usq; ad strigi

frigile raduntur, quoad eliciatur sanguis: tum ex æquo miscentur radices agrestis herbæ, sulfurq; , & pix liquida cum alumine. Et eo medicamine prædicta uitia curantur.

Ad intertriginem, & scabiem. CAP. XXXII.

Intertrigo bis in die subluitur aqua calida. Mox decocto, ac trito sale cum adipe defricatur, dum saniei uis emanat. Scabies mortifera huic quadrupedi est, nisi celeriter succurritur: quæ, si leuis est, inter initia candenti sub sole uel cædria, uel oleo lentisci linitur, uel urticæ semine, & oleo detritis, uel unguine ceti, uel quod in lancibus salitus thynnus remittit. Præcipue tamen huic noxæ salutaris est adeps marini uituli: sed si iam inueterauerit, uehementioribus opus est remedijs, propter quod bitumen, & sulfur, & ueratrum pici liquidæ, & unguiæq; ueteri cõmista pari pondere incoquantur, atque ea compositione curantur, ita ut prius scabies ferro crassa, perluatur urina. Sæpe etiam scalpello usque ad uiuum rescare, & amputare scabiem profuit, atque ita factis ulceribus mederi liquida pice, atq; oleo, quæ expurgant, & replent uulnera æquæ: quæ cum expleta sunt, ut celerius cicatricem, & pilum ducant, maxime proderit, fuligo ex alieno ulcere infricata.

Ad muscas, & oculorum

dolores.

CAP. XXXIII.

Muscas quoq; uulnera infestantes summovebimus pice, & oleo, uel unguine mustis, & infusis, cætera erui farina recte curantur. Cicatrices oculorum ieiuna salina, & sale defricatæ extenuantur: uel cū fusili sale trita sepiæ testa, uel semine agrestis pastinacæ pinsito, & per linteam super oculos expresso. Omnisq; dolor oculorū inunctione succi plantaginis, cum melle attico, uel si id non est, utique thymino celeriter leuatur: nonnunquam etiam per

per nares profluvium sanguinis periculum attulit. Idq; repressum est infuso naribus uiridis coriandri succo.

Ad fastidia ciborum, & labem pestiferam remedia.

CAP. XXXIII.

INterdum & fastidio ciborum languescit pecus. Eius remedium est genus seminis, quod git appellatur. Cuius duo cyathi triti adiunguntur olei cyathis tribus, & uini sextario, atque ita faucibus infunduntur. Et nausea discutitur, etiam si caput alij tritum cum uini hemina sepius potandum præbeas. Suppuratio melius ignea lumina, quam frigido ferramento reseratur, & expressa postea à linamentis curatur. Est etiam illa pestifera labes, ut intra paucos dies equæ subita macie, & deinde morte corripiantur, quod cum accidit, quaternos sextarios gari singulis per nares infundere utile est, si minoris formæ sunt: nam si maioris, etiam congios. Ea res omnem pituitam per nares elicit & pecudem expurgat.

De equarum rabie.

CAP. XXXV.

Rara quidem, sed & hæc est equarum nota rabies, ut cum in aqua imaginem suam uiderint, amore inani capiuntur. Et per hunc oblitæ pabuli, tabe cupidinis intereant. Eius uesaniæ signa sunt, cum per pascua ueluti extimulatae concursant, subinde ut circumspicientes requirere, ac discedere aliquid uideantur. Mentis error discutitur, si deducas ad aquam. Tum demum speculatae deformitatem suam, pristinae imaginis abolent memoriam. Hæc de uniuerso equarum genere satis dicta sunt. Illa proprie præcipienda sunt ijs, quibus mularum greges curæ est submittere.

De mulis.

CAP. XXXVI.

IN educando genere mularum antiquissimū est diligenter exquirere, atque explorare parentem futurae prolis facin-

foeminam, & marem: quorum si alter non est idoneus, la-
 eat etiam quod ex duobus fingitur. Equam convenit in an-
 nos decem, quousq; amplissimæ, atque pulcherrimæ formæ
 at, membris fortibus patientissimam laboris eligere, ut dis-
 cordantem utero suo generis alieni stirpem insitam facile
 recipiat, ac perferat, & ad foetum non solum corporis bo-
 na, sed & ingenij conferat: nam cum difficulter iniecta ge-
 nitalibus locis animentur semina, tum etiam concepta diu-
 tius in partum adolescunt, ut quæ peracto anno mense ter-
 tiodecimo uix eduntur, natisq; inhaeret plus socordiae pa-
 ternæ, quàm uigoris materni. Veruntamen ut equæ dictos
 usus minore cura reperiuntur, ita maior est labor eligen-
 di maris, quoniam sæpe iudicium probantis frustratur expe-
 rimentum. Multi admissarij specie tenus mirabilissimam so-
 lelem formam, uel sexu progenerant. Nam siue parui corpo-
 ris foeminas fingant, siue etiam speciosi, plures mares, quàm
 foeminas, redditum patrisfamiliae minuunt. At quidam con-
 empti ab aspectu, preciosissimorum seminum feraces sunt,
 nonnunquam aliqui generositatem suam natis exhibent,
 sed hebetes uoluptate, rarissime sollicitantur ad uenerem. Hu-
 iusmodi mari sensim magistri subadmouere debent gene-
 ris eiusdem foeminam, quoniam similia similibus familia-
 riora facit natura. Ita enim efficitur, ut eius obiectu, cum
 mas etiam superiectu eblanditus est, uelut incensus, & ob-
 cecatus cupidine, subtracta, quam petierat, fastidit impo-
 natur equæ.

Ad temperandum sæuitiam admissarij in
 libidinem furentis. CAP. XXXVII.

Est & alterum genus admissarij furentis in libidinem,
 quod nisi astu inhibeatur, affert gregi perniciem.
 Nam & sæpe uinculis abruptis grauidas inquietat, &

cum admittitur, ceruicibus, dorsisq; foeminarum imprimi
 morsus: quod ne faciat, paulisper ad molam uinctus amo-
 ris seuiitiam labore temperat, et sic ueneri modestior ad-
 mittitur. Nec tamen aliter admittendus est etiam clemen-
 tioris libidinis, quoniam multum refert naturaliter sopi-
 tum pecudis ingenium modica exercitatione concuti, atque
 excitari, uegetioremq; factum marem foeminae iniungi, ut
 tacita quadam ui semina ipsa principiis agilioribus figuntur.
 Mula autem non solum ex equa, et asino, sed ex asina,
 et equo, itemq; onagro et equa generatur. Quidam ue-
 rò non dissimulandi autores, ut Marcus Varro, et ante
 eum Dionysius, ac Mago prodiderunt, mularum foetus
 regionibus Africae adeò non prodigiosos haberi, ut tam
 familiares sint incolis partus earum, quam sint nobis equa-
 rum. Neque tamen ullum est in hoc pecore, aut animo,
 aut forma praestantius, quam quod seminabit asinus: quan-
 quam possit huic aliquatenus comparari, quod progene-
 rat onager, nisi et indomitum, et seruitio contumax sol-
 uestri more, strigosum patris praeferat habitum. Itaque
 eiusmodi admissarius nepotibus magis, quam filijs uilior
 est: nam ubi asina, ex onagro natus admittitur equae, per
 gradus infracta feritate quicquid ex eo prouenit, paternam
 formam, et modestiam, fortitudinem, celeritatemq; autem
 refert. Qui ex equo, et asina concepti generantur, quam-
 uis à patre nomen traxerint, quod hinni uocantur, matri
 per omnia magis similes sunt. Itaque commodissimum est
 asinum destinare mularum generi seminando, cuius (ut di-
 xi) species experimento est speciosior. Veruntamen ab
 aspectu non aliter probari debet, quam ut sit amplissimi cor-
 poris, ceruice ualida, robustis ac latis costis, pectore muscu-
 loso, et uasto, seminibus lacertosis, cruribus compactis, colo-
 ris ni

ris nigri, uel maculosi : nam murinus cum sit in asino uul-
 garis, tum etiam non optimè respondet in mula : neque
 nos uniuerſa quadrupedis species decipiat, si qualem pro-
 bamus, conspiciamus. Nam quemadmodum arictū, quæ sunt
 in linguis, & palatis maculæ, plerunq; in uelleribus agno-
 rumprehenduntur : ita si discolores pilos asinus in pal-
 pebris, aut auribus gerit, sobolem quoque frequenter facit
 diuersi coloris, qui & ipse etiam si diligentissimè in ad-
 missario exploratus est, sæpe tamen dominum decipit : nam
 interdum etiam citra prædicta signa dissimiles sui mulas
 fingit : quod accidere non aliter reor, quam ut auitus color
 primordij seminis mustu reddatur nepotibus. Igitur qualē
 descripsi asellum, cum est à partu statim genitus, oportet
 matri statim subtrahi, & ignorant equæ subijci. Ea opti-
 mē tenebris fallitur : nam obscuro loco partu eius admoto,
 prædictus quasi ex ea natus alitur. Cui deinde cum decem
 diebus insueuit equa, semper postea destinanti præbet ube-
 ra. Sic nutritus admissarius equas diligere condiscit. Inter-
 dum etiā, quamuis materno lacte sit educatus, potest à te-
 nero conuersatus equis familiariter carū cōsuetudinem ap-
 petere. Sed non oportet minore, quam trimū admitti. Atq;
 id ipsum si concedatur, uere fieri cōueniet, cum & desecto
 uiridi pabulo, & largo ordeo firmandus, nonnunquā etiam
 saluandus erit. Nec tamen teneræ fœminæ cōmittetur : nam
 nisi prius ea marem cognouit, adfiliēte admissarium cal-
 cibus proturbat, & iniuria depulsum etiam cæteris equis
 reddit inimicū. Id ne fiat, degener, & uulgaris asellus ad-
 mouetur, qui sollicitet obsequia fœminæ : neq; is tamen ini-
 re sinitur. Sed, si iam est equa ueneris patiens, cōfestim ab-
 acto uiliore, pretioso mari iungitur. Locus est ad hos usus
 exstructus (machinam uocant rustici) qui duos parietes ad-

uerso cliuulo in edificatos habet, & angusto interuallo sic inter se distantes, ne foemina colluctari, aut admissario ascendi auertere se possit. Aditus est ex utraque parte, sed ab inferiore clatrīs munitus, ad quæ capistrata imo cliu constituitur equa, ut & prona melius incuntis semina recipiat, & facilem sui tergoris ascensum ab editiori parte minori quadrupedi præbeat, quæ cum ex asino cōceptum edidit, partum sequenti anno uacua nutrit, id enim utilius est, quàm quod quidam faciunt: ut & foetam nihilo minus admissō equo impleant. Annicula mula recte à matre repellitur, & amota montibus, aut feris locis pascitur, ut ungulas duret, sitq; postea longis itineribus habilis: nam cli-tellis aptior mulus: illa quidem agilior: sed uterque sexus & uiam recte graditur, & terram commodè proscindit, nisi pretium quadrupedis rationem rustici oneret, aut cam-pus graui gleba robora bouum deposcat.

De medicinis eorum. CAP. XXXVIII.

Medicinas huius pecoris plerunque iam in alijs generibus edocui: propria tamen quædam uitia mulorum non omittam, quorum remedia subscripsi. Febricenti mulæ cruda brassica datur. Suspiriosæ sanguis detrahitur, & cum sextario uini atque olei thuris semuncia, marrubij succus instar heminae mistus infunditur. Suffraginosæ ordeacea farina imponitur, mox suppuratio ferro reclusa linamentis curatur: uel gari optimi sextarius cum libra olei per narem sinistram demittitur. Admisceturq; huic medicamini trium, uel quatuor ouorum albus liquor separatis uitellis. Femina secari, & interdum inuri solent. Sanguis demissus in pedes, ita ut in equis emittitur: uel si est herba, quam ueraltrum uocant rustici, pro pabulo cedit. Est $\nu\omicron\sigma\upsilon\lambda\alpha\mu\theta$, cuius semen detritum, & cum uino datum prædi-

relictio uitio medetur. Macies & languor submouetur
 opius data portione, quæ recipit semunciam triti fursuris,
 uumq; crudum, & tritæ myrrhæ pondus denarij. Hæc
 ria uino admiscetur, atque ita faucibus infunduntur. Sed
 et iusi, doloriq; ueniris eadem ista æque medentur. Ad
 maciem nulla res tantum, quantum medica potest: ea herba
 aridis nec tardè tamen arida fœni uice saginat iumenta:
 uerum modicè danda, ne nimio sanguine stranguletur pe-
 cus. Lassæ, & æstuantî mulæ adeps in fauces demittitur,
 merumq; in os suffunditur. Cætera exequemur in mulis,
 sicut prioribus huius uoluminis partibus tradidimus, quæ
 curam boum, equarumq; continent.

L I V N. MODERA- TI COLVMELLAE DE RE RVSTICA LIB. VII.

De asello.

CAP. I.



E MINORE pecore dicturus P.
 Siluine principium tenebit minor Arca-
 diæ, uilis hic, uulgarisq; asellus, cuius ple-
 riq; rusticarum rerum autores in emen-
 dis, tuendisq; iumētis præcipuam ratio-
 nem uolunt esse, nec iniuria. Nam etiā eo rure, quod pascuo
 caret, contineri potest exiguo, & qualicunque pabulo con-
 tentus. Quippe uel folijs, spinisq; uel perticis salignis ali-
 tur, uel obiecto fascæ sarmentorum. Paleis uerò, quibus pe-
 nē omnes regiones abundant, etiam gliscit. Tum impru-
 dentis custodis negligentiam fortissime sustinet: plagarum,
 & penuriæ tolerantissimus; propter quæ tardius deficit,

quam ullum aliud armentum. Nam labores & famis maxime patiens, raro morbis afficitur. Huius animalis tam exiguae tutelae plurima, & necessaria opera supra portionem respondent, tum & facilem terram qualis in Baetica, totaq; Libye sit, leuibus aratris proscindat, & non nimio podere uehicularum trahat. Saep̄ etiam, ut celeberrimus Poeta memorat,

—Tardi costas agitator aselli

Vilibus aut onerat pomis, lapidemq; reuertens

Incussum, aut atræ massam picis urbe reportat.

Iam uerò molarum, & conficiendi frumenti penè solennis est huius pecoris labor. Quare omne rus tanquam maxime necessarium desiderat asellum, qui, ut dixi, pleraque utensilia & uehere in urbem, & reportare collo, uel dorso commodè potest. Qualis autem species eius uel cura probatissima sit, superiore libro, cum de precioso præcipretur, satis dictum est.

De Ouibus emendis tuendisq;. CAP. II.

Post maiores quadrupedes ouilli pecoris secunda ratio est, quæ prima sit, si ad utilitatis magnitudinem referas. Nam id præcipue nos contra frigoris uiolentiam protegit, corporibusq; nostris liberaliora præbet uelamina. Tum etiam casei, lactisq; abundantia non solum agrestes saturat, sed etiam elegantium mensas iucundis, & numerosis dapibus exornat. Quibusdam uerò nationibus frumenti expertibus uictum commodat, ex quo Nomadum, Gedarumq; plurimi γαλακτοπόται dicuntur. Igitur id pecus, quamuis mollissimum sit, ut ait prudentissime Celsus, ualitudinis tutissimæ est, minimeq; pestilentia laborat. Verum tamen eligendum est ad naturam loci: quod semper obseruari non solum in hoc, sed etiam in tota ruris disciplina

plina Vergilius præcipit, cum ait:

Nec uerò terræ ferre omnes omnia possunt.

Pinguis, & campestris situs proceras oues tolerat: gracilis, & collinus quadratas: sylvestris & montosus exiguas: pratis, planisq; noualibus tectum pecus commodissime pascitur. Idq; non solum generibus, sed etiam coloribus plurimum refert. Generis eximij milcsias, calabras, appulasq; nostri existimabant, earumq; optimas tarentinas. Nunc gallicæ pretiosiores habentur, earumq; præcipue albinates. Item quæ circa Parmam, & Mutinam macris stabulantur campis. Color albus cum sit optimus, tum etiam est utilissimus, quòd ex eo plurimi fiunt, neq; hic ex alio. Sunt etiam suapte natura pretio commendabiles pullus, atque fuscus, quos præbent in Italia Pollentia, in Batica Corduba. Nec minus Asia rutilos, quos uocant ἐρυθροὺς. Sed & alias uarietates in hoc pecoris genere docuit usus exprimere. Nam cum in municipium Gaditanum ex uicino Africa mûri coloris sylvestres, ac feri arietes, sicut aliæ bestię munerarijs deportarentur, M. Columella patruus meus acris uir ingenij, atque illustris agricola quosdam mercatus in agros transtulit, & mansuctos tectis ouibus admisit. Eæ primum hirtos, sed paterni coloris agnos ediderunt, qui deinde & ipsi tarentinis ouibus impositi, tenuioris uelleris arietes progenerauerunt. Ex his rursus quicquid conceptum est, maternam mollitiem, paternum & auitum retulit colorem. Hoc modo Columella dicebat, qualemcunque speciem, quæ fuerit in bestijs, per nepotum gradus mitigata feritate, redijse. Ad propositum reuertar. Ergo duo genera sunt ouilli pecoris, molle, & hirsutum. Sed in utroque uel emendo plura communia, quædam tamen sunt propria generosi, quæ obseruari conueniat. Communia in emendis

gregibus fere illa, si candor lanæ maxime placet. nunquam cãdidiſſimos mares legeris, quoniam ex albo sæpe fuscus editur partus, ex erythræo uel pullo nũquã generatur albus.

De arietibus eligendis.

CAP. III.

ITaq; non solum ea ratio est probandi arietis, si uellere candido uestitur, sed etiam si palatum, atq; lingua concolor lanæ est. Nam cum hæ corporis partes nigræ, aut maculosæ sunt, pulla uel etiã uaria nascitur proles. idq; inter cetera eximiè talibus numeris significauit idem, qui suprà:

Illum autem, quamuis aries sit candidus ipse,

Nigra subest udo tantum cui lingua palato,

Reijce, ne maculis infuscet uellera pullis

Nascentum. — Vna eademq; ratio est in erythræis, & nigris arietibus, quorum similiter (ut iam dixi) neutra pars esse debet discolor lanæ, multoq; minus ipsa uniuersitas tergoris maculis uariet. ideo nisi lanatas oues emi non oportet, quo melius unitas coloris appareat: quæ nisi præcipua est in arietibus, paternæ notæ plerunque natis inherant. Habitus autem maxime probatur, cum est altus, atq; procerus, uentre promisso, atque lanato, cauda longissima, densiq; uelleris, fronte lata, testibus amplis, intortis cornibus, non quia magis hic sit utilis (nam est melior mutilus aries) sed quia minimè nocent. Intorta potius, quam surrecta, & patula cornua. quibusdam tamen regionibus, ubi coeli status uuidus, uentosusq; est, capros & arietes optauerimus uel ampliſſimis cornibus, quòd ea porrecta, altaq; maximam partem capitis à tempestate defendant. Itaque si plerunq; est atrocior hyems, hoc genus eligemus, si clementior, mutilum probabimus marem, quoniam est illud incommodum in cornuto, quòd cum sentiat se uelut quoddam naturæ loco capitis armatum, frequenter in pugnam

procur

procurrit, & fit in foeminas quoq; procacior. Nam riualem (quamuis solus admissura non sufficit) uiolentiſſime perſequitur. Nec ab alio tempeſtiuū patitur iniri gregem, niſi cum eſt fatigatus libidine. Mutilus autem, cum ſe tanquam exarmatum intelligat, nec ad rixam promptus eſt, & in uenere mitior. Itaque capri, uel arietis petulci ſeuitiam paſtores hac aſtutia repellunt, menſurae pedalis robuſtam tabulam conſigunt aculeis, & aduerſam fronti cornibus religant. ea res ſerum prohibet à rixa, cum ſtimulatum ſuo ictu ipſum ſe ſauciat. Epicharmus autem Syracuſanus, qui pecudum medicinas diligentiffime conſcripſit, affirmat pugnacē arietem mitigari terebra ſecundum aurículas foratis cornibus, quā curuantur in flexu. Eius quadru pedis aetas ad progencrandum optima eſt trima: nec tamen inhabilis uſq; in annos octo. Foemina poſt bimatū maritari debet. Iuueniſq; habetur quinquenniſ: fatiſcit poſt annum ſepſimum. Igitur, ut dixi, mercaberis oueiſ inoſas. uariam, & canam comam improbabiſ, quòd ſit incerti coloris. Maiorem trima dente minacem ſterilem repudiabiſ. eligeſ bimam uaſti corporiſ, ceruice prolixa, prolixi uilli, nec aſperi, lanofi, & ampli uteri: nam uitandus eſt glaber, & exiguius. Atque haec ſerè communia ſunt in comparandiſ ouibuſ. Illa etiam tuendiſ: humilia facere ſtabula, ſed in longitudinem potiuſ, quàm in latitudinem porrecta, ut ſimul hyeme calida ſint, nec anguſtiae foetus oblidant. ea poni debent contra medium diem: nanq; id pecuſ, quamuis ex omnibuſ animalibuſ ueſtiſſimum, frigoriſ tamen impatientiſſimum eſt, nec minus aſtiui uaporis. itaque cohors clauſa ſublimi macerie praepoſi ueſtibulo debet, ut ſit in eam tutuſ exituſ aſtiuandi. deturq; opera, nequiſ humor ſubiſtat, ut ſemper quamariſſimiſ ſilicibuſ, uel culmiſ

stabula confrata sint, quo purius, & mollius incubent fo-
 *caula tæ. Sint * quila mundiſſima, ne qua earum ualetudo, quæ
 præcipue custodienda est, infestetur uligine. Omni autem
 pecudi larga præbenda sunt alimenta. Nam uel exiguus nu-
 merus, cum pabulo satiatur, plus domino reddit, quam ma-
 ximus grex, si senserit penuriam: sequeris autem noualia
 non solum herbida, sed quæ plerunq; uidua sunt spinis, uta-
 murq; sæpius autoritate diuini carminis:

Si tibi lanitium curæ est, primum aspera sylua,

Lappæq; tribuliq; absint. —

Quoniam ea res, ut ait idem, scabras oues reddit, cum ton-
 sis illotus adhæsit sudor: & hirsutis secuerunt corpora ue-
 pres: tum etiam quotidie minuitur lana, quæ quanto pro-
 lixior in pecore concreſcit, tanto magis obnoxia est rubis,
 quibus uelut hamis inuncata à pascentium tergoribus auel-
 litur: molle uerò pecus etiam uclamen, quo protegitur, amittit,
 atque id non paruo sumptu reparatur: inter autores
 ferè constat primum esse admissuræ tempus uernum parti-
 libus, si sit ouis matura: sin uerò foeta circa Iulium men-
 sem. Prius tamen haud dubie probabilius, ut messem uinde-
 mia, fructum deinde uineaticum foetura pecoris excipiat,
 & totius autumnii pabulo satiatus agnus ante mœsti-
 tiam frigorū, atque hyemis ieiunium confirmetur. Nam
 melior est autumnalis uerno, sicut ait uerissimè Celsus,
 quia magis ad rem pertinet, ut ante æstiuum quam hyber-
 num solstitium conualescat: solusq; ex omnibus animali-
 bus bruma commodè nascitur: ac si res exigit, ut plurimi ma-
 res prognerandi sint, Aristoteles uir callidissimus rerum
 naturæ præcipit admissuræ tēpore obseruare siccis diebus
 halitus septentrionales, ut contra uentum gregem pasca-
 mus, & cum spectans admittatur pecus: at si foeminae ge-
 nerande

erandæ sunt, austrinos flatus captare, ut eadem ratione
matrices ineantur. Nam illud, quod priore libro docuimus,
admissarij dexter, uel etiã sinister uinculo testiculus obli-
getur in magnis gregibus operosum est. Post fœturã dein-
longinquæ regionis pascua pctiturus opilio, serè omnem
obolem pastioni referuct suburbanæ: uillicus enim teneros
agnos, dum adhuc herbæ sunt expertes, lanio tradit, quo-
am & paruo sumptu deuehuntur, ijs summotis, fructus
actis ex matribus nō minor percipitur. Summitti tamē etiã
in uicinia urbis quandoq; oportebit. Nam uernaculū pecus
peregrino longe est utilius. Nec committi debet, ut totus
grex effœtus senectute dominum destituat: cum præsertim
oni pastoris uel prima cura sit annis omnibus in demor-
tarū, uitiosarumq; ouium locū totidem, uel etiam plura ca-
ta substituere, quoniã sæpe frigorū, atq; hyemis sæui-
ia pastorē decipit, & eas oues interimit, quas ille tēpore
utumni ratus adhuc esse tolerabiles, nō summouerat: quo
magis etiã propter hos casus, nisi ualidissima, quæ nō com-
prehendatur hyeme, nouaq; progenie repleatur numerus,
quod qui faciet, seruare debebit, ne minori quadrimæ, nè-
ue ei, quæ excessit annos octo, prolem submittat: neutra
enim ætas ad educandum est idonea: tum etiam quod ex ue-
tere materia nascitur, plerunq; congeneratum parentis
senium refert. Nam uel sterile, uel imbecillum est. Partus
uero incipiētis pecoris non secus, quàm obstetricum more
custodiri debet, neq; enim aliter hoc animal, quàm mulie-
bris sexus enititur, sæpiusq; etiam quanto est omnis ratio-
nis ignarum, laborat in partu: quare neterinariæ medici-
næ prudens esse debet pecoris magister, ut si res exigat,
uel integrum conceptum, cum transfuersus hæret locis ge-
nitalibus, extrahat: uel ferro diuisum citra matris perni-
ciem

ciem partum educat, quod Græci uocant *ἐμβρύον ἀνθρώπου*. Agnus autem, cum est editus, erigi debet, atq; ubribus admoueri, tum etiam eius diductum os pressis humectare papillis, ut condiscat maternum trahere alimētum: sed prius, quam hoc fiat exiguum emulgendum est, quod pastores colostram uocant: ea nisi aliquatenus emittitur, nocet agno: qui biduo quo natus est, cum matre clauditur, ut ea partum suum foueat, et ille matrem agnoscere condiscat. Mox deinde quandiu non lasciuit, obscuro, et calido septo custodiatur: postea luxuriantem uirgea cum comparibus area claudi oportebit, ne uelut puerili nimia exultatione macescat: cauendumq; est, ut tencrior separetur a ualidioribus, quia robustus angit imbecillum: satisq; est matrem prius, quam grex procedat in pascua: deinde etiam crepusculo redeuntibus saturis ouibus admiscere agnos, qui cum firmi esse cœperint, pascendi sunt intra stabulum cythiso, uel medica, tum etiam fursuribus, aut si permittit arnona, farina ordeï, uel erui: deinde, ubi conualuerint, circa meridiem pratis, aut noualibus uillæ contiguïs matres admouendæ sunt, et a septo emittendi agni, ut condiscant foris pasci. De genere pabuli, ut et ante diximus, et nunc eorum, quæ omissa sunt, meminerimus, iucundissimas herbas esse, quæ aratro proscissis aruis nascantur: deinde quæ pratis uligine carentibus: palustres, syluestresq; minimè idoneas haberi: nec tamen ulla sunt tam blanda pabula, aut etiam pascua, quorum gratia non exole scat usu continuo, nisi pecudum fastidio pastor occurrerit præbitio sale, quod uelut ad pabuli condimentum per æstatem catenalis lignis impositum cum è pastu redierint oues, lambunt, atque eo sapore cupidinem bibendi, pascendiq; concipiunt. At contrà penuriæ hyemis succurritur obiectis

intra

ta tectum per præsepia cibus: aluntur autem commodif-
 è repositis ulmeis, uel ex fraxino frondibus, uel autūna-
 fœno, quod cordonum uocatur: nam id mollius, & ob hoc
 undius est, quàm maturum: cythis quoque & satiuia ui-
 pulcherrimè pascuntur: necessariae tamen, ubi cætera de-
 erunt, etiam ex leguminibus palcæ: nam per se ordeum,
 l fresa cum suis ualuulis faba, uel cicerula sumptuosior
 , quàm ut suburbanis regionibus exiguo pretio possit
 eberi: sed si uilitas permittit, haud dubie sunt optima. De
 mporibus autem pascendi, & ad aquam ducèdi per æsta-
 m non aliter sentio, quàm ut prodidit Maro:

Luciferi primo cum sydere frigida rura
 Carpamus, dum mane nouum, dum gramina canent,
 Et ros in tenera pecori gratissimus herba.

Inde ubi quarta sitim cœli collegerit hora,
 Ad puteos, aut alta greges ad stagna—
 Perducamus, medioq; die, ut idem, ad uallem,
 Sicubi magna Iouis antiquo robore quercus
 Ingenteis tendit ramos, aut sicubi nigrum
 Illicibus crebris sacra nemus accubat umbra.

Rursus deinde iam mitigato uapore compellantur ad
 aquam, etiam per æstatem id faciendum, & iterum ad pa-
 sca producendum

Solis ad occasum, cum frigidus aëra uesper

Temperat, & saltus reficit iam rosida luna.

Sed obseruandum est sydus æstatis per emersum canicu-
 le, ut ante meridiem grex in occidentem spectans aga-
 tur, & in eam partem progrediatur, post meridiem in ori-
 entem: siquidem plurimum refert, ut pascentium capita sint
 obserua soli, qui plerunque nocet animalibus oriente præ-
 dicto sydere. Hyeme, & uere matutinis temporibus intra
 septa

septa contineantur, dum dies aruis gelicidia detrahat: nam pruinosa ijs diebus herba pecudi grauedine creat, uentre proluit: quare etiã frigidis, humidisq; tēporibus anni semel tantum ei potestas aquæ facienda est: tum qui sequitur gregem circumspectus, ac uigilans (id quod omnibus & omnium quadrupedū custodibus præcipitur) magna clementia moderetur. Idemq; duci propior quàm domino, & in cogendis recipiendisq; ouibus adclaminatione, ac baculo minetur: ne unquam telum emittat in eas: neq; ab his longius recedat: nec aut recubet, aut confidat: nam nisi procedit, stare debet, quoniam grex quidem custodis officiū, sublimem, celsissimamq; oculorum ueluti speculam desiderat, ut neq; tardiores, et grauidas, dum cūctantur, neq; agiles, & foetas dum procurrūt, separari à cæteris sinat, ne fur, aut bestia hallucinantē pastore decipiat: sed hæc cōmunia fere sunt in omni pecore ouillo: nunc quæ sunt generosi propria dicemus.

De ouibus tectis.

CAP. IIII.

GRæcum pecus, quod plerique tarentinum uocant, nisi cum domini præsentia est, uix expedit haberi: siquidem & curam & cibum maiorem desiderat: nam cum sit uniuersum genus lanigerum cæteris pecudibus mollius, tum ex omnibus tarentinum est molliissimum, quod nullam domini, aut magistrorum inertiam sustinet, multoq; minus auaritiam, nec æstus, nec frigoris patiens. Raro foris, plerunque domi alitur, & est auidissimum cibi, cui si detrahitur fraude uillici, clades sequitur gregem: singula capita per hyemem recte pascuntur ad præsepia tribus ordi, uel fræse cū suis ualuulis fabæ, aut cicerculæ quatuor sextarijs, ita ut & aridam frondem præbeat, aut siccam, uel uiridem medicam, cythisum'ue, tum etiam cordi fœni septena pondo, aut leguminum paleas adfatim. Minimus agnis

gnis uendundis in hac pecude, nec ullus lactis redditus ha-
 ri potest: nam & qui summoueri debent, paucissimos post
 es quam editi sunt, immaturi fere mactantur, orbæq; natis
 is matres alienæ soboli præbent ubera: quippe singuli
 gni binis nutricibus summittuntur, nec quicquam subtrahi
 immisissis expedit, quo saturior lactis agnus celeriter con-
 firmetur, & parta nutrici consociata minus labore in edu-
 catione foetus sui: quam ob causam diligenti cura seruandum
 est, ut & suis quotidie matribus, & alienis non amantibus,
 igni subrumetur. Plures autem in eiusmodi gregibus, quam
 in hirtis masculos enutrire oportet: nam prius quam fœmi-
 nas inire possint mares castrati, cum bimatam expleue-
 rint, enecantur: & pelles eorum propter pulchritudinem
 lanæ maiore pretio, quam alia uellera mercantibus tradun-
 tur: liberis autem campis, & omni surculo, ruboq; uacanti-
 bus ouem græcam pascere meminerimus, ne, ut supra dixi,
 & lana carpatur, & tegumen: nec tamē ea minus sedulam
 curam feris, quia non quotidie procedit in pascua, sed ma-
 iorem domesticam postulat: nam sæpius detergenda & re-
 frigeranda est: sæpius eius lana diducenda, uinoq; , & oleo
 insuccanda: nonnunquam etiam tota est eluenda, si dici per-
 mittit apricitas: idq; ter anno fieri sat est. stabula uerò fre-
 quenter euerrenda, & purganda, humorq; omnis urinæ de-
 uerredus est, qui commodissimè siccatur perforatis tabulis,
 quibus ouilia cōsternuntur, ut grex supercubet: nec tantum
 cœno, aut stercore, sed exitiosis quoq; serpentibus tecta li-
 berentur, quod ut fiat,

Disce & odoratam stabulis incendere cædrum,

Galbanoq; agitare graues nidore chelydros.

Sæpe sub immotis præsepibus aut mala tactu

Vipera delituit, cœlumq; exterrita fugit,

*Aut testō assuetus coluber. — Quare, ut idem iubet,
Cape saxa manu, cape robora pastor,
Tollentemq; minas, & sibila, colla tumentem*

Deijce. — Vel ne istud cū periculo facere necesse sit, muliebres capillos, aut ceruina sæpius ure cornua: quorum odor maxime non patitur stabulis prædictam pestem consistere. Tonsuræ certum tempus anni per omnes regiones seruari non potest, quoniam nec ubiq; tardè, nec celeriter æstas ingruit: & est modus optimus consyderare tempestates, quibus ovis neque frigus, si lanam detraxeris, neque æstum si nondum detonderis, sentiat: uerum ea quandoque detonsa fuerit, ungi debet tali medicamine, succus excocti lupini, ueterisq; uini fex, & amurca pari mensura miscentur, eoq; liquamine tonsa ovis unbitur, atque ubi per triduum delibuto terгоре medicamina perbiberit, quarto die, si est uicinia maris, ad littus deducta mersatur: si minus est, coelestis aqua sub dio salibus in hunc usum duratū paulum decoquitur: eaq; grex perluitur: hoc modo curatum pecus anno scabrum fieri non posse Celsus affirmat, nec dubium est, quin etiam ob eam rem lana quoque mollior atq; prolixior renascatur.

Medicinæ pecoris ouilli.

CAP V.

ET quoniam recensuimus cultum, curamq; rectè ualentium, nunc quemadmodum uitijis, aut morbo laborantibus subueniendum sit, præcipientur, quanquam pars hæc exordij penè tota iam exhausta sit, cum de medicina maioris pecoris priore libro disputarem, quia cum sit ferè eadem corporum natura minorum, maiorumq; quadrupedum, pauca, paruaq; morborum, & remedium differentie possunt inueniri: quæ tamē quantulæcumq; sint, non omittentur à nobis. Si ægrotat uniuersum pecus,

ut &

et ante præcepimus, et nunc (quod remur esse maxime
 dutare) iterum adferamus in hoc casu, quod est remedium
 recentissimum: pabula mutemus, et aquationes totius re-
 gionis, et alium quæramus statum coeli, curemusque, si ex ca-
 ore, et aestu concepta pestis inuasit, ut opaca rura: si inua-
 sit frigore, ut eligantur aprica. sed modice, ac sine perstina-
 tione persequi pecus oportebit, ne imbecillitas eius longis
 itineribus aggrauetur, nec tamen in totum pigre, ac segniter
 igere: nam quemadmodum fessas morbo pecudes uehemen-
 ter agitare, et extendere non conuenit, ita conducit medio-
 criter exercere, et quasi torpentes excitare, nec pati ue-
 lerno consensescere, atque extinguere: cum deinde grex ad
 locum fuerit perductus in lacinias colonis distribuatur:
 nam particulatim facilius quam uniuersus conualefcit, si-
 ne quia ipsius morbi halitus minor est in exiguo numero,
 seu quia expeditius cura maior adhibetur paucioribus.
 Hæc ergo, et reliqua (ne nunc eadem repetamus) quæ su-
 periore exordio percensuimus, obseruare debemus, si uni-
 uerse laborabunt: illa, si singulæ. Oues frequentius, quam
 ullum aliud animal infestantur scabie, quæ fere nascitur, si-
 cut noster memorat poeta,

-Cum frigidaus imber

Altius ad uiuum perfcidit, et horrida cano.

Bruma gelu. - Vel post tonsuram, si remedium prædicti
 medicamur non adhibeas, si æstiuum sudorem mari, uel
 flumine non abludas, si tonsuram gregem patiaris syluestri-
 bus rubis, ac spinis sauciari: si stabulo utaris, in quo mulæ,
 aut equi, aut asini steterunt: præcipue tamen exiguitas ci-
 bi maciem, macies autem scabiem facit: hæc ubi coepit ir-
 repere, sic intelligitur, uitiosum locum pecudes, aut mor-
 su scalpunt, aut cornu, uel ungula tundunt, aut arbori ad-
 fricant

fricant, parietibus ue detergent: quod ubi aliquam facientem uideris, comprehendere oportebit, & lanam diducere, nam subest aspera cutis, & uelut quædam prurigo, cui primo quoque tempore occurrendum est, ne totam progeniem coinquinet, & quidem celeriter, cum & alia peccora, tum præcipue oues contagione uexentur: sunt autem complura medicamina, quæ idcirco enumerabimus, non quia cunctis uti necesse sit, sed quoniam nonnullis regionibus quædam reperiri nequeunt, ex pluribus aliquod inuentum remedio sit. Facit autem commode primum ea compositio, quam paulò ante demonstrauimus, si ad fecem, & amurcam, succumq; decocti lupini misceas portione æquæ detritum album elleborum: potest etiam scabriciem tollere succus uiridis cicutæ: quæ uerno tempore, cum iam caulem nec adhuc semina facit, decisa contunditur, atque expressus humor eius fictili uase reconditur, duabus urnis liquoris, admisto salis torridi semodio: quod ubi factum est, oblitum uas in sterquilinio defoditur, ac toto anno firmi uapore concoctum, mox promitur: tepesfactumq; medicamentum liniatur scabræ parti, quæ prius aspera testatur, uel pumice defricta redulceratur: eidem remedio est amurca duabus partibus decocta, item uetus hominis urina testis candentibus inusta: quidam tamen hanc ipsam subiectis ignibus quinta parte nuiuunt, admiscuntq; pari mensura succum uiridis cicutæ. Deinde figularibus tritis, & picis liquidæ, & fricti salis singulos sextarios infundunt: facit etiam sulfuris triti, & picis liquidæ modus æqualis igne lento coactus: sed Georgicum carmen affirmat, nullam esse præstantiorem medicinam,

Quàm si quis ferro potuit rescindere summum
Vlceris os, alitur uitium, uiuitq; tegendo.

aque referandum est, & ulcera medicamentis curandum. ubi cit deinde æque prudenter febricitantibus ouibus, de clo uel inter duas ungulas sanguinem emitti oportere: iam plurimum id quidem,

Profuit incensos æstus auertere, & inter

Ima ferire pedis salientem sanguine uenam.

Nos etiam sub oculis, & de auribus sanguinem detrahimus. Clavi quoq; dupliciter infistant ouem, siue cum subluuiis, atque intertrigo in ipso discrimine ungulæ nascitur, seu cum idem locus tuberculū habet, cuius media fere parte canino similis extat pilus, eiq; subest uermiculus. Subluuiis, & intertrigo pice per se liquida, uel alumine & sulfure, atq; aceto mistis rite eruentur, uel tenero punico malo, prius quam grana faciat, cum alumine pinsito, superfusq; aceto, uel æris ærugine infriata, uel combusta galla cum austero uino leuigata, & superposita: tuberculum, cui subest uermiculus, ferro quamacutiissime circuncari oportet, ne, dum amputatur etiam, quod infra est, animal uulneremus: id enim cum sauciatur, uenenatam saniem mittit, qua respersum uulnus ita insanabile facit, ut totus pes amputandus sit: & cum tuberculum diligenter circuncideris, eandens seuum uulnere per ardentem tedam instillato. Quem pulmonariam similiter ut sucum curari conuenit, inserta per auriculam, quam ueterinarij consiliiginem uocant: de ea iam diximus, cum maioris pecoris medicinam tradidimus: sed is morbus æstate plerunque concipitur, si defuit aqua, propter quod uaporibus omni quadrupedi largius bibendi potestas danda est. Celso placet, si est in pulmonibus uitium, acris aceti tantum dare, quantum ouis sustinere possit, uel humanae ueteris urinæ tepesactæ trium heminarum instar per sinistram narem corniculo infunde-

re, atq; axungia sextantem faucibus inferere. Est etiam insanabilis sacer ignis, quā pusulam uocant pastores: ea nisi compescitur intra primam pecudem, quæ tali malo correpta est, uniuersum gregem contagione prosternit: sic quidem quod nec medicamentorum, nec ferri remedia patitur. Nam penè ad omnem tactum excandescit: sola tamē ea fomenta non aspernatur lactis caprini, quod infusum tantum ualet, ut & blandiatur igneam seuitiam, differens magis occidionem gregis, quàm prohibens. Sed Aegyptiæ gentis autor memorabilis Dolus Mendacius, cuius commenta, quæ appellantur Græcè ὑπομνήματα, sub nomine Democriti falsò produntur, censet propter hanc sæpius, ac diligentius ouium terga perspicere, ut si forte sit in aliqua tale uitium deprehensum, confestim scrobem defodiamus in limine stabuli, & uiuam pecudem, quæ fuerit pusulosa, resupinam obruamus, patiamurq; super obrutam meiere totum gregem, quod eo factò, morbus propulsetur. Bilis æstiuo tempore non minima perniciēs potione depellitur humanæ ueteris urinæ, quæ ipsa remedio est etiam pecori arcuato. At si molesta pituita est, cunelæ bubulæ, uel nepetæ syluestris surculi lana inuoluti naribus inferuntur, uersanturq; donec sternutet ovis. Fracta pecudum nō aliter, quàm hominū crura sanantur, inuoluta lanis oleo, atq; uiuo insuccatis, & mox circumdatis ferulis conligata. Est etiam grauis perniciēs herbæ sanguinariæ, quam si pasta est ovis, toto uentre distenditur, contrahiturq; & spumam quandam tenuem tetri odoris expuit. Celeriter sanguinem mitti oportet sub cauda in ea parte, quæ proxima est clunibus, nec minus in labro superiore uena soluenda est. Suspiriose laborantibus, auriculæ ferro rescindendæ, mutantq; regiones, quod in omnibus morbis, ac pestibus fieri debere

debere censemus. Agnis quoque succurrendum est uel febricitantibus, uel ægritudine alia affectis: qui ubi morbo laborant, admitti ad matres non debent, ne in eas perniciem transferant. Itaq; separatim mulgendæ sunt oues, & cœlestis aqua pari mensura lacti miscenda est, atq; ea portio febricitantibus danda: multi lacte caprino ipsdem medentur, quod per corniculum infunditur faucibus. Est etiã mentigo, quam pastores ostigenem uocant, mortifera lactentibus. Ea plerunq; fit, si per imprudentiam pastoris emissi agni, uel etiam hœdi rosidas herbas depauerint, quod minime comitti oportet. Sed cum id factum est, uelut ignis sacer, os, atq; labra fœdis ulceribus obsidet. Remedio sunt hyssopus, & sal æquis ponderibus contrita. Nam ea mistura palatum, atque lingua, totumq; os perfricatur. Mox ulcera lauantur aceto, & tunc pice liquida, cum adipis uillo perlinuntur. Quibusdam placet æruginis tertiam partem duabus ueteris axungiae portionibus commiscere, tepesfactoq; uti medicaminc. Nonnulli folia cupressi trita miscent aquæ, & ita perluunt ulcera, atq; palatum. Castrationis autem ratio iam tradita est. Neque enim alia in agnis, quàm in maiore quadrupede seruatur.

De caprino pecore.

CAP. VI.

ET quoniam de ouiarico satis dictum est, ad caprinum pecus nunc reuertar. Id autem genus dumeta potius, quàm campestrẽ situm desiderat: asperisq; etiam locis, ac syluestribus optime pascitur. Nam nec rubos auersatur, nec uerpibus offenditur, & arbusculis, frutetisq; maxime gaudet. Ea sunt arbutus, atque alaternus, cythisusq; agrestis. Nec minus ilignei, querneiq; frutices, qui in altitudinem non profiliunt. Caper, cui sub maxillis binæ uerruculae collo dependent, optimus habetur, ampliissimi corporis, cru-

ribus crassis, plena, & breui ceruice, flaccidis, & prægrauantibus auribus, exiguo capite, nigro, densoq; , & nitido, atq; longissimo pilo. Nam & ipse tundetur

Vsum in castrorum, ac miseris uelamina nautis.

Est autem mensium septem satis habilis ad procreandum, quoniam immodicus libidinis, dum adhuc uberibus alitur, matrem stupro superuenit, & ideo celeriter, & ante sex annos consenscit, quod immatura ueneris cupidine primis pueritiæ temporibus exhaustus est. Itaq; quinquennis parum idoneus habetur foeminis implendis. Capella præcipue probatur similima hirco, quem descripsimus, si etiam est uberis maximi, & lactis abundantissimi. Hanc pecudem mutilam parabimus quieto cœli statu. Nam procelloso, atq; imbrifero cornuta semper. Nam & omni regione maritos gregum mutilos esse oportebit, quoniam cornuti ferè perniciosi sunt propter petulantiam. Sed numerum generis huius maiorem, quàm centum capitum sub uno clauso non expedit habere, cum lanigeræ nulle pariter commodè stabulentur. Atque ubi capræ primum comparantur, melius est unum gregem totum, quàm ex pluribus particulatim mercari, ut nec in pastione separatim lacinia deducantur, & in caprili maiore concordia quietè consistent. Huic pecudi nocet æstus, sed magis frigus, & præcipue foetæ, quæ gelicidio hyemis conceptum fecit. Nec tamen ea sola creant abortus, sed etiam glans cum citra satietatem data est. Itaque nisi potest affatim præberi, non est gregi permittenda. Tempus admissuræ per autumnum fere ante mensem Decembrem præcipimus, ut propinquante uere genmantibus frutetis, cum primum syluæ noua germinant fronde, partus edatur. Ipsum uerò caprile uel naturali saxo, uel manu constratum eligi debet, quo-

nam huic pecori nihil substernitur. Diligensq; pastor quotidie stabulum conuertit, nec patitur sterqus, aut humorem consistere, lutum uel fieri, quæ cuncta sunt capris inimica. Parit autem, si est generosa proles, frequenter duos, nonnunquam trigeminos. Peßima est foetura cū matres bimæ, ternos hœdos efficiunt. Qui ubi editi sunt, eodem modo, quo agni educatur, nisi quod magis hœdorum lasciuia compescenda, et arctius cohibenda est. Tum super lactis abundantiam samera, uel cythisus, aut edera præbenda, uel etiam cacumina lentisci, aliæq; tenues frondes obijciendæ sunt. Sed ex geminis singula capita, quæ uidentur esse robustiora, in supplementum gregis reseruantur, cætera mercantibus traduntur. Anniculæ, uel bimæ capellæ (nam utraque ætas partum edit) submitti hœdum non oportet. Neq; enim educare, nisi trima debet. Sed anniculæ confestim depellenda soboles, bimæ tandiu admittenda, dum possit esse uendibilis. Nec ultra octo annos matres seruandæ sunt, quod aßi duo partu fatigatæ steriles existant. Magister autem pecoris acer, durus, strenuus, laboris patientissimus, alacer, atq; audax esse debet, et qui per rupes, per solitudines, per uesperes facile uadat, et non ut alterius generis pastores sequatur, sed plerunq; ut antecedit gregem. Quare eum esse maxime strenuum opus est. Capellæ, dum dumeta pascunt, capris cedūt, subinde quæ cedit compesci debet, ne procurrat. Sed placide, ac lente pabuletur, ut et largi sit uberis, et non strigosissimū corporis.

De medicina caprarum.

CAP. VII.

Alia nanque genera pecorum, cum pestilentia uexantur, prius morbo, et langoribus macescunt, solæ capellæ quamuis optimæ, atq; hilares subito concidunt, uelut aliqua ruina gregatim prosternantur. Id accidere maxime

sollet ubertate pabuli. Quamobrem statim cum unam, uel alteram pestis perculit, omnibus sanguis detrahendus. Nec tota die pascendæ, sed medijs quatuor horis intra septa claudendæ. Sin alius langor infestat, pabulo medicantur arundinis, & albæ spinæ radicibus, quas cum ferreis pilis diligenter contuderimus, admiscemus aquâ pluuialem, solamq; potandam pecori præbemus. Quod si ea res ægritudinem non depellit, uendenda sunt pecora, uel si neq; id contingere potest, ferro necanda, salicndaq; Mox interposito spatio conueniet alium gregem reparare. Nec tamen ante quàm pestilens tempus anni, siue id fuit hyemis, uertatur æstate: siue autumnus, uere mutetur. Cum uero singule domo laborabunt, eadem remedia, quæ etiã ouibus adhibebimus. Nam cum distendetur aqua cutis, quod uitium Græci uocant ὀδῶνα, sub armo pellis leuiter incisa perniciosum transmittet humorem, tum factum uulnus pice liquida curetur. Cum effœta loca genitalia tumbunt, aut secundæ non responderint, defruti sextarius, uel cum id defuerit, boni uini tantundem faucibus infundatur, & naturalia cerato liquido repleantur. Sed ne nunc singula persequar, sicut in ouillo pecore prædictum est, caprino medebmur.

Casei faciendi ratio.

CAP. VIII

Casei quoque faciendi non erit omittenda cura, utique longinquis regionibus, ubi mulctram deuchere non expedit. Is porro si tenui liquore conficitur, quæ celerrime uendendus est, dum adhuc uiridis succum retinet, si pingui, & opimo longiorem patitur custodiam, sed lacte fieri debet syncero, & quam recentissimo. Nam requietum, uel mustum celeriter acorem concipit. Id plerunque cogi agni, aut hædi coagulo, quamuis possit & agrestis cardui flore conduci, & seminibus gneti, nec minus ficulneo lacte, quod

emittit

emittit arbor, si eius uiretē saucies corticem. Verum optimus caseus est, qui exiguum medicaminis habet. Minimum autem coagulū recipit sinum lactis argentei pondus denarij. Nec dubium, quin fici ramulis glaciatus caseus iucundissime sapiat. Sed mulctra, cū est repleta lacte, non sine tepore aliquo debet esse. Nec tamen admouenda est flammis, ut quibusdam placet, sed haud procul igne constitucnda, & confestim cū concreuit, liquor in fiscellas, aut in calathos, uel formas transferendus est. nam maxime refert primo quoq; tempore serum percolari, & à concreta materia separari. Quam ob causam rustici nec patiuntur quidem sua sponte pigro humore defluere, sed cū paulò solidior caseus factus est, pondera superponunt, quibus exprimitur serum: deinde ut formis, aut calathis exemptus est, opaco, ac frigido loco, ne possit uitari, quamuis mundissimis tabulis componitur, aspergitur tritis salibus, ut exudet acidum liquorem. Atque ubi duratus est, uehementius premitur, ut conspissetur. Et rursus torrido sale contingitur, rursusq; ponderibus condensatur. Hoc cū per dies nonem factum est, aqua dulci eluitur, & sub umbra cratibus in hoc factis, ita ordinatur, ne alter alterum caseus contingat, & ut modicè siccetur: deinde quò tenerior permaneat, clauso neq; uentis obnoxio loco stipatur per complura tabulata. Sic neq; fistulosus, neq; salsus, neq; aridus prouenit. Quorum uitiorum primum solet accidere, si parum pressus: secundum, si nimio sale imbutus: tertium, si sole exustus est. Hoc genus casei potest etiā trans maria permitti. Nam is, qui recens intra paucos dies absumi debet, leuiore cura conficitur, quippe fiscellis exemptus in salem, muriamq; demittitur, & mox in sole paulum siccatur. Nonnulli antequam pecus numellis inducant, uirides pineas nuces in

muletram demittunt, & mox super eas emulgent, nec sepe-
rant, nisi cum transmiserunt in formas coactam materiam.
Ipsos quidā uirides conterunt nucleos, & lacti permiscunt,
atque ita congelant. Sunt qui thymum contritum, cribroq;
colatum cum lacte cogant. Similiter qualiscunq; uelis sapo-
ris efficere possis adiecto quod elegeris, condimento. Illa
uerò notissima est ratio faciendi casei, quem dicimus manu
pressum. Namq; is paulum gelatus in muletra dum est tepe-
factus, rescinditur, & feruente aqua perfusus, uel manu fi-
guratur, uel buxci formis exprimitur. Est etiam nō ingra-
ti saporis muria perduratus, atq; ita maligni ligni, uel cul-
mi fumo coloratus. Sed iam redeamus ad originem.

De suis & eorum medicinis. CAP. IX.

IN omni genere quadrupedum species maris diligenter
eligitur, quoniā frequenter patri similior est progenies,
quā matri. Quare etiam in suillo pecore probandi sunt
totius quidā corporis amplitudine eximij, & qui quadrati
potius, quā qui longi, aut rotundi sunt, uentre promisso elu-
nibus uastis, nec perinde cruribus, aut ungulis proceris, am-
plæ, & glandulosæ ceruicis, rostris breuib, & resupinis.
Maximeq; quod ad re pertinet, quā salacissimos oportet
esse mares, qui & ab annicula ætate comode progenerant,
dum quadrimatū agant: possunt tamen etiam semestres im-
plere foeminam. Scrofæ probantur longissimi status, & ut
sint reliquis membris similes descriptis uerribus. Si regio
frigida, & pruinosa est, quā durissimæ, densæq; & ni-
græ setæ grex eligendus est. Si temperata, atq; aprica, gla-
brum pecus, uel etiam* pristinale albu potest pasci. Foemina
sus habetur ad partus edendos idonea ferè usque in annos
septem, quæ quanto foecundior est, celerius senescit. Annicu-
la non improbe concipit, sed iniri debet mense Februarii.

Quatuor

Quatuor quoq; mēſibus focta, quinto parere, cū iam her-
 be ſolidiores ſunt, ut & firma lactis maturitas porcis con-
 tingat, & cū deſierint uberibus ali ſtipula paſcatur, cæ-
 leruſq; leguminū caducis frugibus. Hoc autē ſit longinquis
 regionibus, ubi nihil niſi ſubmittere expedit. Nam ſubur-
 banis lactens porcus ære mutandus eſt: ſic enim mater non
 educando, labori ſubtrahitur, celeriuſq; iterum conceptum
 partum edet. Idq; bis anno faciet. Mares uel cū primū
 incunt ſemeſtres, aut cū ſæpius progengrauerunt, trimi,
 aut quadrimi caſtrantur, ut poſſint pingueſcere. Fœminis
 quoq; uulua ferro exulceratur, & cicatricibus claudūtur,
 ne ſint genitales. Quod facile nō intelligo, quæ ratio com-
 pellat, niſi penuria cibi: nam ubi eſt ubertas pabuli, ſub-
 mittere prole ſemper expedit. Omnem porrō ſitū ruris pe-
 cus hoc uſurpat: nam & montibus, & campis cōmodē pa-
 ſcitur, melius tamē paluſtribus agris, quā ſitientibus. Ne-
 mora ſunt conueniētiſſima, quæ ueſtiuntur quercu, ſubere,
 ſago, cerris, ilicibus, olcaſtris, tamaricibus, corylis, pomife-
 riſq; ſylueſtribus, ut ſunt albæ ſpinæ, Græcæ ſiliquæ; iu-
 niperus, lotos, pinus, cornus, arbutus, prunus, & paliurus,
 atque achrades pyri. Hæc enim diuerſis temporibus mite-
 ſcunt, ac pene toto anno gregē ſaturant. At ubi penuria eſt
 arborum, terrenū pabulū cōſectabimur, & ſicco limoſum
 præferemus, ut paludē rimētur, effodiantq; lumbricos, atq;
 in luto uoluentur, quod eſt huic pecori gratiſſimum, quin
 etiam ut aquis abuti poſſint: nāq; & id ſeciſſe maxime per-
 eſtatem proſuit, & dulceis eruiſſe radículas aquatilis ſyl-
 uæ, tanquam ſcirpi, iunciq; & degeneris arundinis, quam
 uulguſ canna uocat: nam quidē cultus ager opimas reddit
 ſues, cū eſt graminofus, & pluribus gencribus pomorum
 conſitus, ut per anni diuerſa tempora, mala, pruna, pyrum,

multi

multiformes nuces, ac ficū præbeat: nec tamē propter hæc
 parceretur horreis: nam sæpe de manu dandū est, cū foris de-
 ficit pabulum, propter quod plurima glans uel cisternis in
 aquā, uel fumo tabulatis recondenda est. Fabæ quoq; et si-
 miliū leguminū, cum uilitas permittit, faciendæ sunt potestates,
 et utiq; uere, dum adhuc lactāt. Viridia pabula suis ple-
 runq; nocent: itaq; mane prius, quā procedant in pascua,
 conditiuis cibis sustinēdæ sunt, ne immaturis herbis citetur
 aluus. Eoq; uitio pecus emaciatur: nec ut cæteri greges
 uniuerſi claudi debēt, sed per porticus haræ faciendæ sunt,
 quibus aut à partu, aut etiā prægnantes includantur: nam
 præcipue ſues cateruatim, atq; inconditæ, cum sint pariter
 incluſæ, super alias aliæ cubant, et foetus elidunt. Quare, ut
 dixi, iunctæ parietibus haræ construendæ sunt in altitudi-
 nem pedum quatuor, ne ſus trāſilire ſep̄ta queat: nam cōte-
 gi non debet, ut à ſuperiore parte cuſtos numerū porcorū
 recenſeat, et ſi quæ decumbens mater oppreſſerit, cubantē
 ſubtrahat. Sit autem uigilans, impiger, induſtrius, nanus
 omnium, quas paſcit. Et matricum, et iuniorum meminisse
 debet, ut uniuſcuiuſq; partum conſideret. Semper obser-
 uet enitentem: claudatq; ut in hara foetum edat. Tum de-
 notet protinus quotq;, et quales ſint nati, et curet mā-
 ximē ne quis ſub nutrice aliena educetur: nā ſacilime por-
 ci, ſi euaserint haram, miſcent ſe, et ſcrofa cum decubuit,
 æquē alieno, ac ſuo præbet ubera. Itaque porculatoris mā-
 ximum officiū eſt, ut unamquāque cum ſua prole clau-
 dat, qui ſi memoria deficitur, quo minus agnoſcat cuiuſ-
 quæ progeniem, pice liquida candē notam ſcrofæ, et por-
 cis imponat, et ſiue per literas, ſiue per alias formas unū-
 quenq; foetum cum matre diſtinguat: nam in maiore nu-
 mero diuerſis notis opus eſt, ne confundatur memoria cu-
 ſtodis

dis. Attamen quia id facere gregibus amplis uidetur
erosum, commodissimum est haras ita fabricare, ut li-
n earum in tantam altitudinem consurgat, quantum
possit nutrix euadere, lactens autem supergredi non pos-
sit. Sic nec alienus irrepit, & in cubili suam quisq; matrem
dus expectat, qui tamen non debet octo capitum nume-
m excedere. Non quin ignorem fecunditatem scrofa-
um maioris esse numeri, sed quia celerime fatiscit, quæ
lures educat. Atq; eæ quibus partus summittitur, cocto
int ordeo sustinendæ, ne ad maciem summam perducant-
ur, & ex ea ad aliquam perniciem. Diligens autem por-
culator frequenter suile conuerrat, & sepius haras: nam
quamuis prædictum animal in pabulatione spurce uerse-
ur, mundissimum tamen cubile desiderat. Hic fere cultus
est suilli pecoris recte ualentis.

De medicina suum.

CAP. X.

Sequitur ut dicamus, quæ sit cura uitiosi. Febricitan-
tium signa sunt, cum obstipæ sues transuersa capita fe-
runt, ac per pascua subito cum paululum procurrerunt,
consistunt, & uertigine correptæ concidunt. Earum notan-
da sunt capita, quam in partem proclinentur, ut ex aduer-
sa parte de auricula sanguinem mittamus. Item sub cauda
duobus digitis à clunibus intermissis uenam feriamus, quæ
est in eo loco satis ampla, eamq; sarmento prius oportet
uerberari, deinde ab ictu uirgæ tumentum ferro rescindi,
detractoque sanguine colligari saligneo libro, uel etiam ul-
meo. Quod cum fecerimus, uno, aut altero die sub tecto pe-
cudem continebimus, & aquam modicè calidam quantam
uolent, farinaq; ordeacæ singulos sextarios præbebimus.
Strumosis sub lingua sanguis mittendus est, qui cum pro-
fluxerit, sale trito cum farina triticea confricari totum os
conueniet.

conueniet. Quidam præsentius putant esse remedium, cum per cornu singulis ternos cyathos gari demittunt. deinde fissas taleas ferularum linco funiculo religant: & ita collo suspendunt, ut strumæ ferulis contingantur. Nauseantibus quoq; salutaris habetur eburnea scobis sale fricta, & faba minutæ fræse commista, ieiunisq; prius quàm in pascua prodeant obiecta. Solet etiam uniuersum pecus egrotare ita, ut emaciatur, nec cibos capiat, productumq; in pascua medio campo procumbat, & quodam ueterno pressum somnos æstiuo sub sole captet. quod cum facit, totus grex tecto clauditur stabulo, atque uno die abstinetur potione, & pabulo: postridie radix anguinei cucumeris trita, & commista cum aqua datur sitientibus: quam cum pecudes biberunt, nausea correpta uomitant, atque expurgantur, omniq; bile depulsa cicercula, uel faba, dura muria confersa, deinde (sicut hominibus) aqua calida potanda permittitur. Sed cum omni quadrupedi per æstatem suis sit infesta, tum suillo maxime est inimica, quare non ut capellam, uel ouem, sic & hoc animal bis ad aquam duci precipimus, sed si fieri potest, iuxta flumē, aut stagnū per ortum caniculæ detineri, quia cum sit ætuoissimum, non est contentum potione aquæ, nisi obfusa illuuiem, atq; distantiam pabulis aluū demerserit, ac refrigerauerit: nec ulla re magis gaudet, quàm riuus, atq; cœnoso lacu uolutari. Quod si locorum situs repugnat, ne ita fieri possit, puteis extracta & largè canalibus immissa præbenda sunt pocula, quibus nisi affatim satientur, pulmonariæ fiunt. Isq; morbus optime sanatur auriculis inserta consilagine: de qua radícula diligenter, ac sæpius iam locuti sumus. Solet etiam uitiosis splenis dolor eas infestare, quod accidit, cum siccitas magna prouenit, & ut Bucolicon loquitur poema,

Strata iacent passim sua quæq; sub arbore poma.

~~Iam~~ pecus insatiabile est, sues enim, dum dulcedinem pabuli consecretantur, supra modum æstate splenis incremento laborant. Cui succurritur, si fabricentur canales ex tamaricinis, & rusco, repleanturq; aqua, & deinde sitientibus adnoucantur. Quippe ligni succus medicabilis, & potus intestinum tumorem compescit.

De castratione suum.

CAP. XI.

CAstrationis autem in hoc pecore duo tempora seruantur, ueris, & autumnii: & eius administrandæ duplex ratio. Prima illa quam iam tradidimus, cum duobus uulnibus impressis per unamquamq; plagam singuli exprimuntur testiculi: altera est speciosior, sed magis periculosa, quam tamen non omitam. Cum uirilem partem unam ferro resectam detraxeris, per impressam uulnus scalpellum inserito, & mediam quasi cutem, quæ interuenit duobus membris genitalibus, rescindito: atque uncis digitis alterum quoque testiculum educito, sic fiet una cicatrix adhibitis cæteris remedijs, quæ prius docuimus. Illud autem, quod pertinet ad religionem patrisfamilias, non reticendum putavi: sunt quædam scrofæ, quæ mandunt fœtus suos: quod cum fit, non habetur prodigium: nam sues ex omnibus pecudibus impatientissimæ famis sunt, ita ut aliquando si indigeant pabuli, non tantum alienam (si liceat) sobolem, sed etiam suam consumant. De armentis, cæterisque pecudibus, & magistris, per quos quadrupedum greges humana solertia domi, forisq; curantur, atque obseruantur (nisi fallor) satis accurate disserui.

De canibus.

CAP. XII.

Nunc, ut exordio priore sum pollicitus, de mutis custodibus loquar. quanquam canis falsò dicitur mutus

tus custos : nam quis hominum clarius, aut tanta uociferatione bestiam, uel furem prædicat, quam iste latratu? quis famulus amantior domini? quis fidelior comes? quis custos incorruptior? quis excubitor inueniri potest uigilantior? quis deniq; ultor, aut uindex constantior? quare uel in primis hoc animal mercari, tueriq; debet agricola, quod & uillam, & fructus, familiamq; & pecora custodit. eius autem parandi, tuendiq; triplex ratio est : nanq; unum genus aduersus hominum insidias eligitur, & id uillam, quæq; iuncta sunt uillæ, custodit: at alterū propellendis iniurijs hominum, ac ferarū, & id obseruat domi stabulum, foris pecora pascencia. Tertium uenandi gratia cōparatur, idq; non solum nihil agricolā iuuat, sed & auocat, de fidemq; ab opere suo reddit: de uillatico igitur, & pastorali dicendū est: nam uenaticus nihil pertinet ad nostram professionem. Villæ custos eligendus est ampliissimi corporis, uasti latratu, canoriq; ut prius auditu maleficum, deinde etiam conspectu terreat, & tamen nonnunquā, ne uisus quidē horribili fremitu suo fuget insidiantem: sit autem coloris unius, isq; magis eligatur albus in pastorali, niger in uillatico: nā uariius in neutro est laudabilis: pastor album probat, quoniā est feræ dissimilis, magnoq; opus interdū discrimine est in propulsandis lupis sub obscuro mane, uel etiam crepusculo, ne si non sit albo colore conspicuus, pro lupo canem feriat. Villaticus, qui hominum maleficijs opponitur, siue luce clara fur aduenerit, terribilior niger conspicitur, siue nocte, ne conspicitur quidem propter umbræ similitudinē, quam obrem tectus tenebris canis tutiorē accessum habeat ad insidiantem: probatur quadratus potius, quam longus, aut brevis, capite tam magno, ut corporis uideatur pars maxima, deiectis, & propendentibus auribus, nigris, uel glaucis oculis, acri lumine

lumine radiantibus, amplo, uilosoq; pectore, latis armis, cruribus crassis, & hirtis, cauda breui uestigiorum articulis, & unguibus amplissimis, qui Græcè *σπῆλαι* appellantur. Hic erit uillatici canis status præcipue laudandus: mores autem neque mitissimi, neq; rursus truces, atq; crudeles, quod illi furem quoq; adulantur, hi etiam domesticos inuadunt: satis est seucros esse, nec blandos, ut nonnunquam etiam conseruos iratius intueantur, semper excandescant in exteros. Maxime autem debent in custodia uigilaces conspici, nec erronei, sed assidui, & circumspecti magis, quam temerarii: nam illi nisi quod certum compererunt, non indicant: hi uano strepitu, & falsa suspitione concitantur. Hæc idcirco memoranda credidi, quia non natura tantum, sed etiam disciplina mores facit, ut cum emendi potestas fuerit, eiusmodi probemus, & cum educabimus domi natos, talibus institutis formemus. Nec multum refert an uillatici corporibus graues, & parum ueloces sint: plus enim cominus, & in gradu, quam cminus, & in spatioso cursu facere debent: nam semper circa septa, & intra ædificium consistere, imo ne longius quidem recedere debent, satisq; pulchre funguntur officio, si & aduenientem sagaciter adoriuntur, & latratu conterrent: nec patiuntur propius accedere, uel constantius appropinquantem uiolenter inuadunt. Primum est enim non adtentari, secundum est laceßitum fortiter, & perseueranter uindicari: atq; hæc de domesticis custodibus, illa de pastoralibus. Pecuarius canis neq; tam strigosus, aut pernix debet esse, quam qui damas, ceruosq; & uelocissima feratur animalia, nec tam obesus, aut grauis, quam uillæ, horreiq; custos, sed & robustus nihilominus, & aliquatenus promptus, ac strenuus, quoniam & ad rixam, & ad pugnam, nec minus ad cursum comparatur, cum & lupi repellere

insidias, & raptorem ferum consequi fugientem, prædam excutere, atq; auferre debeat: quare status eius longior, productiorq; ad hos casus magis habilis est, quam brevis, aut etiam quadratus, quoniam (ut dixi) nonnunquam necessitas exigit celeritate bestiam consectandam: cæteri artus similes membris uillatici canis æque probatur. Cibaria fere eadem sunt utriq; generi præbenda. Nam si tam laxa rura sunt, ut sustineant pecorum greges, omnes sine discrimine canes or deacea farina cum sero commodè pascit. Sin autem surculo cõsitus ager sine pascuo est, farreo, uel tritico panem satienti sunt, admisto tamen liquore coctæ fabæ, sed tepido: nam feruens rabiem creat: huic quadrupedi neq; foeminae, neq; mari, nisi post annum permittenda uenus est, quæ si teneri cõceditur, carpit & corpus, & uires, animosq; degenerat. Primus effoetæ partus amouendus est, quoniam tiruncula nec rectè nutrit, & educatio totius habitus aufert incrementum. Mares iuueniliter usq; in annos decem progenerant: post id tempus ineundis foeminis nõ uidentur habiles, quorum seniorum pigra soboles existit. Foeminae concipiunt usq; in annos nouem, nec sunt utiles post decimum. Catulos sex mensibus primis, dum corroborentur, emitti non oportet, nisi ad matrem lusus, ac lasciuiæ causa, postea & cathenis per diem continendi, & noctibus soluendi, nec unquam eos, quorum generosam uolumus indolem conseruare, patimur alienæ nutricis uberibus educari, quoniam semper & lac, & spiritus maternus longe magis ingenij, atq; incrementa corporis auget: quod si effoeta lacte deficitur, caprinum maxime conueniet præberi catulis, dum fiant mensum quatuor: nominibus autem non longissimis appellandi sunt, quò celerius quisque uocatus exaudiat, nec tamen breuioribus, quam quæ duabus syllabis enuntientur, sicuti

Græciam

Græcum est σκόλαξ, Latinū ferox: Græcū λάνωρ, Latinum celer: uel fœmina, ut sunt Græca σκολη. αλκω. ῥώμη, Latina lupa, cerua, tigris. Catulorū caudas post diem quadragesimum, quam sint editi, sic castrare conueniet: neruus est, qui per articulos spinæ prorepat, usq; ad ultimam partem caudæ: is mordicus comprehensus, & aliquatenus eductus abrumpitur: quo factō, neque in longitudinem cauda fœdum capit incrementum, & (ut plurimū pastores affirmant) rabies arcetur letifer morbus huic generi.

De morbis & medicinis

canum,

CAP. XIII.

FERÈ autem per æstatem sic muscis aures canum exulcerantur, sæpe ut totas amittant: quod ne fiat, amaris nucibus contritis liniendæ sunt. quod si ulceribus iam præoccupatæ fuerint, coctam picem liquidam suillæ adipi uulncribus stillari conueniet: hoc eodem medicamine contritricini decidunt. Nam manu non sunt uellendi, ne, ut antè prædixeram, faciant ulcera. Pulicosæ cani remedia sunt, sume cuminum tritum pari pondere, cum ueratro, aquaq; mistum, & inlinitum, seu cucumeris anguinei succū: uel si hæc non sunt, uetus amurea per totum corpus infusa. Si scabies infestabit, cythisi, & sisami tantundem conterito, & cum pice liquida permisceto, uitiosamq; partem linito: quod medicamentum putatur etiam hominibus esse conueniens: eadem pestis, si fuerit uehementior, cedrino liquore aboletur: reliqua uitia sicut in cæteris animalibus præcepimus curanda sunt. Hactenus de minore pecore. mox de uillaticis passionibus, quæ continent uolucrū, pisciumq;, & syluestrium quadrupedum curam, sequenti uolumine præcipiemus.

L. IVN. MODERA-
TI COLVMELLAE
DE RE RVSTICA
LIB. VIII.

De uillaticis pastionibus.

CAP. I.



VAE ferè consummabant Publi Silu-
ne ruris exercendi, colendiq; scientiam,
quæq; pecuariæ negotiationis exigebat
ratio, septē memorauimus libris. hic nunc
sequentis numeri titulum possidebit, nec
quia proximam, propriamq; rustici curā desyderet ea, quæ
dicturi sumus, sed quia non alio loco, quàm in agris, aut uil-
lis debeat administrari, & tamen agrestibus magis, quàm
urbanis profint. quippe uillaticæ pastiones, sicut pecuariæ,
non minimā colono stipem cōferunt, cū & auium stercore
macerrimis uincis & omni surculo, atq; aruo medcantur,
& eisdem familiarem focum, mensamq; pretiosis dapi-
bus opulentent: postremo uenditorū animalū pretio uillæ
redditum augēt. Quare de hoc quoq; genere pastionis di-
cendum censui. Est autem id ferè uel in uilla, uel circa uil-
lam. in uilla est, quod appellant Græci *δενιθῶνας*, ἢ *πε-
ριστρεῶνας*, atq; etiam cum datur liquoris facultas *ἰχθυο-
τροφεία* sedula cura exercentur. Ea sunt omnia, ut Latine
potius loquamur, sicut auium cohortalium stabula, nec mi-
nus earum, quæ conclauius septæ saginantur, uel aquati-
lium animalium receptacula. rursus circa uillam ponun-
tur *μελισσῶνες* ἢ *χηροτροφεία*, quin etiam *λαγοτροφεία*
studiosè administrantur, quæ nos similiter appellamus
apum cubilia, apiaria: uel nantium uolucrum, quæ stagnis,
pisci

piscinisq; latantur, auaria: uel etiam pecudū syluestrium,
quæ nemoribus clausis custodiuntur, uiuaria.

De gallinarum generibus, gallis cohortalibus
parandis, & nutriendis. CAP. II.

PRIUS igitur de his præcipiam, quæ intra septa uil-
lae pascuntur: ac de alijs quidem forsitan ambigitur,
an sint agrestibus possidenda. gallinarum uerò plerunque
agricolæ cura solennis est. Earum genera sunt uel cohort-
talium, uel rusticarum, uel Africanarum. Cohortalis est
auis, quæ uulgò per omnes ferè uillas conspicitur. Rustica,
quæ non dissimilis uillaticæ per aucupem decipitur: eaq;
plurima est in insula, quam nautæ in Ligustico mari sitam
producto nomine alitis gallinariam uocitauerunt. Africa-
na est, quam plerique Numidicam dicunt, meleagridi simi-
lis, nisi quòd rutilam galeam, & cristam capite gerit, quæ
utraq; sunt in meleagride cærulea. Sed ex his tribus gene-
ribus cohortales foeminae propriæ appellantur gallinae,
mares autem galli, semumares capi, qui hoc nomine uocan-
tur, cum sint castrati, libidinis abolendæ causa. Nec tamen
id patiuntur amissis genitalibus, sed ferro cadente calcari-
bus inustis, quæ cum ignea ui consumpta sunt, facta ulce-
ra dum consanescant, figulari creta linuntur. Huius igitur
uillatici generis non spernendus est reditus, si adhibeatur
educandi scientia, quam plerique Græcorum, & præcipuè
celebrauere Deliaci, sed & ij. quoniam procera corpora,
& animos ad prælia pertinaces requirebant, præcipuè
tanagricum genus, & rhodium probabāt, nec minus chal-
cidicum, & medicū, quod ab imperito uulgo litera mutata
melicum appellatur. nobis nostrum uernaculum maxime
placet. omisso tamen illo studio Græcorum, qui ferocissimū
quenq; alitem certaminibus, & pugnae præparabant. nos

enim censemus instituere uestigal industrij patrisfamilias, non rixosarum auium lanistæ, cuius plerunq; totum patrimonium pignus alex uictor gallinaccus pyctes abstulit. igitur cui placebit sequi nostra præcepta, consideret oportet primum quam multas, & cuiusmodi parare debeat matrices: deinde qualiter eas tueri, & pascere: mox quibus anni temporibus earum partus excipere: tum demum ut incubent, & excludant efficere: postremo ut commodè pulli educantur operam dare. his enim curis, et ministerijs exercetur ratio cohortalis, quam Græci uocant ἀγρὶ θόφῳ φάει. Parandi autem modus est, ducentorum capitum, quæ pastoris unius curam dispendant, dum tamen anus sedula uel puer adhibeatur custos uagantium, ne obsidijs hominum, aut insidiosorum animalium diripiantur. Mercari porro nisi sæcundissimas aues non expedit: cæ sint rubicundæ uel fuscæ plumæ, nigrisq; pennis: ac si fieri poterit, omnes huius, & ab hoc proximi coloris eligantur. sint aliter, cuitentur albæ, quæ serè cum sint molles, ac minus uiuaces, tum ne sæcundæ quidem facile reperiuntur, atque etiam conspicuæ, propter quod insigne candoris ab accipitribus, & aquilis sæpius abripiuntur. Sint ergo matrices probi coloris, robusti corporis, quadratæ, pectorosæ, magnis capitibus, rectis, rutilisq; cristulis, albis auribus, & sub hac specie quam amplissimæ, nec paribus ungulis: generosissimæq; creduntur, quæ quinos habent digitos, sed ita ne cruribus emineant transversa calcaria. nam quæ hoc iurile gerit insigne, contumax ad concubitum dedignatur admittere marem, raroq; sæcunda, etiam cum incubat, calcis aculeis oua perfringit. Gallinaceos mares nisi salacissimos habere non expedit. atque in his quoque sicut in foeminis, idem color, idemq; numerus unguium: status al-

ior queritur. Sublimes, sanguineæq; , nec obliquæ cristæ:
 caudi, uel nigrantes oculi: breuia, & adunca rostra: maxi-
 mæ, candidissimæq; aures: paleæ ex rutilo albicantes, quæ
 uelut incanæ barbæ dependent: iubæ deinde uariæ, uel ex
 auro flauæ per colla, & cruribusq; in humeros diffusæ: tum
 lata, & musculosa pectora, lacertos æque similes bra-
 chij, alæ tum procerissimæ: caudæ duplici ordine singulis
 utrinque prominentibus pinnis inflexæ: quinctiam uasta
 fœmina & frequenter horrentibus plumis hirta: robusta
 crura, nec longa, sed infestis uelut sudibus nocenter armata.
 Mores autem quamuis non ad pugnam, neq; ad uictoriæ
 laudem præparentur, maxime tamen generosi probantur,
 ut sint elati, alacres, uigilaces, & ad sæpius canendum
 prompti, nec qui facile terreantur: nam interdum resiste-
 re debent, & protegere coniugalem gregem: quin attol-
 lentem minas serpentem, uel aliud noxium animal interfi-
 cere. Talibus autem maribus quina singulis fœminæ com-
 parantur: nam Rhodij generis, aut Medici propter graui-
 tatem, neq; patres nimis salaces, nec fœcundæ matres, quæ
 tamen ternæ singulis maritantur: & cum pauca oua posue-
 runt, inertes ad incubandum, multoq; magis ad excluden-
 dum raro fœtus suos educant. Itaq; quibus cordi est ea gene-
 ra propter corporum speciem possidere, cum exceperunt
 oua generosarum, uulgaribus gallinis subiiciunt, & ab his
 exclusi pulli nutriuntur. Tanagrici plerunq; Rhodij, &
 Medici amplitudine pares, non multum moribus a uerna-
 culis distant, sicut & Chalcidici: Omnium tamen horum ge-
 nerum nothi sunt optimi pulli, quos conceptos ex pereгри-
 nis maribus, nostrates ediderunt. Nam & paternam speciem
 gerunt, & salacitatem fœcunditatemq; uernaculam retinet.
 pumiliones aues, nisi quem humilitas earum delectat, nec
 propter

propter fecunditatem, nec propter alium redditum nimium probo, tam hercule, quam nec pugnacem, nec rixosæ libidinis marem. Nam plerunq; cæteros infestat, & non patitur iniri fœminas, cum ipse pluribus sufficere non queat: impedienda est itaq; procacitas eius ampullaceo corio, quod cum in orbiculum formatum est, media pars eius rescinditur, & per excisam partem galli pes inseritur: eaq; quasi compede cohibentur feri mors. Sed, ut proposui, iam de tutela uniuersi generis præcipiam.

De gallinarijs constituendis. CAP. III.

Gallinaria constitui debent parte uillæ, quæ hybernium spectat orientem: iuncta sint ea furno, uel culinæ, ut ad aue perueniat fumus, qui est huic generi præcipue salutaris. Tolijs autem officinæ, id est, ornithonis tres continuæ extruuntur cellæ, quarum, sicuti dixi, perpetua frons orienti sit obuersa. In ea deinde fronte exiguus detur unus omnino aditus mediæ cellæ, quæ ipsa tribus minima esse debet in altitudinem, & quoquouersus pedes septem: in ea singuli dextro, læuoq; pariete aditus ad utranque cellam faciendi sunt, iuncti parieti, qui est intrantibus aduersus. Huic autem focus applicetur tam longus, ut nec impediatur prædictos aditus, & ab eo fumus perueniat in utranque cellam: eaq; longitudinis, & altitudinis duodenos pedes habeant, nec plus latitudinis, quam media sublimitas: diuidantur tabulatis, quæ supra se quaternos, & infra septenos liberos pedes habeant, quoniam ipsa singulos occupant: utraq; tabulata gallinis seruire debent, & ea paruis ab oriente singulis illuminari fenestellis, quæ et ipsæ matutinū exitū præbeant auibus ad cohortē, nec minus uespertinū introitū, sed curandum erit, ut semper noctibus claudantur, quò tutius aues maneant: intra tabulata maiores fenestræ aperiantur,

& ea clatris muniatur, ne possint noxia irrepere anima-
 ia. Sic tamen, ut illustria sint loca, quò commodius habitent,
 uiariusq; subinde debet speculari aut incubantis, aut par-
 urientis foetus. Nam etiam in ijs ipsis locis ita crassos pa-
 rietes edificare conuenit, ut excisa per ordinem gallinarū
 cubilia recipiant: in quibus aut oua edantur, aut excludan-
 tur pulli: hoc enim & salubrius, & elegantius est, quàm il-
 lud, quod quidam faciunt, ut palis in parietes uehementer
 actis, uimincos qualos superimponant: siue autem parieti-
 bus, ita, ut diximus, cauatis, aut qualis uimineis, præponen-
 da erunt uestibula, per quæ matricēs ad cubilia uel parien-
 ti, uel incubandi causa perueniant: neq; enim debet ipsis ni-
 vis inuolare, ne dū adsiliunt, pedibus oua confringat: ascen-
 su deinde auiibus ad tabulata per utranq; cellam datur iun-
 ctis parieti modicis asserculis, qui paulum formatis gradi-
 bus asperantur, ne sint aduolantibus lubrici. Sed ab cohorte
 intrinsecus prædictis fenestellis scanduæ similiter iniungan-
 tur, quibus irrepant aues ad requiem nocturnam: maxime
 autem curabimus, & ut hæc auaria, & cætera, de quibus
 mox dicturi sumus, intrinsecus, & extrinsecus poliantur
 opere tectorio, ne ad aues felices habeant, aut coluber acces-
 sum, & æque noxiæ prohibeantur pestes. Tabulatis insi-
 nere dormientem auem non expedit, ne suo lædatur ster-
 core, quod cum pedibus uncis adhæsit, podagram creat: ca-
 pernices ut cuitetur, perticæ dolantur in quadrum, ne te-
 res leuitas earū supersilientem uolucrem non recipiat: con-
 quadratæ deinde foratis duobus aduersis parietibus induun-
 tur, ita ut tabulato pedalis altitudinis, & inter se bipedalis
 latitudinis spatium distent: hæc erit cohortalis officinæ dispo-
 sitio: cæterū cohors ipsa, per quā uagantur, nō tam sterco-
 re, quàm uligine carcat: nam plurimum refert aquā nō esse

in ea nisi uno loco, quam bibant, eamq; mundissimam: nam stercorosa pituitam concitat: puram tamen seruare non possis, nisi clausam, uasis in hunc usum fabricatis: sunt autem, qui aut aqua replentur, aut cibo plumbei canales, quos magis utiles esse ligncos, aut fictiles compertum est: hi superpositis operculis clauduntur, & à lateribus super mediam partem altitudinis per spatia palmaria modicis forantur cauis, ita ut auium capita possint admittere: nam nisi operculis muniantur, quantulumcunq; aquæ, uel ciborum inest, pedibus euertitur: sunt qui à superiore parte foramina ipsis operculis imponant: quod fieri non oportet: nam supersiliens auis proluuie uentris cibos, & aquam conspurcat.

De cibarijs gallinarum. CAP. III.

Cibaria gallinis præbentur optima, pinsitum ordeum, & uicia, nec minus cicercula, tum etiam miliū, aut panicū: sed hæc ubi uilitas annonæ permittit: ubi uerò ea est cærior, excreta tritici minute comode dantur: nam per se id frumentum, etiam quibus locis uilissimū est, non utiliter præbentur, quia obest auibus: potest etiam lolium decoctum obijci, nec minus fursures modicè à farina excreti, qui si nihil habent farris, non sunt idonei, nec tantū appetuntur. Ieiunis cythisi folia, seminaq; maxime probantur, & sunt huic generi gratissima: neq; est ulla regio, in qua non possit huius arbutusculæ copia esse uel maxima. Vinacea quamuis tolerabiliter pascant, dari non debent, nisi quibus temporibus anni auis foetus non edit: nam & partus raro, & oua faciunt exigua. Sed cum planè post autumnum cessant à foetu, possunt hoc cibo sustineri: attamen quæcunq; dabitur esca per cohortem uaganibus die incipiente, & iam in uesperū declinante bis diuidenda est, ut & mane non protinus à cubili latius euagetur, & ante crepusculū propter cibi spem tēporius ad offici-

in redeant, possitq; numerus capitum sæpius recognosci:
 in uolatile pecus facile pastoris custodiam decipit. Siccus
 iam pulvis, & cinis ubicunq; cohortē porticus, uel tectū
 protegit, iuxta parietes roponendus est, ut sit, quò aues se
 refundant: nam his rebus plumam, pinnasq; emundant:
 modo credimus Ephesio Heracleto, qui ait sues cœno, co
 miales aues puluere, uel cinere lauari. Gallina post pri
 am emitti, & ante horam diei undecimam claudi debet:
 si uis uagæ culius hic, quem diximus, erit: nec tamen alius
 cause, nisi quòd ea non emittitur, sed intra ornithonem ter
 re pascitur maiore mēsurā: nam singulis capitibus quater
 cyathi diurna cibaria sunt, cū uagis terni, uel bini præ
 rantur. Habere etiam clausam oportet amplam uestibu
 lum, quò prodeat, & ubi apricetur: idq; sit retibus muni
 tum, ne aquila uel accipiter inuolet, quas impensas, & cu
 as nisi locis, quibus harum rerum uigent pretia, non ex
 edit adhiberi. Antiquissima est autem cum in omnibus pe
 oribus, tum in hoc fides pastoris, qui nisi eam domino ser
 uat, nullus ornithonis quæstus uincet impensas. De tutela
 atis dictum est: nunc reliquum ordinem prosequemur.

De seruandis, & supponendis ouis. CAP. V.

Confecta bruma parere ferè id genus auium consue
 uit. atque earum, quæ sunt foecundissimæ, locis tepi
 tioribus circa Calen. Ian. oua edere incipiunt, frigidis autē
 regionibus eodem mēse post Idus. Sed cibus idoneis foecun
 ditatis earum elicienda est, quo maturius partum edant.
 Optime præbetur ad satietatem ordeum semicoctum: nam
 & maius facit ouorum incrementum, & frequentiores
 partus. Sed is cibus quasi condiendus est interiectis cy
 thisi folijs, ac semine eiusdem, quæ utraque maxime pu
 tantur augere foecunditatem auium. Modus autem ciba
 riorum

riorū sit, ut dixi, uagis binorū cyathorū ordeī, aliquid tamē
 admiscendū erit cythisi, uel si id non fuerit, uiciæ, aut milij.
 Curæ autē debet esse custodi, cum parturient aues, ut ha-
 beant quammundissimis paleis constrata cubilia, eaq; sub
 inde conuerſat, & alia stramenta quamrecentissima repo-
 nat: nam pulicibus, alijsq; similibus animalibus replentur,
 quæ secū affert auis, cum ad idem cubile reuertitur. Aspi-
 duus autem debet esse custos, & speculari parietes, quod se
 facere gallinæ testantur crebris singultibus interiecta uoca-
 acuta. Obseruare itaq; dum edant oua, et cōfestim circum-
 re oportebit cubilia, ut quæ nata sunt recolligantur, notenturq;
 quæ quoq; die sint edita, ut quam recentissima suppo-
 nantur glorientibus: sic enim rustici appellant aues eas,
 quæ uolunt incubare. Cætera uel reponantur, uel ære nut-
 tentur. Aptissima porro sunt ad excludendum recentissima
 quæq; Possunt tamen etiam requieta supponi, dum ne ue-
 rustiora sint, quam dierū decem. Fere autem, cum primum
 partum consummauerint, gallinæ incubare cupiunt ab Idu-
 bus Ianuarijs, quod facere non omnibus permittendū est,
 quoniam quidē nouellæ magis edendis, quam excubantibus
 ouis utiliores sunt. Inhibeturq; cupiditas incubandi pinnula
 per nares traiccta. Veteranas igitur aues ad hanc rem eli-
 gi oportebit, quæ iam sæpius id fecerint, moresq; earū ma-
 xime pernosci, quoniam aliæ melius excubant, aliæ edites
 pullos cōmodius educant. At è contrario quedā & sua, &
 aliena oua cōminuunt, atq; consumunt, quod faciētem pro-
 tinus submouere conueniet. Pulli autem duarum aut trium
 auium exclusi, dum adhuc teneri sunt, ad unam, quæ sit me-
 lior nutrix, transferri debēt, sed primo quoq; die, dum ma-
 ter suos, & alienos propter similitudinem dignoscere non
 potest. Veruntamen seruare oportet modum: neq; enim de-
 bet

et maior esse quam triginta capitum: negant enim hoc
 ampliore gregem posse ab una nutriri. Numerus ouo-
 rum, quæ subijciuntur, impar observatur, nec semper idem:
 nam primo tempore, id est mense Ianuario quindecim,
 nec unquam plura subijci debent, Martio x i x. nec his
 rariora, unum & uiginti Aprili, tota deinde æstate usque
 in calendas Octobris totidem. Postea superuacua est huius
 cura, quod frigoribus exclusi pulli plerunque intereant.
 Plerique tamen etiam ab æstiuo solstitio non putant bo-
 nam pullationem, quod ab eo tempore etiam si facilem edu-
 cationem habent, iustum tamen non capiunt incremen-
 tum. Verum suburbanis locis, ubi à matre pulli non exi-
 unt pretijs ueneunt, nec plerunque intereunt, proban-
 tur æstiuæ educatio. Semper autem, cum supponuntur
 oua, considerari debet, ut luna crescente à decima usque
 ad quintamdecimam id fiat: nam & ipsa suppositio per
 hos serè dies est commodissima, & sic administrandum
 est, ut rursus cum excluduntur pulli, luna crescat. Diebus
 quibus animantur oua, & in speciem uolucrum confor-
 mantur, ter septenis opus est gallinaceo generi. At pau-
 lino, & anserino, paulò amplius ter nouenis, quæ si quan-
 to fuerint supponenda gallinis, prius eas incubare decem
 diebus foetibus alienigenis patiemur. Tum demum sui ge-
 neris quatuor oua, nec plura quam quinque fouenda reci-
 pient. Sed & hæc quammaxima: nam ex pusillis aues minu-
 te nascuntur. Cum deinde quis uolet quamplurimos mares
 excludi, longissima quæq; & acutissima oua subijciet, &
 rursus cum foeminas, quamrotundissima. Supponendi autem
 consuetudo tradita est ab ijs, qui religiosius hæc admini-
 strant, eiusmodi. Primum quam secretissima cubilia eligunt,
 ne incubantes matricēs ab alijs auibus inquietentur: deinde

antequam construant ea, diligenter emundant, *paleasq;* quas substraturi sunt, sulphure, & bituminc, atque ardente teda perlustrant, & expiatis cubilibus iniiciunt, ita factis concauatis nidis, ne ab aduolantibus, aut etiam desilientibus euoluta decidunt ova. Plurimi etiam infra cubilium stramenta graminis aliquid, & ramulos lauri, nec minus alij capita cum clavis ferreis subiiciunt: quæ cuncta remedia creduntur esse aduersus tonitrua, quibus uitiantur ova, pulliq; semiformes interimuntur ante, quam toti partibus suis consumentur. Seruat autem qui subiicit, ne singula ova in cubili manu componat, sed totum ouorum numerum in alucolum ligneum conferat: deinde uniuersum leniter in præparatum nidum transfundat. Incubantibus autem gallinis iuxta ponendus est cibus, ut saturæ studiosius nidis immorentur, ne uel longius cuagatæ refrigerent ova, quæ quamuis pedibus ipse conuertant, auarius tamen cum desilierint matres circumire debet, ac manu uersare, ut æqualiter calore concepto facile animentur. Quin etiam si qua unguibus lesa, uel fracta sunt, ut remoueat. Idq; cum fecerit, die undeuigesimo animaduertat, an pulli rostellis ova pccuderint, & auscultetur si pipiant: nam sæpe propter crassitudinem putaminum erumpere non queunt. Itaque hærentes pullos manu eximere oportebit, & matri fouendos subiicere, idque non amplius triduo facere: nam post unum & uigesimum diem silentia ova carent animalibus: eaq; remouenda sunt, ne incubans inani spe diutius detineatur effœta. Pullos autem non oportet singulos, ut quisq; natus sit tollere, sed uno die in cubili sine eum matre, & aqua, ciboq; abstinere, dum omnes excludantur. Postremo die, cū grex fuerit effœtus, hoc modo deponitur. Cribro uiciario, uel etiam loliario, qui iam fuerit in usu,

pulli superponantur: deinde pulegiij surculis fumigentur: ea res uidetur prohibere pituitam, quæ celerrimè teneros interficit. Post hæc cauca cum matre claudendi sunt, & farre ordeaceo cum aqua incocto: uel adoreo farre uino resperso modicè alendi: nam maxime cruditas uitanda est, & ob hoc tertia die cauca cum matre continendi sunt, priusq; quam emittantur ad recentem cibum, singuli tentandi, nequid hesterni habeant in gutture: nam si uacua non est ingluuies, cruditatem significat, abstineriq; debent, dum concoquant. Longius autem non est permittendum teneris euagari, sed circa caueam continendi sunt, & farina ordeacea pascendi, dum corroborentur. Cauendumq; ne à serpentibus adflentur, quarum odor tam pestilens est, ut interimat uniuersos: id uitatur sæpius incenso cornu ceruino, uel galbano, uel muliebri capillo: quorum omnium fere nidoribus prædicta pestis submouetur. Sed & curandum crit, ut tepide habeantur: nam nec calorem, nec frigus sustinent. Optimumq; est infra officinam clausos haberi cum matre, & post quadragesimum diem potestatem uagandi fieri. Sed primis quasi infantie diebus pertractandi sunt, plumulæq; sub cauda clunibus detrahendæ, ne stercore coinquinatæ durecant, & naturalia præcludant. Quod quauis caueatur, sepe tamen euenit, ut alius exitum non habeat: itaq; pinna pertunditur, & iter digestis cibis præbetur. Sed & iam ualidioribus fa-
tis, atq; ipsis matribus etiam uitada pituitæ perniciēs crit. Quæ ne fiat, mundissimis uasis, & quam purissimam præbe-
bimus aquam: nec minus gallinaria semper fumigabi-
mus, & emundata stercore liberabimus: quod si tamen pestis peruascrit, sunt qui spicas allij tepido madefactas oleo faucibus inferant. Quidam hominis urina tepida ri-
gant ora, & tandiu comprimunt, dum eas amaritudo co-
gat per

gat per nares emoliri pituitæ nauscam. Vna quoq; quam Græci ἀργίαν σαφύλην uocant, cum cibo mista prodest. Vel eadem pertrita, & cum aqua potui data. Atq; hæc remedia mediocriter laborantibus adhibentur: nam si pituita circumuenit oculos, & iam cibos auis respuit, ferro rescinduntur genæ, & coacta sub oculis sanies omnis exprimitur: atq; ita paulum triti salis uulncribus infriatur. Id porro uitium maxime nascitur cum frigore, & penuria cibi laborant aues. Item cum per æstatem consistens in cohortibus aqua potatur: item cum ficus, aut uua immatura nec ad satietatem permissa est, quibus scilicet cibis abstinendæ sunt aues, eosq; ut fastidiant efficit una labrusca de uepribus immatura lecta, quæ cum farre triticeo minuto cocta obijcitur esurientibus, eiusq; sapore offensæ aues, omnem aspernantur uuam. Similis ratio est etiam caprifici, quæ decocta cum cibo præbetur auibus, & ita fici fastidium creat. Mox quoq; sicut in cæteris pecoribus eligenda quæq; optima, & deteriora uendenda: seructur etiam in hoc genere, ut per autumnii tempus omnibus annis, cum fructus earum cessat, numerus quoq; minuatur. Summouebimus autem ueteres, id est, quæ trimatum excesserunt. Item quæ aut parum foecundæ, aut parum bonæ nutrices sunt, & præcipue quæ oua uel sua, uel aliena cōsumunt. Nec minus, quæ uelut mares cātare, atq; etiam calcare cœperūt. Itē serotini pulli, qui ab solstitio nati capere iustum incrementū nō potuerunt. In masculis autē nō eadē ratio seruabitur, sed tandiu custodimus generosos, quādiu foeminā implere potuerint. Nā rarior est in his auibus mariti bonitas. Eodem quoq; tempore cum parere desinent aues, id est, ab Idibus Nouēbris prætiosiores cibi subtrahendi sunt, & uinacca præbenda, quæ satis commodè pascunt adiectis interdum tritici excrementis.

De ouis

De ouis.

CAP. VI.

OVorum quoq; longioris temporis custodia non aliena est huic curæ: quæ commodè scrvantur per hyemem, si paleis obruas: æstate, si fursuribus. Quidam prius trito sale sex horis adoperiunt: deinde cluunt, atque ita paleis, aut fursuribus obruunt: nonnulli solida, multi etiã fresa faba coaggerant: alij salibus integris adoperiunt: alij muria tepesacta durant. Sed omnis sal quemadmodum non patitur putrescere, ita minuit oua, nec sinit plena permanere, quæ res ementem deterret. Itaq; ne in muriam quidem qui dimittunt, integritatem ouorum conseruant.

De gallinis farciendis.

CAP. VII.

Pinguem quoq; facere gallinam, quamuis fartoris, non rustici sit officium, tamen quia non ægrè contingit, præcipiendum putauì. Locus ad hanc rem desideratur calidus maxime, & minimi luminis, in quo singulæ caucis angustioribus, uel sportis inclusæ pendeant aues, sed ita coarctatæ, ne uersari possint. Verum habeant ex utraque parte foramina. Vnum, quò caput exeratur: alterum, quo cauda, clunesq; , ut & cibos capere possint, & eos digestos sic edere, ne stercore coinquantur. Substernatur autè mundissima palca, uel molle fœnum, id est, cordonum. Nam si dure cubant, non facile pinguescunt. Pluma omnis è capite, & sub alis, atque clunibus detergetur. Illic ne pediculum creet, hic ne stercore loca naturalia exulecret. Cibus autè præbetur ordacca farina, quæ cum est aqua conspersa, & subacta, formantur offæ, quibus aues saginantur. Eæ tamen primis diebus dari parcus debent, dum plus concoquere consuescant. Nam cruditas uitanda est maxime, tantumq; præbendum, quantum digerere possint: neq; antè recens admouenda est, quàm tentato gutture apparuerit nihil ueteris escæ

remanfisse. Cum deinde satiata est avis, paululum deposita cauca dimittitur, sed ita ne uagetur, sed potius, siquid est, quod eam stimulet, aut mordeat, rostro persequatur. Hæc enim ferè communis est cura farcientium. Nam illi qui uolunt non solum opimas, sed etiã teneras auis efficere, mulsea recente aqua prædicti generis farinam conspergunt, & ita farciunt: nonnulli tribus aquæ partibus unam boni uini miscent, madefactoq; triticeo pane obesant aucm, quæ prima luna (quoniam id quoque custodiendum est) saginari coëpta, uigesima pergliscit. Sed si fastidiet cibum, totidem diebus minuere oportebit, quot iam farturæ processerint: ita tamen, ne tempus omne opimædi quintam & uigesimam lunam superueniat. Antiquissimum est autem maximam quanq; aucm lautioribus epulis destinare. Sic enim digna merces sequitur opcram, & impensam.

De palumbis, & columbis farciendis, & columbarijs constitutendis.

CAP. VIII.

HAc eadem ratione palumbos, columbosque cellares pinguißimos facere contingit; neque est tamen in columbis farciendis tantus redditus, quantus in educãdis. Nam etiam horum possessio non abhorret à cura boni rustici. Sed id genus minore tutela pascitur longinquis regionibus, ubi liber egressus auibus permittitur, quoniã uel summis turribus, uel editissimis ædificijs assignatas sedes frequentant patentibus fenestris, per quas ad requirendos cibos euolitant. Duobus tamen, aut tribus mensibus accipiunt condititia cibaria, cæteris seipsas pascunt seminibus agrestibus. Sed hoc suburbanis locis facere non possunt, quoniam intercipiuntur uarijs aucupum insidijs. itaque

clausæ intra tectum pasci debent, nec in plano uillæ loco, nec in frigido, sed in edito fieri tabulatum oportet, quod aspiciat hybernum meridiem. Eiusq; parietes, ne iam dicta iteremus, ut in ornithone præcepimus, continuis cubilibus excauentur. uel si ita non competit, paxillis adactis tabulæ superponantur, quæ uel loculamenta, quibus nidificent aues, uel fictilia columbaria recipiat præpositis uestibulis, per quæ ad cubilia perueniant. Totus autem locus, & ipsæ columbarum cellæ poliri debent albo tectorio, quoniam eo colore præcipue delectatur hoc genus auium. Nec minus extrinsecus leuigari parietes maxime circa fenestrâ, & ea sit ita posita, ut maiore parte hybernici diei solem admittat, habeatq; appositam satis amplam caueam retibus emunitam, quæ excludat accipitres, & recipiat egredientes ad apricationem columbas, nec minus in agros emittant matrices, quæ ouis, uel pullis incubant, ne quasi graui perpetuæ custodiæ seruitio contristatæ senescant. Nam cum paulum circa ædificia uolitauerint, exhilaratæ recreantur, & ad foetus suos uegetiores redeunt, propter quos ne longius quidem euagari, aut fugere conantur. Vasa, quibus aqua præbeatur, similia esse debent gallinarijs, quæ colla bibentium admittant, & cupientes lauari propter angustias non recipiant. Nam id facere eas nec ouis nec pullis, quibus plerunq; incubant, expedit. Cæterum cibos iuxta parietem conuenient spargi, quoniam fere partes eæ columbarij carent stercore. Commodissima cibaria putantur uicia, uel eruum, tum etiam lenticula, miliumq; & lolium, nec minus excreta tritici, & siqua sunt alia legumina, quibus etiam gallinæ aluntur. Locus autem subinde conuerri, & emundari debet. Nam quanto est cultior, tanto letior auis conspicitur, eaq; tam fastidiosa

est, ut sæpe sedes suas perosa, si detur euolandi potestas, relinquat, quod frequenter in his regionibus, ubi liberos habent egressus, accidere solet. Id ne fiat uetus est Democriti præceptum. Genus accipitris tinunculum uocant rustici, qui fere in ædificijs nidos facit. Eius pulli singuli fistilibus ollis conduntur, stipatisq; opercula supponuntur, & gypso lita uasa in angulis columbarij suspenduntur, quæ res aibus amorem loci sic conciliat, ne unquam deserant. Seligendæ uerò sunt ad educationem neque uetule, nec nimium nouellæ, sed corporis maximi. Curandumq; si fieri possit, ut pulli, quemadmodum exclusi sunt, nunquam separentur. Nam ferè, si sic maritatæ sunt, plures educant foetus. Sin aliter, certè nec alieni generis coniunguntur, ut alexandrinæ, & campanæ. minus enim impares suas diligunt, & ideo nec multum incunt, nec sæpius foetant. Plumæ color non semper, nec omnibus idem probatus est: atq; ideo qui sit optimus, non facile dictu est. Albus, qui ubique uulgo conspicitur, à quibusdam non nimium laudatur, nec tamen uitari debet in ijs, quæ clauso continentur. Nam in uagis maxime est improbandus, quòd eū facillime speculatur accipiter. Fœcunditas autem, quamuis longè minor sit, quàm est gallinarum, maiorem tamen refert quæstum. Nam & octies anno pullos educat, si est bona matrix, & pretijs eorum domini complent arcam, sicut eximius autor M. Varro nobis affirmat, qui prodidit etiam illis seuerioribus suis temporibus paria singula, millibus singulis sestertiorum solita uenire. Nam nostri pudet seculi, si credere uolumus, inueneri qui quaternis nullibus nummum binas aues mercentur. Quanquàm uel hos magis tolerabiles putem, qui oblectamenta deliciarum possidendi, habendiq; causa graui ære, & argento pensent, quàm illos, qui

Ponticū Phasim, & Scythica stagna Mæotidis cluant. Iam nunc Gangeticas, & Aegyptias aues temuleter eructant. Potest tamen etiam in hoc auario, sicut dictum est, sagina exerceri. Nam siquæ steriles, aut sordidi coloris interueniunt, similiter ut gallinæ farciuntur. Pulli uerò facilius sub matribus pinguescunt, si iam firmis, prius quàm subuolent, paucas subtrahas pinnas, & obteras crura, ut uno loco quiescant, præbeasq; copiosum cibum parientibus, quo & se, & eos abundantius alant. Quidam leuiter obligant crura, quoniam si frangantur, dolorem, & ex eo maciem fieri putent. Sed nihil ista res pinguitudinis efficit. Nam dum uincula exerere conantur, non conquiescunt, & hac quasi exercitatione corpori nihil adiiciunt. Fracta crura non plus quàm bidui, aut summum tridui dolorem afferunt, & spem tollunt euagandi.

De alendis turturibus.

CAP. IX.

Turturum educatio superuacua est, quoniam id genus in ornithone nec parit, nec excludit. A uolatura ita ut capitur, farturæ destinatur: eoq; leuiore cura, quàm cæteræ aues saginatur, uerum non omnibus temporibus. Per hyemem, quamuis adhibeatur opera, difficulter gliscit. Et tamen, quia maior est turdi copia, pretium turturum minuitur. Rursus æstate uel sua sponte, dummodo sit facultas cibi, pinguescit. nihil enim aliud, quàm obijcitur esca, sed præcipuè milium, nec quia tritico uel alijs frumentis minus crassescant, uerū quod semine huius maxime delectantur. Hyeme tamen offæ panis uino madefactæ, sicut etiam palumbos, celerius opimant, quàm cæteri cibi. Receptacula non tanquam columbis, loculamenta, uel cellulae cauata efficiuntur, sed ad lineam mutuli per parietem defixi, tegeticulas cannabinas accipiunt, prætentis retibus, quibus

prohibeantur uolare , quoniam si id faciant , corpori detrahunt. In his autem assidue pascuntur milio , aut tritico , sed ea semina dari nisi sicca non oportet. Satiatq; semoaius cibi in diebus singulis uicenos , & centenos turbines. Aqua semper recens, & quammundissima uasculis qualibus columbis , atque gallinis præbetur. Tegeticulæq; mudentur , ne sterminus urat pedes, quod tamen & id ipsum diligenter reponi debet ad cultus agrorum arborumq; , sicut & omnium auium, præterquam nantium. Huius auis ætas ad saginam non tam uetus est idonea , quam nouella. Itaque circa messem , cum iam confirmata est pullities, eligitur.

De turdis educandis.

C A P. X.

Turdis maior opera, & impensa præbetur , qui omnium quidem rure, sed salubrius in eo pascuntur, in quo capti sunt. Nam difficulter in aliam regionem transferuntur, quia caueis clausi plurimi despondent : quod faciunt etiam cum eodem momento temporis à rete in auaria coniecti sunt: itaque ne id accadat , ucterani debent intermisceri, qui ab aucupibus in hunc usum nutriti, quasi allectores sint captiuorum, morstitiamq; eorum mitigent interuolando. Sic enim consuescēt & aquam, & cibos appetere feri, si mansuetos id facere uiderint : locum æquè munitum, & apri-cum, quàm columbi desiderant , sed in eo transuersæ perticæ perforatis parietibus aduersis aptantur , quibus infideant , cum satiati cibo requiescere uolunt : eæ perticæ non altius à terra debent subleuari , quàm hominis statura patiatur, ut à stante contingi possint: cibi ponuntur ferè partibus his ornithonis, quæ super se perticas non habent, quomundiores permaneant: semper autem arida ficus diligenter pinsita, & permixta polline , præberi debet , tam large quidem

quidem, ut supersit: hanc quidam mandunt, & ita obijciunt. Sed istud in maiore numero facere uix expedit, quia nec paruo conducuntur, qui mandant, & ab ijs ipsis aliquantum propter iucunditatem consumitur: multi uarietatem ciborum, ne unum fastidiant, præbendam putant: ea est cum obijciuntur myrti, & lentisci semina: item oleastri, & ederacæ baccae, nec minus arbuti. Fere enim etiam in agris ab eiusmodi uolucris hæc appetunt, quæ in auarijs quoque desiderantium detergent fastidia, faciuntque auidiorem uolaturam, quod maxime expedit. Nam largiore cibo celerius pinguescit, semper tamen etiam canaliculi milio repleti apponuntur, quæ est firmissima esca. Nam illa, quæ supra diximus, pulmentariorum uice dantur: uasa quibus recens, & munda præbeatur aqua, non dissimilia sint gallinarijs: hac impensa, curaque M. Terentius ternis sæpe denarijs singulos emptitatos esse significat auorum temporibus, quibus qui triumphabant, populo dabant epulum. At nunc ætatis nostræ luxuries quotidiana fecit hæc pretia: propter quæ ne rusticis quidem contemnendus sit hic redditus. Atque ea genera, quæ intra septa uillæ cibantur, fere persecuti sumus: nunc de his dicendum est, quibus etiam exitus ad agrestia pabula dantur.

Depauonibus educandis.

CAP. XI.

PAUONUM educatio magis urbani patrisfamilie, quam tetrici rustici curam poscit. Sed ne hæc tamen aliena est agricolæ captantis undique uoluptates acquirere, quibus solitudines ruris eblandiantur. Harum autem decor auium etiam exteros, nedum dominos oblectat: itaque genus alitum nemorosis, & paruulis insulis, quales obiacent Italiae, facillimè continetur. Nam quoniam nec sublimiter potest, nec per longa spatia uolitare, tum etiam quia su-

ris, ac noxiorum animalium rapinae metus non est, sine custode tutò uagatur, maioremq; pabuli partem sibi acquirit. Foeminae quidem sua sponte tanquam seruitio liberatae studiosius pullos enutriunt: nec curator aliud facere debet, quàm ut diei certo tēpore signo dato, iuxta uillam gregem conuocet, & exiguum ordci concurrentibus obijciat, ut nec alius esuriat, & numerus aduenientium recognoscatur. Sed huius possessoris onus rara cōditio est, quare mediterraneis locis maior adhibenda cura est: eaq; sic administretur, herbidiis, syluestribusq; ager planus sublimi clauditur maceria, cuius tribus lateribus porticus applicantur: & in quarto duae cellae, ut sit altera custodis habitatio, atq; altera stabulum pavonum: sub porticibus deinde per ordinē fiunt arundinea septa in modum cauearum, qualia columbarij testis superponuntur: ea septa distinguuntur uelut clatris intercurrentibus calamis, ita ut ab utroque latere singulos aditus habeant. Stabulum autem carere debet uligine, cuius in solo per ordinem figuntur breues paxilli, eorumq; partes summæ lingulas edolatas habent, quæ transuersis foratis perticis inducātur: hæ porrò quadratæ perticæ esse debent, quæ paxillis superponuntur, ut aucti recipiant adsilientem: sed idcirco sunt exemptiles, ut cū res exigit, à paxillis deductæ liberum aditum conuerrentibus stabulum præbeāt. Hoc genus auium, cū trimatum expleuit, optime prognerat: siquidem tenerior ætas, aut sterilis, aut parum fecunda est. Masculus pavo gallinaceam salacitatem habet, atque ideo quinque foeminas desiderat: nam si unam, uel alteram foetam sæpius compressit: uixdum concepta in aluo uitiat oia, nec ad partum finit perducī, quoniam immatura genitalibus locis excidunt. Ultima parte hyemis concitantibus libidinem cibis utriusque sexus accenden-

da uenus

da uenus est : maxime facit ad hanc rem, si fauilla leui tor-
reas fabam, tepidamq; des iciunis quinto quoque die : nec
tamen excedas modum sex cyathorum in singulas aueis:
hec cibaria non omnibus promiscue spargenda sunt, sed in
singulis septis, quæ arundinibus intexi oportere proposue-
ram, portione seruata quinq; foeminarum, & unius maris
ponenda sunt cibaria, nec minus aqua, quæ sit idonea po-
tui : quod ubi factum est, mares sine rixa deducuntur in
sua quisq; septa cum foeminis, & æqualiter uniuersus grex
pascitur : nam etiam in hoc genere pugnaces inueniuntur
masculi, qui & à cibo, & à coitu prohibent minus ualidos
nisi sint hac ratione separati. Fere autem locis apricis in-
eundi cupiditas exercet mares, cum Fauonij spirare cœpe-
runt, id est, tempus ab Idib. Februarijs ante Martium men-
sem. Signa sunt extimulatæ libidinis, cum semetipsum ue-
luti mirantem caudæ gemmantibus pinnis protegit : idq;
cum fecit, rotare dicitur. Post admissuræ tempus confestim
matrices custodiendæ sunt, ne alibi quàm in stabulo foetus
edant, sæpiusq; digitis loca foeminarum tentanda sunt : nam
in promptu gerunt oua, quibus iam partus appropinquat:
itaque includendæ sunt enitentes, ne extra clausum foetum
edant : maximeq; temporibus ijs, quibus parturiunt, pluri-
bus stramentis exaggerandū est auarium, quo tutius inte-
gri foetus excipiantur : nam ferè pauones, cū ad nocturnam
requiem uenerunt, prædictis perticis insistentes, enituntur
oua, quæ quo propius, ac mollius deciderint, illibatam ser-
uant integritate : quotidie ergo diligenter mane temporibus
foeturæ stabula circumeunda erunt, & iacentia oua colli-
genda : quæ quanto recentiora gallinis subiecta sunt, tanto
commodius excluduntur : idq; fieri maxime patrisfamiliæ
ratione conducit : nam foeminae pauones quæ non incubant,

ter anno ferè partus edunt : at quæ fouent oua, totum tempus foecunditatis aut excludendis, aut etiã educandis pullis consumunt. Primus est partus quinq; fere ouorum. Secundus quatuor. Tertius aut trium, aut duorum: neq; est quod committatur, ut Rhodiæ aues pauoninis incubent, quæ ne suos quidem foetus commodè nutriunt, sed ueteres maxime quæq; gallinæ uernaculi generis eligantur : cæq; noue diebus à primo lunæ incremento, nouenis ouis incubent, sintq; ex his quinque pauonina, & cætera gallinacei generis. Decimo deinceps die omnia gallinacea subtrahantur : & totidem recentia eiusdem generis supponantur, ut trigesima luna, quæ est ferè noua, cum pauoninis excludantur. Sed custodis cura non effugiat obseruare desilientem matricem, sæpiusq; ad cubile peruenire, & pauonina oua, quæ propter magnitudinem difficiliter à gallina mouentur, uersare manu: idq; quo diligentius faciat, una pars ouorum notanda est atramento, quod signum habebit auarius an à gallina conuersa sint. Sed, ut dixi, meminerimus cohortales quammaximas ad hanc rem præparari, quæ si mediocris habitus sunt, non debent amplius quàm terna pauonina, & sena generis sui fouere: cum deinde fecerit pullos, ad aliam nutricem gallinacei debebunt transferri, & subinde qui nati fuerint pauonini ad unam congregari, donec quinque & uiginti capitum grex efficiatur. Sed cum erunt edili pulli, similiter ut gallinacei primo die non amoucantur, postero die cum educatrice transferantur in caueam: primisq; diebus alantur ordeaceo farre uino resperso: nec minus ex quolibet frumento cocta pullicula, & refrigerata: post paucos deinde dies huic cibo adiiciendum erit concisum porrum tarentinũ, & caseus mollis uehemèter expressus: nam serum nocere pullis manifestum est. Locustæ quoq;

pedibus ademptis utiles cibandis pullis habentur, atque ijs pasci debent usq; ad sextum mensem: postmodum satis est ordeum de manu præbere. Possunt autem post quintū, & trigesimum diem quā nati sunt, etiam in agro satis tutò educi, sequiturq; grex uelut matrē gallinam singultientē: ea cauea clausa fertur in agrum à pastore, & cmissa ligato pede longa linea gallina custoditur, ad quam circumuolant pulli, qui cum ad satietatem pasti sunt, reducuntur in uillam persequentes, ut dixi, nutricis singultus. Satis autem conuenit inter autores, non debere alias gallinas, quæ pullos sui generis educāt, in eodē loco pasci: nam cum conspexerunt pauoninā prolem, suos pullos diligere desinunt, & immaturos relinquunt, perosæ uidelicet, quòd nec magnitudine, nec specie pauoni pares sint. Vitia quæ gallinaceo generi nocere solent, eadē has aucis infestant: sed nec remedia traduntur alia, quā quæ gallinaceis adhibentur: nam & pituita, & cruditas, & si quæ aliæ sunt pestes, iisdem remedijs, quæ præposuimus, prohibentur. Septimum deinde mensem cum excesserunt, in stabulo cum cæteris ad nocturnam requiem debent includi: sed erit curandum, ne humi maneant: nam qui sic cubitant, tollēdi sunt, & supra perticas imponendi, & ne frigore laborent.

De Numidicarum, & rusticarum gallinarum educatione.

CAP. XII.

Numidicarum eadem est fere, quæ pauonum educatio: cæterum syluestres gallinæ, quæ rusticæ appellantur, in seruitute non fœtant: & ideo nihil de his præcipimus, nisi ut cibus ad satietatem præbeatur, quo sint conuiuiorum epulis aptiores.

De auibus, quas Græci ἀμφίβια, Latini duplicis uitæ appellant.

CAP. XIII.

Venio

Venio nunc ad eas aues, quas Græci uocant ἀνιπίδια, quia non tantum terrestria, sed aquatilia quoq; desiderant pabula, nec magis humo, quam stagno consueuerūt: eiusq; generis anser præcipue rusticis gratus est, quod nec maximam curam poscit, & solertiorē custodiam præbet, quàm canis: nam clangore prodit insidiantem, sicut etiam memoria tradidit in obsidione capitoliij, cum aduentu Gallorum uociferatus est, canibus silentibus: is autē non ubique haberi potest, ut existimat uerissimē Celsus, qui sic ait: Anser neq; sine aqua, nec sine multa herba facile sustinetur, neq; utilis est locis consitis, quia quicquid tenerum contingere potest, carpit. Sicubi uero flumen, aut lacus est, herbae q; copia, nec minus iuxta satae fruges, id quoque genus nutriendum est: quod etiam nos facere censemus, non quia magni sit fructus, sed quia minimi oncris: attamen præstat ex se pullos, atque plumam, quam, non ut in ouibus lanam, semel decimere, sed bis anno, uere, & autumnō uellere licet, atque ob has quidem causas, si permittit locorum conditio, uel paucos utique oportet educare, singulisq; maribus ternas fœminas destinare: nam propter grauitatem plureis inire non possunt: quintiā intra cohortem, ut protecti sint, secretis angulis haras facere oportet, in quibus cubitent, & foetus edant.

De anseribus educandis, & anserario
constituendo.

CAP. XIII.

Qui uerō greges nantium possidere student, cheno-
boscia constituant, quæ tum demum uigebunt si fuerint ordinata ratione tali. Cohors ab omni cætero pecore secreta clauditur, alta nouem pedum, macceria porticibusq; circumdata, ita, ut in aliqua parte sit cella custodis: sub porticibus deinde quadratæ haræ cæmentis, uel etiam later-

culis extruuntur: quas singulas satis est habere quoquouer-
sus pedes ternos, & aditus singulos firmis ostiolis muni-
tos, quia per foeturam diligenter claudi debent, & extra
nullam: deinde non longe ab edificio si est stagnum, uel flu-
men, alia non queratur aqua: sin aliter, lacus, piscinaq; ma-
nu fiant, ut sint quibus inurinare possint aues: nam sine
isto praesidio, non magis, quam sine terreno recte uiuere
queunt. Palustris quoq; sed herbidus ager destinetur, atq;
alia pabula conscrantur, ut uicia, trifolium, foenum graecum,
sed praecipue genus intubi, quod σείρις Graeci appellant:
lactucæ quoq; in hunc usum semina uel maxime serenda
sunt, quoniam & molliissimum est olus, & libentissime ab his
auibus appetitur. Tum etiam pullis utilissima est esca, hæc
cum praeparata sunt, curandum est, ut mares foeminae que
quam amplissimi corporis, & albi coloris eligantur: nam
est aliud genus uarium, quod a fero mitigatum domesti-
cum factum est: id neq; æque foecundum est, nec tam pretio-
sum, propter quod minime nutriendum est. Anseribus ad-
mittendis tempus aptissimum est a bruma, mox ad parien-
dum, & ad incubandum a Calen. Martij usq; ad solstitium,
quod sit ultima parte mensis Iunij. Ineunt autem non, ut
piores aues, de quibus diximus, insistentes humi, nam fe-
re in flumine, aut piscinis id faciunt: singulae que ter anno
pariunt, si prohibeantur foetus suos excludere, quod ma-
gis expedit, quam quod ipsæ suos fouent: nam & a galli-
nis melius enutriuntur, & longè maior grex efficitur: pa-
riunt autem singulis foetibus oua, primo quina, sequenti
quaterna, nouissimo terna: quem partum nonnulli permit-
tunt ipsis matribus educare, quia reliquo tempore anni ua-
caturæ sunt a foetu. Minimè autem concedendum est foeminis
extra septum parere, sed cū uidebuntur sedē querere, com-
primendæ

primendæ sunt atq; tentandæ: nam si appropinquant partus, digito tanguntur oua, quæ sunt prima parte locorum genitalium: quam ob rem perducì ad haram debent, includiq; ut foetum edant: idq; singulis semel fecisse satis est, quoniam unaquæq; recurrit eodem, ubi primo peperit: sed nouissimo foetu cum uolumus ipsas incubare, notandi erunt uniuscuiusq; partus, ut suis matribus subiiciantur, quoniam negatur anser aliena excludere oua, nisi subiecta sua quoque habuerit. Supponuntur autem gallinis huius generis oua, sicut pauonina plurima quinq; , paucissima tria: ipsi autem anseribus paucissima v i i. plurima x v. Sed custodiri debet, ut ouis subiiciatur radices urticarum, quò quasi remedio medicatur, ne noceri possit excussis anserculis, quos enecant urticae, si teneros pupugerint. pullis autem formidulis excludendisq; triginta diebus opus est, cum sunt frigora: nam tepidis x x v. satis est. Sæpius tamen anser trigesimo die nascitur, atq; is dum exiguus est, decem primis diebus pascitur in hara clausus cum matre: postea cum serenitas permittit, producit in prata, et ad piscinas: cauendumq; est, ne aut aculeis urticae cõpungatur, aut esuriens mittatur in pascuum, sed ante concisis intubis: uel lactucæ folijs saturetur: nam si adhuc parum firmus, et indigens ciborum perucnit in pascuum, fruticibus, aut solidioribus herbis oblectatur ita pertinaciter, ut collum abrumpat, milium quoque, aut etiam triticum mustum cum aqua recte præbetur, atq; ubi se paulum confirmauit, in gregem coequalium compellitur, et ordeo alitur: quod et matricibus præbere non inutile est. Pullos autem non expedit plures in singulas haras, quam uicenos adijci, nec rursus omnino cum maioribus includi, quoniam ualidior enecat infirmum. Cellas, in quibus incubitant, siccissimas esse oportet, substra

substratasq; habere palcas: uel si eæ non sunt, gratissimum quodq; fœnum: cætera eadem, quæ in alijs generibus pul-
lorum seruâda sunt, ne coluber, ne uipera, felesq; aut etiam
mustela possit aspirare: quæ ferè perniciēs ad internecio-
nem prosternunt teneros. Sunt qui ordeum maceratum in-
cubantibus apponant, nec patiantur matricēs sæpius nidum
relinquere: deinde pullis exclusis primis quinque diebus
polentam, uel maceratum fār, sicut pauonibus obijciunt.
Nonnulli etiam uiride nasturtium confectum minutatim
cum aqua præbent, eaq; eis est esca iucundissima: mox ubi
quatuor mensium sunt, fāturæ maximus quisq; destinatur,
quoniam tenera ætas præcipuè habetur ad hanc rem aptis-
sima: & est facilis harum auium sagina: nam præter po-
lentam, & pollinem ter die nihil sanc aliud dari necesse est,
dummodo large bibendi potestas fiat: ne uagandi facultas
detur: sintq; calido & tenebroso loco: quæ res ad creandas
adipes multum conferunt: hoc modo duobus mensibus pin-
guescunt, & capropter etiā tenerrima pullities sæpe x l.
dubus redditur opima.

De anatibus, querquedulais, &

similibus.

CAP. XV.

Neoſſotrophij cura similis, sed maior impensa est:
Nam clausæ pascuntur anates, querquedulae, boschi-
des, phalerides, similesq; uolucres, quæ stagna, & palu-
des rimantur: locus planus eligitur, usq; munitur sublimi-
ter pedum quindecim maceria: deinde clatris superposi-
tis, uel grandi macula retibus contegitur, ne aut euolan-
di sit potestas domesticis auibus: aut aquilis, uel accipitri-
bus inuolandi. Sed ea tota maceries opere tectorio leuiga-
tur extra, intraq; ne feles, aut uipera perrepat: media de-
inde parte neoſſotrophij lacus defoditur in duos pedes al-
titudinis

titudinis, spatiumq; longitudini datur, & latitudini quantum loci conditio permittit. Ora lacus ne corrumpantur uolentia restagnantis undæ, quæ semper interfluere debet, opere signino consternuntur, eaq; non in gradus oportet erigi, sed paulatim cliuo subsidere, ut tanquam è litore descendatur in aquam. Solum autem stagni per circuitum, quod sit instar modi totius duarum partium lapidibus inculcatis, ac tectorio muniendum est, ne possit herbas euomere, præbeat quæ nantibus aquæ puram superficiem. Media rursus terrena pars esse debet, ut colocasijs confectatur, alijsq; familiaribus aquæ uiridibus, quæ inopacant auium receptacula: sunt enim quibus cordi est uel in syluulis tamaricum, aut scirporum frutetis immorari: nec ob hanc tamen causam totus locus syluulis occupetur, sed ut dixi, per circuitum uacet, ut sine impedimento, cum apertitate dici gestiunt aues, nandi uelocitate concertent. Nam quemadmodum desiderant esse ubi irrepan, & ubi delitescuntibus fluuiaticis animalibus insidientur, ita offenduntur, si non sunt libera spatia, quæ permeent extra lacum. deinde per uicinos undique pedes gramine ripæ uestiantur: sintq; post hunc agri modum circa maceriam, lapide fabricata, & expolita tectorijs pedalia in quadratum cubilia, quibus nidificent aues: eaq; contegantur intersitis buxeis, aut myrteis fruticibus, qui non excedant altitudinem parietum: statim deinde perpetuus canaliculus humi depressus construatur, per quem quotidie misti cum aqua cibi decurrant, sic enim pabulatur id genus auium: gratissima est & esca terrestris leguminis panicum, & milium, necnon & ordeum, sed ubi copia est, etiam glans, ac uinacea præbentur. Aquatilibus autem cibus, si sit facultas, datur cammarus, & riuales allecula, uel si qua sunt incrementi

menti parui fluuiorum animalia. Tempora concubitus eadem quæ cæteri syluestres alites obseruant Martij, sequentisq; mensis, per quos festuæ, surculiq; in auarijs passim spargendi sunt, ut colligere possint aues, quibus nidos construât: sed antiquissimum est, cum quis νεοαρὸ ποπῆον constitucere uolet, ut prædictarum auium circa paludes, in quibus plerunq; foetant, oua colligat, & cohortalibus gallinis subijciat: sic enim exclusi, educatiq; pulli deponunt ingenia syluestria, clausiq; uiuarijs haud dubitanter progenerant. Nam si modò captas aues, quæ consucere libero uictu, custodiæ tradere uelis, parere cunctantur in seruitute. Sed de tutela nantium uolucrum satis dictum est.

De piscinis, & piscibus alendis. CAP. XVI.

Verum opportune, dum meminimus aquatiliū animalium, ad curam perueniemus piscium, quorum redditum quamuis alienissimum agricultoribus putem (quid enim tam contrarium excogitare queam, quàm terrenum fluido) tamen non omitam, nam & harum studia rerum maiores nostri celebrauerunt, adeò quidem, ut etiam dulcibus aquis marinos clauderēt pisces, atq; eadem cura mugilem, scarumq; nutrent, qua nunc murena, & lupus educantur. Magni enim æstimabat uetus illa Romuli, & Nume rustica progenies, si urbanæ uitæ comparctur uillatica, nulla parte copiarū defici. quamobrem non solum piscinas, quas ipsi cōstruxerant, frequentabant, sed etiam quos rerū natura lacus fecerat, conuectis marinis seminibus replebāt. inde uelinus, inde etiam sabatinus, & item uulsinensis, & ciminus lupos, auratasq; procreauerunt, ac siqua sint alia piscium genera dulcis undæ tolerantia. Mox istam curam sequens ætas aboleuit, & lautitiæ locupletum maria ipsa, Neptunumq; clauserunt. Et iam cum auorum memoria

circunfertur M. Philippi (uelut urbanissimum, quod erat
luxuriosissimum) factum, atq; dictum. Nam is forte Casti-
ni, cum apud hospitem coenaret, appositumq; e uicino flu-
mine lupum degustasset, atque expulset, improbum fa-
ctum dicto prosecutus: Peream, inquit, nisi piscem putau-
i. Hoc igitur periurium multorum subtiliorem fecit gulam,
docta; , & erudita palata fastidire docuit fluuialem lu-
pum, nisi quem Tyberis aduerso torrente defatigasset. Itaq;
Terentius Varro, Nullus est, inquit, hoc seculo nebulo,
ac rhynton, qui nō iam ducat, nihil sua interisse, utrum eius-
modi piscibus, an ranis frequens habeat uiuarium. Attamen
ijsdem temporibus, quibus hanc memorabat Varro luxu-
riciam, maximè laudabatur scueritas Catonis, qui nihilo mi-
nus & ipse tutior Luculli grandi ære sestertium nullum
quadringentorum piscinas pupilli sui uenditabat. Iam enim
celebres erant deliciae popinales, cum ab mari deferrentur
uiuaria, quorum studiosissimi, uelut ante deuictarum gen-
tium Numantinus, & Isauricus, ita Sergius Orata, & Li-
cinius Muræna captorum piscium letabantur uocabulis.
Sed quoniam sic mores obcalluere, non ut hæc usitata, ue-
rum ut maxime laudabilia, & honesta iudicarentur: nos
quoque, ne uideamur tot iam seculorum feri castigatores,
hunc etiam quæstum uillaticum patrisfamiliæ demonstra-
bimus, qui siue insulas, siue maritimos agros mercatus,
propter exilitatem soli, quæ plerumq; littori uicina est, fru-
ctus terræ præcipere non poterit, ex mari redditum con-
stituat. Huius autem rei quasi primordium est naturam lo-
* facile ci contemplari, quo piscinas * facere constitueris: non
enim omnibus littoribus omne genus piscium haberi po-
test. Limosa regio planum educat piscem, uelut so-
leam, rhombum, passercem. Eadem quoque maxime idonea
est conch

est conchylis, muribus, & ostreis, purpurarūq; tum concharum pectunculis, balanis, uel sphodilis. At arenosi gurgites planos quidem non pessime, sed pelagios melius pascent, ut auratas, ac dentices, punicasq; & indigenas, umbrasue, uerū conchylis minus apti. Rursus optime saxosum mare nominis sui pisces nutrit, qui scilicet, quod in petris stabulentur, saxatiles dicti sunt, ut merule, turdiq; nec minus melanuri. Atq; ut littorum, sic & fretorum differentias nosse oportet, ne nos alienigeni pisces decipiant: nō enim omni mari potest omnis esse, ut helops, qui Paphylia profundo, nec alio pascitur, ut Atlātico faber, qui & in nostro Gadium municipio generosissimis piscibus adnumeratur, cumq; prisca cōsuetudine Zeum appellamus, ut Scaurus, qui totius Asiæ, Græciæq; littoribus Sicilia tenus frequentissimus exit nūquam in Ligusticū, nec per Gallias enauit ad Ibericū mare. Itaq; ne si capti quidē perferatur in nostra uiuaria, diuturni queant possideri. Sola ex pretiosis piscibus muræna, quamuis Tarsensis, Carpathiæq; pelagi, quod est ultimum, uernacula, quouis hospes frecto peregrinum mare sustinet. Sed iam de situ piscinarum dicendum est.

De positione piscinæ.

CAP. XVII.

STagnum censemus eximiū optimum, quod sic positum est, ut insequens maris unda priorem submoueat, nec intra conspectum sinat remanere ueterem: nanque id simile est pelago, quod agitatū uentis assidue renouatur, nec concalescere potest: quoniam gelidum ab imo fluctum reuoluit in partem superiorem. Id autem stagnum uel exciditur in petra, cuius rarissima est occasio, uel in littore construitur opere signino. Sed utcunque fabricatum est, si semper influente gurgite riget, habere debet specus iuxta solum. Eorumq; alios simplices, & rectos, quō secedant squamosi

squamosi greges, alios in cochleā retortors, nec nimis spatiosos, in quibus murenae delitescāt. Quaquām nonnullis commisceri eas cum alterius notae piscibus non placet, quia si rabie uexantur, quod huic generi uelut canino solet accidere, sceleratissime prosequuntur squamosos, plurimosq; mandendo consumunt. Itineraq; si loci natura permittit, omni lateri piscinae dari conuenit. Facilius enim uetus submouetur unda, cum quacunq; parte fluctus urget, per aduersam patet exitus. Hos autē meatus fieri censemus per imam consepti partem, si loci situs ita cōpetit, ut in solo piscinae posita libella septem pedibus sublimius esse maris æquor ostendat, nam piscibus stagni hæc in altitudine gurgitis mensura abunde est. Nec dubium, quin quanto magis imo mari uenit unda, tanto sit frigidior, quod est aptissimum nantibus. Sin autem locus, ubi uiuariū constitucere censemus, pari libra cum æquore maris est, in pedes nouē defodiatur piscina, & infra duos à summa parte cuniculus riui perducatur, curandumq; est, ut quam largissimè ueniant, quoniā modus ille aquae iacentis infra libram maris non aliter exprimitur, quam si maior recentis freti uis incesserit. Multi putant in eiusmodi stagnis logos piscibus recessus, & fluxuosos in lateribus specus esse fabricandos, quo sint opaciores æstuantibus latebræ. Sed, si recens mare non semper stagnū permeat, id facere contrarium est. Nam eiusmodi receptacula nec facile nouas admittunt aquas, nec nisi difficulter ueteres emittunt; plusq; nocet putris unda, quàm prodest opacitas. Debent tamen similes uelut cellæ parietibus exuari, ut sint, quæ protegant refugientes ardorem solis, & nihilo minus facile, quàm conceperint aquam, remittant. Verum meminisse oportebit, ut riuis, per quos exundat piscina, præfigantur aenei foraminibus exiguis cancelli, quibus

bus impediatur fuga piscium. Si uerò laxitas permittit, è litore scopulos, qui præcipue herbis algæ uestiuntur, non crit alienum per stagni spatia disponere, & quantum comminisci ualet hominis ingenium, representare faciem ueri maris, ut clausi quamminime custodiam sentiant. hac ratione stabulis ordinatis aquatile pecus inducemus. Sit quæ nobis antiquissimum meminisse etiam in fluuiatili negotio, quod in terreno præcipitur, & quid quæque ferat regione: neque enim si uelimus, ut in mari nonnunquam conspeximus, in uiuario multitudinem mullorum pascere queamus, cum sit molliissimum genus, & seruitutis indignantissimum. Raro itaque unus, aut alter de multis millibus claustra patitur. At contrà frequenter animaduertimus intra septa pelagicos greges inertis mugilis, & rapacis lupi. Quare, ut proposueram, qualitatem littoris nostri contemplerur, si uitemus scopulos, an probemus. Turdi complura genera, merulasq; , & auidas mustelas, tum etiam sine macula (nam sunt & uarij) lupos includemus. Item flutas, quæ maxime probantur, murenas, & si quæ sunt aliæ saxatilis notæ, quarum pretia uigent. Nam uile ne captare quidem, nedum alere conducit. Possunt ista eadem genera etiam littoris arenosi, stagnis contineri. Nam quæ limo, coenoq; lutescunt, ut ante iam dixi, conchilijs magis, & iacentibus apta sunt animalibus. Neque est eadem lacus positio, quæ recipit cubantes: atque eadem præbentur cibaria, & prostratis piscibus, & erectis: nanque soles, ac rhombis, & similimis animalibus, humilis in duos pedes piscina deprimitur in ea parte littoris, quæ profluo recessu nunquam destituitur. Spissi deinde clatri marginibus insiguntur, qui super aquam semper emineant, etiam cum maris æstus intumuerit. Mox præiaciuntur in gyrum

moles, ita ut complectantur sinu suo, nec tamen excedant stagni modum. Sic enim & maris atrocitas obiectu crepidinis frangitur, & in tranquillo consistens piscis sedibus suis non exturbatur, neque ipsum uivarium repletur algarum congerie, quam tempestatibus cruetat pelagi uolentia. Oportebit autem nonnullis locis moles intercidi more Mæandri: paruis sed angustis itineribus, quæ quantalibet hyemis sæuitia mare sine fluctu transmittat. Hinc esca iacentium mollior esse debet, quàm saxatiliū. Nam quia dentibus carent, aut lambunt cibos, aut integros hauriunt, mandere quidem non possunt. Itaque præberi conuenit tabentis hæcullas, & salibus excasam chalcidem, putremq; sardiniam, nec minus scaurorum branchias, uel quicquid intestini pelamis, aut lacertus gerit. Tum scombri, charchariq; & elacata uentriculos, & ne per singula enumerem salsamentorum omnium purgamenta, quæ cetariorum officinis cuerruntur. Nos autem plura nominauimus genera, non quia cuncta cunctis littoribus excurrunt, sed ut ex his aliqua, quorum erit facultas, præbeamus. Facit etiam ex pomis uiridibus adaperta ficus. Et nuces digitis infractæ sunt dandæ, nec minus elixum molle sorbum, quiq; sunt cibi sorbilibus proximi, ut mulctra, recens cascus, si loci conditio, uel lactis annona permittit: nulla tamen æquæ, quàm prædictæ salsuræ pabula commode dantur, quoniam odorata sunt: omnis enim iacens piscis magis naribus escam, quàm oculis uestigat. Nam dum supinus semper cubat, sublimius aspectat, & ea, quæ in plano sunt dextra, leuaq; non facile peruidet. Itaque cum salsamenta obiecta sunt, eorum sequens odorem perucnit ad cibos. Cæteri autem saxatiles, aut pelagici satis ex his, sed ex recentibus melius pascuntur. Nam & hæculla modò
capta

capta, & cammarus, exiguusq; gobio, & quisquis denique est incrementi minuti piscis maiorem alit. Si quando tamen hyemis sæuitia non patitur eius generis escam dari, uel sordidi panis offæ, uel si qua sunt temporis poma concisa præbentur. Ficus quidem arida semper obicitur, eximia si sit (ut Bæticæ, Numidiæq; regionum) larga. Cæterum illud committi non debet, quod multi faciunt, ut nihil præbeant, quia semetipsos etiam diu clausi tolerare possint: nam nisi piscis domini cibarijs saginatur, cum ad piscatorium forum perlatus est, macies indicat cum non esse libero mari capium, sed de custodia elatum, propter quod plurimū pretio detrahitur. Atq; hæc uillatica pastio finem præsentī disputationi faciat, ne immodico uolumine lector fatigetur. Redibimus autem sequenti exordio ad curam syluestrium pecorum, cultumq; apum.

L I V N MODERA-

TI COLVMELLÆ

DE RE RVSTICA

LIB. IX.



ENIO nunc ad tutelam pecudum syluestrium, & apium educationem, quas & ipsas Publi Siluæ uillaticas pastiones iure dixerim. Siquidem mos antiquus lepuseclis, capreisq; ac similibus feris iuxta uillam plerunque subiecta dominicis habitationibus ponebat uiuaria, ut & conspectu suo clausa uenatio possidentis oblectaret oculos, & cum exegisset usus epularum, uelut e cella promerentur. Apibus quoque dabatur sedes adhuc nostra memoria, uel in ipsis uille parietibus

excisis, uel in protectis porticibus, ac pomarijs. Quare quoniam tituli, quem scripsimus, huic disputationi ratio reddita est, ea nunc quæ proposuimus singula persequamur.

De uiuarijs faciendis, & incluendis
pecudibus feris.

C A P. I.

Feræ pecudes, ut capreoli, damæq; nec minus orygm, ceruorumq; genera, & aprorum modo lautitijs, & uoluptatibus dominorum seruiunt, modò quæstui, ac redditibus. Sed qui uenationem uoluptati suæ claudunt, contenti sunt, utcunque competit proximus ædificio loci situs, munire uiuarium, semperq; de manu cibos, & aquam præbere. Qui uerò quæstum, redditumq; desyderant, cum est uicinum uillæ nemus (id enim refert non procul esse ab oculis domini) sine cunctatione prædictis animalibus destinatur. Et si naturalis defuit aqua, uel inducitur fluens, uel infossi lacus signino consternuntur, qui receptam pluuiatilem contineant. Modus syluæ pro cuiusque facultatibus occupatur, ac si lapidis, & operæ uilitas suadeat, haud dubie cæmentis, & calce formatus circumdatur murus. Sin aliter, crudo latere, ac luto constructus. Vbi uerò neutrum patrifamiliæ conducit, ratio postulat uacerris includi: sic enim appellatur genus clatrorum: idq; fabricatur ex robore, quercu, uel subere: nam oleæ rara est occasio. Quicquid deniq; sub iniuria pluuiarum magis diuturnum est, pro conditione regionis ad hunc usum eligitur. Et si ueteris arboris truncus, siue aut crassitudo postulat, erit fissilis stipes, compluribus locis perlatus efforatur, & in circuitu uiuarij certis interuenientibus spatijs defixus erigitur, deinde per transuersa laterum caua transmittuntur ramices, qui exitus ferarum obserent. Satis est autem uacerras inter pedes ostonos defigere, ferisq; transuersis ita clatrare, ne spatiorum laxitas, quæ

uæ foraminibus interuenit, pecudi præbeat fugam. Hoc
 utem modo licet etiam latissimas regiones, tractusq; mon-
 ium claudere, sicuti Galliarum, necnon & in alijs quibus-
 lam prouincijs locorum uastitas patitur: nam & fabrican-
 lis ingens est uacerris materiæ copia, & cætera in hanc
 rem feliciter suppetunt. Quippe crebris fontibus abundat
 solum, quod est maxime prædictis generibus salutare. Tum
 etiam sua sponte pabula feris benignissime subministrat,
 præcipueq; saltus eliguntur, qui & terrenis foetibus, &
 arboreis abundant: nam ut graminibus, ita frugibus robur-
 neis opus habent, maximeq; laudantur, qui sunt feracissimi,
 quernæ glandis, & ilignæ, nec minus * cerræ, tum & * acernæ
 arbuti, cæterorumq; pomorum syluestrium, quæ diligen-
 tius persecuti sumus, cum de cohortalibus pecudibus dispu-
 taremus. Nam eadem ferè sunt pecudum syluestrium pabu-
 la, quæ domesticarum. Contentus tamen non debet esse di-
 ligens paterfamiliâs cibus, quos suapte natura terra gignit,
 sed temporibus anni, quibus syluæ pabulis carent, condita
 melle, clausis succurrere, ordeoq; alere, uel adorce farre,
 aut faba, plurimumq; etiam uinaceis, & quicquid denique
 uilissimè constiterit dare. idq; ut intelligant feræ præberi,
 unam, uel alteram domi mansuefactam conueniet im-
 mittere, quæ peruagata totum uiuarium cunctanteis ad
 obiecta cibaria pecudes perducatur. Nec solum istud per
 hyemis penuriam fieri expedit, sed cum etiam foetæ partus
 ediderint, quo melius educent natos. Imq; custos uiuarij fre-
 quenter speculari debet, si iam effoetæ sint, ut manu da-
 tis sustineantur frumentis: nec uerò patiendus est oryx, aut
 aper, aliusue quis ferus ultra quadrimatum senescere, nam
 usq; in hoc tempus capiunt incrementa, postea macescunt
 senectute, quare dum uiridis ætas pulchritudinem corporis

conferuat, ære mutandi sunt. Ceruus autem cōpluribus annis subſtineri poteſt: nam diu iuuenis poſſidetur, quod ætatis longioris uitam fortitus eſt. De minoris autem incrementi animalibus, qualis eſt lepus, hæc præcipimus, ut in ijs uiuarijs, quæ maccria munita ſunt, farraginis, & olerum fere intubi, lactucæq; ſemina paruulis arcolis per diuerſa ſpatia factis iniſciantur. Itemq; punicum cicer, uel hoc uernaculum, nec minus ordcū, & cicercula condita ex horreo promantur, & aqua cœleſti macerata obijciantur: nam ſicca non nimis ab lepuſculis appetuntur. Hæc porro animalia, uel ſimilia his (etiam ſilente me) facile intelligitur, quàm non expediat conferre in id uiuarium, quod uacerris circumdatum eſt, ſiquidem propter exiguitatem corporis facile clatris ſubrepunt, & liberos naſcæ egreſſus fugam moliuntur.

De apibus.

C A P. II.

Venio nunc ad alucorum curam, de quibus neque diligentius quicquam præcipi poteſt, quàm ab Higiniō iam dictum eſt, nec ornatiùs, quàm Vergilio, nec elegantius, quàm Celſo. Higinius ueterum autorum placita ſecretis diſperſa monimentis induſtriæ collegit. Vergilius poëticiſ floribus illuminauit. Celſus utriuſq; memorati adhibuit modum. Quare ne attentanda quidem nobis fuit hæc diſputationis materia, niſi quod conſummatio ſuſceptæ profeſſionis hanc quoq; ſui partem deſyderabat, ne uniuerſitas inchoati operis noſtri uelut membro aliquo reſiſo, mutila, atq; imperfecta conſpiceretur. Atq; ea, quæ Higinius fabuloſe tradiſta de originibus apum non intermiſit, poëtice magis licentiæ, quàm noſtræ fidei cōceſſerim. Nec ſane ruſtico dignū eſt ſciſcitari, fuerit ne mulier pulcherrima ſpecie Melliffa, quam Iupiter in apem cōuertit, an (ut Euhemerus poëta

ſceta dicit) crabronibus, & ſole genitas apes, quas nym-
phæ Phryxonides educauerint, mox Diſtæo ſpecu Iouis
etiſſe nutrices, eaſq; pabula munere dei ſortitas, quibus
ſe paruum educauerant alumnum. Iſta enim, quamuis
non dedecant poetam, ſummatim tamen, & uno tantum-
modo uerſiculo leuiter attigit Vergilius, cum ſic ait:

Diſtæo coeli regem pauere ſub antro.

ſed ne illud quidem pertinet ad agricolas, quando, & in
qua regione primum natæ ſint. Vtrum in Theſſalia ſub
Ariſtæo, an in inſula Cea, ut ſcribit Euhemerus, an Eri-
ſthonij tēporibus in monte Hymetto, ut Euthronius, an Cre-
tæ Saturni temporibus, ut Nicander. Non magis quàm
utrum examina, tanquam cætera uidemus animalia, concu-
bitu ſobolem procreent, an hæredem generis ſui floribus
eligant. quod affirmat noſter Maro: & utrum euomant li-
quorem mellis, an alia parte reddat. Hæc enim, et his ſimi-
lia magis ſcrutantium rerū naturæ latebras, quàm ruſtico-
rum eſt inquirere. Studioſis quoq; literarum gratiora ſunt
iſta in otio legentibus, quàm negotioſis agricolis, quoniam
neque in opere, neque in re familiari quicquam iuuant.

Quot genera ſint apum, & quod ex
iſis optimum.

CAP. III.

QUare reuertamur ad ea, quæ alueorum cultoribus
magis apta ſunt. Peripateticæ ſectæ conditor Ariſto-
teles in iſis libris, quos de animalibus conſcripſit, apum ſiue
examinum genera complura demonſtrat, earumq; alias
haſtas, ſed glomeroſas, eaſdemq; nigras, & hirsutas apcis
habent: alias minores quidem, ſed æquæ rotundas, & infuſci
coloris, horridiq; pili. alias magis exiguas, nec tam rotun-
das, ſed obeſas tamen, & latas, coloris meliuſculi, nonnul-
las minimas, gracilesq; & acuti aluei ex aureolo, uarias,
atq;

atque leues, cuiusq; auctoritatem sequens Vergilius maxime probat paruulas, oblongas, leues, nitidas, ardentes auro, & paribus lita corpora guttis, moribus etiã placidis. Nam quanto grandior apis, atq; etiam rotundior, tanto peior. Si uerò seuior maxime pessima est, sed tamen iracundia notæ melioris apium facile delinitur assiduo interuentu eorum, qui curant aluearia: nam cum sæpius tractantur, celerius mansuescunt. Durantq; si diligenter excultæ sunt, in annos decem, nec ullum examen hanc ætatem potest excedere, quamuis in demortuarum locum quotannis pullos substituant. Nam fere decimo ab internicione anno, gens uniuersa totius aluci consumitur. Itaq; ne hoc in toto apiario fiat, semper propaganda erit soboles, obseruandumq; uere cum se noua profundent examina, ut excipiantur, & domiciliorum numerus augeatur: nam sæpe morbis intercipiuntur, quibus quemadmodum mederi oportet, suo loco dicetur.

Quales pastiones, & qui situs pastionum apum esse debeat.

CAP. IIII.

INterim per has notas, quas iam diximus, probatis apibus destinari debet pabulationes: cæq; sint secretissime, ut & noster præcipit Maro, uiduæ pccudibus, aprico, & minime procelloso cœli statu:

Quò neque sit uentis aditus, nam pabula uenti

Ferre domum prohibent: neque oues, hædiq; petulci

Floribus insultent, aut errans bucula campo

Decutiat rorem, & surgentis atterat herbas.

Eademq; regio foecunda sit fruticis exigui, & maxime thymi, aut origani, tum etiam tymbræ, uel nostratis cunilæ, quam satureiã rustici uocant. Post hæc frequēs sit incrementi maioris furculus, ut rosmarinus, & utraque cythisus. Est enim satiua, et altera suæ sp̄tis, itemq; semper uirēs pinus,

& mi

minor ilex: nā prolixior ab omnibus improbatur. Ede-
 æ quoq; nō propter bonitatē recipiūtur, sed quia præbent
 lurimum mellis. Arbores uerò sunt probatissimæ rutila,
 atq; alba ziziphus, nec minus amarāthus, tum etiam amy-
 dalæ, & persici, atq; pyri, deniq; pomiferarū pleræq; ne
 in gulis immorer. At syluestriū cōmodissimè faciūt glandi-
 era robora, quin etiam terebinthus, nec dissimilis huic len-
 iscus, & odorata cædrus. At tilia sola ex omnibus sunt no-
 centes, taxi repudiantur. Mille præterea semina uel crudo
 conspice uirentia, uel subacta sulco, flores amicissimos api-
 bus creat, ut sunt in irriguo solo frutices amelli: caules acā-
 thini, scapus asphodeli, gladiolus narcissi. At in hortensi li-
 ra consita nitent candida lilia, nec his sordidiora leucoia,
 tum punice rosæ, luteolæq; & sarranæ uiolæ, nec minus
 celestis numinis hyacinthus, coritius item, sicalusq; bulbus
 croci deponitur, qui colore, odoretq; mella. Iam uerò notæ
 uillioris innumerabiles nascuntur herbæ, cultisq; , atq; pa-
 scuis regionibus, quæ fauorum ceras exuberāt, ut uulgares
 lapsanæ, nec his pretiosior armoratia, rapistriq; olus, &
 intubi syluestris, ac nigri papaueris flores. Tum agrestis
 pastinaca, & eiusdem nominis edomita, quam Græci γα-
 πύλιον uocant. Verū ex cunctis, quæ proposui, quæq;
 omisi temporis compendia sequēs (nam inexputabilis erat
 numerus) saporis præcipui mella reddit thymus. Thymo
 deinde proxima thymbra, serpillumq; , & origanum. Ter-
 tiæ notæ, sed adhuc generosæ, marinus ros, & nostras cu-
 nila, quā dixi satureiam. Mediocris deinde gustus ama-
 ranthini, ac ziziphi flores, reliquaq; , quæ proposuimus ci-
 baria: sed ex omnibus deterrimæ notæ mel habetur nemo-
 rense, quod ex sparto, atque arbuto prouenit: uillaticum,
 quod nascitur in oleribus, & stercoreosis herbis. Et quoniā
 suum

fitum pastionum, atq; etiam genera pabulorum exposui
nunc de ipsis receptaculis, & domicilijs examinū loquar.

De sedibus apum eligendis.

CAP. V.

SEDES apibus collocanda est contra brumalem meridiē
procul a tumultu, & coetu hominum, ac pecudum, nec
calido loco, nec frigido, nam utraque re infestantur. Haec
autem sit ima parte uallis, & ut uacuae cum prodeunt pā-
bulatum apes, facilius editioribus aduolet, et collectis uten-
silibus, cum onere per procliuia non aegre deuolent. Si uil-
la situs ita competit, non est dubitandum, quin aedificio iun-
ctum apiarium maccrīa circundemus, sed in ea parte, quae
tetrīs latrinā, sterquiliniq; & balinei libera est odoribus.
Verum si positio repugnabit, nec maxima tamen incom-
moda congruent, sic quoque magis expedit, & sub oculis
domini esse apiarium: sin autem cuncta fuerint inimica,
certe uicina uallis occupetur, quod sepius descendere non
sit graue possidenti. Nam res ista maximam fidem deside-
rat, quae quoniam rarissima est interuentu domini tutius cu-
stoditur: neq; ea curatorem fraudulentum tantum, sed etiam
imundae segnitiae perosa est: aequē enim dedignatur, si
minus pure habita est, ac si tractetur fraudulenter. Sed ubi-
cunq; fuerint alucaria, non editissimo claudantur muro, qui
si metu praedonum sublimior placuerit, tribus clatis ab hu-
mo pedibus, exiguis in ordinem fenestellis apibus sit per-
uius: iungaturq; tugurium, quod & custodes habitent, et con-
datur instrumentum: sitq; maxime repletum praeparatis
alucis ad usum nouorum examinum, nec minus herbis sa-
lutaribus, & si qua sunt alia, quae languentibus adhibentur.

Palmaq; uestibulum, aut ingens olcāster obumbret,

Vt cum prima noui ducent examina reges,

Vere suo, ludetq; fauis emissā inuentus

Vicina inuitet decedere ripa calori,

Obuiq; hospitij teneat frondentibus arbos.

Tum percennis aqua, si est facultas, inducatur uel extructo canali manu detur, sine qua neque faui, neque mella, nec pul-
li deniq; figurari queunt. Siue igitur, ut dixi, præterfluens unda, uel putealis, canalibus immissa fuerit, uirgis, ac lapidibus aggeretur apum causa,

Pontibus ut crebris possint consistere, & alas

Pandere ad æstiuum solem, si forte moranteis

Sparsferit, aut præceps Neptuno immerferit Eurus.

Conferri deinde circa totum apiarium debent arbusculæ incrementi parui, maximeq; propter salubritatem. Nam sunt etiam remedio languentibus cythisi, tum deinde casie, atq; pini, & rosmarinus, quin etiam cunila, & thymi frutices; uemq; uiolarum, uel quæcunq; utiliter deponi patitur qualitas terræ. Grauis, & tetri odoris non solum uirentia, sed & quælibet res prohibeantur, sicuti cancri nidor, cum est ignibus adustus, aut odor palustri coeni, nec minus uidentur cauæ rupes, aut ualles argutæ, quas Græci ὕχρος uocant.

De uasis alucorum probandis. CAP. VI.

Igitur ordinatis sedibus, alucaria fabricanda sunt pro conditione regionis: siue illa ferax est suberis, haud dubitanter utilissimas aluos faciemus ex corticibus, quia nec hyeme rigent, nec candent æstate, siue ferulis exuberat, ijs quoque, cum sint naturæ corticis similes, è quibus commodè uasa texuntur. Si neutrum adcrit, opere textorio salicibus connectuntur: uel si nec hæc suppetent, ligno cauatae arboris, aut in tabulas defectæ fabricabuntur. Deterrima est conditio fictilium, quæ & accenduntur æstatis uaporibus, & gelantur hyemis frigoribus. Reliqua sunt alucorum genera duo, ut uel ex fimo fingantur, uel lateribus extruantur: quorum

quorum alterum iure damnauit Celsus, quoniam maximus est ignibus obnoxium: alterum probauit, quamuis incommodum eius præcipuum non dissimulauerit, quod si res potestulet, transferri non possit. Itaque non assentior ei, qui putat nihilominus eius generis habendas esse aluos. neque enim solum id repugnat rationibus domini, quod immobiles sint, cum uendere, aut alios agros instruere uelit (hoc enim commodum pertinet ad utilitatem solius patrisfamilias) sed quod ipsarum apium causa fieri debet, cum aut morbo, aut sterilitate, aut penuria locorum uexatas conueniat in aliam regionem mitti, nec propter prædictam causam moueri poterunt. hoc maxime uitandum est. Itaque quamuis doctissimi uari autoritatem reuererbar, tamen ambitione submota, quid ipse censerem, non omisi. Nam quod maxime mouet Celsum, ne sint stabula uel igni, uel furibus obnoxia, potest uitari opere lateritio circumstructis aluis, ut impediatur rapina prædonis, et contra flammaram uiolentiam protegantur: easdemque, cum fuerint mouendæ, resolutis structurae compagibus, licebit transferre.

Quemadmodum aluei collocandi sint.

CAP. VII.

Sed quoniam plerisque uidetur istud operosum, qualicumque uasa placuerint collocari, debet suggestus lapideus extendi per totum apiarium in tres pedes altitudinis, totidemque crassitudinis, isque sic extructus, diligenter opere tectorio leuigari, ita ne ascensus lacertis, aut anguibus, alijs uel noxijs animalibus præbeatur. superponuntur deinde, siue (ut Celso placet) lateribus facta domicilia, siue (ut nobis) aluearia, præterquam à tergo circumstructa, seu quod penè omnium in usu est, qui modo diligenter ista curant, per ordinem uasa disposita ligantur, uel laterculis, uel

cemen

cœmētis, ita ut singula binis parietibus angustis cōtinean-
 tur, liberæq; frontes utrinq; sint. Nam & quæ procedunt,
 nonnunquam patefaciendæ sunt, & multo magis a tergo,
 quia subinde curantur examina. Sin autē nulli parietes al-
 ueis interueniēt, sic tamen collocandæ erunt, ut paulum al-
 tera ab altera distet, ne, cum inspiciuntur ea, quæ in cura-
 tione tractantur, hærentem sibi alterā concutiat, uicinasq;
 apes cōterat, quæ omnē motum imbecillis cereis operibus
 suis, tanquam ruinam timent. Ordines quidem uasorum su-
 perinstructos in altitudinem treis esse abunde est, quoniam
 summum sic quoq; parum commode curator inspicit. Ora
 cauearum, quæ præbent apibus uestibula, proniora sint,
 quàm terga, ne influant imbres, & si forte tamen ingressi
 fuerint, non immorentur, sed per aditum effluent. propter
 quod conuenit alucaria porticibus supermuniri. sin aliter,
 luto punico frondibus illinitis adumbrari. quod tegmen
 cum frigora, & pluuias, tū æstus arcet. Nec tamen ita no-
 cet huic generi calor æstus, ut hyems, itaq; semper ædi-
 ficiū sit post apiarium, quod aquilonis excipiat iniuriā,
 stabulisq; præbeat teporem. Nec minus ipsa domicilia, quā
 uis ædificio protegantur, obuerse tamen ad hybernum o-
 rientem componi debebunt, ut apicum habeant, apes ma-
 tulinū egressum, & sint experrectiores. Nā frigus igna-
 uiam creat, propter quod etiam foramina, quibus exitus,
 aut introitus datur, angustissima esse debent, ut quammi-
 nimum frigoris admittant: eaq; satis est ita forari, ne pos-
 sint capere plus unius apis incrementum, sic nec uenena-
 tus stellio, nec obscænum scarabæi, uel papilionis genus
 lucifugæq; blattæ, ut ait Maro, per laxiora spatia ianuæ
 fauos populantur, atq; utilissimum est pro frequentia do-
 micilij, duos, uel tres aditus in eodem operculo distantes

inter se fieri contra fallaciam lacerti, qui uelut custos uestibuli prodeuntibus inhians apibus affert exitum, & q; pauciores intercunt, cum licet uitare pestis obsidia per aliud uadentibus effugium.

De comparandis apibus & quemadmodum syluestria examina capiuntur.

CAP. VIII.

ATq; hæc de pabulationibus, domicilijs, & sedibus eligendis abunde diximus: quibus prouisis, sequitur ut examina desyderemus. ea porro uel ære parata, uel gratuita cōtingūt. Sed quas pretio comparabimus, studiosius prædictis comprobemus notis, & earū frequētiam prius, quam mercemur, apertis aluearibus cōsyderemus. uel si nō fuerit inspiciendi facultas, certe id quod cōtemplari licet, notabimus: ut in uestibulo ianuæ complures cōsistant, & uehemēs sonus intus murmurantiū exaudiatur, atq; etiam (si omnes intra domicilium silentes forte cōquiescant) labris foramini aditus admotis, & inflato spiritu ex respondente earū subito fremitu poterimus æstimare uel multitudinem, uel paucitatē. Præcipue autē custodiendum est, ut ex uicinia potius, quàm ex peregrinis regionibus petantur, quoniam solent cœli nouitate laceßiri. quod si non contingit, ac necesse habuerimus longinquis itineribus aduchere, curabimus, ne salebris sollicitetur, optimeq; noctibus collo portabūtur. Nā diebus requies danda est, & infundendi sunt grati apibus liquores, quibus intra clausum alantur. Mox cum perlata domū fuerint, si dies superuenerit, nec aperiri, nec collocari oportebit aluē, nisi uestperi, ut apes placide mane post totius noctis requiē egrediātur, speculariq; debemus ferē triduo, an uniuersæ se profundant. quod cum faciunt, fugam meditantur. Ea remedia, quibus debeāt inhiberi

inhiberi, mox præcipimus. At quæ dono, uel aucupio contingunt, minus scrupulose probantur, quanquam nec sic quidem uelim nisi optimas possidere, cum & impensum & eandem operam custodis postulent bonæ, atq; improbæ. & quod maxime refert, non sunt degeneres intermiscendæ, quæ infament generosas. Nam minor fructus mellis respondet, cū segniora interueniunt examina. Veruntamen quoniam interdum propter conditionē locorū uel mediocre pecus (nam malum nullo quidem modo) parandum est, curam uestigandis examinibus hac ratione adhibebimus. Vbicunq; saltus sunt idonei, mellifici nihil antiquius, quàm apes quibus utantur, uicinos eligunt fontes: eos itaq; conuenit plerunq; ab hora secunda obsideri, speculariq; quæ turba sit aquatium. Nam si paucae admodū circunvolant (nisi tamen complura capita riuorum diductas faciunt rariores) intelligenda est earū penuria, propter quam locum quoq; non esse mellificum suspicabimur. At si commenant frequentes, specm quoq; aucupandi examina maiorem faciunt, eaq; sic inueniuntur. Primum quàm longe sint explorandum est, præparandumq; in hanc rem liquida rubrica, qua cum festucis illitis contigeris apum terga fontem libantium, commoratus eodem loco facilius redeuntē agnoscere poteris. At si non tarde id facient, scias eas in uicino consistere. Sin autē serius, pro moræ tēpore æstimabis distantiam loci: sed cum animaduuerteris celeriter redeuntē, si non ægre persequeris iter uolantiū, ad sedem perducere examinis. In ijs autem, quæ longius mcare uidebuntur, solertior adhibebitur cura, quæ talis est. arundinis internodiū cū suis articulis exciditur, & terebratur ab latere talea, & per id foramē exiguo melle, uel defruto instillato, ponitur iuxta fontem. deinde cum ad odorē dulcis li-

quoris complures apes irrepserūt, tollitur talca, & appo-
 sito foramini pollice non emittitur, nisi una, quæ cū euasit,
 fugā suā demonstrat obseruāti, atq; is, dū suffecit, persequi-
 tur euolantē. Cū deinde conspicere desijt apem, tū alteram
 emittit: & si eandē petit cœli partē uestigijs prioribus in-
 hæret, & si minus aliam quoq; atq; aliā foramine adaper-
 to patitur egredi, regionēq; notet, in quā plures reuolent,
 & eas persequatur, donec ad latebram perducatur exami-
 nis: quod si est ablatum specu, fumo elicitur, & cū erupit,
 cris strepitu coercetur. Nam statim sono territū, uel in fru-
 tice, uel in editiore syluæ fronde confidet, & à uestigato-
 re præparato uase reconditur. Sin autem sedem habet ar-
 boris cauæ, & aut extat ramus, quem obtinent, aut sunt in
 ipsius arboris trunco, tunc, si mediocritas patitur, acutis-
 sima ferra, quò celerius id fiat, præciditur primum supe-
 rior pars, quæ ab apibus uacat, deinde inferior quatenus
 uidetur inhabitari, tū recisus utraq; parte mundo uestime-
 to contegitur, quoniā hoc quoq; plurimū refert, ac si qui-
 bus rimis hiat illinitur, & ad locū perfertur: relictisq; par-
 uis (ut iā dixi) foraminibus, more cæterarū aluorū colloca-
 tur. Sed indagatorē cōuenit matutina tempora uestigandi
 eligere, ut spatiū diei habeat, quò exploret cōmeatus apū.
 Sæpe enim, si scrius cœpit eas denotare, etiā cū in propin-
 quo sunt, iustis operum peractis se recipiunt, nec remeant,
 ad aquam: quo euenit ut uestigator ignoret, quā longē
 fonte distet examen: sunt qui per initia ueris apiastrū, atq;
 (ut ille uates ait) trita meliphylla, & cærinthe ignobile
 grame aliasq; colligant similes herbas, quibus id genus ani-
 maliū delectatur, & ita aluos perfrient, ut odor & succus
 uasi inhæreat: quæ deinde mundata exiguo melle resper-
 gant, & per nemora non longē à fontibus disponant, eaq;
 cū

tum repleta sunt examinibus, domum referant, sed hoc nisi locis, quibus abundant apes, facere non expedit. Nam sæpe inania uasa nacti, qui forte prætereunt secum auferunt: neq; tamen est tanti uacua perdere complura, ut uno, uel altero potiare pleno: at in maiore copia etiam si multa intercipiuntur, plus est quod in repertis apibus acquiritur. Atq; hæc est ratio capiendi syluestria examina.

Quemadmodum uernacula examina obseruantur, & in aluos condantur. CAP. IX.

DEinceps talis altera est uernacula retinendi: semper quidem custos sedule circumire debet aluearia: neque enim ullum tempus est, quò non curam desiderent, sed eam postulant diligentiorcm, cum uernant & exundant nouis foetibus, qui nisi curatoris obsidio protinus excepti sunt, diffugiunt: quippe talis est apium natura, ut pariter quæq; plebs generetur cum regibus, qui ubi euolandi uires adepti sunt, consortia dedignantur uetustiorum, multoq; magis imperia: quippe cum rationabili genere mortalium, tum magis egentibus consilij mutis animalibus nulla sit regni societas: itaq; noui duces procedunt, cum sua iuuentute, quæ uno aut altero die in ipso domicilij uestibulo glomerata consistens, egressu suo propriæ desiderium sedis ostendit: eaq; uelut patria contenta est, si à procuratore protinus assignetur. Sin autem defuit custos, uelut iniuria repulsa peregrinam regionem petit: quod ne fiat, boni curatoris est, uernis temporibus obseruare alueos in octauam ferè dici horam, postquam non temere se noua proripiunt agmina, eorumq; egressus regressusq; ut diligentius custodiat. Nam quædam solent, cum subito cuaserunt, sine cunctatione se proripere: poterit exploratam fugam præsciscere uespertinis temporibus aurem singulis alueis admouen-

do: siquidem fere ante triduum, quàm eruptionem facturæ sint, uelut militaria signa mouentium tumultus, ac murmur exoritur: ex quo, ut uerissimè dicit Vergilius:

Corda licet uulgi præsciscere, nanq; moranteis
Martius ille æris rauci canor increpat, & uox
Auditur fractos sonitus imitata tubarum.

Itaque maxime obseruari debent, quæ istud faciunt, ut siue ad pugnam eruperint (nam inter se tanquam ciuilibus bellis, & cum alteris, quasi cum exteris gentibus præliantur) siue fugæ causa se proripuerint, præsto sit ad utrumq; casum paratus custos, pugna quidè uel unius inter se dissidentis, uel duorum examinum discordantium facile compescitur: nam ut idem ait,

Pulueris exigui iactu compressa quiescit.

Aut mulso, passo'ue, aut alio quouis liquore simili resper-so uidelicet familiari dulcedine saeuientium iras mitigante: nam eadem mirè etiam dissidentes reges conciliant. Sunt enim sæpe plures unius populi duces, & quasi procerum seditione plebs in partes diducitur: quod frequenter fieri prohibendum est, quoniam intestino bello totæ gentes cōsumuntur. Itaq; si constat principibus gratia, manet pax incruenta. Sin autem sæpius aciem dimicantibus notaueris, duces seditionū interficere curabis: dimicantium uerò prælia prædictis remedijs sedantur: ac deinde cum agmen glomeratum in proximo frondentis arbusculæ ramo con-sederit, animaduertito, an totum examen in speciem unius uue dependeat: idq; signum erit aut unum regem inesse, aut certè plures bona fide reconciliatos, quos sic patieris, dum in suum reuolent domicilium: sin autem duobus, aut etiam compluribus uelut uberibus diductum fuerit exa-men, ne dubitaueris & plures proceres, & adhuc iratos esse,

esse: atq; in ijs partibus, quibus maxime uideris apes glomerari, requirere duces debebis: itaq; succo prædictarum herbarum, id est, melissophylli, uel apiastri manu illita, ne ad tantum diffugiât, leuiter inferes digitos, & diductas apes scrutaberis, donec autorem pugnae, quæ elidere debes, reperiās.

Quæ sit forma regis apum. CAP. X.

Sunt autem ij reges maiores paulo & oblongi magis quam ceteræ apes, rectioribus cruribus, sed minus amplis pinnis pulchri coloris, & nitidi, leuesq; ac sine pilo, sine spiculo, nisi quis forte pleniorē quasi capillum, quem in uentre gerunt aculeum putet, quo & ipso tamen ad nocendum non utuntur: quidam etiam infusci, atq; hirsuti reperiuntur, quorum pro habitu damnabis ingenium.

Namq; duæ regum facies, duo corpora gentis.

Alter crit maculis auro squallentibus ardens,

Et rutilis clarus squamis insignis, & ore.

Atq; maxime probatur, qui est melior: nam deterior sordido sputo similis tam foedus est, quam pulucre ab alto

Cum uenit, & sicco terram spuit ore uiator. Et, ut idē ait,

Desidia, latamq; trahens inglorius aluum.

Omnes igitur duces notæ deterioris

Dede neci, melior uacua sine regnet in aula.

Qui tamē & ipse spoliandus est alis, ubi sæpius cum examine suo conatur eruptione facta profugere: nam uelut quadam compede retinebimus erronem ducem detractis alis, qui fugæ destitutus præsidio, finem regni non audet excedere, propter quod ne ditionis quidem suæ populo permutat longius euagari.

Quomodo apium paucitas

emendetur.

CAP. XI.

Sed nonnunquam necandus est, cum uetus alucare numero

mero apum destituitur, atq; infrequentia eius aliquo examine replenda est. Itaq; cum primo uere in eo uase nata est pullities, nouus rex eliditur, ut multitudo siue discordia cum parentibus suis conuersetur: quòd si nullam progeniem tulerint faui, duas, uel tres alucorum plebes in unum contribuere licebit, sed prius respersas dulci liquore: tum demum includere, & posito cibo dum conuersari consuescant, exiguis spiramentis relictis triduo fere clausas habere. Sunt qui seniore[m] potius regem submoueant, quod est contrarium: quippe turba uetustior, si elidatur uelut quidam senatus iunioribus pareat necesse est, & si quæ sint imperia ualidiorum contumaciter spernentes, poenis, ac mortibus afficiuntur: illud tamē incommodum iuniori examini solet accidere, cum antiquarum apium relictus à nobis rex senectute deficit, quòd tanquam domino mortuo familia nimia licentia discordat, cui facile occurritur, nam ex ijs alucis, quæ plureis habent principes, dux unus eligitur: isq; translatus ad eas, quæ sine imperio sunt, rector constituitur. Potest autem minore molestia in ijs domicilijs, quæ aliqua peste uexantur, paucitas apium emendari. Nam ubi cognita est clades infrequentis aluei, quos habeat fauos oportet consyderare: tum deinde ceræ, quæ semina pullorum continet, partē recidere, in qua regij generis proles animatur: est autem facilis conspectu, quoniam ferè in ipso fine cerarum uelut papilla uberis apparet eminentior, & laxioris fistulæ, quàm sint reliqua foramina, quibus popularis notæ pulli detinentur. Celsus quidem affirmat in extremis fauis transversas fistulas esse, quæ cōtineant regios pullos. Higinius quoq; auctoritatem Græcorum sequens negat ex uernaculo (ut cæteras apes) fieri ducem, sed in circuitu fauorum paulo maiora, quàm sint plebeij seminis inueniri

inueniri recta foramina repleta quasi sorde rubri coloris, ex qua protinus alatus rex figuretur.

De condendo examine, & eius

fuga inhibenda

CAP. XII.

Est & illa uernaculi examinis cura, si forte prædicto tempore facta eruptione patriam fastidians sedem, longiorem fuga denuntiauit. Id autem significat, cum sic apes euadit uestibulū, ut nulla intrò reuolet, sed se confestim leuet sublimius. Crepitaculis æreis, aut testarum plerunq; uulgo iacentium sonitu terreatur fugiens iuuentus. Ea q;, quæ uel pauida, cum repetierit aluū maternam, & in eius aditu glomerata pependerit, uel statim se ad proximā frondem contulerit, protinus custos nouum loculamentum in hoc præparatum perliniat intrinsecus prædictis herbis: deinde guttis mellis respersum admoueat. Tum manibus, aut etiam trulla congregatas apes recondat. Atq;, uti debet, adhibita cætera cura, diligenter compositum, & illitum uas interim patiat in eodem loco esse, dum aduersperascit. Primo deinde crepusculo transferat, & reponat in ordinem reliquorum alueorum. Oportet autem etiam uacua domicilia collocata in apiarijs habere: nam sunt nonnulla examina, quæ cum processerint, statim sedē sibi querant in proximo, eandemq; occupent, quam uacuam repperint. Hæc ferè acquirendarum, ac etiam retinendarum apium traditur cura.

Remedia apum laborantium

morbo.

CAP. XIII.

Sequitur ut morbo, uel pestilentia laborantibus remedia desyderentur. Pestilentia rara in apibus perniciēs, nec tamen aliud, quàm quod in cætero pecore præcepimus, quid fieri possit reperio, nisi ut longius aluei transferantur

ferantur. Morborum autem facilius in his & causæ inspi-
ciuntur, & inueniuntur medicinae. Maximus autem annuus
earū labor est initio ueris, quo tithymalli floret frutex, &
quo sameram ulmi promunt: namq; sicut nouis pomis, ita
his primitiuis floribus illæctæ auide uescuntur post hyber-
nam famem, nil alioquin citra satietatem, tali nocete cibo,
quo cum se affatim repleuerint, profluuio alui, nisi celeri-
ter succurritur, intereunt: nam & tithymallus maiorum
quoq; animalium uentrem soluit, & propriè ulmus apium.
Eaq; causa est, cur in regionibus Italiæ, quæ sunt eius ge-
neris arboribus consitæ, raro frequentes durent apes. Itaq;
ueris principio si medicatos cibos præbeas, ijsdem reme-
dijs & prouideri potest, ne tali peste uexetur, & cum iam
laborant, sanari: nam illud quod Higinius maiores secu-
tus autores prodidit, ipse non expertus asseuerare non au-
deo, uolentibus tamen licebit experiri. Siquidem præcipit
apum corpora, quæ cum eiusmodi pestis inceßit, sub fauis
aceruatim encætæ reperiuntur, sicco loco per hyemem re-
posita circa æquinoctium uernum, cum clementia diei sua-
serit, post horam tertiam in solem proferre, ficulneoq; ci-
nere obruere. Quo factò, affirmat intra duas horas cū ui-
uido halitu caloris animatæ sunt, resumpto spiritu in præ-
paratū uas, si obijciatur, irrepere. Nos magis ne intereant,
quæ deinceps dicturi sumus, ægris examinibus exhibenda
censemus: nam uel grana mali punici tunsa, & uino ami-
nco conspersa, uel uuæ passæ cum rore syriaco pari men-
sura pinsitæ, & austero uino insuccatæ dari debent: uel
si per se ista frustra sunt, omnia eadem æquis pōderibus
in unum leuigata, & fictili uase cū aminco uineo inferu-
cta, mox etiam refrigerata lignicis canalibus apponi. Nō ul-
li rorem marinum aqua mulsa decoctum, cum gelauerit,
imbrici

ambriticibus infusum præbent libandum. Quidam bubulam, uel hominis urinam (sicut Higinius affirmat) alucis apponunt: nec non etiam ille morbus maxime est conspicuus, qui horridas, contractasq; carpit, cū frequenter aliæ mortuarū corpora domicilijs suis efferunt, aliæ intra tecta ut in publico luctu, mæsto silentio torpent. Id cum accidit, arūdinis infusi canalibus offeruntur cibi maxime decocti mellis, & cum galla, uel arida rosa detriti. Galbanum etiā, ut eius odore medicentur, incendi conuenit, passoq; & defruto uetere fessas sustinere. Optime tamen facit amelli radix, cuius est frutex luteus, purpureus flos: ea cum uetere amineo uino decocta exprimitur, & ita liquatus, eius succus datur. Higinius quidem in eo libro, quē de apibus scripsit, Aristomachus, inquit, hoc modo succurrendum laborantibus existimat. Primum, ut omnes uitiosi faui tollantur, & cibis ex integro recess ponatur: deinde ut fumigetur. Prodesse etiam putat apibus uetustate corruptis examen nouū contribuere, quamuis periculum sit, ne seditione consumuntur, ueruntamen adiecta multitudine lætaturas. Sed ut cōcordes maneant, earum apiū, quæ ex alio domicilio transferuntur, quasi peregrinæ plebis submoueri reges debere: nec tamen dubium, quin frequentissimorum examinum faui, qui iam maturos habent pullos, transferri, & subijci paucioribus debeant, ut tanquam nouæ prolis adoptione domicilia confirmetur, sed & id cum fiet, animaduertendum, ut eos fauos subijciamus, quorum pulli iam sedes suas adaperiunt, & uelut opercula foraminum obductas ceras erodunt exercentes capita: nam si fauos immaturo foetu transulerimus, emorientur pulli, cū foueri defierint. Sæpe etiam uitio, quod Græci φαγδαίναρ uocant, intereunt. Siquidē cū sit hæc apium consuetudo, ut prius tantum cerarum confi

constringant, quantum putant explere se posse, nonnunquam euenit, ut consummatis operibus cereis, ut examen conquirendi mellis causa longius euagatum subitis imbris, aut turbinibus in syluis opprimatur, & maiorem partem plebis amittat: quod ubi factum est, reliqua paucitas fauis complendis non sufficiat, tunc quæ uacuae cerarum partes computrescant, & uitij paulatim serpentibus corrupto melle ipsæ quoque apes intereant. Id ne fiat duo populi coniungi debent, qui possint adhuc integras ceras explere: uel si non est facultas alterius examinis, ipsos fauos antequam putrescant, uacuis partibus acutissimo ferro liberare: nam hoc quoque refert, ne admodum hebes ferramentum (quia non facile penetret) uehementius impressum fauos sedibus suis commoueat. Quod si factum est, apes domicilium derelinquunt. Est & illa causa interitus, quod interdum continuis annis plurimi flores proueniunt, & apes magis mellificijs, quam foetibus student: itaque nonnulli, quibus est minor harum rerum scientia, magnis fructibus delectantur, ignorantes exitium apibus imminere, quoniam & nimio fatigatæ opere plurimæ pereunt, nec ullis iuuentutis supplementis frequentatæ nouissimæ reliquæ intereunt: itaque si tale uer incesit, ut & prata, & arua floribus abundent, utilissimum est tertio quoque die alucorum exitus præcludi, exiguis foraminibus relictis, per quæ non possint apes exire, ut ab opere mellifico euocatæ, quoniam se non sperent posse ceras omnes liquoribus stipare, foetibus explerant. Atque hæc fere sunt examinum uitio laborantium remedia.

Quid quoque tempore faciant apes, & quid earum curator facere

debeat. CAP. XIII.

DEinceps illa totius anni cura, ut idem Higinius commo-

dissi

diſſime prodidit, Ab æquinoctio primo, quod menſe Mar-
 tio circa v 1 1 1. Calendas Aprilis in octaua parte arie-
 tis conficitur, ad exortum uergiliarum dies uerni tempo-
 ris habentur duodequingenta, per hos primùm ait a-
 pes curandas eſſe adapertis alueis, ut omnia purgamen-
 ta, quæ ſunt hyberno tempore congeſta, eximantur, & ut
 araneis, qui fauos corrumpunt, detractis, ſumus immittatur
 factus incenſo bubulo ſimo, hic enim quaſi quadam cogna-
 tione generis maxime eſt apibus aptus. Vermiculi quoque
 qui tincæ uocantur, & item papiliones enecandi ſunt.
 Quæ peſtes plerunq; fauis adhærentes decidunt, ſi ſimo
 medullam bubulā miſceas, & his incenſis nidorem admo-
 ueas. Hac cura per id tēpus, quod diximus, examina firma-
 buntur. eaq; fortius operibus inferuent. Verùm maxime cu-
 ſtodiendum eſt curatori, qui apes nutrit, cum aluos tracta-
 re debet, uti pridie caſtus ſit ab rebus ueneriſ, ne ue te-
 mulentus, nec niſi lotus ad eas accedat, abſtineatq; fere ab
 omnibus redolētibus eſculentis, ut ſunt ſaſamenta, & eo-
 rum omnia eliquamina, itemq; foetentibus acrimonijs allijs,
 uel ceparū, cæterarumq; rerum ſimiliū. Duodequingage-
 ſimo die ab æquinoctio uerno, cū fit uergiliarum exor-
 tus circa v. Idus Maias incipiunt examina uiribus, & nu-
 mero augeri. Sed & iſſdem diebus intereunt quæ paucas,
 & ægras apes habent. Eodemq; tempore progenerantur
 in extremis partibus fauorum amplioris magnitudinis ſcæ-
 tus, quàm ſint cæterarum apum, eosq; nonnulli putant eſſe
 reges. Verùm quidam Græcorū autores οἰgers appellant,
 ab eo, quòd exagitent, neque patiantur examina conquie-
 ſcere. Itaq; præcipiunt eos necari. Ab exortu uergiliarum
 ad ſolſtitium, quod fit ultimo menſe Iunio circa octauam
 partem cancri, ſerè examinant alui, quo tempore uehemē-
 tius

tius custodiri debent, ne nouæ soboles diffugiant. Tuncq;
 peracto solstitio, usq; ad ortum caniculæ, qui fere dies tri-
 ginta sunt, pariter frumeta, & faui decutuntur. Sed ij quæd-
 modum tolli debeant, mox deinde, cum de cōfectura mellis
 præcipimus. Cæterū hoc eodē tempore prognerari pos-
 se apes iuuenço perempto, Democritus, & Mago nec mi-
 nus Vergilius prodiderunt. Mago quidē uentribus etiam
 bubulis idem fieri affirmat. Quā rationem diligētius pro-
 sequi superuacuum puto, consentiens Celso, qui prudentissi-
 me ait, non tanto interitu pecus istud admitti, ut sic requi-
 rendū sit: uerū hoc tempore, & usq; in autumnī æquino-
 ctium decimo quoq; die alui aperiendæ sunt, & fumigadæ.
 Quod cū sit molestū examinibus, saluberrimū tamen esse
 conuenit. Suffitas deinde, & æstuantēs apes refrigerare
 oportet, cōspersis uacuis partibus aluorū, & quā re-
 centissimi rigoris aqua infusa: deinde si quid ablui non po-
 terit, pinnis aquilæ, uel etiam cuiuslibet uastæ alitis, quæ ri-
 gorem habent, emundari. Præterea ut tineæ, si apparue-
 rint, euerrantur, papiliones enecentur, qui plerunq; inter
 aluos morantes apibus exitio sunt. Nam & ceras erodunt,
 & stercore suo uermes prognerant, quos aluorum tinea
 appellamus. Itaq; quo tempore maluæ florent, cum est ca-
 dem maxima multitudo, si uas æneum simile miliario ue-
 spere ponatur inter aluos, & in fundū eius lumen aliquod
 demittatur, undique papiliones concurrunt: dumq; circa
 flammulam uolitant, aduruntur, quod nec facile ex angu-
 sto rursum euolare, nec rursus longius ab igne possunt re-
 cedere, cū lateribus æneis circumueniantur, ideoq; propin-
 quo ardore consumuntur. A canicula fere post diem quin-
 quagesimū arcturus oritur, cū irroratis floribus thymi, &
 cunilæ, thymbræq; apes mella conficiunt: idq; optima no-

le enitescit autumnæ æquinoctio, quod est ante Cal. Octobris, cum octauam partem libræ sol attigit. Sed inter caniculæ, & æcturi exortum cauendum erit, ne apes intercipientur uolentia crabronum, qui ante alucaria plerumque obsidiantur prodeuntibus. Post æcturi exortum circa æquinoctium libræ (sicut dixi) fauorū secūda est exemptio. Ab æquinoctio deinde quod cōficitur circa V I I I. Cal. Octobris ad Vergiliarum occasum diebus x i. & floribus tamaricis, & syluestribus frutetis apes collecta mella cibarijs hyemis reponunt, quibus nihil est omnino detrahendum, ne sæpius iniuria contristate, uelut desperatione rerum profugiant. Ab occasu Vergiliarum ad brumam, quæ fere conficitur circa V I I I. Cal. Ianuarij, in octaua parte capricorni iam recondito melle utuntur examina, eoq; usq; ad æcturi exortum sustinentur. Nec me fallit Hipparchi ratio, quæ docet solstitia, & æquinoctia non octauis, sed primis partibus signorū confici. Verum in hac ruris disciplina sequor nūc Eudoxi, & Metonis, antiquorumq; fastos astrologorum, qui sunt aptati publicis sacrificijs, quia & notior est ista uetus agricolis concepta opinio. Nec tamen Hipparchi subtilitas pinguioribus, ut aiunt, rusticorum literis necessaria est. Ergo Vergiliarum occasu primo statim conueniet aperire aluos, & depurgare quicquid immundi est, diligentiusq; curare, quoniā per tempora hyemis non expedit mouere, aut patefacere uasa. Quam ob causam dum adhuc autumnæ reliquæ sunt apricissimo die purgatis domicilijs opercula intus usq; ad fauos admouenda sunt, omni uacua parte sedeis exclusa, quo facilius angustiae cauearum per hyemem concalescant. idq; semper faciendum est etiam in ijs aluis, quæ paucitate plebis infrequentes sunt. Quicquid deinde rimarum est, aut foraminum luto, & fimo

Et fimo bubulo mistis illinemus extrinsecus, nec nisi aditus, quibus commeent, relinquemus. Et quamuis porticu protecta uasa, nihilo minus congestu culmorum, et frondium supertegemus, quantumq; res patietur à frigore, et tempestatibus muniemus. Quidā exemptis interrancis occisas aues intus includunt, quæ tempore hyberno plumis suis delitescuntibus apibus præbent teporem. Tum etiam si sunt absumpta cibaria, commodè pascuntur esurientes, nec nisi ossa earum relinquunt. Sin autem faui sufficient, permanent illibatæ. Nec quamuis amantißimas munditiarum offendunt odore suo. Melius tamen esse nos existimamus tempore hyberno fame laborantibus, ad ipsos aditus in canaliculis uel contusam, et aqua madefactam ficu aridam, uel defrutum, aut passum præbere. Quibus liquoribus mundam lanam imbuere oportebit, ut insistentes apes quasi per syphonem succum euocet. Vvas etiam passas, cum infregerimus, paulum aqua respersas probe dabimus. atq; his cibarijs non solum hyeme, sed etiã quibus temporibus (ut iam supra dixi) tithymallus, atq; etiã ulmi florebut, sustinendæ sunt. Post confectam brumam diebus fere quadraginta quicquid est repositi mellis (nisi liberalius à curatore relictum sit) cõsumunt, et sæpe etiã uacuatis ceris usq; in ortum arcturi, qui est ab Idibus Februarijs iciunæ fauis accubantes torpent more serpētū, et quiete sua spiritum conseruant, quem tamen ne amittant, si longior fames incesserit, optimum est per aditum uestibuli syphonibus dulcia liquamina immittere, et ita penuriam temporum sustinere, dum arcturi ortus, et hirundinis aduentus commodiores polliceantur futuras tempestates. Itaq; post hoc tempus, cum diei permittit halaritas, procedere audet in pascua. Nam ab æquinoctio uerno sine cunctatione, iã

passim

passim uagantur, & idoneos ad foetū decerpunt flores, atq;
 intra tecta comportant. Hæc obscruanda per anni tempo-
 ra diligentissime Higinius præcipit. Cæterum illa Celsus
 adiicit, paucis locis eam felicitatem suppetere, ut apibus alia
 pabula hyberna, atq; alia præbeantur æstiuæ. Itaque quibus
 locis post ueris tempora flores idonei deficiunt, negat opor-
 tere immota examina relinqui, sed uernis passionibus ab-
 sumptis, in ea loca transferri, quæ serotinus floribus thymi,
 & origani, thymbræq; benignius apes alere possunt. Quod
 fieri ait & Achaïæ regionibus, ubi transferuntur in atti-
 cas passionibus, & Eubœa, & rursus insulis Cycladibus, cum
 ex alijs transferuntur Scyrum, nec minus in Sicilia cum ex
 reliquis eius partibus in Hyblam conferuntur. Idemq; ait
 ex floribus ceras fieri, ex matutino rore mella, quæ tanto
 meliorem qualitatem capiunt, quanto iucundiore sit mate-
 ria, cera confecta. Sed ante translationem diligenter alucos
 inspicere præcipit, ueteresq; & tineosos, & labantes fauos
 eximere. Nec nisi paucos, & optimos reseruare, & simul
 etiam ex meliore flore quàm plurimi fiant: eaq; uasa, quæ
 quis transferre uelit, non nisi noctibus & sine concussione
 portare.

De melle conficiendo, & quando ca-

strari debent alui.

CAP. XV.

MOx uere transacto sequitur, ut dixi, mellis uinde-
 mia, propter quam totius anni labor exercetur.
 Eius maturitas intelligitur cum animaduertimus fucos ab
 apibus expelli, ac fugari, quod est genus amplioris incre-
 menti similitudinem apibus. Et, ut ait Vergilius, ignauum fucos
 pecus, & sine industria fauis assidens. Nam neq; alimenta
 congerit, & ab alijs inuenta consumit. Veruntamen ad pro-
 creationem sobolis conferre aliquid hi fuci uidentur insi-
 dentes

dentes seminibus, quibus apes figurantur. Itaq; ad fouen-
 dam & educandam nouam prolem familiarius admittun-
 tur. Exclusis deinde pullis, extra tecta proturbantur. Et, ut
 idem ait, à præsepibus arcent. Hos quidam præcipiunt in to-
 tum exterminari oportere, quod ego Magoni consentiens
 faciendum non censeo, uerum sæuitiæ modum adhibendum.
 Nam nec ad occidionem gens interimenda est, ne apes in-
 tia laborent, quæ cum fuci aliquam partem cibariorum ab-
 sumunt, sarciendo damna sunt agiliores, nec rursus multitu-
 dinem prædonum coalescere patiendum est, ne uniuersas
 opes alienas diripiant. Ergo cum rixam fucorū, & apium
 sæpius committi uideris, ad apertas aluos inspicias, ut siue
 semipleni faui sint, differantur: siue iam liquore completi,
 & superpositis ceris tanquam operculis obliti demetantur.
 Dies uerò castrandi ferè matutinus occupandus est. neque
 enim conuenit æstu medio exasperatas apes laceßiri: duo-
 bus ferramentis ad hunc usum opus est sesquipedali, uel pau-
 lò ampliore mensura factis. quorum alterū sit culter oblon-
 gus ex utraq; parte acie lata, uno capite aduncum habens
 scalprum alterum prima fronte planum, & acutissimum,
 quo melius hoc faui succidantur. illo eradantur, & quicquid
 sordidum deciderit, attrahatur. Sed ubi à posteriore parte
 nullum uestibulum patefactum habuerit alucare, fumum
 admovebimus factum galbano, uel arido fimo. Ea porro
 uase fictili prunis immista conduntur: idq; uas ansatum si-
 mile augustæ ollæ figuratur, ita ut altera pars sit acutior,
 per quam modico foramine fumus emanet altera latior, &
 ore patulo, per quam possit afflari. Talis olla, cum est aluca-
 ri obiecta, spiritu admoto fumus ad apes promouetur, quæ
 confestim nidoris impatientes in priorem partem domicilij,
 & interdum extra uestibulum se conferunt, atq; ubi pote-
 stas

stas facta est liberior inspicendi, fere, si duo sunt examina
 duo genera quoq; fauorum inueniuntur. Nam etiam in con-
 cordia suum quæq; plerq; morem figurandi ceras, fingen-
 diq; obseruat. Sed omnes faui semper caucarum tectis, &
 paululum lateribus adhaerentes, dependent, ita ne solū con-
 tingant, quoniā id præbet examinibus iter. Cæterū figura
 cerarum talis est, qualis & habitus domicilij. Nam et qua-
 drata et rotunda spatia, nec minus longa suam speciem ue-
 lut formæ quædā fauis præbent. Ideoq; non semper eiusdē
 figuræ reperiuntur faui. Sed hi qualescunq; sint, nō omnes
 eximantur. Nam priore messe, dum adhuc rura pastioni-
 bus abundant, quinta pars fauorum: posteriore, cum iam
 metuitur hyems, tertia relinquenda est. Atq; hic tamen modus
 non est in omnibus regionibus certus, quoniam pro multi-
 tudine florum, & ubertate pabuli apibus consulendum est.
 At si ceræ dependentes in longitudinē decurrunt, eo ferra-
 mento, quod est simile cultro, infecandi sunt faui: deinde sub-
 lectis duobus brachijs excipiendo, atq; ita promendi. Sin au-
 tem transuersi tectis cauearū inhaerent, tunc scalprato fer-
 ramento est opus, ut aduersa fronte impressi descendant.
 Eximi autem debēt ueteres uel uitiosi, & relinqui maxime
 integri, ac melle pleni. Et siqui tandem pullos continent, ut
 examini progengerando reseruentur. Omnis deinde copia
 fauorum conferenda est in eum locum, in quo mel confi-
 cere uoles. linendaq; sunt diligenter foramina parietum
 & fenestrarum, ne quid sit apibus peruium, quæ uelut
 amissas opes suas pertinaciter uestigant, & persecutæ con-
 sumunt. Itaque ex iisdem rebus fumus etiam in aditu loci
 faciendus est, qui propulset intrare tentantes. Castrata de-
 inde alui siquæ transuersos fauos in aditu habebunt, con-
 uertendæ erunt, ut alterna uice posteriores partes uesti-

bula fiant. Sic enim proximè cum castrabuntur, ueteres potius faui, quàm noui eximentur, ceræq; nouabuntur, quæ tanto deteriores sunt, quanto uetustiores. Quòd si forte aluearia circumstructa, & immobilia fuerint, curæ erit, nobis, ut modo à posteriore modo à priore parte castrantur: idq; fieri ante dici quintam horam debebit; deinde repeti uel post nonam, uel postero mane. Sed quocunq; faui sunt demessi eodem die, dum tepent mella conficere conuenit. Saligneus qualus, uel tenui uimine rarius contextus sacculus inuersæ metæ similis, qualis est, quo uinum liquatur, obscuro loco suspenditur: in eum deinde carptim congeruntur faui. Sed adhibenda cura est, ut separentur eæ partes cerarum, quæ uel pullos habent, uel rubras sordes: nam sunt mali saporis, & succo suo mella corrumpunt. Deinde ubi liquatum mel in subiectum alucum defluxit, transfertur in uasa fictilia, quæ paucis diebus aperta sint, dum musteus fructus deferuescat: usq; sæpius ligula purgandus est. Mox deinde fragmina fauorum, quæ in sacco remanserunt, retractata exprimuntur. Atque id secundæ notæ mel defluit, & ab diligentioribus seorsum reponitur, ne quod est optimi saporis hoc adhibito, fiat deterius.

De cera facienda.

CAP. XVI.

CERÆ fructus, quamuis æris exigui, nō tamē omittendus est, cū sit eius usus ad multa necessarius. Expressæ fauorum reliquæ, posteaquā diligenter aqua dulci perlutæ sunt, in uas æneum conijciuntur: adiecta deinde aqua liquantur ignibus, quod ubi factū est, cera per stramenta, uel iuncos defusa colatur: atq; iterū similiter de integro coquitur, & in quas quisque uoluit formas, aqua prius adiecta, defunditur: eamq; concretam facile est eximere, quoniā qui subest humor non patitur formis inhaerere. Sed iam consummata

disputatione de uillaticis pecudibus, atq; passionibus, quæ reliqua nobis rusticarum rerum pars superest, de cultu hortorum, Publi Siluine, deinceps ita, ut & tibi, & Gallioni nostro complacuerat, in carmen conferemus.

L. IVN. MODERA-
TI COLVMELLAE IN
LIBRVM X. DE CVLTV
HORTORVM, PRAE-
FATIO.



OENORIS tui Siluine, quod stipulanti sponderam tibi, reliquā pensunculam percipe. Nam superioribus nouem libris hac minus parte debitū, quod nunc persoluo, reddideram: superest ergo culius hortorum insigniter neglectus quondam ueteribus agricolis, nunc uel celeberrimus: siquidem cum parrior apud priscos esset frugalitas, largior tamē pauperibus fuit usus epularum, lactis copia, ferinaq; ac domesticarum pecudum carne, uelut aqua, frumentoq; summis, atque humilimis uictum tolerantibus. Mox cum sequens, & præcipue nostra ætas dapibus libidinosis pretia constituerit, cœnaq; non naturalibus desiderijs, sed censibus æstimetur, plebeia paupertas summta à pretiosioribus cibis ad uulgares compellitur. Quare cultus hortorum, quoniam & fructus magis in usu est, diligentius nobis, quam traderunt maiores, præcipiendus est: usq; sicut instituerā pro-
sa oratione prioribus subnecteretur exordijs, nisi propositum meum expugnasset frequens postulatio tua, quæ per-
iicit, ut poeticiis numeris explerem Georgici carminis

omissas partes, quas tamen & ipse Vergilius significauerat, posteris post se memoranda relinquere, neq; enim aliter istud nobis fuerat audiendum, quam ex uoluntate uatis maxime uenerandi: cuius quasi numine instigante (pigre sine dubio propter difficultatem operis, ueruntamen non sine spe prosperi successus) aggressi sumus tenuem admodum, & penè uiduatam corpore materiam, quæ tam exilis est, ut in consummatione quidem totius operis annumerari uelut particula possit laboris nostri, per se uerò & quasi suis finibus terminata nullo modo speciose cōfici. Nam cisi multa sunt eius quasi membra, de quibus aliquid possumus effari, tamen eadem tam exigua sunt, ut (quod aiunt Græci) ex incomprehensibili paruitate arenæ funis effici non possit. Quare quicquid est istud, quod elucubrauimus, propriam sibi laudem non uendicat, ut boni consulat, si non sit dedecori prius editis à me scriptorum monumentis: sed iam præfari desinamus.

DE CULTV HORTORVM

LIBER X.



Ortorum quoq; te cultus Siluine docebo,
Atq; ea, quæ quondā spatijs exclusus iniquis
Cū caneret lætas segetes, et munera Bacchi,
Et te magna Pales, nec non cœlestia mella,
Vergilius nobis post se memoranda reliquit.
Principio sedem numeroso præbeat horto
Pinguis ager putres glebas, resolutaq; terga
Qui gerit, & fossus gracileis imitatur arenas.
Atq; habilis natura soli, quæ gramine læto
Parturit, & rutilas ebulli creat uuida baccas.

Nam neq; sicca placet, nec quæ stagnata palude
 Perpetitur querulæ semper conuicia ranæ.
 Tum quæ sponte sua frondosas educat ulmos,
 Palmitibusq; feris letatur, & aspera syluis
 Achrados, aut pruni lapidosæ obruta pomis
 Gaudet, & iniussu consternitur ubere mali:
 Sed negat helleboros, & noxia galbana succo,
 Nec patitur taxos, nec strenua toxica sudat,
 Quamuis semihominis uesano gramine foeta
 Mandragoræ pariat flores, mœstamq; cicutam;
 Nec manibus mitis ferulas, nec cruribus æquæ,
 Terga rubi, spinisq; ferat paliuron acutis,
 Vicini quoq; sint amnes, quos incola durus
 Attrahat auxilio semper sitientibus hortis,
 Aut fons illacrymet putei non sede profunda:
 Ne grauis hausturis tendentibus ilia uellat.
 Talis humus, uel parietibus, uel sepibus hirtis
 Claudatur, neu sit pecori, neu peruia furi,
 Ncu tibi Dædaleæ quærantur munera dextræ,
 Nec Polycletæ, nec Phradmonis, aut Ageladæ
 Arte laboretur, sed truncum forte dolatum
 Arboris antiquæ numen uenerare Ithyphalli
 Terribilis membri, medio qui semper in horto
 Inguinibus pucro, prædoni falce minctur.
 Ergo agè nunc cultus, & tempora quæq; serendis
 Semnibus, quæ cura satis, quo sydere primum
 Nascantur flores, Pestiq; rosaria gemment,
 Quo Bacchi genus, aut aliena stirpe grauata
 Mitis adoptatus curuetur frugibus arbos,
 Pierides tenui deducite carmine Musæ.
 Oceani sitiens cum iam canis hauserit undas,

Et paribus Titan orbem librauerit horis,
 Cum satur autumnus quassans sua tempora pomis,
 Sordidus, & musto spumanteis exprimet uuas,
 Tum mihi ferrato uersetur robore palæ
 Dulcis humus, si iam pluuijs defossa madebit.
 At si cruda manet cœlo durata sereno,
 Tum iussu ueniant decliui tramite riui,
 Terra bibat fonteis, & hiantia compleat ora.
 Quod si nec cœli, nec campi competit humor,
 Ingeniumq; loci, uel Iuppiter abnegat imbrem,
 Expectetur hyems, dum Bacchi gnosijs ardor
 Acquore cæruleo cœletur, uertice mundi,
 Solis & aduersos metuant Atlantides ortus.
 Atq; ubi iam tuto necdum confisus olympo,
 Sed trepidus profugit chelas, & spicula Phoebus
 Dira Nepe, tergoq; Croti festinat equino,
 Nescia plebs generis, matri ne parcite falsæ.
 Ista Prometheæ genitrix fuit altera Cretæ,
 Altera nos enixa parens, quo tempore sæuus
 Tellurem ponto mersit Neptunus, & imum
 Concutiens barathrum lethæas terruit undas.
 Tumq; semel stygium regem uidere trementem
 Tartara, cum pelagi streperent sub pondere manes.
 Nos fœcunda manus uiduo mortalibus orbe
 Progenerat, nos abruptæ tum montibus altis
 Deucalionæ cautes peperere: sed ecce
 Durior, æternusq; uocat labor: eia agè segnes
 Pellite nunc somnos, & curui uomere dentis
 Iam uirides lacerate comas, iam scindite amictus.
 Tu grauib; rastris cunctantia perfode terga,
 Tu penitus clatris eradere uiscera matris

*maria

Ne dubita, & summi frequentia cespitè mista
 Ponere, quæ canis iaceant urenda pruinis,
 Verberibus gelidis, iræq; obnoxia Cauri,
 Alliget & sæuus Boreas, Eurûsq; resoluat.
 Post ubi Ryp hæ torpentia frigora brumæ
 Candidus aprica Zephyrus regelaucrit aura,
 Sydereoq; polo cedit lyra mersa profundo,
 Veris & aduentum nidis cantarit hirundo:
 Rudere tum pingui, solido uel stercore aselli,
 Armentūc fimo satures iciunia terræ
 Ipse ferens olitor diductos pondere qualos.
 Pabula nec pigcat fesso præbere nouali
 Immundis, quæcunq; uomit latrina, cloacis,
 Densaq; iam pluuijs, durataq; summa pruinis
 Aequora dulcis humi, repetat mucrone bidentis.
 Mox bene cum glebis uiuacem cespitis herbam
 Contundat marræ, uel fracti dente ligonis,
 Patria maturi soluantur ut ubera campi.
 Tunc quoq; trita solo splendentia sarcula sumat,
 Angustosq; foros aduerso limite ducens
 Rursus in obliquum distinguat tramite paruo.
 Verum ubi iam puro discrimine pectita tellus,
 Deposito squallore nitens sua semina poscit,
 Pingit & in uarios terrestria sydera flores,
 Candida leucoia, & flauentia lumina calthæ,
 Narcissiq; comas, & hiantis sæua leonis
 Ora feri, calathisq; uirentia lilia canis,
 Nec non uel niucos, uel cæruleos hyacintho:
 Tu quæ pallet humi, quæ frondes purpurat auro,
 Ponatur uiola, & nimum rosa plena pudoris.
 Nunc medica panacem lacryma, succoq; salubri

Glaucea, & profugos uinctura papauera somnos
 Spargite, quæq; uiros acuunt, armanq; puellas.
 Iam Megaris ueniant genitalia semina bulbi,
 scilla Et quæ^{} sicca legit Getulis obruta glebis,
 Et quæ frugifero scribitur uicina Priapo,
 Excitet ut Veneri tardos cruce maritos.
 Iam breue charophyllum, & torpenti grata palato
 Intyba, iam teneris frondens lactucula fibris,
 Alliaq; infractis spicis, & olentia late.
 Vlpica, quæq; fabis habilis fabrilia miscet.
 Iam siscr, Assyrioq; uenit quæ semine radix,
 Sectaq; præbetur madido sociata lupino,
 Ut Pelusiaci proritet pocula Zythi.
 Tempore non alio uili quoq; salgama merce
 Capparis, & tristes inulæ, ferulæq; minaces
 Plantantur, necnon serpentina gramina mentæ.
 Et bene odorati flores sparguntur ancti,
 Rutaq; Palladiæ bacca uictura saporem,
 Seq; laceffenti fletum factura sinapis,
 Atq; oleris pulli radix, lacrymosaq; cepa
 Ponitur, & lactis gustum quæ condiat herba
 Deiectura quidem fronti data signa furcarum,
 Vimq; suam idcirco profitetur nomine Graio.
 Tum quoq; conscribitur, toto quæ plurima terræ
 Orbe uiuens pariter plebi, regi; superbo
 Frigoribus caules, & ueri cymata mittit.
 Quæ pariunt ueteres cespioso littore Cumæ,
 Quæ Marrucini, quæ signia monte Lepino,
 Pinguis item Capua, & Caudinis faucibus horti,
 Fontibus & Stabie celebres, & Vesuia rura,
 Doctaq; Parthenope Sebetide roscida lympa,

Quæ ducis Pompeia palus uicina Salinis
 Herculeis, uitreoq; siler qui defluit amni,
 Quæ duri præbent cymosa stirpe Sabelli,
 Et Turni lacus, et pomosi Tyburis arua,
 Brutia quæ tellus, et mater Aritia porri.
 Hæc ubi credidimus resolutæ semina terræ,
 Assiduo grauidam cultu, curaq; fouemus,
 Ut redeant nobis cumulato scenore messes.
 Et primum moneo largos inducere fontes,
 Ne sitis exurat concepto semine partum.
 At cum foeta suos nexus adoperta resoluit,
 Florida cum soboles materno pullulat* aluo,
 Primitijs plantæ modicos tum præbeat imbres
 Sedulus irrorans olitor, ferroq; bicorni
 Pectat, et argentem sulcis exterminet herbam.
 At si dumosis positi sunt collibus horti,
 Nec summo nemoris labuntur uertice riuï,
 Aggre præposito cumulatis area glebis
 Emineat, sicco ut consuescet puluere planta,
 Nec mutata loco siccos exhorreat æstus.
 Mox ubi nubigenæ Phryxi, nec portitor Helles
 Signorum, et pecorum princeps caput efferet undis
 Alma sinum tellus iam pandet: adultaq; poscens
 Semina depositis cupient se nubere plantis,
 Inuigilate uiri, tacito nam tempora gressu
 Diffugiunt, nulloq; sono conuertitur annus.
 Flagitat ecce suos genitrix mitissima foetus,
 Et quos enixa est partus iam quærit alendos,
 Priuignasq; rogat proles, date nunc sua matri
 Pignora, tempus adest, uiridi redimite parentem
 Progenie, tu cinge comam, tu disserere crines.

*aluo,

Nunc apio uiridi crissetur florida tellus,
 Nunc capitis porri longo resoluta capillo
 Lætetur, mollemq; sinum staphilinus inumbret.
 Nunc et odoratæ peregrino munere plantæ
 Sicanijs crocæ descendant montibus Hyblæ,
 Nataq; iam ueniant hilari sampsuca Canopo,
 Et lacrymas imitata tuas Cinercia uirgo,
 Sed melior stactis ponatur achaica myrrha,
 Et male damnati mœsto qui sanguine surgunt
 Acacij flores, immortalesq; amaranthi,
 Et quos mille parit diues natura colores,
 Disponat plantis olitor, quos semine seuit.
 Nunc ueniat quamuis oculis inimica toramble.
 Iamq; salutare properet lactuca sapore,
 Tristia quæ releuat longi fastidia morbi.
 Altera crebra uirct, fusco nitet altera crine,
 Vtraq; Cæcilij de nomine dicta Metelli.
 Tertia, quæ spisso, sed puro uertice pallet,
 Hæc sua Cappadoçæ seruat cognomina gentis
 Et mea, quam generant Tarthesi littore Gades,
 Candida uibrato discrimine, candida thyrsos est.
 Cypros item Paphio, quam pingui nutrit in aruo
 Punicea depexa coma, sed lactea crure est.
 Quot facies, totidem sunt tempora quanq; serendi.
 Cæciam primo deponit Aquarius anno,
 Cappadocamq; premit ferali mense lupercus,
 Tuq; tuis Mauors Tarthesida pange Calendis,
 Tuq; suis Paphien iterum iam pange Calendis,
 Dum cupit, et cupida quærit se iungere matri,
 Et mater facili mollißima subiacet aruo.
 Ingenera nunc sunt genitalia tempora mundi.

Nunc amor ad coitus properat, nunc spiritus orbis
 Bacchatur Veneri, stimulisq; Cupidinis actus
 Ipse suas adamat partes, & foetibus implet.
 Nunc pater æquoreus, nunc & regnator aquarum
 Ille suam Thetyn, hic pellicit Amphitritem.
 Et iam cæruleos partus enixa marito
 Vtraq; nunc reserat, pontumq; natantibus implet.
 Maximus ipse Deum posito iam fulmine fallax
 Acris ioncos ueteres imitatur amores,
 Inq; sinus matris uiolento depluit imbre.
 Nec genitrix nati nunc aspernatur amorem,
 Sed patitur nexus flammata cupidine tellus.
 Hinc maria, hinc montes, hinc totus deniq; mundus
 Ver agit: hinc hominum, pecudum, uolucrumq; cupido,
 Atq; amor ignescit menti, sæuitq; medullis,
 Dum satiata Venus fœcundos compleat artus,
 Et generet uarias soboles semperq; frequentet
 Prole noua mundum, uacuo te torpeat æuo.
 Sed quid ego infræno uolitare per æthera cursu
 Passus equos audax sublimi tramite raptos?
 Ista canat maiora Deo, quem Delphica laurus
 Impulit, & rerum causas, & sacra mouentem
 Orgia naturæ, secretaq; fœdera cœli.
 Extimulet uatem per Dindyma castra Cybelles,
 Perq; Cytheronem, Nyseaq; per iuga Bacchi,
 Per sua Parnassi, per omissa silentia Musis
 Pierij nemoris, Bacchea uoce frementem
 Delie te Pæan, & te cuiue euiue Pæan,
 Me mea Calliope cura leuiore uagantem
 Iam reuocat, paruq; iubet decurrere gyro,
 Et secum gracili connectere carmina filo,

Quæ canat inter opus musa modulante putator
 Pendulus arbutis, olitor uiridantibus hortis.
 Quare agè quod sequitur, paruo discrimine sulci
 Spargantur cæcis nasturcia dira colubris,
 Indomito male sana cibo, quas educat aluos,
 Et satureia thymi referens, thymbræq; saporem,
 Et tenero cucumis, fragiliq; cucurbita collo.
 Hispida ponatur cinara, quæ dulcis Iaccho
 Potanti ueniat, nec Phœbo grata canenti.
 Hæc modò purpurco surgit glomerata corymbo,
 Myrtiolo modò crine uiret, deflexaq; collo
 Nunc adoperta manet, nunc pinca uertice pungit,
 Nunc similis calatho, spinisq; minantibus horret,
 Pallida nonnunquam tortos imitatur achantos.
 Mox ubi sanguineis se floribus induit arbor
 Punica, quæ rutilo mitescit tegmine grani,
 Tempus haris satio, famosaq; tunc coriandra
 Nascuntur, gracili melantia grata cumino,
 Et bacca asparagi spinosa profiliu herba,
 Et malache, prono sequitur quæ uertice solem,
 Quæq; tuas audax imitatur Nisæ uitis,
 Nec metuit senteis, nam uepribus improba surgens
 Achrados, indomitasq; bionias alligat alnos.
 Nomine tum Graio, ceu littera proxima primæ,
 Pangitur in cera docti mucrone magistri,
 Sic et humo pingui ferratæ cuspidis ictu
 Deprimitur folio uiridis, pede candida, beta.
 Quin et odoratis mæsis iam floribus instat,
 Iam uer purpureum, iam uersicoloribus anni
 Foetibus alma parens cingi sua tempora gaudet.
 Iam Phrygiæ loti gemmantia lumina promunt,

Et conuiuentis oculos uiolaria soluunt,
 Oscitat, & leo, & ingenuo confusa robore
 Virgineas adoperta genas rosa præbet honores
 Cœlitibus, templisq; Sabæum miscet odorem.
 Nunc uos pegasidum comites Acheloidas oro,
 Menaliumq; choros Dryadum, nymphasq; Napeas,
 Quæ colitis nemus Amphrysi, quæ Thessala tempe,
 Quæ iuga Cyllenes, & opaci rura Lyœi,
 Antraq; Castalijs semper rorantia guttis,
 Et quæ Sicanij flores legistis Halesti,
 Cum Cereris proles uestris intenta choreis
 Acquoris Aetnei uernantia lilia carpsit,
 Raptaq; lethæi coniux mox facta tyranni
 Syderibus tristes umbras, & tartara cœlo
 Præposuit, Ditemq; Ioui, letumq; saluti,
 Et nunc inferno potitur Proserpina regno.
 Vos quoque iam posito luctu, mœstoq; timore
 Huc facili gressu teneras aduertite plantas,
 Tellurisq; comas sacris optate canistris.
 Hinc nullæ insidiæ nymphis, non ulla rapina,
 Casta fides nobis colitur, sanctiq; penates,
 Omnia plena iocis, securo plena cachinno,
 Plena mero, letisq; uirent conuiuia pratis.
 Nunc uer egelidum, nunc est mollißimus annus,
 Dum Phœbus tener, ac tenera decumbere in herba
 *Suadet, & arguto fugientes gramine fontes
 Nec rigidos potare iuuat, nec sole tepenteis,
 Iamq; Dioncis redimitur floribus hortus.
 Iam rosa mitescit, Sarrano clarior oßtro.
 Nec tam nubifugo Borea Latonia Phœbe
 Purpurco radiat uultu, nec Sirius ardor

*Gaudet.

Sic micat, aut rutilus Pyrous, aut ore corusco
 Hesperus, coo remeat cum Lucifer ortu,
 Nec tam sydereo fulget Thaumantias arcu,
 Quam nitidis hilares collucent foetibus horti.
 Quare agè uel iubare exorto, iam nocte suprema,
 Vel cum Phœbus equos in gurgite merfat Hifero,
 Sic ubi odoratas prætexit amaracus umbras,
 Carpite, narcissi q; comas, sterilis q; balausi.
 Et tu, ne Corydonis opes despernat Alexis,
 Formoso Nays puero formosior ipsa
 Fer calathis uiolam, & nigro permista ligustro
 Balsama cum casia nectens, croceosq; corymbos,
 Sparge mero Bacchi, nam Bacchus condit odores,
 Et uos agrestes, duro qui pollice molles
 Demctitis flores, cano iam uimine textum
 Syrpiculum ferrugineis cumulata hyacinthis.
 Iam rosa distendat contorti flamina iunci,
 Pressaq; flammeola rumpatur fiscina caltha,
 Mercibus & uernis diues Portunus abundet,
 Et titubante gradu multo madefactus Iaccho
 Aere sinus gerulus plenos grauis urbe reportet.
 Sed cum maturæ flauebit messis aristis,
 Atq; diem gemino Titan extenderit astro,
 Hauscrit & flammis Lernæi brachia Cancrî,
 Allia cum cepis cereale papauer aneto
 Iungite, dumq; uirent nexos deserte maniplos,
 Et celebres fortis fortunæ dicite laudes
 Mercibus exactis, hilareisq; recurrite in hortos.
 Tum quoq; proscisso, riguoq; inspersa nouali
 Ozyma comprimit, & grauib; densate cylindris,
 Exurat sata, ne resoluti pulueris æstus,

Paruulus aut pulex irrepens dente laceffat.
 Neu formica rapax populari semina possit.
 Nec solum teneras audent erodere frondes
 Implicitus conchæ limax, hirsutaq; campe:
 Sed cum iam ualido turgescit lurida caule
 Brassica, cumq; tument pallentia robora betæ,
 Mercibus atq; olitor gaudet securus adultis,
 Et iam maturis quærit supponere falcem,
 Sepe ferus duos iaculatur Iuppiter imbres
 Grandine dilapidans, hominumq; boumq; labores,
 Sepe etiam grauidis irrorat pestifer undis
 Ex quibus infestæ Baccho, glaucisq; salictis
 Nascuntur uolucres, serpitq; eruca per hortos,
 Quos super ingrediens exurit semina morsu,
 Quæ capitis uiduata coma, spoliataq; nudo
 Vertice, trunca iacent tristi consumpta ueneno.
 Hæc ne ruricolæ paterentur monstra, salutis
 Ipsa nouas artes uaria experientia rerum
 Et labor ostendit miseris, ususq; magister
 Tradidit agricolis, uentos sedare furentes,
 Et tempestatem Thuscis aduertere sacris.
 Hinc mala rubigo uirideis ne torreat herbas,
 Sanguine lactentis catuli placatur, & extis.
 Hinc caput Arcadici nudum cute fertur aselli
 Tyrrhenus fixisse Tages in limite ruris.
 Utq; Iouis magni prohiberet fulmina Tarchon,
 Sepe suas sedes percinxit uitibus albis.
 Hinc Amythaonius docuit quæ plurima Chiron,
 Nocturnas crucibus uolucres suspendit, & altis
 Culminibus* metuit feralia carmina flere.
 Sed ni dira nouas segetes animalia carpent,

*uetuit

Profuit interdum medicantem semina pingui
 Palladia sine fruge salis conspergere amurca,
 Innata'ue laris nigra satiare fauilla.
 Profuit & plantis latices infundere amaros
 Marrubij, multoq; sedi contingere succo.
 At si nulla ualeat medicina repellere pestem,
 Dardaniæ ueniant artes, nudataq; plantas
 Fœmina, quæ iustis tum demum operata inuentæ
 Legibus, obscœno manat pudibunda cruore,
 Sed resoluta sinus, resoluto mœsta capillo,
 Ter circum arcolas, & septem ducitur horti.
 Quæ cum lustrauit gradiens (mirabile uisu)
 Non aliter quàm decussa pluit arbore nimbus,
 Vel teretis mali, uel tectæ cortice glandis,
 Voluitur ad terram distorto corpore campe.
 Sic quondam magicis sopitum cantibus anguem
 Vellere Phryxco delapsum uidit Iolchos.
 Sed iam prototomos tempus decidere caules,
 Et Tartesiacos Paphiosq; reuellere thyrsos,
 Atque apio fasces, & secto cingere porro,
 Iamq; eruca salax fœcundo prouenit horto.
 Lubrica iam lapathos, iam thanni sponte uirescunt.
 Et scylla, hirsuta sepes nunc horrida rusco
 Prodit, & asparagi corruda simillima filo,
 Humidaq; andrachne sitienteis protegit antes,
 Et grauis atriplici consurgit longa fascelus.
 cylindri Tum modò dependens trichili, modò more chelidri
 Sole sub æstiuo gelidas per graminis umbras |
 Intortus cucumis, prægnansq; cucurbita serpit.
 Vna neq; est illis facies: nam si tibi cordi
 Longior est, gracili capitis quæ uertice pendet.

E' tenui collo semen lege, siue globosi
 Corporis, atq; utero ninium quæ uasta tumescit,
 Ventre leges medio, sobolem dabit illa capacem
 Naryciæ picis, aut ætæi mellis Hymeti,
 Aut habilem lymphis hamulam, Baccho'uc lagænam,
 Tum pueros eadem fluuijs innare docebit,
 Liuidus ac cucumis grauida qui nascitur aluo,
 Hirtus & ut coluber nodoso gramene tectus
 Ventre cubat flexo, semper collectus in orbem,
 Noxius exacuit morbos æstatis iniquæ.
 Foetibus hic succo, pingui quoq; semine fartus,
 At qui sub trichila manantem repit ad undam,
 Labentemq; sequens nimio tenuatur amore
 Candidus effoetæ tremebundior ubere porcæ.
 Mollior infuso calathis modo lacte gelato,
 Dulcis erit, riguoq; madescit luteus aruo,
 Et fert auxilium quondam mortalibus ægris.
 Cum canis Erigones flagrans Hyperionis æstu
 Arborcos aperit foetus, cumulataq; moris
 Candida sanguineo manat fiscella cruore,
 Tunc præcox bisera descendit ab arbore ficus,
 Armenijsq; & cereolis, prunisq; damasci
 Stipantur calathi, & pomis quæ barbara Persis
 Miserat (ut fama est) patrijs armata uenenis.
 At nunc expositi paruo discrimine lati
 Ambrosios præbent succos, oblita nocendi.
 Quin etiam eiusdem gentis de nomine dicta
 Exiguo properant mitescere Persica malo.
 Tempestiua manent, quæ maxima Gallia donat,
 Frigoribus pigro ueniunt Asiatica foetu.
 At grauis arcturi sub sydere parturit arbos

Liua. Chalcidicis, & caunis æmula Chijs,
Purpureæq; Chelidonia, pinguesq; Mariscæ,
Et Challistrutis roseo quæ semine ridet,
Albaq; quæ seruat flauæ cognomina ceræ,
Scissa Libysca simul picto quoque Lydia tergo.
Quin & Tardipedi sacris iam rite solutis
Nube noua scritur, cœli pendentibus undis
Congilis illustri mittit quam Nursia campo,
Quæq; Amiterninis defertur bunias aruis.
Sed iam maturis nos flagitat anxius uuis
Euhius, excultosq; iubet claudamus ut hortos.
Claudimus, imperioq; tuo parcimus agricolæ,
Ac metimus læti tua munera dulcis Iacche,
Inter lasciuos Satyros, Panasq; biformes
Brachia iactantes uetulo marcentia uino.
Et te Mænaliū, te Bacchum, teq; Lyæum,
Lenæumq; patrem canimus sub tecta uocantes,
Ferueat ut lacus, & multo completa falerno
Exudent pingui spumantia dolia musto.
Hactenus aruorum cultus Siluine docebam
Syderei uatis referens præcepta Maronis,
Qui primus ueteres ausus recludere fontes
Ascreum cecinit Romana per oppida carmen.

L I V N- M O D E R A-
 T I C O L V M E L L A E
 D E R E R V S T I C A
 L I B. X I.

Quæ iuxta uillam agi debeant ab homine
 officio uillicationis
 præposito.

C A P I.



L A V D I V S Augustalis tam ingenue
 nature, quam eruditionis adolescens com-
 plurium studiorum & præcipue agrico-
 lationum sermonibus instigatus excudit
 mihi, cultus hortorum prosa ut oratione
 componere. Nec me tamè fallebat hic cuetus rei, cum præ-
 dictam materiam carminis legibus implicarem: sed tibi Pu-
 bli Siluine pertinaciter expetenti uersificationis nostræ
 gustum, negare non sustinebam, facturus mox, si collibuis-
 set, quod nunc aggredior, ut olitoris curam subtexerem
 uillici officijs: quæ quamuis primo rei rusticæ libro uide-
 bar aliquatenus executus, quoniam tamen eam simili de-
 siderio noster idem Augustalis sæpius flagitabat, nume-
 rum, quem iam quasi consummaueram, uoluminū excessi,
 & hoc undecimū præceptum rusticationis memoriæ tra-
 didi. Villicum fundo, familiæq; præponi cōuenit ætatis nec
 primæ, nec ultimæ: nam seruitia sic tirunculum contem-
 nunt, ut senem, quoniam ille nondum nouit opera ruris,
 hic exequi iam non potest. Atque hunc adolescentia negli-
 gentem, senectus illum facit pigrum. Media igitur ætas
 huic officio est aptissima: poteritq; ab anno trigesimo us-
 que in sexagesimū, si non interueniāt fortuita corporis ui-
 tia, satis ualidi fungi muneribus agricolæ. Quisquis autem

destinabitur huic negotio, sit oportebit idem scientissimus, robustissimusq; , ut edoceat subiectos, & ipse commodè faciat, quæ præcipit: siquidem nihil rectè sine exemplo docetur, aut discitur. Præstatq; uillicum magistrum esse operariorum, non discipulum, cum etiam de patrefamiliâs prisce moris exemplum Cato dixerit: Male agitur cum domino, quem uillicus docet. Itaq; in œconomico Xenophon-tis, quem M. Cicero Latino sermoni tradidit, uir egregius ille Ischomachus Atheniensis rogatus à Socrate utrum ne, si res familiaris desiderasset, mercari uillicum tanquam fabrum, an à se instituere consueuerit: Ego uerò, inquit, ipse instituo. Etenim qui me absente in meum locum substituitur, & uicarius meæ diligentiae succedit, is ea, quæ ego, scire debet. Sed hæc nimium prisca, & eius quidem temporis fuit, quo idem Ischomachus negabat quenquam rusticari nescire. Nos autem memores ignorantiae nostræ uigentis sensus adolescentulos, corporisq; robusti peritissimis agricolis commendamus, quorum monitionibus, uel unus ex multis (nam est difficile erudire) non solum rusticationis, sed imperandi consequatur scientiam. Quidam enim, quamuis operum probatissimi artifices, imperitandi parum prudentes, aut seuius, aut etiam lenius agendo rem dominorum corrumpunt. Quare, sicut dixi, docendus, & à pueritia rusticis operibus educandus, multisq; prius experimentis inspiciendus erit futurus uillicus. Nec solum an perdidicerit disciplinam ruris, sed an etiam domino fidem, ac beneuolentiam exhibeat, sine quibus nihil prodest uillici summa scientia. Potissimum autem est in eo magisterio scire, & æstimare, quale officium, & qualis labor sit cuique iniungendus: nam nec ualentissimus posset exequi, quod imperatur, si nesciat quid agat: nec pertissimus, si

sit inualidus. Qualitas ita cuiusque rei consideranda est. Quippe aliqua sunt opera tantummodo uirium, tanquam promouendi onera, portandi; aliqua sociata uiribus, & arti, ut fodiendi, arandi; segetes, & prata descendi: nonnullis minus uirium, plus artis adhibetur, sicut putationibus, insitionibus uincti. Plurimum etiam scientia pollet in aliquibus, ut in pastione pecoris, atque eiusdem medicina. Quorum omnium officiorum uillicus, quem iam prius dixi, aestimator bonus esse non potest, nisi fuerit etiam peritus, ut in unoquoque corrigere queat perperam factum: neque enim satis est reprehendisse peccantem, si non doceat rectiuiam. Libenter igitur eadem loquor, tam docendus est futurus uillicus, quam futurus figulus, aut faber. Et haud facile dixerim, num illa tanto expeditiora sint discantibus artificia, quanto minus ampla sunt. Rusticationis autem magna, & diffusa materia est, partesque si uelimus eius percensere, uix numero comprehendamus. Quare satis admirari nequeo, quod primo scriptorum meorum exordio iure conquestus sum: Ceterarum artium minus uitae necessariorum repertos antistites, agriculturæ neque discipulos, neque præceptores inuentos: nisi magnitudo rei pepererit reuerentiam uel discendi, uel profitendi pene immensam scientiam, cum tamen non ideo turpi desperatione oportuerit eam negligi. Nam nec oratoria disciplina deseritur, quia perfectus orator nusquam repertus est: nec philosophia, quia nullus consummatae sapientiae: sed e contrario plurimi semetipsos exhortantur uel aliquas partes earum addiscere, quamuis uniuersas percipere non possint. Et enim quæ probabilis ratio est obmutescendi, quia nequas orator esse perfectus, aut in socordiam compelli, quia desponderis sapientiam? Magnæ rei, quantuluncumque possederis,

deris, fuisse participem, non minima est gloria. Quis ergo, inquis, docebit futurum uillicum, si nullus professor est? & ego intelligo difficilimum esse ab uno uelut autore cuncta rusticationis consequi praecepta. Veruntamen ut uniuersae disciplinae uix aliquem consultum, sic plurimos partium eius inuenias magistros, per quos efficere queas perfectum uillicum: nam & arator reperitur aliquis bonus, & optimus fossor. aut sceni sector, nec minus arborator, & uinitor, tum etiam ueterinarius, & probus pastor, qui singuli rationem scientiae suae desyderanti non subtrahant. Igitur complurium agrestium formatus artibus, qui suscepit officium uillicationis, in primis conuietum domesticum, multoque etiam magis externum uitet. Somni, & uini sit abstinentissimus, quae utraque sunt inimicissima diligentiae. Nam & ebrioso cura officij pariter cum memoria subtrahitur, & somnulo plurima effugiunt. Quid enim potest aut ipse agere, aut cuiquam dormiens imperare? Tum etiam sit à uenercis amoribus auersus, quibus si se dederit, non aliud quicquam possit cogitare, quam illud, quod diligit. Nam uitij eiusmodi pellectus animus, nec praemium iucundius, quam fructum libidinis, nec supplicium grauius, quam frustrationem cupiditatis existimat. Igitur primus omnium uigilet, familiamque semper ad opera cunctantem pro temporibus anni festinanter producat, & strenue ipse praecedat. Plurimum enim refert colonos à primo mane opus aggredi, nec lentos per otium pigre procedere. Siquidem Ischomachus idem ille, Malo inquit unius agilem, atque industriam, quam decem hominum negligentem, & tardam operam. Quippe plurimum affert mali, si operario meretricandi potestas fiat: nam ut in itinere conficiendo saepe dimudio maturius peruenit is, qui nauiter,

nauiter, & sine ullis concessationibus permicabit, quàm is,
 qui cum sit unâ prosectus umbras arborum fonticulorumq;
 amoenitatem, uel auræ refrigerationē captauit: sic in agre-
 sti negotio dici uix potest, quid nauus operarius igna-
 uo, & cessatore præstet. Hoc igitur custodire oportet uil-
 licum, ne statim à prima luce familia cunctanter, & lan-
 guide procedat, sed uelut in aliquod prælium cum uigore,
 alacritate animi procedentem eum tanquam ducem strenuè
 sequatur, uarijsq; exhortationibus in opere ipso exhila-
 ret laborantes. Et interdum tanquam deficienti succursu-
 rus ferramentum auferat parumper, & ipse fungatur eius
 officio, moneatq; sic fieri debere, ut ab ipso fortiter sit effe-
 ctum. Atq; ubi crepusculum incesserit, neminem post se re-
 linquat, sed omnes subsequatur more optimi pastoris, qui è
 grege nullam pecudē patitur in agro relinquere. Tum uerò,
 cum tectum subierit, idem faciat, quod ille diligens opilio:
 nec in domicilio suo statim delitescat, sed agat cuiusq; ma-
 ximam curam. Siue quis (quod accidit plerunq;) sauciatus
 in opere noxam ceperit, adhibeat fomenta: siue alter lan-
 guidior est, in ualutudinarium confestim deducat, & con-
 uenientem ei cæteram curationem adhiberi iubeat. Eorum
 uerò, qui recte ualebunt, non minor habenda erit ratio, ut
 cibus, & potio sine fraude à cellarijs præbeatur. Consue-
 scatq; rusticos circa larem domini, focumq; familiarem sem-
 per epulari, atque ipse in conspectu eorum similiter epule-
 tur. Sitq; frugalitatis exemplum, nec nisi sacris diebus ac-
 cubans coenet, festosq; sic agat, ut fortissimum quenque, &
 frugalissimum largitionibus prosequatur, nonnunquam
 etiam suæ mensæ adhibeat, & uelit alijs quoque honoribus
 dignari. Tum etiā per ferias instrumentū rusticū, sine quo
 nullum opus effici potest, recognoscat, & sæpius inspiciat

ferramenta : eaq; semper duplicia comparet, ac subinde re-
 secta custodiat, ne si quod in opera uitiatum fuerit, à uici-
 no petendum sit, quia plus in operis seruorum auocandis,
 quam in pretio rerum eiusmodi penditur. Cultam, uesti-
 tamq; familiam utiliter magis habeat, quam delicate, id est,
 munitam diligenter à frigoribus, & imbribus, quæ utraque
 prohibentur optimè pellibus manicatis, & sagatis cucul-
 lis : idq; si fiat, omnis pene hyemalis dies in opere tolera-
 ri possit. Quare tam uestem seruitiorum, quam, ut dixi,
 ferramenta bis debet singulis mensibus recensere : nam
 frequens recognitio nec impunitatis spem, nec peccandi
 locum præbet. Itaque mancipia uincta, quæ sunt ergastuli,
 per nomina quotidie citare debet, atque explorare, ut
 sint compedibus diligenter innexa : tum etiam custodie
 sedes an tuta, & recte munita sit : nec si quem dominus, aut
 ipse uinxerit, sine iussu patrisfamilie resoluat. Sacrificia
 nisi ex præcepto domini facere nesciat : aruspiciem, sagamq;
 sua sponte non nouerit, quæ utraque genera uana supersti-
 tione rudes animos infestant. Non urbem, non uillas nundi-
 nas nisi uendendæ, aut emendæ rei necessariæ causa frequen-
 tauerit : neque enim colonie sue terminos egredi debet, nec
 absentia sua familie cessandi, aut delinquendi spatium da-
 re. Semitas, nouosq; limites in agro fieri prohibeat. Hospi-
 tem nisi ex amicitia domini quam rarissime recipiat : ad
 ministeria sua conseruos non adhibeat. Nec ulli terminos
 egredi (nisi magna coegerit necessitas) permittat. Pecuniam
 domini neq; in pecore, nec in alijs rebus promere alibus oc-
 cupet : hæc enim res auocat ulli ei curam, & eum negotia-
 torem potius facit, quam agricolam, nec unquam sinit cum
 cum rationibus domini paria facere, sed ubi æris numerati-
 tio exigitur, res pro numis ostenditur. Itaque tam istud ui-

tare debebit, quàm hercule fugiendū uenandi, aut aucupandi studiū, quibus rebus plurimæ operæ auocatur. Iam illa, quæ etiam in maioribus imperijs difficulter custodiuntur, considerare debebit, ne aut crudelius, aut remissius agat cum subiectis: semperq; foueat bonos, & sedulos, parcat etiam minus probis, & ita temperet, ut magis eius uereantur seueritatem, quàm ut sæuitiam detestentur. Poteritq; id custodire, si maluerit cauere ne peccet operarius, quàm, cum peccauerit, serò punire. Nulla est autem uel nequissimi hominis amplior custodia, quàm quotidiana operis exactio. Nam illud uerum est M. Catonis oraculum, Nihil agendo homines male agere discunt. Itaq; curabit uillicus ut iusta reddantur. Istaq; non ægre consequentur, si semper se repræsentauerit. Sic enim & magistri singulorum officiorū diligenter exequentur sua munia: & familia post operis exercitationem fatigata cibo, quietiq; potius, ac somno, quàm maleficijs operam dabit. In uniuersa porrò uillicatione, sicut in cætera uita, pretiosissimū est intelligere quenque nescire se quod nesciat, semperq; cupere, quod ignoret addiscere. Nam etsi multum prodest scientia, plus tamen obest imprudentia, uel negligentia maxime in rusticatione, cuius disciplinæ caput semel est fecisse quicquid exegerit ratio culturæ. Nam quamuis interdum emendatum sit perperam factum uel imprudentia, uel negligentia, res tamen ipsa domino decoxit. Nec mox in tantum exuberat, ut & iacturam capitis amissi restituat, & quæstum resarciat. Prælabentis uerò temporis fuga quàm sit irreparabilis, quis dubitet? Eius igitur memor præcipue semper caueat, ne improvidus ab opere uincatur. Res est agrestis insidiosissima cunctati: quod ipsum expressius uetustissimus autor Hesiodus hoc uersu significauit,

Αἰεὶ δ' ἀμβολιόργος ἀνὴρ ἄταισι παλαίῃ.

Quare uulgare illud de arborum positione rusticis usurpatum, Sercre ne dubites : id uillicus ad agri totum cultum referri iudicet: credatq; prætermis̃sas non duodecim horas, sed annum peris̃sse, nisi sua quaq; die quod instat effecerit. Nam cum proprijs pene momentis fieri quicquam debeat, si unum opus tardius quàm oporteat peractum sit, cætera quoq; quæ sequuntur, culturæ, post iusta tempora serius adhibentur, omnisq; turbatus operis ordo spem totius anni frustratur : quare necessaria est menstrui cuiusque officij monitio ea, quæ pendet ex ratione syderũ coeli. Nam ut ait Vergilius:

—Tam sunt acturi sydera nobis

Hoedorumq; dies seruandi, lucidus anguis,

Quàm quibus in patriam uentosa per æquora uectis

Pontus & ostriferi fauces tentantur Abydi.

Contra quam obseruationẽ multis argumētationibus disse-
ruiſſe me nō inficior in ijs libris, quos aduersus astrologos
composueram. Sed illis disputationibus exigebatur id, quod
improbiſſimè Chaldæi pollicetur, ut certis quasi terminis,
ita diebus statis aeris mutationes respondeant. In hac autẽ
ruris disciplina non desideratur eiusmodi scrupulositas, sed
(quod dicitur pingui Minerna) quantũuis utile cōtinget uil-
lico tẽp̃c̃statis futuræ præſagiũ, si persuasum habuerit, mo-
dò ante, modò pòſt, interdũ etiã ſtato die orientis, uel occi-
dentis competere uim ſyderis. Nam ſatis prouidus erit, cui
licebit ante multos dies cauere ſuſpecta tempora.

Quid quoq; mense faciendum sit, temporibus
accommodando opera.

CAP. II.

ITaq; præcipientur quid quoque mense faciendum sit,
ſic temporibus accommodantes opera ruris, ut permi-
ſerit

serit status cœli. Cuius uarietatem, mutationemq; si ex hoc commentario fuerit præmonitus uillicus, aut nunquam decipietur, aut certe non frequenter: & ne discedamus ab optimo uate, qui ait, ille uere nouo terrâ proscindere incipiat. Noui autem ueris principium non sic obscurare rusticus debet, quemadmodum astrologus, ut expectet certum diem illum, qui ueris initium facere dicitur. Sed aliquid etiam sumat de parte hyemis, quoniam consumpta bruma, iam intepescit annus, permittitq; clementior dies opera moliri: possunt igitur ab Idibus Ianuarijs (ut principem mensem Romani anni obseruet) auspicari culturarum officia, quorum alia ex pristinis residua cōsummabit, neq; alia futuri temporis inchoabit. Satis autem erit per dimidios menses excqui quodq; negotium, quia neq; prædestinatum opus nimium immature uideri possit ante quindecim dies factum, nec rursus post totidem nimium tardè. Idibus Ianuarijs uentosa tempestas, & incertus status. x v i i i. Cal. Febr. tempestas incerta. x v i i. Cal. Febr. Sol in Aquarium transit, Leo mane incipit occidere, africanus, interdum auster cum pluuia. x v i. Cal. Febr. Cancer desinit occidere, hyemat. x v. Cal. Febr. Aquarius incipit oriri. uentus africanus tempestatem significat. x i. Cal. Febr. Fidicula uespere occidit, dies pluuius. i x. Cal. Febr. ex occasu pristini syderis significat tempestatem, interdum etiam tempestas. v i. Calend. Febr. Leonis quæ est in pectore clara stella occidit, nonnunquam significatur hyems bipartita. v. Calend. Februar. auster, aut africanus, hyemat, pluuius dies. i i i. Calend. Februa. delphinus incipit occidere. Item fidicula occidit. Fride Calend. Februar. eorum, quæ supra sunt, syderum occasus, tempestatem facit, interdum tantummodo significat. Hoc igitur semestrium, & deinceps sequentia tempestatibus annotatis

annotatis percensuimus, quò cautior uillicus (ut iam dixi) uel abstinere possit operibus, uel festinationem adhibere. Itaque ab idibus Ianuarijs, quod habetur tempus in brumam, & aduentum fauonij, si maior est uineæ, uel arbusi modus, quicquid ex autumno putationis superfluit, repetendum est, sed ita ne matutinis temporibus uitis saucietur, quoniam pruinis, & gelicidijs nocturnis adhuc rigentes materiæ ferrū reformidant. itaq; dum hæc regelare sinuntur, usque in horam secundam, uel tertiam poterunt uepres attenuari, ne incremento suo agrum occupent, segetes emundari, accrui uirgarum fieri, ligna deniq; confici, ut tum demum tepenti iam die putatio administretur, apricis etiā, & macris, aut aridis locis prata iam purganda, & pecore sunt defendenda, ut foeni sit copia. Siccos quoq; & pingues agros tempestiuū est proscindere. Nam & uliginosi, & mediocris habitus sub æstate, uere uel agendi sunt. Macerrimi uerò, & aridi post æstatem, primo autumno arandi, & subinde conferendi. Sed iugerū agri pinguis hoc tempore anni commodè duabus operis proscinditur, quia hybernis pluuijs adhuc madens terra facile cultum sui præbet. Eodemq; mense ante Cal. Febr. sarrienda segetes autumnales, siue illæ seminis adorei sunt, quod quidam far uernaculum uocāt, seu tritici. Eorumq; tempestiua sarritio est, cum enata frumenta quatuor fibrarū esse cœperunt. ordecum quoq; maturum quibus superest opera, nunc demum sarrire debebunt. Sed & faba candē culturam exigit, si iam coliculus eius in quatuor digitos altitudinis creuerit: nam prius sarriuissc nimium teneram nō expedit. eruum quidem melius priore mense, nec tamē improbè hoc ipso uel proximo seremus. Nam Martio nullo modo terræ committendū esse rustici præcipiūt: uineæ, quæ sunt palatæ,

lata, & ligata recte iam fodiuntur, surculi, qui primi flo-
rem afferunt, statim circa idus inferendi sunt, ut cerasorum,
tuberum, amygdalarum, persicorumq; ridicis, uel etiam
palis conficiendis, idoncum tempus est, nec minus in ædi-
ficia succidere arborem conuenit, sed utraq; melius fiunt
luna decrescente ab uigesima usq; in trigesimam, quoniam
omnis materia sic cæsa iudicatur carie non infestari. Palos
una opera cadere & exputatos acutere centum numero
potes. Ridicas autem quernecas, siue oleagincas findere,
& dedolatas utraque parte exacuere numero sexaginta.
Item ad lucubratione uespertinam palos decem, uel ridi-
cas quinq; conficere, totidemq; per antelucanam lucubra-
tionem. Materies si roborca est, ab uno fabro dolari ad
unguem per quadrata debet pedū x x. hæc crit uehis una.
Pinus autem v. & x x. pedum æque ab uno expeditur,
quæ & ipsa uehis dicitur: nec minus ulmus, & fraxinus
pedum x x x. cupressus autem pedum x l. tum etiam sex-
ageniū pedum abies, atq; populus, singulis operis ad un-
guem quadrantur, atque omnes hæ mensuræ similiter ue-
hes appellantur. His etiam diebus maturi agni, & reliqui
foetus pecudū, nec minus maiora quadrupedia caractere
signari debent. Cal. Febr. Fidis incipit occidere, uentus cu-
rinus, & interdū auster cum grandine est. i i i. nonas Feb.
Fidis tota, & leo medius occidit, corus, aut septentrio, non-
nunquam fauonius. Nonis Febr. mediæ partes Aquarij
oriuntur, uentosa tempestas. v i i. Idus Febr. Calisto sydus
occidit, fauonij spirare incipiunt. v i. Idus Februa. uentosa
tempestas. i i i. Idus Februa. curus. per hosce dies locis ma-
ritimis, & calidis, & siccis prata, uel arua purgantur, &
in foenum submittuntur. Reliquæ partes uinearum pro-
pter brumam, uel frigora omissæ, nunc palandæ, & alli-
gandæ

gandæ sunt, ne postea tumentes gemmæ ledantur, & oculi atterantur. Item vinearum fossio ijsdem locis peragenda, arbustorumq; siue putatio, siue alligatio finienda est, quorum iusta certa esse non possunt. Inter nonas deinde, & idus, pomorum seminaria facienda sunt, & maturæ plantæ de seminarijs in scrobes transferendæ. Pastinatio quoque, quæ mense Decembri, uel Ianuario cœpta est, iam nunc includenda, & uitibus conferenda est. Pastinatur autem terreni iugerum ita, ut solum in altitudinem trium pedum defodiatur operis $L \times x \times x$. uel in altitudinem dipondij semissis operis L . uel ad bipedalium, cui est altitudo duorum pedum operis $x \times L$. Hæc tamen in agro sicco surculis conferendis minima pastinationis mensura est. Nam oleis deponendis possit uel sesquipedalis altitudo satisfacere, quæ plerunque in singula iugera triginta operis conficitur. hoc eodem tempore stercoris pars in prata digerenda, pars oleis, & cæteris arboribus inspergenda. quinetiam uititaria diligenter facienda, malleolisq; quàm recentissimis curiosissimè pangenda. Populos & salices, & fraxinos, prius quàm frondcant, plantasq; ulmorum nunc ponere utile est, aut ante satas nunc exputare, & circumfodere, ac summas earum æstiuas radículas amputare. Sarmenta quoq; (uineis nondum fossis) atq; arbustorum ramos è segetibus, aut rubos, & quicquid deniq; iacens, fodientem, uel alio genere terram molientem potest impedire, nunc egere, & ad sepem applicare oportet. Rosaria noua conferere, uel antiqua curare. Arundineta nunc ponere, uel etiam pristina colere. Salicta facere, uel deputare, runcare, ac fodere. Genistam semine, uel plantis in pastinato, uel etiam sulco deponere. Trimestrium quoque satio non est aliena huic tempori, quamuis tepidis regionibus melius administratur.

stretur per mensem Ianuarium. Idibus Februarijs Sagittarius uespere occidit, uehementer hyemat. x v 1. Cal. Martij uespere crater oritur, uenti mutatio. x v. Calend. Martij sol in pisces transitum facit, nonnunquam uentosa tempestas. x i i i. & x i i. Calend. Martij fauonius, uel auster cum grandine, & nimbis. x. Calend. Martij leo desinit occidere, uenti septentrionales, qui uocantur ornithiae, per dies triginta esse solent, tum & hirundo aduenit. i x. Calend. Martij arcturus prima nocte oritur, frigidus dies aquilone, uel coro, interdum pluuia. v i i i. Calen. Martij sagitta crepusculo incipit oriri, uariae tempestates: halcyonei dies uocatur, in Atlantico quidem mari summa tranquillitas notata est. v i i. Cal. Martij uentosa tempestas, hirundo conspicitur: per hos dies frigidis locis earum rerum, quas supra scripsimus, tempestiua est administratio. Locis autem calidioribus, quamuis sera, tamen necessaria: caeterum mallcoli, & uiuiradicis positio huius temporis esse uidetur optima. Nec tamen deterior etiam inter Cal. & Idus sequentis mensis, utiq; si non sit feruentissima regio: si uero etiam magis frigida, uel melior est. Insitio quoq; arborum, atq; uitium tepidis locis hoc tempore commode administrabitur. Calend. Martij africanus, interdum auster cum grandine. v 1. Nonas Martij uindemiator apparet, quem Graeci *ῥοιζήτης* dicunt, septentrionales uenti. i i i i. Nonas Martij fauonius, interdum auster hyemat. Nonis Martij equus mane oritur, flatus aquilonis. i i i. Idus Martij piscis aquilonius desinit oriri, septentrionales uenti. Pridie Idus Martij argonauis exoritur, fauonius, aut auster, interdum aquilo. His diebus commode instruuntur horti, de quibus suo loco dicam secretius, ne inter hanc quasi turbam operum negligentius olitoris officia descripsisse uidear, aut

nunc ordinem reliquarum culturarum cœptum interrumpisse: Igitur à Cal. Martij eximia est uitium putatio usque in decimum Calend. Aprilium, si tamen se gemmæ nōdum moueant: surculi quoq; silentes ad insitionem nunc præcipue, utiliterq; leguntur, & ipsa insitio uitium, atq; arborum longè nunc est optima. Frigidis quoq; locis, & humidis uitium satio nunc præcipua est, sed & ficulnea cacumina iam tumentia utilissimè ponuntur. Sarritura quoq; frumentorum iteratur egregie: modios tres una opera rectè sarrit: prata purgare, & à pecore defendere iam tempustum est: locis quidem calidis, & siccis etiam à mense Ianuario, ut supra diximus, id fieri debet, nam frigidis uel à quinquatribus prata rectè submituntur. Scrobes omnis generis, quos eris autumnno consiturus, hoc tempore præparare oportebit: eorum quaternarij, hoc est quoquoersus pedum IIII . si est commodum terrenum, XIIII . ab uno fiunt. Ternarij autem XVIII . Cæterum ad deponendas uites, uel non magni incrementi arbores, sulcus qui sit pedum centum & uiginti, latitudine bipedanea, in altitudinem deprimi debet dipondio semisse, cumq; similiter una opera efficit. Rosarium serotinum persossum, & cultum habere iam tempus est. Oleis laborantibus circumradices amurcam, quæ salem non habeat, nunc conueniat infundere, maximis sex congijs, mediocribus arboribus urnæ satisfaciunt, cæteris æstimanda erit portio. Sed tamen quod nihil uitij habuerint, aliquanto lætiores fient, si amurca rigentur insulsa. Nonnulli hoc optimum tempus esse seminarijs instituendis dixerunt. Tum etiam baccas lauri, & myrti, cæterorumq; uiridium semina in areolas differere præceperunt: orthocissos, & ederas ab Idibus Februarij, uel etiam Cal. Martijs poni oportere ijdem censuerunt. Idibus

Mart. nepa incipit occidere, significat tempestatē. x v i i. Calen. April. nepa occidit, hyemat. x v i. Calen. April. Sol in Arietem transitum facit, fauonius, uel corus. x i i. Cal. April. equus occidit mane, septentrionales uenti. x. Calend. April. Aries incipit exoriri, pluuius dies, interdum ningit. i x. & v i i i. Calendarum Aprilium, et æquinoctiū uernum tempestatem significat. Ab Idibus eadem, quæ supra, utique peragenda sunt: optimè autem uliginosa, & pingua loca nunc demum proscinduntur: & quæ mense Ianuario ueruacta fecimus, nunc ultima parte Martij sunt iteranda, et si quæ pergula uitium generosarum, uel si quæ in agris, aut uerbis singulares arbores maritæ à putatoribus relictæ sunt, ante Calen. April. utique deputari debent, post quem diem scra, & infructuosa sit huiusmodi rerum cultura. Milij quoque, & panici hæc prima satio est, quæ peragi debet circa Idus April. utriusq; seminis sextarii quini singula iugera occupant: quinctiam pecus lanatum, ceteraq; quadrupedia tempus idoneum est castrandi. Locis autem tepidis ab Idibus Februarij usque in Idus Aprilis. In locis frigidis ab Idibus Martij usque in Idus Maias omnia recte pecora castrantur. Calend. April. nepa occidit mane, tempestatem significat. Nonas April. fauonius, aut auster cum grandine, nonnunquam hoc idem pridie. v i i i. Idus April. uergilæ uespere celantur, interdum hyemat. v i i. Id. April. & v i. & v. austri, & afri ci tempestatem significat. i i i i. Idus April. Sole oriente, Libra occidere incipit, interdum tempestatem significat. Pridie Idus April. succulæ celantur, hyemat. His diebus locis frigidis prima uincarum fossio uliq; ante Idus peragenda est: quæq; mense Martio post confectū æquinoctium fieri debuerunt, nunc denique quamprimum exequenda sunt.

Fici, uitesq; adhuc recte inferuntur: seminaria, quæ sunt ante facta, runcari, & adhuc commode fodiri possunt. Oues tarentinæ radice lanaria lauari debent, ut tonsuræ præparentur, Idibus Aprilis, ut suprâ, libra occidit, hyemat. x v i i i. Calend. Maias uentosa tempestas, & imbres, nec hoc constante. x v. Calend. Maias sol in taurum transitum facit, pluuiam significat. x i i i i. Calend. Maias sucule se uesperis celant, pluuiam significat. x i. Calend. Maias uer bipartitur, pluuiæ, & nonnunquam grando. x. Calend. Maias uergiliæ cum sole oriuntur, africanus, uel auster, dies humidus. i x. Calend. Maias prima nocte fidicula apparet, tempestatem significat. i i i i. Calend. Maias auster ferè cum pluuiæ. i i i. Calend. Maias mane capra exoritur, austrinus dies, interdum pluuiæ. Pridie Calend. Maias canis se uespere celat: tempestatem significat. Per hos dies eadem, quæ suprâ persequemur. Possuntq; si iam librum remittunt, inseri oleæ, uel emplastrari, cæteræq; pomiferæ arbores eodem emplastrationis genere inseri: sed & prima pampinatio recte inchoatur, dum prorepentes oculi digito decuti possint: si qua præterea in uincis aut fossor disturbauit, aut negligentia onusit, diligens uinitor restituere debet, & fracta iuga considerare, & resarcire, aut disiectos palos reponere, ita ne teneros pampinos explantet: eodem tempore secundi fœtus, pecudes signari oportet. Calend. Maias hoc biduo sol unam dicitur tenere particulam. v i. Nonas Maias sucula cum sole exoritur, septentrionales uenti. v. Non. Maias centaurus totus apparet, tempestatem significat. i i i. Non. Maias idem sydus pluuiam significat. Pridie Nonas Maias nepa medius occidit, tempestatem significat, Nonis Maijs Vergiliæ exoriuntur mane, fauonius. v i i. Idus Maias æstatis initium, fauo

fauonius, aut corus, interdum etiam pluuia. v i. Idus uer-
 giliae totæ apparent, fauonius, aut corus, interdum & plu-
 uia. Tertio Idus Maias fidis mane oritur, significat tem-
 pestatem. Per hos dies runcandæ segetes sunt, foenificiæ
 instituendæ. Bonus operarius prati iugerum deferat, nec
 minus mille ducentos manipulos unus obligat, qui sint sin-
 guli quaternarum librarum. Arbores quoque tempus est
 ablaqueatas circumfodere, & oprirre: una opera nouellas
 circumfodiet arbores octuaginta, mediocres l x v. ma-
 gnas quinquaginta: hoc mense seminaria omnia crebro fo-
 dere oportebit, sed à Calēdis Martijs usq; in Idus Septem-
 bres, omnibus mensibus non solum seminarijs, sed etiam
 nouellis uincis danda fossio est. Iisdem diebus, ubi præge-
 lidum, & pluuium cœlum est, olæ putantur, & emuscan-
 tur. Cæterum tepidis regionibus duobus temporibus anni
 facere istud oportebit. Primò ab Idibus Octobr. usque in
 Idus Decembres, iterum ab Idibus Febru. usque in Idus
 Martias: si tamen arbor librum non remittit, hoc eodem
 mense in pastinato seminario nouissima positio est olearis
 talcæ, eamque oportet, cum panxeris, fimo, & cincre
 mistis oblinire: & superponere muscum, ne sole findatur,
 sed hoc idem opus melius fiet ultima parte mensis Martij,
 uel prima mēsis April. et cæteris temporibus, quibus præ-
 cepimus seminaria plātis, uel ramis cōserere. Idibus Maijs
 Fidis mane exoritur, auster, aut euronotus, interdum dies
 humidus. x v i i. Calen. Iunias idem quod suprā. x v i. &
 x v. Cal. Iunias euronotus, uel auster cum pluuia. x i i i i.
 Calen. Iun. sol in geminos introitum facit. x i i. Calen. Iun.
 fuculæ exoriuntur, septentrionales uenti, nonnunquam au-
 ster cum pluuia. x i. & x. Calend. Iunias arcturus mane
 occidit, tempestatē significat. v i i i. & v i i. & v i. Cal.

Iun. capra mane exoritur, septentrionales uenti. Ab Idibus usque in Calendas Iunias ueteranam uineam priusquam florere incipiat, iterum fodere oportet, eandemq; & ceteras omnes uineas itidem pampinare. Quod si saepius feceris, puerilis una opera iugerum uincti pampinabit: quibusdam regionibus oues nunc tondentur, & pecoris nati, aut amissi ratio accipitur: item qui lupinum stercorendi agri causa ferit, tunc demum aratro subuertit. Calendis Iunijs, & I I I I. Nonas aquila exoritur, tempestas uentosa & interdum pluuia. V I I. Idus Iun. arcturus occidit, fauonius, aut corus. I I I I. Idus Iun. delphinus uespere exoritur, fauonius, interdum rorat. His diebus, si non opere uicti sumus, eadem, quæ extremo mense Maio, facienda sunt: item omnes arbores fructiferae circumfossae aggerari debent, ut ante solstitium id opus peractum sit: quinetiam pro conditione regionis, & coeli terra uel proscinditur, uel iteratur: eaq; si est difficilis, proscinditur operis tribus, iteratur duabus, tertiat una. Lirantur autem iugera duo opera una: at si facilis est terra, proscinditur iugerum duabus operis, iteratur una: lirantur una iugera quatuor, cum in subacta iam terra latiores porcae sulcantur: quæ ratio colligit, ut per autumnum facile possint uno iugo, tritici obseri modij centumquingenta, cæterorumq; leguminum modij centum. Iisdem diebus arca triturae præparanda est, ut quæq; res defecta erit, in eam conferatur. Vinearum quoque cultus, quibus maior est modus, iteratus esse debet. Ante solstitium pabulum (si facultas est) uel nunc, uel etiam superioribus x v. diebus, qui fuerint ante Calend. Iunij, pecori præberi oportet. A Calend. autem Iunijs, si iam deficit uiridis herba, usq; in ultimum autumnum frodem cæsam præbebimus. Idibus Iunijs calor incipit. x I I I. Calend. Iul. sol introit

introitum in cancro facit, tempestatem significat. x. i. Cal.
 Iunij anguifer, qui à Græcis dicitur ἀγρίος, mane occi-
 dit, tempestatem significat. viii. & vii. & vi. Cal.
 Iulij solstitium, fauonius, & calor. iiii. Calen. Iul. uentosa
 tempestas. His diebus cadem, quæ supra. Sed & uiciam in
 pabulum secare oportet, priusquam siliquæ eius durentur,
 ordeum metere, fabam serotinam ducere, fabam maturam
 conterere, & paleam eius diligenter recodere, ordeum te-
 rere, paleasq; omnes recondere, alios castrare, quas subin-
 de nono quoq; aut x. die ad Calend. Maias consyderare, &
 curare oportet. Nunc autem si sunt pleni, atque operculati
 faui demetendi sunt. Sin autem maiore parte uacant, aut si-
 ne operculis adaperiti sint, nondum esse maturos significa-
 tur, itaq; mellatio est differenda. Quidam in prouincijs trans-
 marinus uel hoc, uel sequente mense sesama serunt. Ca-
 lendis Iulij fauonius, uel auster, & calor. Quarto
 Non. Iul. corona occidit mane. Pridie Non. Iul. cancer
 medius occidit, calor. Octauo Idus Iulij capricornus me-
 dius occidit. Septimo Idus Iulij cepheus uespere exoritur.
 tempestatem significat. Sexto Idus Iul. prodromi flare
 incipiunt. His diebus cadem, quæ supra. Sed & proficissum
 ueruaetum optimè nunc iteratur, & syluestris ager decre-
 scente luna utilissimè extirpatur. Idibus Iulij procyon exo-
 ritur mane, tempestatem significat. Tertiodecimo Calend.
 Augustas sol in leonem transitum facit, fauonius. Nono
 Calendas Augustas Leonis in pectore clara stella exori-
 tur, interdum tempestatem significat. Octauo Calen. Au-
 gustas aquarius incipit occidere clarè, fauonius, uel auster.
 Septimo Calen. Augustas canicula apparet, caligo æstuo-
 sa. Sexto Calend. Augustas aquila exoritur. iiii. Calend.
 Augustas leonis in pectore claræ stellæ exoriuntur, inter-

dum tempestatem significat. III. Calend. Augustas aquila occidit, significat tempestatem. His diebus locis temperatis, & maritimis messis conficitur, & intra dies triginta qua defecta est, stramenta præcisa in acervum congeruntur. Iugerum stramentorum opera una desecat, quibus remotis prius quam sol acrior exurat terram, omnes arbores, quæ fuerant in segete, circumfodere, & adobruere oportet. Item quibus magna sementis præparatur, nunc debent iterare. Nam de fodiendis, colendis, & novellis vineis, sæpius iam dixi nullum esse mensem omittendum, donec autumnale æquinoctium conficiatur. Meminisse autem oportebit, ut per hos, & Augusti mensis dies antelucanis, & vespertinis temporibus frondem pecudibus cædamus. Item quascunque vineas culturi sumus, ne per æstum, sed mane usque in tertiam, & à decima usque in crepusculum fodiamus. Quibusdam regionibus sicut in Cilicia, & Pamphilia hoc mense scsama seruntur. Italiae autem regionibus humidis possunt ultimo mense Iun. seri. Quinetiam tempus est ficulneis arboribus caprificum suspendere. Quod quidam existimant idcirco fieri debere, ne fructus decidat, & ut celerius ad maturitatem perueniat. Cal. Augusti etesia. Pridie Non. Augusti leo medius exoritur, tempestatem significat. VII. Idus Aug. aquarius occidit medius, nebulosus æstus. Pridie Idus August. fides occidit mane, & autumnus incipit. His diebus eadem, quæ supra. Nonnullis tamen locis faui demuntur: qui si non sunt melle repleti, nec operculati, differenda est in mensem Octobr. mellatio. Idibus Aug. delphini occasus tempestatem significat. XIX. Calend. Septemb. eiusdem syderis matutinus occasus tempestatem significat. XIII. Cal. Septemb. sol in uirginē transitū facit. Hoc & sequenti die tempestatem significat, interdum

& tonat. Hoc eodem die fides occidit. Decimo Cal. Septēb.
 ex eodem sydere tempestas plerunque oritur, & pluuia.
 v i i . Calend. Septemb. uindemiator exoritur mane, & ar-
 cturus incipit occidere, interdum pluuia. i i i . Cal. Septēb.
 humeri uirginis exoriuntur, etesiae desinunt flare, & in-
 terdum hyemat. Pridie Calēd. Septemb. andromeda uesperis
 exoritur, interdum hyemat. His quidem diebus arbores fi-
 corum inoculantur, quod genus insitionis emplastratio uo-
 catur. Idq; licet uel commodius facere superiore mense post
 Idus Iul. quo tempore etiam aliarum arborum nonnulli
 emplastrationem faciunt. Quibusdam locis, ut in Batica
 maritimis regionibus, & in Africa uindemia conficitur.
 Sed frigidioribus regionibus pulurationem faciunt, quam
 uocant rustici occationem, cum omnis gleba in uineis re-
 fringitur, & resoluitur in puluerem. Hoc eodem tempore
 prius quam uineae pulueretur, si perexilis est, uel rara ipsa
 uitis, lupini modij tres, uel quatuor in singula iugera spar-
 guntur, & inoccantur, qui, cum fruticauerint, prima tum-
 patione conuersi satis bonum stercus uineis praebent. Multi
 etiā, si pluuius est status coeli, sicut suburbana regione Ita-
 liae pampinis uitem spoliant, ut percoqui fructus possint,
 nec pulrescere imbribus. At ē contrario locis calidioribus,
 ut modo nominatis prouincijs, circa uindemiam adumbran-
 tur, uel stramentis, uel alijs tegumentis uuae, ne uentis,
 aut caloribus exarescant. Hoc idem tempus est aridis uuis,
 ficisq; conficiendis, de quibus quemadmodum passae fiant,
 suo loco dicemus, cum uillicae persequemur officia. Filix
 quoque, aut carex ubicunque nascitur, Augusto mense re-
 ste extirpatur, melius tamen circa Idus Iulias ante cani-
 culae exortum. Calend. Septemb. calor. Quarto Nonas Se-
 ptemb. piscis austrinus desinit occidere, calor. Non. Se-
 ptembris

ptembris arcturus exoritur, fauonius uel corus. v i i. Idus
 Septemb. piscis aquilonius definit occidere, & capra exo-
 ritur, tempestatem significat. Tertio Idus Septembris fauo-
 nius, aut africanus, uirgo media exoritur. His diebus locis ma-
 rilimis, & calidis uindemia, & cætera, quæ supra scripta
 sunt, commodè administrantur. Iteratio quoq; arationis per-
 acta esse debet, si serius terra profcissa est. Sin autem cele-
 rius, etiam tertiatum solum esse conuenit. Hoc etiam tem-
 pore qui consueuerunt uitiam condire, aqua marinam præ-
 parant, & aduectam decoquunt: de qua conficienda, cum
 uillicæ officia exequar, præcipiam. Idib. Septemb. ex pristi-
 no sydere nonnunquam tempestatem significat. x v. Cal.
 Octob. arcturus exoritur, fauonius, aut africanus, interdum
 eurus, quem quidam uulturnum appellant. x i i i i. Calen.
 Octob. spica uirginis exoritur, fauonius, aut corus. x i i i.
 Cal. Octobris sol in libram transitum facit, crater matutino
 tempore apparet. x i. Calend. Octobris pisces occidunt
 mane, item Aries occidere incipit, fauonius, aut corus, in-
 terdum auster cum imbris. x. Calen. Octobris argonauis
 occidit, tempestatem significat, interdum etiam pluuiam.
 i x. Calend. Octobris Centaurus incipit mane oriri, tem-
 pestatem significat, interdum & pluuiam. viii. Cal. Octo-
 bris: & v i i. & v i. æquinoctium autumnale pluuiam si-
 gnificat. v. Cal. Octobris hœdi exoriuntur, fauonius, non-
 nunquam auster cum pluuiâ. i i i i. Calend. Octobris Vir-
 go definit oriri, tempestatem significat. His diebus uinde-
 miæ pluribus regionibus fiunt, quarum maturitatem alij ali-
 ter interpretati sunt. Quidam cum uidissent partem aliquam
 uuarum uirescere, crediderunt tempestiuam esse uinde-
 miam. quidam cum coloratas, & perlucidas uuas ani-
 maduertissent: nonnulli etiam cum pampinos, ac folia de-
 cidere

cidere consyderassent: quæ omnia fallacia sunt, quoniam
 imminaturis uuis eadem omnia possunt accidere, propter in-
 temperiem solis, aut anni. Itaque nonnulli gustu explorare
 maturitatem tentauerunt, ut siue dulcis esset sapor uuæ,
 siue acidus, proinde æstimarent. Sed & hæc ipsa res ha-
 bet aliquam fallaciam. Nam quædam genera uuarum nun-
 quam dulcedinem capiunt propter austeritatem nimiam.
 Itaque opportunum est (quod nos facimus) ipsam natura-
 lem contemplari maturitatem. naturalis autem maturitas
 est, si cum expresseris uinacea, quæ acinis celantur, iam
 infuscata, & nonnulla propemodum nigra fuerint. Nam
 colorem nulla res uinaccis potest afferre, nisi naturæ ma-
 turitas, præsertim cum ita media parte acinorum sint, ut
 & à sole æstiuante, & à uentis protegatur, humorq; ipse
 non patitur ea percoqui, aut infuscari, nisi suapte natura.
 Hoc igitur cum exploratum habuerit uillicus, sciat uinde-
 miam sibi esse faciendam. Sed ante quam fructum cogere
 incipiat, cuncta præparanda erunt superiore (si fieri pos-
 set) mense. Si minus, certe ut ante quindecim dies dolia
 partim picata, partim defricata, & diligenter lota marina,
 uel aqua salsa, & recte siccata. Tum & opercula, colaq;
 & cætera, sine quibus probe confici mustum non potest.
 Torcularia uerò, & fora diligenter emundata, lotaq;. Et,
 si res ita exegerit, picata, præparataq; habeat ligna, qui-
 bus defrutum, & sapam decoquat. Tum etiam salem, at-
 que odoraamenta, quibus condire uina consueuerint, multò
 ante reposita esse oportet. Nec tamē hæc cura totum auo-
 cet eum à cætera ruris cultura. Nam & napinæ, itemq;
 rapinæ siccandis locis per hos dies fiunt. Farraginata
 quoque pecori futura per hycmē præsidio. Itemq; siliquæ,
 quod rustici scœnum græcum uocant, nec minus in pabu-
 lum

lum uicia nunc demum conseruntur. Tum etiam lupini hæc erit præcipua satio, quem quidam uel ab arca protinus in agrum deferri putant oportere. Milium & panicum hoc tempore demetitur, quo fæscolus ad escam seritur. Nam ad præcipiendum semen ultima parte Octobris circa Calendas Nouembris melius obruitur. Quare cum hæc cuncta in agris exequi debeant, possit eorum curam, quæ intra uillam facienda sunt, uillicæ delegare. Ita tamen, ut ipse consideret an recte facta sint. Calendis Octobribus, & v i. Nonas interdum tempestatem significat. Quarto Non. Octobris auriga occidit mane, uirgo desinit occidere, significat nonnunquam tempestatem. i i i. Non. Octobris corona incipit exoriri, significat tempestatem. Pridie Non. Octobris hœdi oriuntur uespere, aries medius occidit, aquilo. v i i i. Idus Octobris coronæ clara stella exoritur. v i. Idus Octobris uergiliæ exoriuntur uespere, fauonius, & interdum africanus cum pluuia. Tertio, & pridie Idus Octobris corona tota mane exoritur, auster hybernus, & nonnunquam pluuia. Per hos dies frigidis regionibus uindemia & cætera, quæ supra scripta sunt, fieri solent. Iisdemq; regionibus frumenta matura seruntur, & præcipue far adoretum. Locis etiam opacis triticum nunc recte seritur. Et quoniam sementis mentionem fecimus, non intempestiue quantum cuiusq; seminis iugerum agri recipiat referemus. Iugerum agri recipit tritici modios quatuor, uel quinq;, faris adorei modios nouem, uel decem, ordei modios quinq;, uel sex, milij, uel panici sextarios quatuor, uel quinq;, lupini modios octo, uel decem fæscoli modios quatuor, pisi modios tres, uel quatuor, fabæ modios sex, lentis modium unum, uel paulò amplius, lini seminis modios nouem, uel decem, cicerculæ modios tres, uel quatuor, ciceris modios duos, uel tres

tres, sesamū sextarios quatuor, uel quinque, uiciæ pabularis
modios septem, uel octo, uiciæ seminalis modios quinque,
uel sex, erui modios quatuor uel quinque, farraginis oracæ-
cæ modios septem, uel octo, siliquæ modios sex, medicæ
singulos cyathos serere oportet in areolis longis pedum
denū, latis pedum quinū. Canabis grana sex in pede
quadrato ponuntur. Idibus Octobris, & sequenti biduo
interdum tempestas, nonnunquam rorat. X I I I. Calend.
Nouembris sol in scorpionem transitum facit. Tertio de-
cimo, & duodecimo Calēdas Nouembris solis exortu uer-
gilie incipiunt occidere, tempestatem significat. Vndecimo
Calēdas Nouembris tauri cauda occidit, auster, interdum
pluuia. Octauo Calen. Nouembris centaurus exoriri mane
desinit, tempestatem significat. Septimo Calend. Nouem-
bris nepæ frons exoritur, tempestatem significat. Quin-
to Calend. Nouembris uergilie occidunt, hyemat cum fri-
gore, & gelicidijs. Quarto Calēdas Nouembris arcturus
uespere occidit, uentosus dies. Tertio Calēdas, & pridie
Nouembris cassiope incipit occidere, tempestatem signifi-
cat. Per hos dies quæcunque semina differri debent, ar-
busculæq; omnis generis recte ponuntur. Vltimi quoque ui-
tibus recte maritantur, ipsæq; uites in arbutis & uincis
commode propagantur. Seminaria runcare, & fodere tem-
pus est. Tum etiam arbores ablaqueare, nec minus uineas,
easdemq; putare. Itemq; in arbutis uitem de putare. semi-
naria, quæ suo tempore pampinata non sunt, arbusculæq;
ficorum in seminarijs putari, & ad singulos stylos redigi
debent, quæ tamen melius, dum tenera sunt, per germina-
tionem pampinantur. Sed cum omnia in agricultura stre-
nue facienda sint, tum maxime sementis. Vetus est agrico-
larum prouerbium, Maturam sationem sæpe decipere so-
lere,

lere, seram nunquam, quin mala sit. Itaque in totum præcipimus: ut quisque natura locus frigidus erit, is primis conferatur, ut quisque calidus nouissimus. Vicia, & fabæ stercoreare agrum dicuntur. Lupinum nisi in florem uerteris, nihil agrum stercoreaueris. Sed nec ulla res magis uacuus operarijs aut scribitur, aut conditur. Nam & primis temporibus ante aliam sementem potest id obrui, & nouissimis post coactos fructus tolli. Sementi facta inoccidere oportet, quod sparseris. Duo iugera tres operæ commodè occubunt, arboresq; quæ intercunt, ablaqueabunt, quamuis antiqui singulis operis singula iugera sarriri, & occari uelint. quod an rectè fieri possit, affirmare non ausim. Eodem tempore fossas, riuosq; purgare, & elices, sulcosq; aquarios conuenit facere. Iisdem temporibus si sit, fraxineam, si minus, orneam, si nec hæc sit, iligneam frondem bubus rectè præbebimus. Glandis quoque non inutile est singulis iugis modios singulos dare, nec tamen amplius, ne laborent, nec minus diebus x x x. præbueris. Nam si paucioribus diebus detur (ut ait Higinius) per uer scabiosi boues fiunt. Glans autem pileis immiscenda est, atque ita bubus apponenda. Tum etiam syluam si quis barbaricam, id est consemineam uelit facere, rectè conferet glandibus, & cæteris seminibus. Tum & olea distringenda est, ex qua uelis uiride oleum efficere, quod sit optimum ex uiria oliua, cum incipit nigrescere. Nam acerbum nisi ex alba olea fieri non debet. Calend. Nouembribus, & posttridie caput tauri occidit, pluuiam significat. i i i. Non. Nouembris fidicula mane exoritur, hyemat, & pluit. v i i. Idus Nouembris idem sydus totum exoritur, auster, uel fauonius, hyemat. v i i. Idus Nouembris stella clara Scorpionis exoritur, significat tempestatem, hyemat, uel uultu

turnus, interdum rorat. Sexto Idus Nouembris uergiliae mane occidunt, significat tempestatem, hyemat. Quinto Idus Nouembris hyemis initium, auster, aut eurus, interdum rorat. His diebus usque in Idus, quæ superiore mense facere non potueris, adhuc tolerabiliter efficies. Sed & proprie hoc obseruabis, ut pridie, quam plenilunium sit, si minus certe ipso plenilunio omnem, quam saturus es, fabam uno die spargas, sed postea licebit ab auiibus, & pecore defensam obruas. Eamque, si ita competierit lunæ cursus, ante Idus Nouembris occatam habeas quam pinguißimo, & nouo loco, si minus quam stercoreatissimo. Satis erit in singula iugera uehes stercoreis comparare numero decem & octo. Uebes autem stercoreis habet modios octoginta. Ex quo colligitur oportere in denos quoque uersus pedes, modios quinos stercoreis spargere. Quæ ratio docet uniuerso iugero satisfacere modios M. C C C C X L. Tum etiam conuenit olcas ablaquare, & si sunt parum fructuosæ, uel cacuminiibus et torridæ frondis, magnis arboribus quaternos modios stercoreis caprini circumspargere, in cæteris autem pro magnitudine portionem seruare. Eodem tempore uineis ablaqueatis columbinum stercus ad singulas uites, quod sit instar unius sextarii, uel urinae hominis congios, uel alterius generis quaternos sextarios stercoreis infundere. Iugerum uinearum in senos pedes positarum duæ operæ ablaqueant. Idibus Nouembris dies incertus, sæpius tamen placidus. Sextodecimo Calendas Decembris fidis exortur mane, auster, interdum aquilo magnus. Quintodecimo Calendas Decembris aquilo, interdum auster cum pluuia. Quartodecimo Calendas Decembris sol in sagittarium transitum facit, sculæ mane oriuntur, tempestatem significat. Duodecimo Calendas Decembris tauri cornua ue-

sperii occidunt, aquilo frigidus, & pluuiæ. Vndecimo Calen-
 das Decembris fucula mane occidit, hyemat. Decimo Cal-
 len. Decembris lepus occidit mane, tempestatem significat.
 Septimo Cal. Decembris canicula occidit solis ortu, hye-
 mat. Pridie Calendas Decembris totæ fuculæ occidunt, fauo-
 nius, aut auster, interdum pluuiæ. His diebus, quæ præ-
 terita erunt, superioribus opera consequi oportet. Et si non
 plurimum serimus, optimum est intra Calendas Decem-
 bris sementem confecisse. Sed etiam longis noctibus ad diur-
 num tempus aliquid adijciendum est. Nam multa sunt, quæ
 in lucubratione recte aguntur. Siue enim uincas possidemus,
 pali, & ridicæ possunt dolari, exacuiq; siue regio ferule,
 uel corticis serax est, apibus alucaria fieri debent: siue pal-
 mæ spartiuæ foecunda est, fiscinæ, sportæq; seu uirgultorum
 corbes ex uimine. Ac ne cætera nunc persequar, nulla re-
 gio non aliquid affert, quod ad lucubrationem confici pos-
 sit. Nam inertis est agricolæ expectare diei breuitatem,
 præcipue in ijs regionibus, in quibus brumales dies hora-
 rum nouem sunt, noctesq; horarum quindecim. Possit etiam
 salix decisa pridie ad lucubrationem expurgari, & ad ui-
 tium ligamina præparari. Quæ si natura minus lenta est,
 ante dies quindecim præcidenda, & purgata in stercore
 obruenda est, ut lentescat. Sin autem iam pridem cæsa exa-
 ruit, in piscina maceranda est. Tum etiam per lucubratio-
 nem ferramenta acuere, & ad ea facere, uel facta manu-
 bria aptare, quorum optima sunt iligneæ, deinde carpi-
 neæ, post hæc fraxineæ. Calendis Decembris dies incertus,
 sæpius tamen placidus. Octauo Idus Decembris sagitta-
 rius medius occidit, tempestatem significat. Septimo Idus
 Decembris aquila mane oritur, africanus, interdum auster,
 irrorat. Tertio Idus Decembris corus, uel septentrio, in-
 terdum

terdum auster cum pluuiâ. His diebus quæ præterita erunt superiore mense opera peragi debebunt, utiq; in locis temperatis, aut calidis: nam frigidis rectè fieri iam non possunt. Idibus Decembris scorpîo totus mane exoritur, hyemat. Sexto decimo Calendas Ianuarij Sol in Capricornum transitum facit, brumale solstitium, ut Hipparcho placet, itaque tempestatem sæpe significat. x. v. Calend. Ianuarias uentorum commutationem significat. x. Calendas Ianuarias capra occidit mane, tempestatem significat. Nono Calendas Ianuarias Brumale solstitium (sicut Chaldæi obseruant) significat. Sexto Calendas Ianuarias delphinus incipit oriri mane, tempestatem significat. Quarto Calendas Ianuarias aquila uespere occidit, hyemat. Tertio Calendas Ianuarias canicula uespere occidit, tempestatem significat. pridie Calendas Ianuarias tempestas uentosa. His diebus qui religiosius rem rusticam colunt, nisi si uinearum causa pastines, negant debere terram ferro commoueri. Itaque quicquid citra id genus effici potest, id ab his comprehenditur, ut olea legatur, & oleum conficiatur, ut uitis paleatur, & capite tenuis alligetur, ut iuga uineis imponantur, & capistrentur. Cæterum palmare, id est, materias alligare hoc tempore non expedit, quia plurimæ propter rigorem, qui fit ex frigore, franguntur. Possunt etiam his diebus cerasi, & tuberes, & armeniæ, atq; amygdalæ, cæteræq; arbores, quæ primæ florent, inferi commodè. Nonnulli etiam legumina serunt. Calendis Ianuarij dies incertus. Tertio Nonas Ianuarij Cancer occidit, tempestas uaria. Pridie Nonas Ianuarij media hyems, auster multus, interdum pluuiâ. Non. Ianuarijs fides exoritur mane, tempestas uaria. Sexto Idus Ianuarias auster, interdum fauonius. Quinto Idus Ian. auster, interdum imber. Pridie Idus

Ianuarias incertus status cœli. Per hos quoq; dies abstinent terrenis operibus religiosiores agricolæ, ita tamen ut ipsis Calend. Ianuarijs auspiciandi causa omne genus operis instarent. Cæterum differant terrenam molitionem usq; in proximas Idus. Sed nec ignorare debebit uillicus, quid uni iugo boum quoquo mense per singulos dies præstari satis sit. Quare huius quoque curæ rationem subiiciamus. Mense Ianuario paleas cum crui macerati sextarijs sex, uel paleas cum cicerculæ fræse semodio, uel frondis corbæm pabulatorium modiorum uiginti, uel paleas quantum uelint, & fœni pondo uiginti, uel affatim uiridem frondem ex ilice, uel lauro, uel quod his omnibus præstat, farraginem ordeaceam dabit siccam, Februario mense idem, Martio idem. Vel si opus facturi sunt, fœni pondo quinquaginta. Aprili frondem quernæam, & populneam. Ex Calend. ad Idus, uel paleas, uel fœni pondo quadraginta. Maio pabulum affatim, Iunio ex Calend. frondem affatim, Iulio idem, Augusto idem, uel paleas ex aruo pondo quinquaginta, Septembri frondem affatim, Octobri frondem, & ficulnea folia, Nouemb. ad Idus frondem, uel folia ficulnea, quæ sint corbis unius. Ex Idibus glandis modium unum paleis immustum, & lupini macerati modium unum paleis immustum, uel maturam farraginem. Decemb. frondem aridam, uel paleas cum crui semodio macerato, uel lupini, quod ex semodio macerato exierit, uel glandis modium unum, ut supra scriptum est, uel farraginem.

Prosa de cultu hortorum, & herbis
hortensibus.

CAP. III.

ET quoniam percensuimus opera, quæ suis quibusque temporibus anni uillicum exequi oporteret, memores polliciti nostri subiungemus cultus hortorum, quorum æque

æquæ curam suscipere debebit, ut & quotidiani uictus sui
 leuet sumptum, & aduenienti domino præbeat, quod ait
 poeta, inemptas raris dapes. Democritus in eo libro, quem
 Georgicon appellauit, parum prudenter censet eos facere,
 qui hortis extruant monimenta, quod neq; latere fabricata
 materies perennare possit, pluuijs, ac tempestatibus ple-
 runque infestata, neq; lapides supra rei dignitatem poscat
 impensa: si uero amplum modum sepire quis uelit, patri-
 monio esse opus. Ipse igitur ostendam rationem, qua non
 magna opera hortum ab incurso hominum, pecudumque
 munimus. Vetusissimi auctores uiuam sepem structili præ-
 tulerunt, quia non solum minorem impensam desidera-
 ret, uerumetiam diuturnior immensis temporibus perma-
 neret: itaque uespres efficiendi consitis spinis rationem ta-
 lem reddiderunt. Locus, quem sepire destinaueris, ab æ-
 quinoctio autumnali simulatque terra maduerit imbri-
 bus, circummallandus est duobus sulcis trepidanco spatio
 inter se distantibus: modum altitudinis, & latitudinis eo-
 rum abunde est esse bipedaneum, sed eos uacuos perhye-
 mare patiemur preparatis seminibus, quibus obseran-
 tur: ea sint uastissimarum spinarum, maximeq; rubi, &
 paliuri, & eius, quæ Græci uocant *κυνδοβατορ*, nos sentem
 canis appellamus. Horum autem ruborū semina quammatu-
 rissima eligi oportet, & erui moliti farinæ immiscere: quæ
 cum est aqua conspersa, illinitur uel nauticis ueteribus fio-
 nibus, uel quibuslibet alijs restibus. siccati deinde fenu-
 li reponuntur in tabulato. mox ubi bruma confecta est, in-
 termiſſis quædraginta diebus circa hirundinis aduentum,
 cum iam fauonius exoritur, post Idus Februarij, si qua in
 sulcis per hyemem constitit aqua, exhauritur, resoluta que
 humus, quæ erat autumnio regeſta, uſq; ad mediam ſulco-

rum altitudinem reponitur. Prædicti deinde funes de tabulato prompti explicantur, & in longitudinem per utrumque sulcum porrecti obruuntur, sed ita ut non nimium supergesta terra semina spinarum, quæ in hærent toris funiculorum enasci possint: ea fere circa trigesimū diem prorepunt: atque ubi cœperunt aliquot incrementum habere, sic insuesci debent, ut in id spatium, quod sulcis interiacet, inclincentur. Oportebit autem uirgineam sepcm interponere, quam superscendant sentes utriusque sulci, & sit quo interdum quasi adminiculo prius, quàm corroborentur, acquiescant. Hunc uepreman manifestum est interim non posse, nisi radicitus effodere uelis: Cæterum etiā post ignis iniuriam melius renasci nulli dubium est: & hæc quidem claudendi horti ratio maximè est antiquis probata. Locum autem prius eligi conueniet, si permittit agri situs, iuxta uillam præcipuè pinguem, quiq; adueniente riuo, uel si non sit fluens aqua, fonte putcali possit irrigari. Sed ut certam perennitatis puteus habeat fidē, tum demum effodiciendus est, cū sol ultimas partes uirginis obtinebit, id est mense Septēb. ante æquinoctiū autumnale: siquidē tunc maxime explorantur uires fontium, cum ex longa siccitate æstatis terra caret humore pluuiali. Prouidendū est autem, ne hortus aræ subiaceat, ne per trituram uenti possint paleas, aut pulcrem in eum perferre, nam utraq; sunt oleribus inimica. Mox ordinand. pastinandi q; soli duo sunt tempora: quoniam duæ quoque olerum sationes: nam & autumnō, & uere plurima seruntur, melius tamen uere riguis locis, quoniam & nascentis anni clementia excipit prodeuntia semina, & sitis æstatis restinguitur fontibus. At ubi loci natura neque manu illatam, neque suæ spontis aquam ministrari patitur, nullum quidem aliud auxilium est.

est, quàm hyemales pluuiæ. Potest tamen etiam in siccissimis locis opus custodiri, si depreßius pastinetur solum, eiusq; abunde est gradum effodere tribus pedibus, ut in quatuor consurgat regeßtum. At ubi copia est rigandi, satis erit non alto bipalio, id est, minus quàm duos pedes ferramento nouale conuertri. Sed curabimus, ut ager quem uere conseri oportet, autumnno circa Calend. Nouemb. pastinetur: quæ deinde uelimus autumnno instituere, mense Maio conuertemus, ut aut hyemis frigoribus, aut æstiuis solibus & gleba soluatur, & radices herbarum necentur: nec multo ante stercorare debetimus, & cum sationis appropinquabit tempus, ante quintum diem exherbandus erit locus, stercorandusq; & ita diligenter fossione iterandus, ut fimo terra commisceatur. Optimum uerò stercus est ad hunc usum asini, quia minimum herbarum creat, proximum uel armenti, uel ouium si sit anno maceratum: nam quod homines faciunt, quamuis habeatur excellentissimū, non tamen necesse est adhibere, nisi aut nudæ glareæ, aut sine ullo robore solutissimæ arcne, cum maior scilicet uis alimenti desideratur: igitur solum, quod conscrere uere destinauerimus, post autumnum patiemur effossum iacere brumæ frigoribus, & pruinis inurendum: quippe è contrario sicut calor æstatis, ita uis frigoris excoquit terram, fermentatamq; soluit: quare peracta bruma tum demum stercus iniicietur, & circa Idus Ianuarias humus refossa in areas diuiditur, quæ tamen sic informandæ sunt, ut facile runcantium manus ad dimidiam partem latitudinis earum perucniant, ne qui prosequuntur herbas, semina proculcare cogantur, sed potius per semitas ingrediantur, & alterna uicè dimidias areas eruncent. Hæc, quæ ante sationem faciendæ sunt, dixisse abunde est. Nunc quid quo-

que tempore uel colendum, uel serendum sit, præcipiamus, & primum de his generibus loquendum est, quæ possunt duobus feri temporibus, id est autumno & uere. Sunt autem semina brassicæ, & lactucæ, cinaræ, erucæ, nasturcij, coriandri, chærephylli, anethi, pastinacæ, siferis, papaeris: hæc enim uel circa Calend. Septembres, uel melius ante Calendas Martias Februario seruntur. Locis uerò siccis, aut tepidis qualia sunt Calabria, & Appuliæ maritima, possunt circa Idus Ianuarias terræ committi. Rursus quæ tantum autumno conscri debent (si tamen uel maritimum, uel apricum agrum incolimus) hæc fere sunt, allium, cepæ capitula, ulpicum, sinapis. Sed etiam nunc quod quidque tempore terræ mandari plerunque conueniat, per menses digeramus. Ergo post Calendas Ianuarias confestim rectè ponetur lepidium. Mense autem Februario uel planta, uel semine ruta, atque asparagus, & iterum cepæ semen, & porri: nec minus si uernum, & æstiuum fructum uoles habere, syriacæ radicis, & rapæ, napiq; semina obrues: nā allij, & ulpici ultima est huius temporis positio. At circa Calendas Martij locis apricis licet porrum (si iam ingranduit) transferre. Item panacem ultima parte Martij mensis. Deinde circa Calendas Aprilis æquè porrum, atque inulam, & serotinam plantam rutæ. Item ut maturius nascatur cucumis, cucurbita, capparissenda est: nam semen betæ, cum punicum malum floreat, tum demum optimè seritur. Porri autem caput circa Idus Maias tolerabiliter adhuc transfertur. Post hoc, nihil ingruente æstate obrui debet, nisi semen apij, si tamen rigaturus es, sic enim optumè per æstatem prouenit. Ceterum, Augusto circa uulcanalia tertia satio est: eaq; optima radicis, & rapæ, itemq; napi, & siferis, nec minus oleris

oleris atri. atque hæc sunt sationum tempora : nunc de ijs, quæ aliquam curam desyderant, singulis loquar, quæque præteriero intelligi oportebit nullâ operam postulare nisi runcatoris : de qua semel hoc dicendum est, omni tempore consulendum esse, ut herbæ exterminentur. Vlpicum quoddam allium punicum uocant, Græci autē ἀρροσκόπος appellant, longè maioris est incrementi, quam allium : idq; circa Calend. Octobris, ante quam deponatur ex uno edipite in plura diuidetur. Habet enim uelut allium plures coherentes spicas, eæq; cum sint diuisæ, liratum scri debent, ut in puluvis positæ minus infestentur hycmis aquis. Est autem lira similis ei porcæ, quam in sationibus campestribus rustici faciunt, ut uliginem uitent : sed hæc in hortis minor est facienda, & per summam partem eius, id est in dorso inter palmaria spatia spicae ulpici, uel allij (nam id quoq; similiter confertur) disponendæ sunt : sulci lirarum inter se distent semipedali spatio. Deinde cum ternas fibras emiserunt spicae, sarriantur : nam quò sæpius id factum est, maius semina capiunt incrementum : deinde ante quam caulem faciant, omnem uiridem superficiem intorquere, & in terram prosternere conueniet, quò uastiora capita fiant. Regionibus autem pruinosis neutrum horum per autumnum feri debet, nam brumali tempore corrumpuntur : quod ferè mense Ianuario mitescit : & idcirco frigidis locis tempus optimum est allium, uel ulpicum ponendi circa Idus prædicti mensis : sed quandocunque uel conferemus, uel iam matura in tabulatum reponemus, seruabimus in ijs locis, quibus aut obruentur, aut eruentur, ut luna infra terram sit : nam sic sata, & rursus sic recondita existimantur, neque accerrimi saporis existere, neq; mandentium halitus inodorare. Multi tamen hæc ante Calend. Ianuarias medijs

diebus ferunt mense Decembri, si cœli tepor, & situs terre permittit. Brassica, cum v. 1. foliorum erit, transferri debet, ita ut radix eius liquido fimo prius illita, & inuoluta tribus algæ tæniolis pangatur: hæc enim res efficit, ut in coctura celerius madescat & uiridem colorem sine nitro conscruct. Est autem frigidis, & pluuijs regionibus positio eius optima post Idus Aprilis, cuius depressæ plantæ, cum tenuerint quantum olitoris ratio patitur, sæpius sarrita, & stercorata melius conualescit, pleniorisq; incrementi, & coliculum facit, & cymam. Nonnulli hanc eandem locis apricioribus à Calendis Martijs deponunt: sed maior pars eius in cymam profilit, nec postea hybernum caulem amplum facit, cum est semel defecta. Possis autem uel maximos caules bis transferre, idq; si facias, plus seminis, & maioris incrementi præbere dicuntur. Lactuca totidem foliorum quot brassica transferri debet. Locis quidem apricis, & maritimis optimè autumno ponitur, mediterraneis, & frigidis contra hyeme non æquè commodè dispergitur: sed & huius quoque radix fimo liniri debet, maioremq; copiam desyderat aquæ, sicq; fit tenerioris folij. Sunt autem complura lactucæ genera, quæ suo quoque tempore seri oportet: earum, quæ fusci, & ueluti purpurei, aut etiam uiridis coloris, & crispi folij uel Cecilianæ mense Ianuar. rectè disseritur. At Cappadociæ, quæ pallido, & pexo, densoq; folio uiret, mense Februario: quæ deinde candida est, & crispissimi folij, ut in provincia Bætica est finibus Gaditani municipij, mense Mart. rectè pangitur. Est & cyprij generis ex albo rubicunda, leui, & tennerrimo folio, quæ in Idib. April. commodè disponitur. Ferè tamen aprico cœli statu, quibus locis aquarum copia est, penè toto anno lactuca seri potest: quæ quò tardius

dius caulcm faciat, cum aliquid incrementum habuerit, exiguam testam media parte accipiat, eo quasi onere coërcita in latitudinem se diffundit: eadem est ratio etiam in tybi, nisi quod hyemem magis sustinet: ideoq; uel frigidis regionibus proximo autumnno feri potest. Cinaræ sobolem melius per autumnni æquinoctium disponemus, semen commodius circa Calendas Martij seremus: eiusq; plantam circa Calend. Nouemb, deprimemus, & multo cinere stercorabimus. Id enim genus stercoreis huic oleri uidetur aptissimum. Sinape atque coriandrum, nec minus crucam, & oximum ita uti sata sunt, sua sede immota permanent neque est eorū cultus alius, quàm ut stercorata runcentur. Possunt autem non solum autumnno, sed & uere conferri. Plantæ quoq; sinapis prima hyeme translatae plus cymæ uere asserunt. Panax utroq; tempore leui, & subacta terra rarissime differitur, quo maius incrementum capiat: melius tamen eius uerna satio est. Porrum si sectiuum facere uelis, densius satum præceperunt priores relinqui: & ita cum increuerit, secari. Sed nos docuit usus longe melius fieri, si differas, & eodem more, quo capitatum modicis spatijs, id est, inter quaternos digitos depangas, & cum conualuerit, deseces. In eo autem, quod magni capitis efficere uoles, seruandum sit, ut ante quàm translatum deponas, omnes radículas amputes, & fibrarum summas parteis intondeas. Tum testulae, uel conchæ, quasi sedes in singulis subiectæ seminibus adobruuntur, ut fiant capita latioris incrementi. Cultus autem porri capitati assidua sarritio, & stercoratio est. Nec alius tamen sectiui, nisi quod toties rigari, & stercorari, sarririq; debet, quoties demetitur. Semen eius locis calidis mense Ianuario, frigidis Februario seritur: cuius incrementum quò maius fiat, raris linteolis complura gra-

na illigantur, atque ita obruuntur. Enalum autem in ijs locis, quibus aqua subministrari non potest, deferri debet circa æquinoctium autumnii. At quibus possis humorem præbere, mense Maio rectè transjertur. Apium quoque possis plantis serere, nec minus semine, sed præcipuè aqua lactatur, & ideo secundum fontem commodissime ponitur: quod si quis id uelit lati folij facere, quantum seminis possint tres digiti comprehendere, raro linteolo illiget, & ita in arcolas dispositum releget. Vel si crispæ frondis id fieri maluerit, semen eius inditum pileæ, & saligneo palo pinsitum, expositumque, similiter in linteolis ligatum obruct. Potest etiam circa hanc operam fieri crispum qualitercunque satum, si cum est natum, incrementum eius superuoluto cylindro coerceat. Satio eius est optima post Idus Maias usque in solstitium, nam teporem desiderat. Ferè etiam his diebus ozima seruntur, quorum cum semen obrutum est, diligenter inculcatur paucula, uel cylindro. Nam si terram suspensam relinquant, plerumque corrumpitur. Pastinaca, & siser, atque inula conualescunt altè pastinato, & stercoreato loco, sed quàm rarissime ponenda sunt, ut maiora capiant incrementa. Inulam uero interuallo trium pedum seri conuenit, quoniam uastos facit frutices, & radicibus, ut oculi arundinis serpit: nec est alius cultus horum omnium, nisi ut sarritionibus herbæ tollantur. Commodissime autem deponentur prima parte Septembris, uel ultima Augusti parte. Atrum olus, quod Græcorum quidam uocant ἰπποσελίον, nonnulli σμύρνον pastinato loco semine debet conferri, maxime iuxta maceriam, quoniam & umbra gaudet, & qualicunque conualescit loco: idque cum semel seueris, si non totum radicitus tollas, sed alternos frutices in semen summutas, æuo manet, paruumque sarritionis exiguum cultum

culturam. feritur à uulcanalibus usq; in Calendas Septem-
 bris, sed etiam mense Ianuario menta dulcem desiderat
 uiliginem, quam ob causam iuxta fontem mense Martio re-
 cte ponitur. Cuius si forte semina defecerunt, licet de no-
 ualibus syluestre mentastrum colligere, atque ita inuersis
 lacuminibus disponere, quæ res feritatem detrahit, atque
 edomitam reddit. rutam autumnò semine satam mēse Mar-
 tio differre oportet in apricum, & cinerem aggerare,
 runcariq; donec conualescat, ne herbis encetetur. sed uelata
 manu debeat runcari, quam nisi cōtexeris, perniciofa na-
 scuntur ulcera. Si tamen per ignorantiam nuda manu run-
 caueris, & prurigo, atque tumor incesserit, oleo subinde
 perungito. eiusdem frutex pluribus annis permanet inno-
 cius, nisi si mulier, quæ in menstruis est, contigerit eum, &
 ob hoc exaruerit. Thymū, & transmarina cunila, & ser-
 pyllum, sicut priore libro iam retuli, magis alucaria curā-
 tiōis, quàm olitoribus studiosè cōseruntur. Sed nos ea con-
 dimentorum causa (nam sunt quibusdam esculentis aptissi-
 ma) non alienū putamus etiam in hortis habere locū neq;
 pinguem, neque stercoreatum, sed apricum desiderant, ut
 quæ macerrimo solo per se maritimis plerunq; regionibus
 nascuntur. hæ res & semine, & plantis circa æquinoctiū
 uernum seruntur, melius tamen est thymi nouellas plantas
 disponere, quæ cum subactō solo depresso fuerint, ne tar-
 de comprehendant, aridi thymi fruticem contundi opor-
 tet, atq; ita pinsito pridie quàm uolueris uti, aqua medica-
 re, quæ cum succū eius perceperit, depositis fruticibus in-
 funditur, donec eos recte confirmet. Cæterum cunila uiua-
 cior est, quàm ut impensius curanda sit. Lepidum cū ante
 Cal. Martias habueris dispositum, uelut porrum sectiuum
 demetere poteris, rarius tamen. Nam post Cal. Nouemb.

secundum

secundū non erit, quoniā frigoribus uiolatum emoritur, biennio tamen sufficiet, si diligenter sarritum, & stercoratum fuerit. Multis etiā locis uiuacitatem suam usq; in annos decē prorogat. Beta florenti puni malo si mune obruitur, & simulatq; quinq; foliorū est, ut brassica differtur æstate, si riguus est hortus: si siccaneus autumno, cum iam pluiæ inceserunt, disponi debebit, chærephyllū, itemq; olus atriplicis, quod Græci uocant ἀπαρῆς circa Cal. Octob. obrui oportet non frigidissimo loco. Nam si regio sæuas hyemes habet, post Idus Februarias semine differenda sunt, suaq; de sede partienda. Papauer, & anethū eandē habent conditionē sationis, quam chærephyllum & ἀπαρῆς. Satiui asparagi, quam corudam rustici uocant, si muna ferē biennio præparantur. ea cum pingui, & stercoroso solo post Idus Februarias sic obrueris, ut quantum tres digiti seminis comprehendere queunt, singulis fossulis deponas, Fere post quadagesimum diem inter se implicantur, & quasi unitatem faciunt, quas radículas sic illigatas, atq; connexas olitores spongiarum appellant, easq; post quatuor & uiginti menses in locum apricum, & bene madidum, stercoratumq; transferri conuenit. Sulci autem inter se pedali mensura distantes fiunt non amplius dodrantalis altitudinis, in quam ita spongiolæ deprimuntur, ut facile superposita terra germinent. sed in locis siccis partibus sulcorū imis disponenda sunt semina, ut tanquam in alueolis manent. at uliginosis e contrario in summo porcæ dorso collocanda, ne humore nimio lædantur. Primo deinde anno, cū ita cōsita sunt, asparagum quem emiserint, infringi oportet. Nam si ab imo uellere uolueris, adhuc teneris, inualidisq; radiculis tota spongiola sequetur. Reliquis annis non erit decerpendus, sed radicitus uellendus. Nam nisi ita fiat,

stirpes

stirpes præfractæ angunt oculos spongiarum, & quasi excæcant, nec patiuntur asparagum emittere. Cæterum stylus, qui nouissime autumnali tempore nascitur, non omnis est tollendus, sed aliqua pars eius in semen summittenda est. Deinde cum spinam fecerit, collectis seminibus ipsis, Scorpiones ita uti sunt, in suo loco perurendi sunt, & deinde sulci omnes consarriendi, herbæq; eximendæ, mox uel stercus, uel cinis iniiciendus, ut tota hyeme succus eius pluuijs manans ad radicem perueniat. Vere deinde prius quàm cœperit germinare, capreolis, quod genus bicornis ferramenti est, terra commoueatur, ut & facilius stylus emicet, & relaxa humo plenioris crassitudinis fiat radix. Raphani radix bis anno recte feritur, Februario mense, cū uerum fructum expectamus, & Augusto mense circa uulcanalia, cum maturius. Sed hæc satio sine dubio melior habetur. cura est eius, ut terra stercorata, & subacta obruatur, post ubi cœperit aliquod incrementū, subinde aggeretur. Nam si super terram emerferit, dura, & fungosa fiet. Cucumis, & Cucurbita, cum copia est aquæ, minorem curam desiderant, nam plurimum iuuantur humore. Sin autem sicco loco feri debuerint, quo rigationem ministrari non expediat, mense Februario sesquipdali altitudine sulci faciendi sunt. Post Idus deinde Martias, quasi tertia pars altitudinis sulci stramētis inditis tegenda, mox stercorata terra usq; in dimidium sulcum aggerenda, positusq; seminibus tam diu est aqua præbenda, donec enascantur: atque ubi conualescere cœperint, adiecta humo incrementa eorum prosequenda sunt, donec sulcus coæquetur. Sic exculpta semina sine rigatione tota ætate satis ualebunt, fructumq; iucundioris saporis, quàm rigua præbebunt. Aquosis autem locis primo quoq; tempore non ta-

men ante Cal. Mar. semen ponendum est, ut deferri possit æquinoctio confecto, idq; de media parte cucurbitæ semen inuerso cacumine ponito, ut fiat incrementi uastioris. Nam sunt ad usum uasorum satis idoneæ, sicut Alexandrinæ cucurbitæ, cum exaruerint. At si csculætæ merci præparabis, recto cacumine de collo cucurbitæ sumptum semen serendum erit, quod proluxior, & tenuior fructus eius enascatur, qui scilicet maius cæteris inuenit pretium. Sed custodiendum est, ut quamminime ad eum locum, in quo uel cucumis, aut cucurbitæ confitæ sunt, mulier admittatur. Nam fere contactu eius languescunt incrementa uirentiū. si uerò etiam in menstruis fuerit, uisu quoque suo nouellos factus necabit. Cucumis tener, & iucundissimus fit, si ante quam scras, semen eius lacte maceres. Nonnulli etiam quo dulcior existat, aqua mulsa idem faciunt. Sed qui præmaturū fructum cucumeris habere uolet, confecta bruma stercorata terram inditam cophynis obserat, modicumq; præbeat humorem. Deinde cum enata semina fuerint, tepidis diebus, & insolatis iuxta ædificium sub diuo ponat, ita ut ab omni afflatu protegantur. Cæterum frigoribus, ac tempestatibus sub tectum referat. idq; tandiu faciat, dum æquinoctium uernum conficiatur. postea totos cophynos demittat in terram. Sic enim præcoquem fructum habebit. Possunt etiam, si sit operæpretium, uasis maioribus rotule subijci, quo minore labore producantur, & rursus intra tecta recipiantur. Sed nihilo minus specularibus integri debebunt, ut etiam frigoribus serenis diebus tuto producantur ad solem. Hac ratione ferè toto anno Tiberio Cæsari cucumis præbebatur. Nos autem leuiore opera istud fieri apud Aegyptiæ gentis Dulum Mendesium legimus, qui præcipit aprico, & stercoroso loco alternis ordinibus

bus ferulas, alternis rubos in hortis consitas habere: deinde eas confecto æquinoctio paululum infra terram secare, & ligneo stylo laxatis uel rubi, uel ferulae medullis stercus immittere, atque ita semina cucumeris inserere, quæ scilicet incremento suo coeant rubis, & ferulis. Nam ita non sua, sed quasi materna radice aluntur: sicq; insitam stirpem frigoribus quoque cucumeris præbere fructum. Satio secunda eius serantis fere quinquatribus obseruatur. Capparis plurimis prouincijs sua sponte noualibus nascitur. Sed quibus locis eius inopia est, si serenda fuerit, siccum locum desiderabit. Isq; debet ante circumdari fossula, quæ repleatur lapidibus, & calce, uel punico luto, ut sit quasi quædam torica, ne possint eam percurrere prædicti seminis frutices, qui fere per totum agrum uagantur, nisi munimento aliquo prohibiti sint. Quod tamen non tantum inconmodum est (subinde enim possunt extirpari) quantum quod noxium uirus habent, succoq; suo sterile solum reddunt. Cultu aut nullo, aut leuissimo contenta est. Quippe quæ res etiam in desertis agris circa rustici operam conualescit. Seritur utroque æquinoctio. Cepina magis frequenter subactam postulat terram, quam altius conuersam. Itaque ex Calendis Nouembris proscindi solum debet, ut hyemis frigoribus, & gelicidijs putrescat, intermissisq; quadraginta diebus, tum decum iterari, & interpositis uno, ac uiginti diebus tertiarum, ac protinus stercorari. Mox bidentibus æqualiter perfossam in areas disponi deletis radicibus omnibus. Deinde ad Calendas Februarias sereno die conueniat semina spargi, quibus aliquod saturciæ semen intermiscendum erit, ut eam quoq; habeamus. Nam & uiridis cui est iucunda, nec arida inutilis ad pulmentaria condienda. Sed cepina uel sæpius, certè non minus debet quam quater

quater sarriri. Cuius si semen excipere uoles, capita maxima generis ascalonij, quod est optimum, mense Februario disponito quaternorum, uel etiam quinum digitorum spatij distantia, & cum coeperint uirere, ne minus ter consarrito, deinde cum fecerint caulem, humilioribus quasi canteriolis interpositis rigorem stylosum conseruato. Nam nisi arundines transuersas in modum iugatæ uincæ crebras disposueris, thalli ceparum uentis prosternentur, totumq; semen excutietur, quod scilicet non ante legendum est, quam cum maturescere coeperit, coloremq; nigrum habere. Sed nec patiendum est, ut perarescat, aut totum decidat, uerum integri thalli uellendi sunt, & sole siccandi. Napus & rapa duas sationes habent, & eandem culturam, quam raphanus. Melior est tamen satio mensis Augusti. Iugerum agri quatuor sextarios seminis eorum poscit, sed ita ut radicis syriacæ super hanc mensuram paulo plus, quam heminam seminis recipiat. Qui æstate ista seret, caueat, ne propter siccitates culex adhuc tenera folia prorepentia consumat. Id quoque ut uitetur, puluis etiam, qui supra cameram inuenitur, uel etiam fuligo, quæ supra focos tectis inhæret, colligi debet: deinde pridie quam satio fiat, commisceri cum seminibus, & aqua conspergi, ut tota nocte succum trahant. Nam sic macerata postero die rectè seruntur. Vetre quidam autores, ut Democritus, præcipiunt, semina omnia succo herbæ, quæ sedum appellatur, medicare, eodemq; remedio aduersus bestiolas uti, quod uerum esse nos experientia docuit. Sed frequentius tamen, quoniam huius herbæ minus larga est facultas, fuligine, & prædicto puluere utimur, satisq; commode tuemur his incolumitatem plantarum. Rapæ semina Higinius putat post trituram iacentibus adhuc in area palcis inspergi debere

bere, quoniam fiunt uastiora capita, cum subiaccens soli du-
 ritia non patitur in altum descendere. Nos istud sepe fru-
 stra tetamur: itaq; rapum, & raphanum, & napum me-
 lius existimamus subacta terra obrui. Seruantiq; adhuc an-
 tiquorum consuetudinem religiosiores agricolæ, qui cum
 ea serunt, precantur, ut & sibi, & uicinis nascantur. Locis
 frigidis, ubi timor est, ne autumnalis satio hyemis gelicidijs
 peruratur, arundinibus humiles canterij fiunt, ijsq; uirgæ
 transuersæ imponuntur, & uirgis stramenta supra iaciun-
 tur, & sic à pruinis semina defenduntur. Vbi uerò apricis
 regionibus post pluuias noxia inceserunt animalia, quæ à
 nobis appellantur erucæ, Græcè autem κάρυα nominan-
 tur, uel manu colligi debent, uel matutinis temporibus fru-
 tices olerum concuti. Sic enim dum adhuc torpent noctur-
 no frigore, si deciderint, non amplius in superiorem par-
 tem prorepunt. Id tamen superuacuum est facere, si ante sa-
 tionem semina, uti iam prædixi, succo herbæ sedi macerata
 sunt: nihil enim sic medicatis nocent erucæ. Sed Democritus
 in eo libro, qui Græcè inscribitur περὶ ἀντιπαθῶν, affir-
 mat has ipsas bestiolas enecari, si mulier, quæ in menstruis
 est, solutis crinibus, & nudo pede unamquaq; arcam ter
 circumcat, post hoc enim decidere omnes uermiculos, &
 ita emori. Hactenus præcipiendum existimaui de cultu hor-
 torum, & officijs uillici, quem quamuis instructum, atque
 eruditum omni opere rustico esse oportere prima parte
 huius exordij censuerim, quoniam tamen plerunq; cuenit,
 ut eorum quæ didicerimus, memoria nos deficiat, eaq; sæ-
 pius ex commentarijs renouanda sint, omnium librorum
 meorum argumenta subieci, ut cum res exegisset, facile re-
 periri possit, quid in quoq; querendum, & qualiter quidq;
 faciendum sit.

462
L. IVN. MODERA-
TI COLVMELLAE DE
RE RVSTICA LIB. XII.
ET VLTIMVS,
VILLICA.



XENOPHON Atheniensis eo li-
bro P. Siluinc, qui œconomus inscribi-
tur, prodidit maritale coniugium sic com-
paratum esse natura, ut non solum cum
disſima, uerum etiã utiliſſima uitæ ſocie-
tas iniretur: quod iam pridem etiam Cicero ait, & ne genus
humanum temporis longinquitate occideret, propter hoc
marem cum foemina eſſe coniunctum: deinde ut ex hac ca-
dẽ ſocietate mortalibus adiutoria ſenectutis, nec minus pro-
pugnacula præpararentur, tum etiam cum uictus, & cul-
tus humanus non uti feris in propatulo, ac ſylueſtribus lo-
cis, ſed domi ſub tecto accurandus erat, neceſſarium fuit al-
terutrum foris & ſub dio eſſe, qui labore, & industria com-
pararet, intus qui tectis reconderet, atq; cuſtodiret: ſiqui-
dem uel ruſticari, uel nauigare, uel etiam alio genere nego-
tiari neceſſe erat, ut aliquas facultates acquireremus. Cum
uero paratæ res ſub tectũ eſſent congeſtæ, alium eſſe oport-
uit, qui & illatas cuſtodiret, & cætera conficeret opera,
quæ domi deberent adminiſtrari: nam & fruges, & cætera
alimenta terreſtria indigebãt tecto, & ouium, cæterarumq;
pecudum foetus, atq; fruſtus clauſo cuſtodienda erant, nec
uiuius reliqua uenſilia, quibus aut alitur hominum genus,
aut etiam excolitur. Quare cum & operam, & diligen-
tiam ea, quæ propoſuimus, deſyderarent, nec exigua cura
foris acquirerentur, quæ domi cuſtodiri opoteret iure, ut
dixi,

dixi, à natura comparata est opera mulieris ad domesticam diligentiam, uiri autem ad exercitationem forensem & extraneam: itaq; uiro calores, & frigora perpetuenda, tum etiam itinera, & labores pacis, ac belli, id est, rusticationis, & militarium stipendiorum distribuit. Mulieri deinceps, quòd omnibus his rebus eam fecerat inhabilem, domestica negotia curanda tradidit. Et quoniam hunc sexum custodiæ, & diligentie assignauerat, idcirco timidiorrem reddidit, quàm uirilem: nam metus plurimum confert ad diligentiam custodiendi. Quòd autem necesse erat foris, & in aperto uictum quærentibus nonnunquam iniuriam propulsare, idcirco uirum, quàm mulierem fecit audaciorrem. Quia uerò partis opibus æque fuit opus memoria, & diligentia, non minorem foemina, quàm uiro earum rerum tribuit possessionem. Tum etiam quòd simplex natura non omneis res commodas amplecti uolebat, idcirco alterum alterius indigere uoluit, quoniam quod alteri deest, præstò plerunque est alteri. Hæc in œconomico Xenophon, & deinde Cicero, qui eum Latine consuetudini tradidit, non inutiliter disseruerunt: nam & apud Græcos, & mox apud Romanos usq; in patrum nostrorum memoriam, fere domesticus labor matronalis fuit, tanquam ad requiem forensium exercitationum omni cura deposita patribusfamilias intra domesticos penates se recipientibus. Erat enim summa reuerentia cum concordia, & diligentia mista, flagrabatq; mulier pulcherrima diligentie æmulatione, studens negotia uiri cura sua maiora, atque meliora reddere. Nihil conspiciebatur in domo diuiduum. Nihil, quod aut maritus, aut foemina proprium esse iuris sui diceret, sed in commune conspirabatur ab utroq; ut cum forensibus negotijs, matronalis sedulitas in-

dustriæ rationem parem faceret. Itaque nec uillici quidem, aut uillicæ magna erat opera, cum ipsi domini quotidie negotia sua reuiscerent, atque administrarent. Nunc uerò cum pleraq; sic luxu, & inertia defluant, ut ne lanificij quidem curam suscipere dignentur, sed domi sedentes confectas uestes fastidio habeant, peruersaq; cupidine pretiosiores alias a uiris pelliceant, quæ grandi pecunia, & totis pene censibus redimuntur, nihil mirum est easdem ruris, & instrumentorum agrestium cura grauari, sordidissimumq; negotium ducere paucorum dierum tempus in uilla morari. Quam ob causam cum in totum non solum excoluerit, sed etiam occiderit uetus ille matrum familiarum mos Sabinarum, atque Romanarum, necessaria irrepsit uillicæ cura, quæ tueretur officia matronæ: quoniam & uillici quoque successerunt in locum dominorum, qui quondam prisca consuetudine non solum coluerant: sed habitauerant rura. Verum, ne uidcar intempestiuè censorium opus obiurgandis moribus nostrorum temporum suscepisse, iam nunc officia uillicæ prosequar.

Cura rei domesticæ, & præcepta quæ uillica exequi debeat.

CAP. I.

EA porrò (ut institutum ordinem teneamus, quem priore uolumine inchoauimus) iuuenis esse debet, id est non nimium puella, propter easdem causas, quas de ætate uillici retulimus, integræ quoque ualetudinis, nec foedi habitus, nec rursus pulcherrimi: nam illibatum robur & uigilijs, & alijs sufficiet laboribus, foeditas fastidiosum, nimia species desidiosum faciet eius contubernalem. Itaque curandum est, ut nec uagum uillicū, nec auersum contubernio suo habeamus, nec rursus intra tecta desidem, & compluribus adiacentem foeminam. Sed ne hæc tantum, quæ diximus

xius, in uillica custodienda sunt. Nam in primis consyderandum erit, an à uino, ab escis, à superstitionibus, à somno, à uiris remotissima sit, & ut cura eam subeat, quid meminisse, quid in posterum prospicere debeat, ut fere eum mortem seruet, quem uillico præcepimus, quoniam pleraque similia esse debent in uiro, atque foemina, & tam etiam malū uitare, quam præmium recte factorum sperare. Tum elaborare, ut quam minimam operam uillicus intra tectum impendat, cui et primo mane cum familia prodeūdum est, & crepusculo peractis operibus fatigato redcundum. Nec tamen instituendo uillicam, domesticarum rerum uillico remittimus curam, sed tantummodo laborem eius, adiutrice data, leuamus. Cæterum munia, quæ domi capeffenda, non in totum muliebri officio relinquenda sunt, sed ita deleganda ei, ut identidem oculis uillici custodiantur. Sic enim erit diligentior uillica, si meminerit ibi esse, cui ratio frequenter reddenda sit: ea porro persuasissimum habere debet, aut in totum, aut certe plurimum domi se morari oportere. Tunc quibus aliquid in agro faciendum erit seruis, eos foras emittere: quibus autem in uilla quid agendum uidebitur, eos intra parietes continere, atque animaduertere, ne diuturna cessatione frustrentur opera. Quæ domum autem inferuntur diligenter inspicere, ne delibata sint, & ita explorata, atque inuiolata recipere, tum separare, quæ consumenda sunt, & quæ superficri possunt custodire, ne sumptus annuus menstruus fiat. tum si quis ex familia coeperit aduersa uale tudine affici, uidendum erit, ut is quam commodissimè ministretur. Nam ex huiusmodi cura nascitur beneuolentia, nec minus obsequium. Quinctiam fidelius, quam prius seruire student, qui conualuerint, cum est ægris adhibita diligentia.

Quemadmodum tractare debeat penora,
siue cellaria.

CAP. II.

Post hæc meminisse debet, quæ inferantur, ut idoneis, & salubribus locis recondita sine noxa permancant. Nihil enim magis curandū est, quam præparare, ubi quidq; reponatur, ut cū opus sit, promatur: ea loca qualia esse debeant, & in primo uolumine, cū uillam cōstitueremus, & in undecimo, cum de officio uillici disputarem, iam dicta sunt. Sed ne nunc quidē demonstrare breuiter pigeat: nam quod excelsissimū est conclaue, pretiosissima uasa, & uestē desiderat, quod deniq; horreū siccum, atq; aridū, frumentis habetur idoneū, quod frigidū cōmodissime uinum custodit, quod bene illustre fragilem supellectilem, atq; ea postulat opera, quæ multi luminis indigent. Præparatis igitur receptaculis, oportebit suo quidq; loco generatim, atq; etiam specialiter nonnulla disponere, quò facilius, cū quid exposculabit usus recipere possit: nam uctus est prouerbiū, paupertatem certissimam esse, cū alicuius indigeas, uti co non posse, quia ignoretur, ubi proiectum iaceat, quod desideratur. Itaque in re familiari laboriosior est negligentia, quā diligentia. Quis enim dubitet nihil esse pulchrius in omni ratione uitæ dispositione, atq; ordine? quod etiam ludicris spectaculis licet sæpe cognoscere. Nam ubi chorus canentium non ad certos modos, neq; numeris præeuntis magistri consensit, dissonum quiddam, ac tumultuosum audientibus canere uidetur: at ubi certis numeris, ac pedibus uelut facta conspiratione consensit, atq; concinuit, ex eiusmodi uocum cōcordia non solum ipsis canentibus amicū quiddam, et dulce resonat, uerum etiam spectantes, audientesq; letissima uoluptate permulcentur. Iam uerò in exercitu neque miles, neque imperator sine ordine, ac dispositione

tionem quicquam ualeat explicare, cum armatus incremem, eques peditem, plastrum equites, si sint permixti confundant. Hæc eadem ratio præparationis, atq; ordinis etiam in nauigijs plurimum ualeat: nam ubi tempestas incessit, & est rite disposita nauis, suo quidq; ordine locatum armamentum sine trepidatione minister promit, cum est à gubernatore postulatum. Quod si tantum hæc possunt, uel in theatris, uel in exercitijs, uel etiam in nauigijs, nihil dubium est, quin cura uillicæ ordine, dispositionemq; rerum, quas reponit, desideret. Nam & unumquodque facilius consideratur, cum est assignatum suo loco, & siquid forte abest, ipse uacuus locus admonet, ut quod deest, requiratur. Siquid uerò curari, aut concinnari oportet, facilius intelligitur, cum ordine suo recensetur, de quibus omnibus M. Cicero auctoritatem Xenophontis secutus in œconomico sic inducit Ischomachum sciscitanti Socrati hæc narrantem.

Distributio instrumenti, & suppellectilis.

CAP. III.

Preparatis idoneis locis instrumentum, & suppellectilem distribuere cœpimus: ac primum ea secreuimus, quibus ad res diuinas uti solemus, postea mundum muliebrem, qui ad dies festos comparatur, deinde ad uirilem item dierum solennium ornatum, nec minus calciamenta utriq; sexui conuenientia: tum iam seorsum arma, ac tela seponbantur, & in altera parte instrumenta, quibus ad lanificia utuntur. Post quæ ad cibum conficiendum uasa (ut assolent) constituebantur: inde quæ ad lauationem, quæ ad exornationem, quæ ad mensam quotidianam, atque epulationem pertinerent, exponebantur. Postea ex ijs, quibus quotidie utimur, quod mensurum esset seposuimus, quod annuum quoq; in duas partes diuisimus: nam sic minus fallit, qui

exitus futurus sit. Hæc postquam omnia secreuimus, tum
 suo quæq; loco disposuimus: deinde quibus quotidie seruuli
 utuntur, quæ ad lanificia, quæ ad cibaria coquenda, & con-
 ficienda pertinent, hæc ipsa ei, qui uti solet, tradidimus, &
 ubi ea ponerent, demonstrauiamus, & ut salua essent, præ-
 cepimus. Quibus autem ad dies festos, & ad hospitum ad-
 uentum utimur, & ad quædam rara negotia, hæc primo
 tradidimus, & loca singulis demonstrauiamus, & cuiq; sua
 annumerauimus, atq; annumerata ipsi exscripsimus, cumq;
 admonuimus, ut quodcunq; opus esset, sciret unde daret,
 & meminisset, atq; annotaret quid, & quando, & cui de-
 disset, & cum recepiisset, ut quidq; suo loco reponeret. Igi-
 tur hæc nobis ab antiquis per Ischomachi personam præ-
 cepta industriæ, ac diligentiae tradiderunt, quæ nunc nos
 uillicæ demonstramus. Nec tamen una eius cura esse debe-
 bit, ut clausa custodiat, quæ tectis illata receperit, sed subin-
 de recognoscat, atq; consideret, ne aut supellex, uestis ue
 condita situ dilabatur, aut fruges, alia ue utensilia ne-
 gligentia, desidia ue sua corrumpantur. Pluujijs uero die-
 bus, uel cum frigoribus, aut pruinis mulier sub dio rusti-
 cum opus obire non poterit, ut ad lanificium reducatur,
 præparatæ sint, & pectitæ lanæ, quò facilius iusta lani-
 ficio persequi, atque exigere possit: nihil enim nocebit,
 si sibi, atque actoribus, & alijs in honore seruilis uestis
 domi confecta fuerit, quò minus patrisfamilias rationes
 onerentur. Illud uero etiam in perpetuum custodiendum ha-
 bebbit, ut eos, qui foris rusticari debebunt, cum iam e uilla
 familia processerit, requirat, ac si quis (ut enenit) curam
 contubernalis eius intra tectum tergiuersans fefellerit, cau-
 sam desidiæ sciscitetur, exploretq; utrum aduersa ualetu-
 dine inhiatus restiterit, an pigritia delituerit. Et si com-
 perit

pererit, uel simulantem langorem sine cunctatione in uale-
tudinarium deducat: præstat enim opere fatigatum sub cu-
stodia requiescere unum aut alterum diem, quàm pressum
nimio labore ueram noxam concipere. Denique uno loco
quàm minime oportebit eam consistere, neque enim seden-
taria eius opera est, sed modò ad telam debeat accedere,
ac siquid melius sciat docere: si minus, addiscere ab eo, qui
plus intelligat, modò eos, qui cibum familiæ conficiunt, inui-
sere: tum etiam culinam, & bubilia, nec minus præsepia
mundanda curare. Valetudinaria quoque uel si uacent ab
imbecillis, identidem aperire, & immunditijs liberare, ut
cum res exegerit, bene ordinata, & ornata, & salubria lan-
guentibus præbeantur. Promis quoque, & cellarijs aliquid
attendentibus, aut metuētibus interuenire: nec minus inter-
esse pastoribus in stabulis fructum cogentibus, aut foetus
ouium, aliarum uel pecudum subrumantibus: tonsuris uelle-
rum quoque interesse, & lanas etiam diligenter percipere,
& uellera ad numerum pecoris recensere: tum insistere
atriensibus, ut supellectilem exponant, & ferramenta de-
tersa nitidentur, atque rubigine liberentur. Cæteraq; si re-
fectionem desyderant, fabris concinnanda tradantur. Po-
stremò his rebus omnibus constitutis, nihil hanc arbitror
distributionem profuturam, nisi, ut iam dixi, uillicus sæpius,
& aliquando tamen dominus, aut matrona consyderau-
erit, animaduerneritq; ut ordinatio constituta conseruetur.
Quod etiā in bene moratis ciuitatibus semper est obserua-
tum, quarum primoribus, atque optimatibus, non satis
uisum est bonas leges habere, nisi custodes earum diligen-
tissimos ciues creassent, quos Græci νομοφύλακας appel-
lant. Horum erat officium, eos, qui legibus parerent, laudi-
bus prosequi, nec minus honoribus: eos autē, qui nō parerēt,

*poena multare. Quod nunc scilicet faciunt magistratus aſſi
dua iuriſdictione uim legum custodientes. Sed hæc in uniuersum
adminiſtranda tradid.ſſe abunde ſit.*

*Quæ, & qualia uafa parare debeat penori-
bus, & ſalgamis condiendis.* CAP. IIIII.

NVnc de cæteris rebus, quæ omiſſæ erant prioribus
libris, quoniam uillicæ reſeruabantur officijs, præci-
piemus, & ut aliquis ordo custodiatur, incipiemus à uer-
no tempore, quoniam uere maturis herbis atq; trimēſtribus
conſummatis ſationibus uacua tempora iam contingunt, ad
ea exequenda, quæ deinceps doccimus. Paruarum rerum
curam non dediſſe Pœnis, Græcisq; autoribus, atq; etiam
Romanis memoria tradidit. Nam & Mago Carthaginien-
ſis, & Hamulcar, quos ſecuti uidentur Græcæ gentis non
obſcuri ſcriptores Mnæſcas, atq; Paxamus, tum demum no-
ſtri generis, poſtquam à bellis otium fuit, quaſi quoddam
tributum uictui humano conferre dedignati non ſunt, ut M.
Ambiuuius, & Mænas Licinius, tum etiam C. Matius,
quibus ſtudium fuit piſtoris, & coci, nec minus cellarij
diligentius ſuis præceptis inſtituere. His autem omnibus
placuit eum, qui rerum harum officium ſuſceperit, caſtum
eſſe continentemq; oportere, quoniam totū in eo ſit, ne con-
tractentur pocula, uel cibi niſi aut ab impube, aut certe ab-
ſtinentiſſimo rebus ueneris. quibus ſi fuerit operatus uel
uir, uel ſœmuna, debere eos flumine, aut perēni aqua, prius
quàm penora contingant, ablui. propter quod his neceſſa-
rium eſſe pueri, uel uirginis miniſterium, per quos proman-
tur, quæ uſus poſtulaucrit. Poſt hoc præceptum locum &
uafa idonea ſalgamis præparari iubent: locum eſſe debere
auerſum à ſole, quàm frigidiffimū, et ſicciffimū, ne ſitu peno-
ra mucorē cōtrahāt. Vafa autē fictilia, uel uitrea plura po-
tius

tius, quàm ampla, & eorum alia rectè picata, nonnulla tamen pura prout conditio conditura exegerit. Hæc uasa dedita opera fieri oportet pateti ore, & usq; ad imum æqualia, nec in modum doliorum formata, ut exemptis ad usum salgamis quicquid superest æqualiter pondere usq; ad fundum deprimatur, cum ea res innoxia penora conseruet, ubi non innatent, sed semper sint iure submersa. quod in utero dolij uix fieri posset propter inæqualitatem figuræ. maxime autem ad hoc necessarium esse aceti, & duræ murie usum, quæ utraque sic conficiuntur.

Quemadmodum ex uino uapido

acetum fiat.

CAP. V.

IN uini uapidi, ut acre fiat, sextarios duodequingenta, fermenti libram, fici aridæ pōdo quadrante, salis sextarium subterito, et subtrita cū quartario mellis aceto diluito, atque ita in prædictam mensuram adijcito. Quidam ordeï tosti sextarios quatuor, & nuces ardentes iuglandes quadraginta, & mentæ uiridis pondo selibram in eandem mensuram adijciunt. quidam ferri massas exurunt, ita ut ignis speciem habeant, easq; in eandem mensuram demittunt. tum etiam exemptis nucleis ipsas nuces pineas uacuas numero quinque, uel sex incendunt, & ardentes eodem demittunt. alij nucibus sapineis ardentibus idem faciunt.

Quomodo muria dura fiat.

CAP. VI.

MVriam duram sic facito, dolum quàm patentissimū moris locato in ea parte uillæ, quæ plurimum solis accipit. id dolum aqua cœlesti repleto, ea est enim huic rei aptissima, uel si non fuerit pluuialis, certè fontana dulcissimi saporis. In eam tum indito sportam iunceam, uel sparteam, quæ replenda sit sale candido, quò candidior muria fiat: cum saltem per aliquot dies uidebis liquefcere, ex co

intelli

intelliges nondum esse muriam maturam. Itaque subinde alium salem tandiu ingeres, donec in sporta permaneat integer, nec minuatur, quod cum animaduverteris scies habere muriam maturitatem suam. & si aliam in id uas facere uolueris, hanc in uasa bene picata diffundes, & opertam in sole habebis, omnem enim mucorē uis solis aufert, & odorem bonum præbet. Est aliud muriæ maturæ experimentum. Nam ubi dulcem cascum demiseris in eam, si pessum ibit, scies esse adhuc crudam, si innatabit, maturam.

Quæ per quatuor anni tempora herbæ, & quomodo condiantur.

CAP. VII.

His præparatis circa uernum æquinoctium herbas in usum colligi, & reponi oportebit, cymam, caulem, capparim, apij coliculos, rutam, olusatrum cum suo caule ante quam de folliculo exeat, item ferulæ cum coliculo silentes, quam tenerrimum florem pastinacæ agrestis, uel satiuæ cum coliculis, silentem florem uitis albæ, & asparagi, & rusci, & thanni, & digitelli, & pulcij, & nepetæ, & lapsanæ, & battis, & eius coliculum, qui muluinus pes appellatur, quinctiam tenerum coliculum fœniculi. Hæc omnia una conditura commodè seruantur, id est, aceti duas partes, & tertiam duræ muriæ si miscueris. Sed uitis alba, ruscus, & thannum, & asparagus, lapsana, & pastinaca, & nepeta, & battis generatim in alueos componuntur, & sale conspersa biduo sub umbra, dum consudent, reponuntur: deinde si tantum remiserint humoris, ut suo sibi iure abluī possint, si minus superfusa dura muria lauantur, & pondere imposito exprimuntur: tum suo quidque uase conditur, & ius, ut suprâ dixi, quod est mistum duabus partibus aceti, & una muriæ infunditur. fœniculiq; aridi, quod est per uindemiam proximo anno lectum spissamentum imponitur

ponitur, ita ut herbas deprimat, & ius usq; in summum labrum fideliter perueniat. Olusatrum, et ferulam, & foeniculum cum legeris sub tecto exponito, dum flaccescat: deinde folia, & corticem omnem* folliculorum detrahit. Caules *coliculorū si fuerint pollice crassiores, arundine secato, & in duas partes diuidito. ipsos quoque flores, ne sint immodici, diduci, & partiiri oportebit, atq; ita in uasa condi, deinde ius, quod supra scriptum est, infundi, & paucas radículas laseris, quod Græci σίλφιον uocat, adiectas, ita spissamento sceniculi aridi contegi, ut ius superueniat. Cymam caulem, capparim, pedem mului, puleium, digitellum compluribus diebus sub tecto siccari, dum flaccescat, & tum eodem modo condiri conuenit, quo ferulam, rutam, saturciam, cunilam. Sunt qui rutam muria tantum dura sine aceto condiant, deinde, cum usus exigit, aqua, uel etiam uino abluant, & superfuso oleo utantur. Hac conditura posset commodè satureia uiridis, & æque uiridis cunila seruari.

Oxygala quomodo fiat. CAP. VIII.

OXygalam sic facito. ollam nouam sumito, eamq; iuxta fundum terebrato: deinde cauum, quem feceris surculo obturato, & lacte ouillo quàm recentissimo uas repleto, coq; adijcito uiridum condimentorum fasciculos origani, mentæ, cepæ, coriandri. has herbas ita in lacte demittito, ut ligamina earum extent. Post diem quintum, surculum, quo cauum obturaueras, eximito, & serum emittito: cum deinde lac cœperit manare, eodem surculo cauum obturato, intermissoq; triduo, ita, ut supra dictum est, serum emittito, & fasciculos condimentorum exemptos abiycito: deinde exiguum aridi thymi, & cunilæ aridæ super lac distringito, concisiq; sectiui porri quantum uidebitur, adijcito, & permisceto: mox intermisso biduo rursus serum emit-

tito

tito,cauumq; obturato, & salis triti, quantum satis erit, ad-
ijcito, & misceto, deinde operculo imposito, & oblinito,
non ante aperueris ollam quàm usus exegerit, sunt qui sa-
tium, uel etiam syluestris lepidij herbam cum collegerunt, in
umbra siccent, deinde folia eius abiecto caule die, & nocte
muria macerata, expressaq; lacti misceant sine condimen-
tis, & salis quantum satis arbitrantur, adijciant: tum cæte-
ra, quæ supra præcepimus faciant. Nonnulli recentia folia
lepidij cum dulci lacte in olla miscent, & post diem tertium
quemadmodum præcipimus, serum emittunt: deinde com-
pertam saturiam uiridem: tum etiam arida semina corian-
dri, atque anethi, & thymi, & apij in unum bene trita ad-
ijciunt, salemq; bene coctum cribratum permiscent. Cætera
eadem quæ supra faciunt.

Conditura lactucæ.

CAP. IX.

CAules lactucæ ab imo depurgatos catenus, qua tene-
ra folia uidebuntur, in alueo salire oportet, diem que
unum, & noctem sinere, dum muriam remittant: deinde
muria cluere, & expressos in cratibus pādere, dum assic-
cescant: tum substernere anethum aridum, & fœniculum,
rutæq; aliquid & porri concidere, atq; ita miscere: tum sic-
catos coliculos ita componere, ut fascoli uirides integri
interponantur, quos ipse ante dura muria die, & nocte
macerare oportebit: similiterq; assiccatos cum fasciculis
lactucarum condi, & superfundi ius quod sit acetum duarum
partium, atq; unius muriae: deinde arido spissamento fœni-
culi sic comprimi, ut ius supernatet: quod ut fiat, is, qui
huic officio præerit, sæpe suffundere ius debet, nec pati
sitire salgama, sed extrinsecus munda sponsia uasa per-
tergere, & aqua fontana quàm recentissima refrigerare:
simili ratione intubum, & cacumina rubi, qua lactucam
condire

condire oportet, nec minus thymi & satureiæ, & origani, tum etiam armoraciorum cymam. Hæc autem, quæ supra scripta sunt, uerno tempore componuntur.

Cepæ, pyrorum, & malorū, cæterorumq;
pomorum compositio. CAP. X.

Nunc quæ per æstatem, circa messem, uel etiam exactis iam mœsibus colligi, & reponi debeant, præcipimus. Pompeianam, uel ascaloniam cepam, uel etiam mariticam simplicem, quam uocant unionem rustici, eligito: ea est autem, quæ non fruticauit, nec habuit soboles adherentes: hanc prius in sole siccato, deinde sub umbra refrigeratam substrato thymo, uel cumula composito in fidelia, & infuso iure, quod sit aceti trium partium, & unius murie fasciculum cunilæ superposito, ita ut cepa deprimatur, quæ cum ius combiberit, simili mustura uas supplicatur. Eodem tempore corna, & pruna onychina, & pruna syluestria, nec minus genera pyrorum, & malorum condiuntur. Corna, quibus pro oliui utamur: item pruna syluestria, & pruna onychina adhuc solida, nec maturissima legenda sunt, nec tamen nimium cruda, deinde uno die umbra siccanda: tum æquis partibus acetum, & sapa, uel defrutum misceatur, & infundatur. Oportebit autem aliquid salis adijcere, ne uermiculus, aliudue animal innasce possit: uerum commodius seruantur, si duæ partes sapæ cum aceti una parte misceantur: pyra dolobelliana, crustumina, regia, ueneria, uolema, neuiana, lateritiana, decumana, laurea, mirappia, pruna purpurea, cum immatura, non tamen percruda legeris, diligenter inspicito, ut sint integra sine uitio, aut uermiculo: tum in fictili picata fidelia composito, & aut passo, aut defruto completo, ita ut omne pomū submersum sit, operculo deinde imposito gypsato. Illud in totum

totum præcipiendum existimaui, nullum esse genus pomi, quod nõ possit melle seruari: itaq; cum sit hæc res interdum ægrotantibus salutaris, censeo uel pauca poma in melle custodiri, sed separata generatim: nam si commisceas, alterum ab altero genere corrumpitur, & quoniam opportune mellis fecimus mentionem, hoc eodem tempore alui castrandæ, ac mel conficiendum, cera facienda est: de quibus nono libro iam diximus: nec nunc aliam curam exigimus à uillico, quam ut administrantibus intersit, fructumq; custodiat.

De mella facienda, qua in condituris utuntur,

CAP. XI.

CAeterum cum eodem tempore mella, nec minus aqua mulsa in uetustatem reponi debeat, meminisse oportebit, ut cum secundarium mel de fauis fuerit exceptum, ceræ statim minute resoluantur, & aqua fontana, uel cælesti macerentur: expressa deinde aqua coletur, & in uas plumbeum defusa decoquatur, omnisq; spurcitia cum spumis eximatur: quæ decocta, cum tam crassa fuerit quam defrutum, refrigeretur: & bene picatis lagœnis condatur. Hac quidam mella pro aqua mulsa utuntur, nonnulli etiam pro defruto in condituras oliuarum, quibus quidem magis idoneam censeo, quòd cibarium saporem habet, nec potest languentibus pro aqua mulsa remedio esse, quoniam si bibatur, inflationem stomachi, & præcordiorum facit: itaque seposita esse, & ad condituras destinata.

De aqua mulsa facienda.

CAP. XII.

Per se facienda erit optimo melle aqua mulsa: hæc autem non uno modo componitur: nam quidam multos ante annos coelestem aquam uasis includunt, & sub dio in sole habent: deinde cum sæpius eam in alia uasa transfuderint, & eliquauerint (nam quoties etiam per longum

tempus

tempus diffunditur, aliquod crassamentum, in imo simile feci reperitur) ueteris aquæ sextarium cum libra mellis miscent: nonnulli tamen cum austeriore uolunt efficere gustum, sextarium aquæ cum dodrante pondō mellis diluunt, & ea portione repletam lagœnam, gypsatamq; patiuntur per caniculæ ortum in sole quadraginta diebus esse, tum demum in tabulatum, quod fumum accipit, reponunt: nonnulli, quibus non fuit curæ celestem inueterare aquam, recentem sumunt, eamq; usq; in quartam partem decoquunt: deinde cum refrixerit, siue dulciorem mulsam facere uolunt, duobus aquæ sextarijs sextarium mellis permiscent. Si uerò austeriorem, sextario aquæ dodrantem mellis adiiciunt, & his portionibus factam in lagœnam diffundunt: eamq; ut supra dixi, quadraginta diebus insolatam, postea in tabulatum, quod suffumigatur, reponunt.

De caseo in usus domesticos seruando, & de quibusdam herbis condiendis. CAP. XIII.

Casco usibus domesticis præparando, hoc maxime idoneum tempus est, quo & caseus seri minimū remittit, & ultimo tēpore, cum iam exiguum lactis est, non tam expedit operas morari ad forum fructibus deferendis, & sanè sæpe deportati per æstum, acore utiuntur: itaq; præstat eos hoc ipso tēpore in usum conficere: id autem ut quamoptime fiat opilionis officium est, cui septimo libro præcepta dedimus, quæ sequi debeat. Sunt etiam quædam herbæ, quas appropinquante uindemia condire possis, ut portulaca, & olus cordū, quod quidam satiuū battim uocat: hæ herbæ diligenter purgantur, & sub umbra expanduntur, deinde quarto die sal in fundis fideliarum substernitur, & separatim unaquæq; earum componitur, acetoq; infuso iterum sal superponitur, nam his herbis muria non conuenit.

De malis, & pyris, in sole sicādis. CAP. XIII.

Hoc eodem tempore, uel etiam primo mense Augusto mala, & pyra dulcissimi saporis mediocriter matura eliguntur, & in duas, uel tres partes arundine, uel osseo cultello diuisa in sole ponuntur, donec ariscant: eorum si est multitudo, non minimam partem cibariorum per hyemem rustici uindicant: nam pro pulmentario cedit: sicuti ficus, quæ cum arida seposita est, hyemis temporibus rusticorum cibaria adiuuat.

De ficis aridis.

CAP. XV.

EA porrò neq; nimium uicta, neque immatura legi debet, & in eo loco expandi, qui toto die solem accipiat: pali autem quatuor pedibus inter se distantes figuntur, & perticis iugantur: factæ deinde in hunc usum cannæ iugis superponuntur, ita ut duobus pedibus absint à terra, ne humorem, quem ferè noctibus remittit humus, trahere possint: tunc ficus iniicitur, & crates pastorales culmo, uel carice, uel filice textæ ex utroque latere super terram planæ disponuntur, ut cum sol in occasum fuerit, erigantur, & inter se accliuēs testudineato tecto more tuguriorum inarescentem ficum à rore, & interdum à pluuiā defendant, nam utraq; res prædictum fructum corrumpit: cum deinde aruerit, in orcas bene picatas meridiano tempore calentem ficum condere, & calcare diligenter oportebit, subiecto tamen arido foeniculo, & iterum uasis repletis superposito, quæ uasa confestim operculare, & oblinire conuenit, & in horreum siccissimum reponi, quo melius ficus perennet. Quidam lectis ficis pediculos adimunt, & in sole expandunt, cum deinde paulum siccatae sunt, antequam indurescant in labra fictilia, uel lapidea congerunt eas: tum pedibus lotis in modum farinae proculcant, & admi

Et admiscant torrefacta scsama cum aniso Aegyptio, et semine foeniculi, et cynuni: hæc cum bene proculcauerint, et totam massam comminutæ fici permiscuerint, modicas offas folijs ficulneis inuoluunt, ac religatas iunco, uel quolibet herba offas reponunt in crates, et patiuntur siccarī: deinde cum perarauerint, picatis uasis eas condūt: nōnulli hanc ipsam formam fici orcis sine pice includunt, et obfita uasa clibano, uel furno torrefaciūt, quo celerius omnis humor excoquatur, siccata in tabulatū reponūt, et cū exegerit usus, testam comminuūt: nā duratam massam fici aliter eximere non possunt: alij pinguiſsimam quanque uiridem ficorum eligunt, et arundine, uel digitis diuisam dilatant, atque ita in sole ardescere patiuntur, quas deinde bene siccatas meridianis teporibus, cum calore solis emolliæ sunt, colligunt: et ut est mos Afris, atque Hispanis, inter se compositas comprimunt in figuram stellarum, flosculorumq; uel in formam panis redigentes: tum rursus in sole assiccant, et ita in uasis recondunt.

De uuis passis faciendis, & sorbis
seruandis.

CAP. XVI.

Similem curam uuæ desiderant, quas dulcissimi saporis Salbas, maximis acinis, nec spiſsis luna decreſcente, sereno, et sicco cœlo post horam quintam legi oportet, et in tabulas paulisper porrigi, ne inter se pondere suo presse collidantur: deinde aheno, uel in olla noua fictili ampla, præparatam lixiuiam cineris sarmenti caleſceri conuenit, quæ cum ferucbit exiguum olei quā optimi adijci, et ita permisceri: deinde uuas pro magnitudine binas, uel ternas inter se colligatas in ahenum seruens demitti, et exiguum pati, dum decolorentur, nec rursus commutere, ut excoquantur, nam quadam moderatione tempera-

D 2 mentoq;

mentoq; opus est. Cum deinde exemeris, in crate d'sponi-
to rarius quàm ut altera alterā contingat. Post tres deinde
horas, unāquāq; uuam conuertito, nec in eodē uestigio
reponito, ne in humore, qui defluerit, corrumpatur: no-
ctibus autem contegi debent quemadmodum fici, ut à ro-
re, uel pluuiā tutæ sint. cum deinde modicè aruerint, in ua-
sa noua sine pice operculata, & gypsata, sicco loco repo-
nito: quidam uuam passam folijs ficulneis inuoluunt, &
assiccant: alij folijs uitigineis, nonnulli platanis semiuietas
uuas contegunt, & ita in amphoras recondunt. Sunt qui
culmos fabæ exurant, & in eo, quod cremauerint, cinere
lixiuia faciant: deinde in lixiuie sextarios decem salis tres
cyathos, & olei cyathum adijciunt: tum adhibito igne ca-
lesfaciant, & cætera eodem modo administrent. quod si ui-
debitur in aheno parum inesse olei: subinde quantum satis
erit adijciatur, quò sit pinguior, & nitidior uua passa. eo-
dem tempore sorba manu lecta curiosè in urceolos pic-
atos adijcito, & opercula picata imposito, & gypso lini-
to, tum scrobibus bipedaneis sicco loco intra tectum factis
urceolos ita collocato, ut oblita ora eorū deorsum spectent:
deinde terram cogerito, & modicè desuper calcato: melius
est autem pluribus scrobibus pauciora uasa distantia inter
se disponere: nam in exemptione eorū dum unū tollis, si re-
liqua commoueris, celeriter sorba uitiantur: quidam hoc
idem pomum etiam in defruto commodè seruant, adiecto
spissamento aridi scæniculi, quo deprimantur, ita sorba, ut
semper ius supernatet, ac nihilominus picata opercula dili-
genter gypso linunt, ne possit spiritus introire.

De aceto ficulneo faciendo. CAP. XVII.

Sunt quædā regiones, in quibus uini, ideoq; etiam aceti
penuria est: itaq; hoc eodem tempore ficus uiridis quam
matur

maturissima legenda est, utiq; etiam si iam pluuiæ incesserunt, & propter imbres in terram decidit, quæ cum sublecta est, in dolium uel in amphoras conditur: & ibi sinitur fermentari: deinde cum exacuit, & remisit liquorem quicquid est aceti diligenter colatur, & in uasa picata bene olida diffunditur: hoc primæ notæ acerrimi aceti usum præbet, nec unquā situm, aut mucorem contrahit, si non humido loco positum est: sunt qui multitudini studentes aquam ficis permisceant, & subinde maturissimas ficus recentes abijciant, & patiātur in eo iure tabescere, donec satis acris aceti sapor fiat: postea in iunceis fiscellis, uel sparteis saccis percolant, liquatumq; accitū inferuefaciant, dum spumā, & omnem spurcitiā eximant: tū torridi salis aliquid adijciant, quæ res prohibet uermiculos. alia uē innasci animalia.

Quæ præparanda sint uindemiæ. CAP. XVIII.

Quamuis priore libro, qui inscribitur uillicus, iam diximus quæ ad uindemiam præparanda sunt, non tamen alienum est etiam uillicæ de iisdem rebus præcipere, ut intelligat suæ curæ esse debere quæcunque sub tecto administrantur circa uindemiam. Si ager amplus, aut uincta, aut arbuscula grandia sunt, perrenne fabricandæ decimodiæ, & trimodiæ, & fiscelle texendæ, & picandæ: nec minus falcule, & ungues ferrei quamplurimi parandi, & exacuendi sunt, ne uindemiator manu distingat uuas, & non minima fructus portio dispersis acinis in terram dilabatur. Funiculi quoq; fiscellis aptandi sunt, & lora trimodij: tum lacus uinarij, & torcularij, & fora, omniaq; uasa (si uicinum est mare) aqua marina, si minus, dulci eluenda sunt, & commundanda, & diligenter assiccanda, ne humorem habeant. Cella quoque uinaria omni stercore liberanda, & bonis odoribus suffienda, nequem redoleat

foetorem, acoremue. Tum sacrificia Libero, Liberæq; & uasis pressorijs quàm sanctissimè, castissimeq; facièda, nec per uindemiam ab torculari, aut uinaria cella recedendum est, ut omnia, quæ mustum conficiunt, purè, mundeq; faciant, ne furi locus detur præsentem fructum intercipiendi. Dolia quoq; & seriæ, cæteraq; uasa ante quadragesimum uindemiæ diè picanda sunt, atq; aliter ea, quæ demersa sunt humi, aliter quæ stant supra terram. Nam ea, quæ demersa sunt, ferreis lampadibus ardentibus calefiunt, & cū picem in fundum distillauit, sublata lampade rutabulo ligneo, & ferrea curuata radula ducitur, quod destillauit, aut quod in lateribus hæsit: deinde penicillo detergitur, & feruentissima pice infusa nouo alio rutabulo, & scopula picatur. At quæ supra terram cōsistunt, complures dies antè quàm curentur in solem producuntur: deinde cū satis insolata sunt, in labra conuertuntur, & subiectis paruis tribus lapidibus suspenduntur, atque ita ignis subijcitur, & tandiu incenditur, donec ad fundum calor tam uehemens perueniat, ut apposita manus patiens eius non sit: tum dolio in terram demisso, & in latus deposito pix feruentissima infunditur, uolutaturq; ut omnes dolijs partes linantur. Sed hæc die quieto à uentis fieri debent, ne admoto igne cū afflauerit uentus, uasa rumpantur. Sunt autem satis sesqui cullearibus dolijs picis duræ pondo uicenaquina, nec dubium, quin si quinta pars picis brutiæ in uniuersam cocturam adijciatur, utilissimum sit omni uindemiæ.

De pluribus generibus conditurarum, quibus
uinum confirmatur.

CAP. XIX.

CVra quoq; adhibenda est, ut expressum mustum perenne sit, aut certè usque ad uenditionem durable. Quod quemadmodum fieri debeat, & quibus condituris adiuari

adiuari, deinceps subiiciemus. Quidam partem quartam eius musti, quod in uasa plūbea coniecerunt, nonnulli tertia decoquunt. Nec dubium, quin ad dimidiam si quis excoxerit, meliorem saram facturum sit, coq; usibus utiliore, adeo quidem, ut etiam uice defruti, sapa, mustum, quod est ex ueteribus uincis, condire possit. Quæcunq; uini nota sine condimento ualet perennari, optimam esse eam censemus, nec omnino quicquam permiscendum, quo naturalis sapor eius infusctur. Id enim præstantissimum est, quod suapte natura placere poterit. Caterum cum aut regionis uitio, aut nouellarum uincarum mustum laborabit, eligenda erit pars uineæ (si est facultas) amineæ, si minus, quam bellissimi uini, quæq; erit & uetustissima, & minime uliginosa. Tum obseruabimus decrecentem lunam, cum est sub terra, & sereno, siccoq; die uuas quàm maturissimas legemus, quibus proculcatis mustū, quod defluerit, antè quàm prælo pes eximatur, satis de lacu in uasa defrutaria deferemus, leuiq; primum igne, & tenuibus admodum lignis, quæ gremia rustici appellant, fornacem incendemus, ut ex commodo mustum ferueat. Isq; qui præcrit huic decoquendo, cola iuncea, uel sparteæ ex crudo, id est, non malicato sparto præparata habeat. Itemq; fasciculos fœniculi sustibus illigatos, quos possit utiq; ad fundum uasorū demittere, ut quicquid fecis subsederit, exagitet, & in summum reducat: tum colis omnem spurcitiam, quæ redundarit, expurgct. Nec absistat id facere, donec uidebitur eliquatū omni fece mustum carere, tum siue mala cydonia, quæ percocta sublaturus sit, seu quoscunq; uoluerit conuenientes odores adijciat, & nihilominus subinde fœniculo peragitet, nequid subsederit, quod possit plumbeū perforare. Cum deinde iam acriore potuerit igne uas sustinere, id est, cum aliqua iam parte mustum

excoctū in se feruebit, tum codices, & uastiora ligna subi-
 ciantur, sed ita ne fundum contingant. Quod nisi uitatum
 fuerit, uel uas ipsum, quod aliquādo contingit, pertundetur.
 uel si id factum non erit, utiq; aduretur mustum, & amari-
 tudine concepta condaturis fiet inutile. Oportebit autem
 antè, quàm mustum in uasa defrutaria conijciatur, oleo bo-
 no plumbea ipsa intrinsecus imbui, & bene fricari, atq; ita
 mustum adijci. Ea res non patitur defrutum aduri.

De sapa & defruto coquendis. CAP. XX.

Quinctiam diligēter factum defrutū, sicut uinum solet
 acescere: quod cum ita sit, meminerimus anniculo
 defruto, cuius iam bonitas explorata est, uinū condire: nam
 nitioso medicamine fructus, qui perceptus est, uitatur. Ipsa
 autem uasa, quibus sapa, aut defrutum coquitur, plumbea
 potius quàm ænea esse debent. Nam in coctura æruginem
 remittunt ænea, & medicaminis saporē uitiant: odores au-
 tem uino ferè apti sunt, qui cum defruto coquuntur, iris, fœ-
 num Græcū, schoenum: harum rerū singulæ libræ in defru-
 tarium, quod ceperit musti amphoras nonaginta, cum iam
 deferbucrit, & expurgatum erit, tum adijci debent: deinde
 si natura tenue mustū erit, cum ad tertiam partē fuerit de-
 coctum, ignis subtrahendus est, & fornax protinus aqua re-
 frigeranda: quod si fecerimus, nihilo minus defrutum infra
 tertiam partem uasis confedit. Sed id quamuis aliquid de-
 trimenti habeat, prodest tamen: nam quanto plus decoqui-
 tur (si modò non est adustum) melius, & spissius fit. Ex hoc
 autem defruto, quod sic erit coctum, satis est singulos sexta-
 rios singulis amphoris immiscere. Nam cū amphoras mu-
 sti nonaginta in defrutario decoxeris, ita ut iam exiguum su-
 persit de coctura, quod significat decoctum ad tertias: tum
 demum medicamina adijcito, quæ sint aut liquida, aut re-
 sinosa,

sinosa, id est picis liquida nemeturica, cum eam diligenter ante aqua marina decocta perlueris, decem sextarios. Item resinae terebinthinae sesquilibram. Hæc cum adijcies, plumbum peragitabis, ne adurantur. cum deinde ad tertias subsederit coctura, subtrahere ignem, & plumbeum subinde agitabis, ut defrutum, & medicamenta coquant: deinde cum uidebitur mediocriter calere defrutum, reliqua aromata contusa, & cribrata paulatim insperges, & iubebis rutabulo ligneo agitari. quod decoxeris eousque, dum defrigescit. Quod si non ita, ut præcipimus, permiscueris, subsident aromata, & adurentur. Ad prædictum autem modum musti adijci debent ij odores, nardi folium, iris illyrica, nardum gallicum, crocum, palma, cyperum, schœnum, quorum singulorum selibrae satisfaciunt. Item myrrhæ quincunx, calami pondo libram, casia selibram, amomi pondo quadrans, croci quincunx, cripæ pampinaceæ libram. Hæc, ut dixi, arida contusa, & cribrata debent adijci, & his commisceri rasis, quod est genus crudæ picis, eaque quanto est uetustior, tanto melior habetur. Nam longo tempore durior facta, cum est contusa in puluere redigitur, & his medicaminibus admiscetur. Satis est autem prædictis ponderibus sex libras eius misceri. Ex hac compositione, quantum in sextarios musti quadragenos octonos adijciendum sit incertum est, quoniam pro natura uini æstimari oportet, quod satis sit. Cauendumque est, ne conditus sapor intelligatur, nam ea res emptorem fugat. Ego tamen, si humida fuerit uindemia, trientem, si sicca, quadrantem medicaminis in binas amphoras miscere solitus sum, ita, ut quatuor urnarum esset musti modus. Vrna autem quatuor & uiginti sextariorum. Nonnullos agricolas singulis amphoris quadrantem medicaminis indidisse scio, sed hoc coactos fecisse propter

nimiam infirmitatem uini eiusmodi, quod uix triginta diebus integrū permanebat. Hoc tamen mustū, si sit lignorum copia, satius est inferuere, & omnem spumam cum fecibus expurgare, quo facto decima pars decidet, sed reliqua perennis erit. At si lignorum penuria est, marmoris, uel gypsi, quod flos appellatur, uncias singulas, item ad tertias decocti defruti sextarios binos singulis amphoris miscere oportebit, ea res etiam si non in totum perennat, certe usq; in alteram uindemiam plerunq; uini saporem seruat.

De defruto, quod adijcitur in uinum
ad uetustatem.

CAP. XXI.

Mustum quamdulcissimi saporis decoquatur ad tertias, & decoctum, sicut supra dixi, defrutum uocatur. quod cum defrixit, transfertur in uasa, & reponitur, ut post annum sit in usu. Potest tamen etiam post dies nouem, quam refrixerit, adijci in uinum, sed melius est, si anno requieverit. Eius defruti sextarius in duas urnas musti adijcitur, si mustum ex uincis collinis est, sed si ex campestribus, tres heminae adijciuntur. Patimur autem, cum de lacu mustum sublatum est, biduo deferuere & purgari. Tercio die defrutum adijcimus. deinde interposito biduo, cum id mustum pariter cum defruto deferbuerit, purgatur, & ita coadijcitur in binas urnas ligula cumulata, uel mensura scumunciae bene plenae salis cocti, & triti. Sal autem quamcandidissimus conijcitur in urceo fictili sine pice, qui urceus, cum recipit salem, diligenter totus oblinitur luto paleato, & ita igni admouetur, ac tandiu iam torretur, quandiu strepitum edit. cum silcre coepit, finem habet cocturae. Præterea, fœnum Græcum maceratur in uino uetere per triduum, deinde eximitur, & in furno siccatur, uel in sole: idq; cum est aridum factum, molitur, & ex eo molito post
salutu

salituram musti coclear cumulatam, uel simile genus poculi eius, qui est quarta pars cyathi, adijcitur in binas urnas: deinde cum iam perfecte mustū deſerbuit, & constitit, tantundē gypsi floris mīscemus, quantū salis adieceramus: atq; ita postero die purgamus dolium, & nutritū uinū operimus, atque oblinimus. Hac conditura Collumella patruus meus illustris agricola uti solitus est in ijs fundis, in quibus palustres uineas habebat. Sed idem, cum collina uina condiebat, aquā salsam decoctam ad tertias pro sale adijciebat: ea porrō facit sine dubio maiore mēsurā, & odoris melioris, sed periculum habet, ne uitietur uinū, si male cocta sit aqua. Sumitur autem hæc, ut iam dixeram, quāmlongissimē à littore. Nā liquidior, & purior est, quantum altiora mari hausta est. Eam si quis (ut Columella faciebat) reponet, post triennium in alia uasa eliquatam transfundat. Deinde post alterum trienniū decoquat usq; ad partem tertiā, longē meliorē habebit cōdituram uini. Nec ullū periculū erit, ne uina uitientur. Satis est autē sextarios singulos adijcere falsæ, eosq; in binas musti urnas, quamuis multi etiam binos immisceant, nonnulli etiam ternos sextarios: idq; ego facere non recusē, si genus uini tantum ualeat, ut aquæ falsæ non intelligatur sapor. Itaque diligens paterfamilias, cum parauerit fundū, statim prima uindemia tres aut quatuor notas condituræ totidem amphoris musti experietur, ut exploratum habeat quantum plurimum falsæ uinū, quod fecerit, sine offēsa gustus pati possit.

Picis liquidæ alterum medicamen, quo multum condias.

C A P. XXII.

Picis liquidæ nemeturicæ metretam adde in labrum, aut in alucum, & in eodem infundito cineris lixiuæ congios duos, deinde permisceto spatha lignea. cum requieuerit,

quicuerit, eliquato lixiuiam. deinde iterum tantundem lixiuiæ addito, eodem pacto permisceto, & eliquato. Tertio quoq; idem facito. Cinis autem odore picis aufert, & eluit spurcitiam. Post eodē addito picis brutiæ, si minus, alterius quam purissimæ quinq; libras. Hæc minutē concidito, & admisceto pici nemeturicæ. Tum aquæ marinæ quam uetustissimæ, si erit, si minus, ad tertiam partem recētis aquæ marinæ decoctæ congios duos inijcito. Apertum labrum finito in sole per caniculæ ortum, & spatha lignea permisceto quam sæpiissime, usq; eò, dum ea, quæ addideris, in picce colliquescant, & unitas fiat. Noctibus autem labrum operire cōueniet, ne irroretur. Deinde cum aqua marina, quam addideris, sole consumpta uidebitur, sub tectum uas totū ferre curabis. Huius autem medicaminis quidam pondō quadrantem in sextarios XLVIIII. miscere soliti sunt, & hac conditura cōtenti esse. Alij cyathos tres eius medicamenti adijciunt in totidē sextarios, quot supra diximus.

De pice, qua utuntur Allobroges ad condituram uini picati.

CAP. XXIII.

Pix corticata appellatur, qua utuntur ad condituras Allobroges. Ea sic conficitur, ut dura sit, & quanto facta est uetustior, eo melior in usu est. Nam omni lentore misso facilius in puluerē resoluitur, atq; cribratur. Hæc ergo cōteri & cribrari oportet, deinde cum bis mustū deferbuerit, quod plerunq; est intra quartū diem, quam de lacu sublatur, diligenter manibus expurgatur. Et tunc demum prædictæ picis sextans, & semuncia in sextarios quinque, et quinquaginta adijcitur, & rutabulo ligneo permiscetur, nec postea tangitur, dum conferuescat: quod tamen non amplius diebus quatuordecim à conditura patiendum est. Nam oportebit post hunc numerum dierū confestim uinū emundare

emundare, & siquid fecis aut labris uasorum, aut lateribus inhæsit, eradi, ac suffricari, & protinus operculis impositis oblini. At si ex eadem pice totam uindemiam condire uolueris, ita ne gustus picati uini possit intelligi, sat erit eidem picis sex scrupula in sextarios quinque & quadraginta: tum demum miscere, cū mustū de ferbuerit, & feces expurgatæ fuerint, oportebit, atq; salis decocti, contritiq; semunciam in eundem modū musti adijcere. Nec solū huic notæ uini sal adhibendus est, uerū, si fieri possit, in omnibus regionibus omne genus uindemiæ hoc ipso pōdere salicndū est: nam ea res mucorem uino inesse nō patitur.

De pice nemeturica ad cōdituras. CAP. XXIII.

Pix nemeturica in Liguria conficitur. Ea deinde ut fiat condituris idonea, aqua marina quā longissimè à litore de pelago sumenda est, atq; in dimidiam partem decoquenda, quæ cum in tantum refrixerit, quantū ne contacta corpus urat, partem aliquā eius, quæ satis uidebitur prædictæ pici immiscebimus, & diligenter ligna spatha, uel etiam manu peragitabimus, ut si quid inest uitij eluatur: deinde patiemur picem considerare, & cūm siderit, aquam eliquabimus: postea bis, aut ter ex reliqua parte aquæ decoctæ tandiu lauabimus, & subigemus eam, donec rutila fiat: tum eliquatam in sole quatuordecim diebus patiemur esse, ut quisquis ex aqua humor remansit, assicetur, noctibus autem uas tegendum erit, ut irroretur. Cū hoc modo picem præparauerimus, & uina, cū iam bis de ferbuerint, condire uoluerimus, in musti sextarios octo & quadraginta, cyathos duos picis prædictæ sic adijciemus. Ex ea mensura, quam condituri sumus, sextarios duos musti sumere oportebit: deinde ex his sextarijs in picis sextantem paulatim mustum infundere, & manu tanquam mulsum subigere

subigere, quò facilius coquat. Sed ubi toti duo sextarij cum pice coierint, & quasi unitatem fecerint, tum eosdem in id uas, unde sumpseramus, persundere, & ut permisceatur medicamen, rutabulo ligneo peragitare conueniet.

De aqua falsa uel muria ad uina
condienda.

CAP. XXV.

Quoniam quidam, imò etiā fere omnes Græci, aqua falsa, uel muria mustum cōdiunt, eam quoq; partem curæ non omittendam putauī. In mediterraneo, quò nō est facilis aquæ marinæ inuectio, sic erit ad condituras faciēda muria. Huic rei uel maxime est idonea cœlestis aqua, si minus, ex fonte liquidissimo profluens. Harum ergo alterutrā curabis quamplurimā, & quam optimis uasis cōditā ante quinquennū in sole ponere: deinde cum computruecit, tandiu pati donec ad pristinum modum perueniat. Quòd cum factū fuerit, alia uasa habeto, & in ea sensim aquam eliquato, donec ad fecem peruenias: semper enim in requieta aqua crassamen aliquod in imo reperitur. Sic curata cum fuerit, in modū defruti ad tertias decoquenda est: adiiciuntur autem in aquæ dulcis sextarios quinquaginta, salis sextarius, & mellis optimi unus sextarius: hæc pariter decoqui, & omnem spuriciam expurgari oportet: deinde cum refrixerit, tum quantumcunq; humoris est, tantū in amphoram musti portionem adiici. Quòd si ager maritimus est, silentibus uentis de alto quàm quietissimo mari sumenda est aqua, & in tertiam partem decoquēda, adiectis, si uidebitur, aliquibus aromatis ex ijs, quæ suprā retuli, ut sit odoratior uini curatio. Mustū autem ante, quàm de lacu tollas, uasa rore marino, uel lauro, uel myrto suffumigato, & large repleto, ut in efferuescendo uinū se bene purget. Postcā uasa nucibus pineis suffricato: quod uinum uolueris

uolueris dulcius esse, postero die, quod austerius quinto die, quam sustuleris, condire oportebit, & ita supplere, & oblinere uasa. Nonnulli etiam suffumigatis serijs prius condituram addunt, & ita mustum infundunt.

Remedia aclescentis uini.

CAP. XXVI.

IN quo agro uinum aclescere solet, curandum est, ut cum luam legeris, & calcaueris prius, quam uinacea torculis exprimantur, mustum in corbem defundas, & aquæ dulcis puteanæ ex eodem agro partem decimam adijcias, & coquas, donec ea aqua, quam adiecueris, decocta sit. Postea cum refrixerit, in uasa defundas, & operias, & oblinas: ita diutius durabit, & detrimenti nihil fiet. Melius est, si uetere seruata compluribus annis aquam addideris, longeque melius, si aquæ nihil addideris, & decimam musti decoxeris, frigidumque in uas transtuleris, & si in sextarios VII. musti heminam gypsi miscueris, posteaquam decoctum refrixerit. Reliquum mustum, quod in uinaceis fuerit expressum, primo quoque tempore absumito, aut ære commutato.

De uino dulci faciendo.

CAP. XXVII.

Vinum dulce sic facere oportet. Vuas legito, in sole per triduum expandito, quarto die meridiano tempore calidas uuas proculcato, mustum lixiuum (hoc est, antequam prælo pressum sit, quod in lacum musti fluxerit) tollito, cum deferbuerit in sextarios quinquaginta irim bene pinsitam nec plus uncie pondere addito, uinum à fecibus cliquatum diffundito: hoc uinum erit suauis, firmum, corpori salubre.

De alijs salubribus conditurarum

generibus.

CAP. XXVIII.

Alia medicaminum genera uini condituris, & firmitati aptissima sic facito. Irim quam candidissimam pinsito, fœnum Græcum uetere uino macerato, deinde in sole expon

exponito, aut in furno, ut siccescat: tum comolito minutissime. Item odoramenta trita, id est, irim cribratam, quæ sit instar pondo quincuncem, et triente, fœni Græci pondo quincuncem et trientem, schœni pondo quincuncem in unum permisceto: tum in serias singulas, quæ sint amphorarum septenûm addito medicamentis pondo unciam, et scrupula octo gypsi. Cum ex locis palustribus mustum crit in singulas ternas heminas, cum de nouellis uincis crit, sextarium, cum de ueteribus et locis siccis, heminas singulas adijcito. Tertio die quàm calcaueris cõdituram infundito, sed antequàm condias musti aliquantû in seriam de seria transferto, ne in condiendo cum medicamento effruescat, et fluat. Sic autem curatum gypsum, et medicamentum, in labello permisceto, quantû serijs singulis fuerit necessarium, idq; medicamentum musto diluito, et ipsa ad serias addito, et permisceto: cum deferbuerit, statim repleto, et oblinito. Omne uinum cum condieris, nolito statim diffundere, sed finito in dolijs quiescere: postea cum de dolijs, aut de serijs diffundere uoles, uere florente rosa defecatum quamlimpidissimum in uasa bene picata, et pura transferto: si in uetustatem seruari uoles, in cado duarum urnarum quamoptimi uini sextarium, aut fecis generosæ recentis sextarios tres addito: aut si uasa recentia, ex quibus uinum exemptum sit, habebis, in ea confundito. Si horum quid feceris, multo melius, et firminus erit uinum, etiam si bonos odores addideris, omnem malum odorem, et saporem prohibueris: nam nulla res, alienum odorem celerius ad se ducit, quàm uinum.

Quemadmodum mustum semper dulce tan-

quam recens permaneat. CAP. XXIX.

Mustum ut semper dulce tanquam recens permaneat, sic facito. Antequàm prælo uinacca subiiciantur, de
lacu

lacu quamrecentissimum addito mustum in amphoram nouam, camq; oblinito, & impicato diligenter, ne quicquam aque introire possit: tunc in piscinam frigida & dulcis aque totam amphoram mergito, ita nequa pars extet, deinde post dies xl. eximito, sic usq; in annū dulce permanebit.

Optima uini curatio, & remedia languentis uini.

C A P. X X X.

AB eo tempore, quo primum dolia operculaueris: usque ad æquinoctium uernum semel in diebus x x x v i. uinum curare satis est, post æquinoctium uernum bis: aut si uinum florere incipiet, sæpius curare oportebit: ne flos eius pessum cat, & saporem uitiet. Quanto maior æstus erit, eo sæpius conuenit uinum nutriri refrigerariq; & uentilari: nam quandiu bene frigidum erit, tandiu recte manebit. Labra uel fauces doliorum semper suffragari nucibus pineis oportebit, quoties uinum curabitur: siqua uina erūt duriora, aut minus bona, quod agri uitio, aut tempestate sit factum, sumito fecē uini boni, & panes facito, & in sole arefacito & coquito in igne: postea terito, & pondo quadrantem amphoris singulis infricato, & oblinito, bonum fiet.

Siquid animal in mustum ceciderit, & interierit, remedia.

C A P. X X X I.

SI quod animal in mustum ceciderit, & interierit, uti serpens, aut mus, sorex uel ne mali odoris uinum faciat, ita ut repertum corpus fuerit, id igne aduratur: cinisq; eius in uas, quò deciderat, frigidus infundatur, atq; rutabulo ligneo permisceatur: ea res erit remedio.

Vinum ex Marrubio.

C A P. X X X I I.

Vinum Marrubij multi utile putant ad omnia intestinalia uitia, & maxime ad tuſſim. Cum uindemiā facies, Marrubij caules teneros, maxime de locis incultis, & ma-

E cris

cris legito, eosq; in sole siccato: deinde fasciculos facito, & tomice palmaea, aut iuncealigato, & in seriam mittito, ita ut uinculum extet: in musti dulcis sext. c c. Marrubij libras v i i i. adijcito, ut simul cum musto deferuescat: post ea eximito marrubiu, & purgatu uinu diligenter oblinito.

Vinum scylliten.

CAP. XXXIII.

Vinum scylliten ad concoquendum, & ad corpus reficiendum, itemq; ad ueterem tuſsim, & ad stomachu hoc modo condire oportet. Primum ante dies quadraginta quam uinum uoles uindemiare scyllam legito, eamq; secato quam tenuissimè, sicut raphani radicem talcolasq; sectas suspende in umbra, ut adsiccentur: deinde cum aridae erunt, in musti aminci sextarios x l v i i i. scyllae aridae adde pondo libram, eamq; inesse patere diebus x x x. postea eximito, & defecatum uinum in amphoras binas adijcito. Alij scribunt in musti sextarios x l v i i i. scyllae aridae pondo libram, & quadrantem adijci oportere, quod & ipsum non improbo: alij hoc ipsum scyllae pondus, quod supra dixi, in aceti duas urnas adijciunt, & per x l. dies in se patiuntur.

De aceto scyllitico.

CAP. XXXIIII.

Qui scylliticum acetum facere uolunt, decem bambatae in tres amphoras musti mitis, aceti acris congiuum, aut duplum, si non est acre, & in ollam, quae fert amphoras tres, decoquis ad palmum, id est, ad quartas, aut si non dulce mustum, ad tertias dissumetur: sed mustum de submassa, & limpidum sit.

Vinum absynthiten, & hyssopiten, & abrotoniten, & reliquarum notarum

quomodo facias.

CAP. XXXV.

Vinum absynthiten, & hyssopiten, & abrotoniten, & thy

et thymiten, et maratriten, et glyciriziten sic condire oportet. Potici absynthij pondo librā cū musti sextar. i i i i. decoque usq; ad quartas: reliquū quod erit, id frigidū adde in musti aminci urnam: idem ex reliquis rebus, quæ superscripta sunt, facito: possunt etiam pulcī aridi tres libræ cum congio musti ad tertias decoqui, et cum refrixerit liquor, exempto pulcio in urnā musti adijci: idq; mox tuſsientibus per hyemem rectē datur: uocaturq; uini nota gleconites.

De musto tortiuo.

CAP. XXXVI.

Mustum tortiuū est, quod post primā pressurā uina-
ceorum circunciso pede exprimitur: id mustum con-
ijcies in amphoram nouam, et implebis ad summum: tum
adijcies ramulos rorismarini aridi lino colligatos, et pa-
tieris unā deferuescere per dies septem: deinde eximes ra-
mulorum fasciculum, et purgatū diligēter uinū gypsabis:
sat erit autem rorismarini sesquilibrium in duas urnas musti
adijcere: hoc uino post duos menses possis pro remedio uti.

Vinum simile græco facere. CAP. XXXVII.

Vas præcoquas quāmmaturissimas legito, easq; per-
tridum in sole siccato, quarto die calcato, et mustum
quod nihil habeat ex tortiuo, conijcito in seriam, diligen-
terq; curato, ut cum deferbuerit, feces expurgentur: deinde
quinto die cum purgaueris mustum, salis cocti et cribrati
duos sextarios, uel quod est minimum, adijcito unum sexta-
rium in sextarios musti XLIX. Quidam etiam defrui
sextarium miscent: nonnulli etiam duos adijciunt, si existi-
mant uini notam parum esse firmam.

Vinum myrtiten quomodo

facias.

CAP. XXXVIII.

Vinum myrtiten ad tormina, et ad alui proluuiem,
et ad imbecillum stomachum sic facito. Duo sunt

genera myrti, quorum alterum est nigrum, alterum albū. Nigri generis baccae, cum sunt maturae leguntur, & semina earum eximuntur, atq; ipsae sine seminibus in sole siccantur, & in fictili fidelia sicco loco reponuntur: deinde per uindemiam ex uetere arbusto, uel si id non est, ex uetustissimis uineis amineae bene maturae uuae sole calido leguntur, & ex his mustum adiicitur in seriam, & statim primo die ante, quam id feruat, baccae myrti, quae fuerant repositae, diligenter conteruntur, & totidem earum librae contusarum appenduntur, quot amphorae condiri debent: tum exiguum musti sumitur ex ea seria, quam medicaturi sumus, & tanquam farina conspergitur, quicquid contusum, & appensum est: post haec complures ex ea massulae fiunt: & ita per latera seriae in mustum demittuntur, ne altera offa super alteram perueniat: cum deinde bis mustum deferbuerit, & bis curatum est, rursus eodem modo, & tantundem ponderis baccae, sicut supra dixi, contunditur: nec iam ut prius massulae fiunt, sed in labello mustum de eadem seria sumitur, praedicto ponderi permiscetur, sic ut sit instar iuris crassi, quod cum est permistum, in eandem seriam confunditur, & rutabulo ligneo peragitatur: deinde post nonum diem quam id factum est, uinum purgatur, & scopulis aridae myrti seria suffriatur, operculumq; superimponitur, nequid eo decidat. Hoc facto, post septimum diem rursus uinum purgatur, & in amphoras bene picatas, & bene olidas diffunditur: sed curandum est, ut cum diffundis liquidū, et sine fece diffundas. Vinum aliud myrtiten, sic temperato: mel atticum ter inferuere facito, & toties dispumato: uel si atticum non habueris, quam optimum mel cligito, & quater uel quinque dispumato: nam quanto est deterius, tanto plus habet spurcitiae: cum deinde
mel

mel refrixerit, baccas albi generis myrti quàm maturissimas legito, & perfricato, ita ne interiora semina conteras: mox fiscello ligneo inclusas exprimito, succumq; earum, qui sit sextariorum sex cū mellis decocti sextario immisce-to, & in lagunculam diffusum oblinito: sed hoc mense De-cembri fieri debebit, quo fere tempore matura sunt myrti semina: custodiendumq; erit, ut ante, quàm baccae legantur, si fieri potest, septem diebus: sin autem ne, minus triduum serenum fuerit, aut certe non pluerit, & ne rorulentæ le-gantur cauendum: multi nigram, uel albam myrti baccam, cum iam maturuit, dstringunt, & duabus horis eam cum paululum in umbra expositam siccaucrunt, perterunt ita, ut quantum fieri potest, iuteriora semina integra perma-ncant: tum per lineum fiscum, quod pertriuuerant, expri-munt, & per colum iunceum liquatum succum lagunculis bene picatis condunt, neque melle, neque alia re ulla immi-sta: hic liquor non tam est durabilis, sed quandiu sine noxa manet, utilior est ad ualctudinem quàm alterius myrtei no-tæ compositio. Sunt qui hunc ipsum expressum succum, si sit eius copiosior facultas, in tertiam partem decoquant, & refrigeratum picatis lagunculis condant: sic confectum diutius permanet: sed quod nō decoxeris, poterit innoxium durare biennio, si modo mundè, & diligenter id feceris.

Passum quemadmodum fiat. CAP. XXXIX.

PAssum optimum sic fieri Mago præcipit, ut & ipse feci. Vuam præcoquem bene maturā legere, acina ari-da, aut uitiosa reijcere, furcas, uel palos, qui cānas sustineāt, inter quaternos pedes figere, & perticis iugare. Tum in-super cannas ponere, & in sole pandere uuas, & noctibus tegere, ne irrorentur. Cum deinde exaruerint, acina decer-pere, & in dolium, aut in seriam conijcere, eōdem mu-

stum quamoptimum, sic ut grana submersa sint, adijcere: ubi combiberint uuae, seq; impleuerint, sexto die in fiscellam conferre, & praelo premere, passumq; tollere. Postea uinaceos calcare adiecto recentissimo musto, quod ex alijs uuis factum fuerit, quas per triduum insolaueris: tum permiscere, & subactam brisam praelo subijcere, passumq; secundarium statim uasis oblinitis includere, ne fiat austrius: deinde post uiginti, uel triginta dies, cum deferbuerit, in alia uasa deliquare, & confestim opercula gypsare, & pelliculari. Passum si ex una apiana facere uolueris, uuam apianam integram legito, acina corrupta purgato, & scernito. Postea in perticis suspendito, perticae uti semper in sole sint facito: ubi satis corrupta erunt acina demito, & sine scipionibus in dolium conijcito, pedibusq; bene calcato: ubi unum tabulatum feceris, uinum uetus conspergito, postea alterum supercalcato, & item uinum conspergito: eodem modo tertium calcato, & infuso uino ita superponito, ut supernatet, & finito dies quinque: postea pedibus proculcato, & in fiscina noua uuas premito. Quidam aquam coelestem ueterem ad hunc usum prae parant, & ad tertias decoquunt: deinde cum sic uuas, ut supra scriptum est, passas fecerunt, decoctam aquam pro uino adiiciunt, & caetera similiter administrant: hoc ubi lignorum copia est, uilissime constat, et est in usu uel dulcius, quam superiores notae passi.

Lora optima quomodo fiat. CAP. XL.

Quantum uini uno die feceris, eius partem decimam quot metretas efficiat considerato, & totidem metretas aquae dulcis in uinacea, sed quibus unius diei uinum expressum erit, addito: eodem & spumas defrui, siue sapae, & fecem ex lacu confundito, & permisceto, eamq; intrit am

tritā macerari una nocte finito, postero die pedibus proculcato, & sic permistam prælo subijcito: quod deinde fluxerit, aut dolijs, aut amphoris condito, & cum deferbuerit, obturato. Commodius autem seruatur in amphoris. Hanc ipsam lorā M. Columella ex aqua uetere faciebat, & nonnunquam plus biennio innoxiam seruabat.

Mustum lixiuum quomodo fiat. CAP. XLI.

MVstum lixiuum de lacu statim tollito: hoc autē erit, quod distillauerit antē, quā nimium calcetur uua. Sed de arbusiuo genere, quod sicco die legeris id facito, conijcies in urnam musti mellis optimi pondo x. & diligenter permistum recodes in lagoena, eamq; protinus gypsabis, iubebisq; in tabulato reponi, si plus uolueris facere, pro portione qua supra mel adijcies: post trigesimū & alterū dicm lagoenam aperire oportebit, & in aliud uas mustum eliquatum oblinire, atque in furnum reponere. Conditura ex cydoneis fit hoc modo. In cacabo figuli nouo, uel in stagneo coquitur musti arbusiuui aminci urna, & mala cydonea grandia expurgata uiginti, & integra mala dulcia granata, quæ punica uocantur, & sorba non permittia diuisa exemptis seminibus, quæ sint instar sextariorum trium. Hæc ita coquuntur, ut omnia poma deliquescant cum musto, & sit puer, qui spatha lignea, uel arundine permisceat poma, ne possint aduri: deinde cum fuerint decocta, ut non multum iuris supersit, refrigerantur, & percolantur, eaq; quæ in colo subsiderunt, diligenter contrita leuigantur, & iterum in suo sibi iure lento igni, ne adurantur, carbonibus decoquantur, donec crassamen in modum fecis existat: prius tamē quā de igne medicamentum tollatur, tres heminae roris syriaci contriti, & cribrati super omnia adijciuntur, & spatha permiscantur, ut

coeant cum cæteris. Tum refrigeratum medicamentum adiicitur in uas fictile nouum picatum, idq; gypsalum alte suspenditur ne pallorem trahat.

De caseo condendo.

CAP. XLII.

Casei aridi ouilli proximi anni frustra ampla facito, & in picato uase composito: tum optimi generis musto adimpleto, ita ut superueniat, & sit ius aliquanto copiosius, quam caseus. Nam caseus combibit, & sit uitiosus, nisi mustum semper supernatet. uas autem, cum impleueris, statim gypsabis: deinde post dies x x. licebit aperiri, & uti qua uoles adhibita conditura, est autem etiam per se non inuendus.

Vuæ ollares quemadmodum compo-

nantur, & seruentur.

CAP. XLIII.

Vas bumastos, uel duracinas, uel purpureas cum descueris à uite, continuo pediculos earum impicato dura picce. deinde labellum fictile nouum impleto paleis quam siccissimis cribratis, ut sine puluere sint, & ita uuas superponito: tum labello adoperito, & circumlinito luto palcato, atq; ita in tabulato siccissimo composita labra paleis siccis obruito. Omnis autem uua sine noxa seruari potest, si luna decrescente, & sereno cælo post horam quartam, cum iam insolata est, nec roris quicquam habet, uiti detrahatur. Sed ignis in proximo decumano fiat, ut pix ferueat, in qua pediculi uuarum statim demittantur. In dolium bene picatum defruti amphoram conijcito, deinde transfuersos fustes spisse arctato, ita ut defrutum non contingant: tum superponito fictiles nouas patinas, & in his sic uuam disponito, ut altera alteram non contingat: tum opercula patinis imponito, & linito. deinde alterum tabulatum, & tertium, & quandiu magnitudo patitur doli similiter instruito

fruito, & eadem ratione uuas componito. deinde picatum
 operculum doli de fruito largè linito, & impositum cinere
 obturato. nonnulli adiecto de fruito contenti sunt transuer-
 sas perticas arctare, & ex his uuas ita suspendere, ne de-
 frutum contingant. deinde operculum impositum oblinire.
 quidam uuas cum ita, ut supra dixi, legerunt, doliola no-
 ua sine pice in Sole siccant. deinde cum ea in umbrā re-
 frigerauerunt, fursures ordeaceos adiiciunt, & uuas ita
 superponunt, ut altera alteram non comprimat: tum gene-
 ris eiusdem fursures infundūt, & alterum tabulatum uua-
 rum eodem modo collocant. idq; faciunt usq; dum dolium
 alternis fursuribus, & uuis compleant. mox opercula impo-
 sita linunt, & uuas siccissimo, frigidissimoq; tabulato repo-
 nunt. quidam eadem ratione arida populnea, uel abiegna
 scobe uirides uuas custodiunt. nonnulli sicco flore gypsi
 obruunt uuas, quas non nimium maturas uitibus detraxe-
 runt. Alij cum legerunt uuam, si qua sunt in ea uitiosa gra-
 na forficibus amputant, atq; ita in horreo suspendūt, in quo
 triticum suppositum est. Sed hæc ratio rugosa facit acina,
 & pene tam dulcia quàm est uua passa. Marcus Columel-
 la patruus meus ex ea creta, qua fiunt amphoræ, lata uasa
 in modum patinarum fieri iubebat: eaq; intrinsecus, &
 exterius crasse picari: quæ cum præparaucrāt, tum de-
 mum purpureas, & bumastos, & numisianas, & duraci-
 nas uuas legi præcipiebat, pediculosq; earum sine mora in
 feruentem picem demitti, & in prædictis patinis separa-
 tim sui cuiusq; generis ita componi, ne uue inter se contin-
 gerent. post hoc opercula superponi, & oblini crasso gy-
 pso: tum demum pice dura, quæ igni liquata esset, sic pi-
 cari, nequis humor transire posset. tota deinde uasa in
 aqua fontana, uel cisternina ponderibus impositis mergi.

Nec ullam partem earum pati extare . sic optimè seruatur uua. Sed cum est exempta , nisi eo die consumitur , acescit. Nihil est tamen certius, quàm uasa fictilia facere, quæ singulas uuas laxè recipiant. Ea debent quatuor ansas habere, quibus illigata uiti dependant. itemq; opercula eorum sic formari, ut media diuisa sint, ut cum suspensa uasa singulas uuas receperint, ex utroque latere appositi operculi duæ partes coeant, & contegant uuas. & hæc uasa, & opercula extrinsecus, & intra diligenter picata esse debebunt. deinde cum contexerunt uuas, luto paleato multo adoperiri, sed uuæ dependentes à matre sic in pultarios condi debent, ne quæ partes uasa contingant. Tempus autem quo includi debent, id fere est, quo adhuc siccitatibus, & sereno cœlo crassa, uariaq; sint acina. Illud in totum maxime præcipimus, ne in eodem loco mala, & uuæ componantur, ne uic in uicino, unde odor malorū possit ad eas peruenire. Nam huiusmodi halitu celeriter acina corrumpuntur. & tamen custodiendorum pomorū rationes, quas retulimus, non omnes omnibus regionibus aptæ sunt, sed pro cōditione locorum, & natura uuarum aliæ alijs conueniunt. antiqui plerunq; sircitulas & uenuculas, & maiores amineas, & gallicas, quæq; maiores, & duri, & rari acini erant, uas condabant, nunc autem circa urbem maxime ad hunc usum numisiana probantur. hæc sereno cœlo cum iam Sol in rorem sustulit, quarta, uel quinta hora (si modo luna decrescat, & sub terris est) modicè maturæ lectissimæ leguntur. deinde in cratibus ita ponuntur, ne altera alterum collidat: tum demum sub tectum referuntur, & arida, uel uitiosa grana forficibus amputantur, & cum paululum sub umbra refrixerint, ternæ, aut etiam quaternæ pro capacitæte uasorum in ollas demittuntur, & opercula diligenter

pice obturantur, ne humorem transmittant: tum uinaceorū pes bene prælo expressus proruitur, & modicè separatiscipionibus, resolutaq; intrita folliculorum in dolio subternitur. & deorsum uersus spectantes ollæ componuntur, ita distantes, ut interculcari possint uinacea, quæ cum diligenter conspissata primum tabulatum fecerunt, aliæ ollæ eodem modo componuntur, expleturq; secundum tabulatum. deinde similiter dolium completur tabulatis ollarum, spissq; uinaceis inculcantur. mox usq; ad summum labrum uinacæ condensantur, & statim operculo superposito cinere in modum gypsi temperato dolium linitur. Monendus tamen crit, qui uasa empturus est, ne bibulas, aut male coctas ollas emat. Nam utraq; res transmissio humore uitiat uuam. quinetiam oportebit, cum ad usum promuntur ollæ, tota singula tabulata detrabi. Nam conspissata uinacea, si semel mota sunt, celeriter acescunt, & uuas corrumpunt.

Mala granata quemadmodum

seruentur.

CAP. XLIIII.

SEquuntur uindemiam rerum autumnalium compositiones, quæ & ipsæ curam uillicæ distendunt. Nec ignoro plurima in hunc librum non esse collata, quæ C. Matus diligentissimè persecutus est. Illi enim propositum fuit urbanas mensas, & lauta conuiuia instruere. Libros tres edidit, quos inscripsit nominibus coci, & cetarij, & salgamarij: nobis tamen abunde sunt ea, quæ ex facili rusticæ simplicitati non magna impensa possunt contingere. Vti sunt in primis omnium generum mala. Quædam, ut à granatis incipiam, pediculos punicorum, sicuti sunt, in arborem torquent, ne pluuijs mala rumpantur, & hiantia dispercant, eaq; ad maiores ramos religant, ut immota permaneant: deinde sparteis restibus arborem cludunt, ne aut coruis

coruis, aut cornicibus, alijs ue auibus pomum laceretur: nonnulli uascula fictilia dependentibus malis aptant, & illita luto paleato arboribus hærere patiuntur: alij fœno, uel culmo singula inuoluunt, & insuper luto paleato crasse linunt, atque ita maioribus ramis illigant, ne, ut dixi, uento commoucantur. Sed hæc omnia, ut dixi, sereno cœlo administrari sine rore debent: quæ tamen aut facienda non sunt, quia lædantur arbusculæ: aut certe non cōtinuis annis usurpanda, præsertim cū liceat etiam detracta arboribus eadem innoxia custodire. Nam & sub tecto fossulæ tripedaneæ siccissimo loco fiunt: eoq; cū aliquantum terræ minutæ repositum est, insiguntur sambuci ramuli: deinde sereno cœlo granata leguntur cum suis pediculis, & sambuco inferuntur, quoniam sambucus tam apertam, & laxam medullam habet, ut facile malorum pediculos recipiat. Sed cauere oportebit, ne minus quatuor digitis à terra absint, & ne inter se poma contingant. Tum factæ scrobi operculum imponitur, & paleato luto circumlinitur, eaq; humo, quæ fuerat cgesta, superaggeretur. Hoc idem in dolio fieri potest, siue quis uolet resolutam terram usque ad dimidium uas elicere, seu, quod quidam malunt, fluuialem arenam cæteraq; eadem ratione peragere. Pœnus quidē Mago præcipit aquam marinam uehementer calefieri, & in ea mala granatæ lino, spartō ue illigata paulum demitti, dum decolorentur, & exempta per triduum in sole siccari, postea loco frigido suspendi, & cū res exegerit, una nocte, & postero die usque in eam horam, qua fuerit utendum, aqua frigida dulci macerari. Sed & idem autor est, creta figulari bene subacta, recentia mala crasse illinire, et cū argilla exaruit, frigido loco suspendere. Mox cū exegerit usus, in aquam demittere, & cretam resolvere. Hæc ratio tan-

quam

quam recentissimum pomum custodit. Idem iubet Mago in urceo nouo fictili substernere scobem populneam, uel iligneam, & ita disponere, ut scobs inter se calcari possit. Deinde facto primo tabulato rursus scobem substernere, & similiter mala disponere, donec urceus impleatur, qui cum fuerit repletus, operculum imponere, & crasso luto diligenter oblinire. Omne autem pomum, quod in uetustatem reponitur, cum pediculis suis legendum est, sed si sine arboris noxa fieri possit, etiam cum ramulis. Nam ea res plurimum ad perennitatem confert. Multi cum ramulis suis arbori detrahunt, & creta figulari cum diligenter mala obruerunt, in sole siccant: deinde si qua rimam creta facit, luto linunt, & assiccata frigido loco suspendunt.

Mala orbiculata, seltiana, melimela, & alia genera quomodo seruantur. CAP. XLV.

Multi eadem ratione, qua granata in scrobibus, uel dolijs seruant cydonea. Nonnulli folijs ficulneis illigant, deinde cretam figularem cum amurca subigunt, & calinunt mala, quæ cum siccata sunt, in tabulato frigido loco, & sicco reponunt. Nonnulli hæc eadem in patinas nouas sicco gypso ita obruunt, ut altera alteram non contingant: nihil tamen certius, aut melius experti sumus, quam ut cydonea maturissima integra sine macula, & sereno coelo decresciente Luna legantur, & in lagoena noua, quæ sit patentissimi oris deteresa lanugine, quæ malis inest, componantur leuiter, et laxè, ne collidi possint: deinde cum ad fauces usque fuerint composita, uimineis surculis sic transuersis arctentur, ut modicè mala comprimant, nec patiantur ea cum acceperint liquorem, subleuari: tum quamoptimo, et liquidissimo melle uas usque ad summum ita repleatur, ut pomum submersum sit: hæc ratio non solum ipsa mala custodit,

dit, sed etiam liquorem mulsei saporis præbet, qui sine noxa possit interdum dari febricitantibus, isque uocatur melimeli: sed cauendum est, ne quæ in melle custodire uolueris, immatura mala condantur, quoniam cruda si lecta sunt, ita indurescant, ut usui non sint: illud uerò, quod multi faciunt, ut ea diuidant osseo cultro, & semina eximant, quod putent ex eis pomum uitari, superuacuum est, sed ratio, quam nunc docui, adeò quidē certa est, ut etiam si uermiculus inest, nō amplius tamen corrumpantur mala, cum prædictū liquore acceperint: nā ea mellis est natura, ut coërceat uitia, nec serpere ea patiatur, qua ex causa etiam exanimū corpus hominis per annos plurimos innoxium conseruat: itaq; possunt alia genera malorum sicuti orbiculata, festianna, melimela, matiana hoc liquore custodiri, sed quia uidentur in melle dulciora fieri sic condita, nec proprium saporem conseruare, arculæ fagineæ, uel etiam tiliacæ, quales sunt, in quibus uestimenta forensia conduntur, huic rei paulò ampliores præparari debent, eaq; in tabulato frigidissimo, et siccissimo loco, quò neque fumus, neq; teter perueniat odor, collocantur: deinde substrata prædicta poma sic componi, ut flosculi sursum, pediculi deorsum spectent. quemadmodum etiam in arbore nata sunt, & ne inter se alterum ab altero cōtingatur. Ita obseruandum est, ut unumquodque genus separatim proprijs arculis reponatur: nam cum unā clausa sunt diuersa genera, inter se discordant, & celcius uitiat. Propter quod etiam conseminalium uinearum, non tam est firmum uinum, quàm si per se syncerum amineum, uel apianum, aut etiam fecinum cōdideris: uerū sic, ut prædixi, cum diligenter mala fuerint cōposita operculis arcularū cōtegantur, & ut luto paleato linantur opercula, ne introire spiritus possit: atque ea ipsa nonnulli

sicut in alijs generibus, ut supra iā diximus, populnea quidam, etiam abiegna scobe interposita, mula custodiunt. Hæc tamen poma non matura, sed acerbissima legi debent.

De conditura inulæ.

CAP. XLVI.

INulæ conditura sic fiet, cum eius radicem mense Octob. (quo maxime matura est) è terra crucris, aspero linteolo, uel etiam cilicio detergito quicquid arenæ inhærebit: deinde acutissimo cultello summatim eradito, & quæ plenior radícula fuerit, pro modo crassitudinis in duas, uel plures partes digiti longitudine diffindito: deinde ex aceto modicè in cacabo æneo coquito, ita ne taleolæ inuri possint. Post hæc in umbra triduo siccentur, & ita in fideliā picatā recondantur, adiecto passo uel defruto, quod supernatet, spissamentoque; cunilæ imposito contectum uas pelliculetur. Alia inulæ conditura. Cum radices eius rascriis, taleolas, ut supra, facito, & in umbra triduo, uel etiam quadriduo siccato: deinde siccatas in uasis sine picæ, interiecta cunila conijcito, cunila imposita, sex partibus aceti una pars sapæ misceatur cum hemina salis cocti, ut hoc iure macerentur taleolæ, donec quàm minimum amaritudinis resipiant. Postea exemptæ iterum siccentur per dies quinque in umbra: tum crassamentum uini seculèti, nec minus, si sit, mulsi, & utriusque eorum quartam partem boni defruti confundito in ollam, quæ cum inferbuerit taleolas inulæ adijcito, & statim ab igne remoucto, ac rudicula lignea peragitato, donec perfecte refrigescant. Postea transfundito in fideliā picatā, operculo tegito, tumque pelliculato. Tertia eiusdem inulæ conditura, Cum radículas diligenter rascriis, minute concisas in muria dura macerato, donec amaritudinem dimittant: deinde effusa muria sorba quàm optima, & maturissima semine detracto contere, & cum

inula

inula misce, tum siue passum, seu quàm optimum defrutum adijcito, & uas obturato. Quidā cum condierunt inulam, muriaq; macerauerunt, exsiccant, & malis cydoneis tritis, quæ in defruto, uel melle decoxerant, miscent, atque ita superfundunt passum, uel defrutum, & uas operculatum pelliculant.

Sampsā quemadmodum fiat. CAP. XLVII.

A Cerbam pauseam mense Septembri, uel Octobri, dum adhuc uindemia est, contunde, & aqua calida paululum maceratam exprime, foeniculiq; seminibus, & lentisci cum cocto sale modicè permistam reconde in fideliā, & mustum quàm recentissimum infunde. Tum fasciculum uiridis foeniculi superpositum merge, ut oliuæ premantur, & ius supereminet. Sic curata oliua tertio die possis uti. Albam pauseam, uel orchitem, uel radiolum, uel regiam dum contundes, primum quanq; ne decoloretur, in frigida muriam demerge, cuius cum tantum paratæ habueris, quantum satis fuerit implere amphoræ, foeniculi aridi fasciculum substerne in imo: deinde uiridis foeniculi semina, & lentisci distrieta & purgata in urceolo habeto: tum exemptam de muria oliuam exprimito, & permistam prædictis seminibus in uas adijcito: deinde, cum ad fauces peruenerit eius, foeniculi aridi fasciculos superponito, & ita recentis musti duas partes, & unam duræ muriæ permistas adijcito. Hac conditura compositis oliuis toto anno comode uteris. Quidam oliuam non contundunt, sed acuta arundine infecant, idq; operosius quidem, sed melius est, quia hæc candidior est oliua, quàm ea, quæ ex contusione liuorem contrahit. Alij siue contuderint, siue infecuerint oliuas, modico sale cocto, & prædictis seminibus immiscent: deinde sappam, uel passum, uel si est facultas, mellam infundunt. Mel-
la autem

la autem quomodo fiat, paulo ante hoc ipso libro præcepimus. Cætera omnia similiter administrant. Posias oliuas, uel regias sine macula quam candidissimas manu districtas eligito: deinde substrato fœniculo arido in amphoram conijcito, intermisctis seminibus lentisci, nec minus fœniculi, & cum ad fauces uas repleueris, adijcito muriam duram: tum spissamento factò de arundinum folijs, oliuam premito, ut infra ius mersa sit & iterum infundito muriam duram, dum ad summum amphoræ labrum perueniat. At hæc oliua per se parum iucunda est, sed ad eas condituras, quæ lautioribus mensis adhibetur, idonea maxime est: nam cum res exigit, de amphora promitur, & contusa recipit quacunque uo lucris conditura. Plerique tamen sectiuum porrum, & rutam cum apio tenero, & mentam minute cōcidunt, & contusis oliuis miscent, deinde exiguum aceti piperati, & plusculum mellis, aut mulsi adijciunt, oleoque uiridi irrorant, atque ita fasciculo apij uiridis contegitur. Quidam sic lectæ oliuæ in modios singulos ternas heminas salis permiscent, & adiectis seminibus lentisci, fœniculoque substrato amphoram usque ad fauces replent oliuis: deinde aceto non acerrimo infundunt, & cum iam penè amphoram implauerunt, fœniculi spissamento deprimunt baccam, & rursus acetum usque ad summum labrum adijciunt. Postea quadragesimo die omne ius defundunt, & sapæ, uel defruti tres partes cum aceti una permiscent, & amphoram replent. Est & illa probata compositio, ut cum muria dura pausea alba maturuerit, omne ius defundatur, & immisctis duabus partibus defruti, cum aceti una, repleatur amphora. Eadem cōditura posset etiam regia componi, uel orchita. Quidam unam partem muriae, & duas aceti miscent, eoque iure oliuas poscas colymbadas faciunt: quibus si per se quo uti uelit, satis iucundas

experietur, quamuis & hæc cum exeunt de muria, conditūram qualem cunq; recipere possunt. Oliuæ poscæ, cum iam decolorantur, antequam mutescant, cum petiolo leguntur, & oleo quā optimo seruantur. Hæc maxime nota etiā post annum repræsentat uiridem saporem oliuarum. Nonnulli etiam cum de oleo exemerunt, trito sale aspersas pro nouis apponunt. Est & illud condituræ genus, quod in ciuitatibus Græcis plerunq; usurpatur, idq; uocant epityrū. Oliua pausca, uel orchita cum primum ex albo decoloratur, fitq; luteola, sereno cælo manu dstringitur, & in uannis uno die sub umbra expanditur: & siqui adhærent pediculi, foliaq; aut surculi, leguntur: postero die cribratur, & nouo fisco inclusa prælo supponitur, uehementerq; premitur, ut exudet quantulūcunq; habet amurcæ. Patimur autem nonnunquam tota nocte, & postero die pondere pressam baccam uelut exaniari, tum resolutis corticulis eximimus eam, & in singulos modios oliuæ triti salis cocti singulos sextarios infundimus: itemq; lentisci semen, rutæq; & fœniculi folia sub umbra siccata, quæ uti satis uidentur concisa minute, admiscemus, patimurq; horis tribus, dum aliquatenus bacca salem combibat: tum superfundimus boni saporis oleum, ita ut obruat oliuam, & fœniculi aridi fasciculū deprimimus, ita ut ius supernatet. Huic autem condituræ uasa noua fictilia sine picce præparantur: quæ ne possint oleum sorbere, tanquam oliuariæ metretæ imbuuntur liquamine, tum demum & assiccantur. Sequitur autem frigus hyemis, per quod oliuitas, sicut uindemia, curam uillicæ repetit.

Nigræ oliuæ conditura. CAP. XLVIII.

Prius itaq; (quoniā inchoauimus) de cōdituris oliuarum præcipimus, ac statim conficiendi olei rationem subiiciamus. Pauscæ baccae, uel orchitæ nonnullis regionibus etiam

etiam nœuix cōuiuorum epulis præparantur. Has igitur, cum iam nigruerint, nec adhuc tamen permaturæ fuerint, sereno cœlo dstringere manu conuenit, lectasq; cribrare, & secernere, quæcunque maculosæ, seu uitiosæ, minoris uel incrementi uidebuntur: deinde in singulos modios oliuæ salis integri ternas heminas adijcere, & in uimincos quaelos confundere superposito copioso sale, ita uti oliuas contegat, sicq; triginta dies pati consudascere, atque omnem amurcam extillare, postea in alucum diffundere, mundaq; spongia salcm, ne permaneat, detergere: tum in uas adijcere, & sapa, uel defruto amphoram replere superposito spissamento aridi foeniculi, quod oliuam deprimat. Pleriq; tamen tres partes defruti, aut mellis, & unā miscent aceti, aliqui duas partes, & unam aceti, & eo, quo condiunt, iurare. Quidam, cum oliuam nigram legerint, eadem portione, qua supra, saliant, & sic collocant in qualis, ut immistis seminibus lentisci alterna tabulata oliuarum, & salis usq; in summum cōponunt, deinde post quadraginta dies cum oliua quicquid habuit amurcæ exsudauit, in alucū defundunt, & cribratam separant ab seminibus lentisci, spongiaq; detergent, nequid adhæreat salis: tum in amphorā cōfundunt adiecto defruto, uel sapa, uel etiam melle, si est copia, cæteraq; similiter faciunt. In singulos modios oliuæ singulos sextarios maturi seminis anisi, lentisciq; , & ternos cyathos seminis foeniculi: si id nō est, ipsum foeniculum concisum quantum satis uidebitur, adijci oportet: deinde in singulis modiis oliuarum salis cocti, & non moliti ternas heminas admisceri, & ita in amphoris condi, easq; fasciculis foeniculi obturari, & quotidie per terram uolutari: deinde tertio quoq; aut quarto die quicquid amurcæ inest mitti. Post x l. dies in alucum diffundi, & à sale tantummodo

F 2 separari,

separari, sic ne spongia detergeantur oliuæ, sed ita ut erunt exemptæ, massulis salis mistis in amphoram condantur, & spissamentis impositis ad usus in cellam reponantur. Maturam oliuā in statura factam colymbadē, de muria tollito, spongia tergito: deinde canna uiridi scindito duobus, uel tribus locis, & triduo in aceto habeto, quarto die spōgia extergito, in urceum, aut cacabum nouum mittito substrato apio & modica ruta. Concisis deinde pleno uase oliuis immitte defrutum usq; ad os. Lauri turiones in hoc usu mittito, ut oliuas deprimant: post dies uiginti utere.

Sirapa quomodo fiat.

C A P. XLIX.

Oliua nigra maturissima sereno cœlo legitur, eaq; sub umbra uno die in cannis porrigitur, & quæcūq; est uitiosa bacca, separatur. Item siqui adhæserāt pediculi, adimuntur, foliaq; & surculi, quicunq; sunt intermisti, eximuntur. Postero die diligēter cribratur, ut siquid inest stercoris separetur: deinde intrita oliua nouo fisco includitur, & prælo subijcitur, ut tota nocte exprimatur. Postero die inijcitur quammundissimis molis suspēsis, ne nucleus fragatur. Et cū est in sampsam redacta, tunc sal coctus, tritusq; manu permiscetur cū cæteris aridis condimentis. Hæc autem sunt, carenū, cuminum, semē fœniculi, anisum ægyptium. Sat crit autem totidē heminas salis adijcere, quot sunt modij oliuarū, & oleū superfundere, ne exarescat. Idq; fieri debebit, quotiescūq; uidebitur assiccari. Nec dubiū est, quin optimi saporis sit, quæ ex oliua posita facta est. Cæterum supra duos menses sapor eius non permanet integer. Videntur autem alia genera huic rei magis esse idonea, sicut liciniæ culmineæ. Veruntamen habetur præcipua in hos usus olea calabrica, quam quidam propter similitudinem oleæ stellum uocant.

Oleum

Oleum quemadmodum fiat. CAP. L.

Media est oliuitas plerunq; initium mensis Decembris. Nam & ante hoc tempus acerbum oleum conficitur, quod uocatur æstiuū, & circa hunc mensem uiride premitur, deinde postcā maturū. Sed acerbum oleum facere patrisfamiliās rationibus nō conducit, quoniam exiguum fluit, nisi bacca tēpestatibus in terrā decidit, & necesse est eam sublegere, ne à domesticis pecudibus feris'uc cōsumatur. Viridis autem notæ cōficere uel maxime expedit, cū & satis fluit, & pretio pene duplicat domini reditum. Sed si uasta sunt oliueta, necesse est, ut aliqua pars eorum maturo fructui reseruetur. Locus autem in quo cōfici oleum debeat, etiam descriptus est priore uolumine. Pauca tamen ad rem pertinentia commemoranda sunt, quæ prius omiseram. Tabulatum, quò feratur olea, necessarium est, quamuis præceptum habeamus, ut uniuscuiq; diei fructus molis, & prælo statim subiiciatur. Verū tamen quia interdum immodica multitudo baccae torculariorū uincit laborem (si labor est) esse oportet pensile herreū, quò imponantur fructus, idq; tabulatum simile esse debet granario, & habere lacusculos tā multos, quā postulat modus oliuæ, ut separetur, & seorsum reponatur uniuscuiusq; diei coactura. Horum lacusculorum solum lapide, uel tegulis oportet cōsterni, & ita decliue fieri, ut celeriter omnis humor per canales, aut fistulas defluat. Nam est inimicissima oleo amurca, quæ si remāsit in bacca saporem olei corrūpit. Itaq; cū lacus, quemadmodum diximus, extruxeris, asserculos inter se distantes semipedalibus spatijs supra solū ponito, & cannas diligenter spiße textas inijcito, ita ut ne baccam transmittere queāt, & oliuæ pondus possint sustinere. Iuxta omnes autē lacusculos, ea parte, qua defluet amurca,

sub ipsis fistulis in modum fossularū concavum pavimentum, uel cauum lapidem esse oportebit, in quo consistat, et unde exhauriri possit quicquid defluxerit. Præterea lacus, uel dolia præparata sub tecto habere oportebit, quæ seorsum recipiant sui cuiusq; generis amurcam, siue quæ sincera defluxerit, siue etiam quæ salē receperit: nam utraq; usibus plurimis idonea est. Oleo autem conficiendo molæ utiliores sunt, quàm trapetum: trapetum, quàm canalis, et solea. Molæ quàm facillimam patiuntur administrationem: quoniam pro magnitudine baccarū uel submitti, uel etiā elcuari possunt, ne nucleus, qui saporem olei uitiat, confringatur. Rursus trapetum plus operis faciliusq; quàm solea, et canalis efficit. Est et organum erectæ tribulæ simile, quod tudicula uocatur: idq; non incommode opus efficit, nisi quòd frequenter uitiatur, et si bacca plusculum ingesseris, impeditur. Pro conditione tamen, et regionum consuetudine prædictæ machine exercentur. Sed est optima molarum, tum etiam trapeti. Hæc ante, quàm de oleo conficiendo differerem, præfari necesse habui. Nunc ad ipsam rem ueniendum est, quāquā multa onussa sint, quæ sicut ante uindemiam, sic ante oliuitatem præparanda sunt, tanquā lignorum copia, quæ multò ante apportanda est, ne cum res desiderauerit, operæ auocentur. Tum scalæ, corbulæ, dceemmodiæ, trimodiæ satoriæ, quibus districta bacca suscipitur, fisci, funes canabini, et spartei, conchæ ferreæ, quibus depletur oleum, opercula, quibus uasa olearia conteguntur, spongiæ maiores, et minores, urcei, quibus oleum progeritur, canneæ tegetes, quibus oliua excipitur, et siqua sunt alia, quæ nunc memoriā meam refugiunt. Hæc omnia, et multò plura esse debent, quoniam in usu depercunt, et pauciora fiunt, quorum siquid
suo

suo tempore defuerit, opus intermittitur. Sed iam quod pol-
 licitus sum exequar. Cum primū baccae uariare cœperint,
 et iam quædā nigrae fuerint, plures tamen albæ, sereno cor-
 lo manibus distringi oliuam oportebit, et substratis tegeti-
 bus, aut cannis cribrari, et purgari. Tum diligenter mun-
 datam protinus in torcular de ferri, et integrā in fiscinis no-
 uis includi, prælisq; subijci, ut quantum possit paulisper
 exprimatur. Postea resolutis corticulis emoliri debebunt,
 adiectis binis sextarijs integri salis in singulos modios. Et
 aut regulis, si consuetudo erit regionis, aut certe nouis fi-
 scinis sampsa exprimi. Quod deinde primum defluxerit in
 rotundum labrum (nam id melius est, quam plumbcū qua-
 dratum, uel structile gemellar) protinus capulator deplecat,
 et in fistilia labra huic usui præparata defundat. Sint au-
 tem in cella olcaria tres labrorum ordines, ut unus primæ
 notæ, id est primæ pressuræ oleū recipiat, alter secundæ, ter-
 tius tertiæ. Nam plurimum refert non miscere iterationem,
 multoq; minus tertiationem cum prima pressura, quoniam
 longe melioris saporis est, quod minori ui præli, quasi li-
 xiuum defluxerit, cum deinde paululū in labris primis con-
 stiterit oleū, cliquare id capulator in secunda labra debebit,
 et deinde in sequentia usq; ad ultima. Nam quanto sæpius
 translatione ipsa uentilatur, et quasi exercetur, tanto fit li-
 quidius, et amurca liberatur. Sat erit autem in singulis or-
 dinibus tricena componi labra, nisi uasta fuerint oliucta,
 et maiorem numerum desiderauerint. Quod si frigoribus
 oleum cum amurca congelabitur, plusculo sale cocto utiq;
 ut edum erit. Ea res resoluit oleum, et separat ab omni ui-
 tio. Neq; uerendum est, ne falsum fiat. Nam quantumcunq;
 adieceris salis, nihilominus saporem non recipit oleum. So-
 let autem ne sic quidem resolui, cum maiora frigora inces-

serunt, itaq; nitrum torretur, & contritum inspergitur, & cōmiscetur. Ea res eliquat amurcā. Quidam, quamuis diligentes olcarij baccam integrā prælo non subiiciunt, quòd existimant aliquid olei deperire. Nam cum præli pondus accepit, non sola exprimitur amurca, sed & aliquid secum pinguitudinis attrahit. Illud autem in totum præcipiendum habeo, ut neque fumus, neque fuligo, quandiu uiride oleum conficitur, in torcular admittatur, aut in cellam oleariam. Nam est utraque res inimica huic rei, peritissimiq; olcarij uix patiuntur ad unam lucernam opus fieri. Quapropter ad eum statū cœli & torcular, & cella olearia constituenda est, qui maxime à frigidis uentis auersus est, quoniam minime uapor ignis desyderatur. Dolia autem, & seriæ, in quibus oleum reponitur, non tantum eo tempore curāda sunt, cum fructus necessitas cogit, sed ubi fuerint à mercatore uacuata, confestim uillica debet adhibere curam, ut si quæ feces, aut amurcæ in fundis uasorum subsederint, statim emundentur, & non calidissima lixiuia, ne uasa ceram remittant, sed semel, atq; iterum eluentur, deinde aqua tepida leuiter manibus defricentur, & sepius eluantur, atq; ita spongia omnis humor assicetur. Sunt qui cretam figurarem in modū liquidæ fecis aqua resoluāt, & cum uasa lauerint, hoc quasi iure intrinsecus oblinant, & patiantur arefcere. Postcā cum res exigit, pura eluunt aqua, nonnulli prius amurca, deinde aqua uasa perluunt, & assiccant, tum considerant nunquid ceram nouam dolia desyderent. Nam ferè sexta quaq; oliuitate cerari oportere antiqui dixerunt, quod fieri posse non intelligo. Nam quemadmodum noua uasa si cale fiant, liquidam ceram facile recipiant, sic uetera non crediderim propter olei succū, ceraturam pati. Quam tamen & ipsam ceraturam nostrorū temporum agricolæ repud

repudiauerunt, existimaueruntq; satius esse noua dolia liquida gummi perlucere, siccataq; suffumigare alba cera, ne pallorem capiant. Eamq; suffusione semper faciendam iudicant quotiescunque uel noua, uel uetera uasa curantur, & oleo nouo præparantur. Multi cum semel noua dolia, uel serias crassa gummi liuerunt, una in perpetuum gummitione contenti sunt. Et sanè quæ semel oleum testa combibit, alteram gummitiõnem non recipit. Respuit enim olei pinguitudo talem materiã, qualis est gummi. Post mensem Decembrem circa Calendas Ianuarias eadem ratione, qua superius, distringenda crit olea, & statim exprimenda. Nam si reposita in tabulatũ fuerit, celeriter concalcscet, quoniam hyemalibus pluuijs amurcæ plus concipit, quæ est contraria huic rei. Cauendum est itaque, ne ex ea fiat oleum cibarium quod uno modo uitari poterit, si protinus illata de agro bacca comolita, & expressa crit, quæ sic administrata fuerit, ut supra diximus. Pleriq; agricolarum crediderunt, si sub tecto bacca deponatur, oleum in tabulato crescere, quod tam falsum est, quàm in area frumenta crescere: idq; mendacium uetus ille Porcius Cato sic refellit. Ait enim in tabulato corrugari oliuam, minorcmq; fieri. Propter quod cum facti unius mensuram rusticus sub tecto reposuerit, & post multos dies eam molere uoluerit, oblitus prioris mensuræ quam intulerat, ex alio aceruo similiter seposito quantum cuiq; mensuræ defuit supplet. Eoq; facto uidetur plus olei quieti, quàm recens bacca reddere, cum longè plures modios acceperit. Attamen si id maxime uerũ esset, nihilominus ex pretio uiridis olei plus quàm multitudine mali contrahitur, quod & Cato dixit. Et sic quidem quicquid ponderis, aut mensuræ oleo accedit, si portionem uelis in factum adiectæ baccæ computare, non prouentum, sed

detrimentum senties. Quapropter dubitare non debemus lectam oliuam, primo quoque tempore commolere, præloq; subijcere. Nec ignoro etiam cibarium oleum esse faciendum. Nam ubi exesa uermiculis oliua decidit, uel tempestatibus, & pluuijs in lutum defluxit, ad præsidium aquæ calidæ decurritur, ahenumq; calefieri debet, ut immundæ baccae eluantur. Sed id non fructuissima fieri oportet, uerū modicè calida, quò commodior gustus olei fiat: nam si excoctus est, etiam uermiculorū, cæterarumq; immunditiarum saporem trahit. Sed cum fuerit oliua elota, reliqua, sicut supra præcepimus, fieri debebunt. Fiscis autem non ijsdem improbum & cibariū oleum premi oportebit. Nam ueteres ad caducam oliuam, noui autem ordinario aptari oleo, semperq; cum expresserint facta statim feruentissima debent aqua bis, aut ter elui: deinde si sit profluens, impositis lapidibus, ut pondere pressi detineantur immergi: uel si nec flumen est, in lacu, aut piscina quam purissimæ aquæ macerari, & postea uirgis uerberari, ut sordes, fecesq; decidant, & iterum elui, siccariq;.

De oleo gleucino.

CAP. LI.

Quamuis non erat huius temporis olei gleucini compositio, tamen huic parti uoluminis reseruata est, ne parum opportune uini conditionibus interponeretur: hac autem ratione cōfici debet. Vas olearium quàm maximū, & aut nouum, aut certè bene solidū præparari oportet: deinde per uindemiam musti quam optimi generis, & quàm recentissimi sextarios sexaginta cum olei pondo octoginta in id confundi: tum aromata non cribrata, sed ne minute quidem contusa, uerū leuiter cōfracta in reticulum iuncum, aut lincum adijci, & ita cum saxi pondusculo in olei, atque musti partem demitti. Sint autem ijs portionibus pensata,

quas

quas infra subiicimus, calami, schoeni, cardamomi, xilobalsami, corticis de palma scœni Græci uctere uino macerati, & postea siccati, atq; etiã torrefacti, iunci radices, tum etiã iridis græcæ, nec minus anisi ægyptij pari pondere, id est, uniuscuiusq; libram, & quadrantem, ut supra diximus, reticulo inclusa demittito, & metretam linito: post septimum diem, aut nonum per se metretæ siquid fecis, aut spurcitie faucibus inhærebit, manu eximito, & detergito: deinde oleũ eliquato, nouisq; uasis recondito, mox reticulũ eximito, & aromata in pila quammundissimè cõtundito, tritaq; in eandem metretã reponito, & tantundem olei quantum prius infundito, & obturato, in sole ponito. Post septimum diem oleum depleto, & quod reliquum est musti picato cado recondito. Nam id si non exhausseris medicamentum, dabitur potatum imbecillis bubus, & cætero pecori.

Oleum ad unguenta quemadmodum

facias.

CAP. LII.

Oleum autem secundarium non insuauis odoris quotidianam unctionem præbere poterit dolore neruorũ laborantibus: antè, quàm oliua nigrescat, cùm primum decolorari coeperit, nec tamen adhuc uaria fuerit, maxime liciniam, si erit, si minus, regiã, si nec hæc fuerit, tunc culminiam baccam manu stringito, & statim purgatam prælo integram subiicito, & amurcam exprimito, deinde suspensa mola oliuam frangito, eamq; uel in regulas, uel in nouo fisco adijcito. subiectamq; prælo sic premito, ne uasa inorqucas, sed tantum ipsius præli pondere quantulumcunq; exprimi patiaris: deinde cùm sic fluxerit, protinus capulator amurca separare, & diligenter seorsum in noua labra transferat, eiusq; eliquet reliquum olei: quod postea fuerit expressum, poterit ad escam uel cum alia nota mustum

ta mistum, uel per se approbari.

De falsura suillæ carnis.

CAP. LIII.

HActenus de oleo abunde diximus, nunc ad minora redeamus: omne pecus, & præcipue suem pridie quam occidatur, potionem prohiberi oportet, quò sit caro siccior. Nam si biberit, plus humoris falsura habebit: ergo sitientem cum occideris, bene exossato. Nam ea res minus uitiosam, & magis durabilem falsuram facit: deinde cum exossaueris, cocto sale, nec nimium minuto, sed suspensa mola infracto diligenter salito, & maxime in eas partes, quibus ossa relictæ sunt, largum salē infarcito, cōpositisq; supra tabulatum tergoribus, aut frustis uasta pondera imposito, ut exanietur. Tertio die pondera remoucto, & manibus diligenter falsuram fricato, eamq; cum uoles reponere, minuto, & trito sale aspergito, atque ita reponito: nec desieris eius quotidie falsuram fricare, donec matura sit: quòd si serenitas fuerit ijs diebus, quibus perfricatur caro, patieris eam sale cōspersam esse nouem diebus: at si nubilū, aut pluuie, undecima, uel duodecima die ad lacum falsuram deferri oportebit, & salē prius excuti, deinde aqua dulci diligenter perlui: necubi sal inhæreat, & paululum assiccata in carnario suspendi, quò modicus fumus perueniat, qui siquid humoris adhuc continetur, siccare cum possit. Hæc falsura luna decrescēte maxime per brumam, sed etiam mense Februario ante Idus commode fiet. Est & alia falsura, quæ etiam locis calidis omni tempore anni potest usurpari, quæ talis est. Cum ab aqua pridie sues prohibiti sunt postero die mactantur, & uel aqua candente, uel ex tenuibus lignis flammula facta glabratur (nam utroq; modo pili detrahuntur) caro in libraria frusta conciditur: deinde in seriam substernitur sal coctum, sed modicè (ut suprà dixi-

mus

mus) infractum: deinde offulæ carnis spissæ cōponuntur, & alternis sal ingeritur: sed cū ad fauces seriæ peruentum est, sale reliqua pars repletur, & impositis ponderibus in uas comprimitur: eaq; caro semper cōseruatur, & tanquā salsamentum in muria sua permanet.

Rapa, & napos quemadmodum condias.

CAP. LIIII.

RAporum quā rotundissima sumito, eaq; si sunt luto-sa, detergito, & summam cutem nouacula decerpito: deinde (sicut consueuerunt Salgamarij) decussatim ferramento lunato incidito. Sed cauetō, ne usq; ad imū præcidas rapū. Tum salē inter incisuras raporum non nimū minutū aspergito, & rapa in aluco, aut seria composito, & sale pluscūo aspersa triduo finito, dum exudent: post tertiā dicm mediā fibrā rapi gustato, si receperit salē. Deinde cū uidebitur satis recepisse, exemptis omnibus, singula suo sibi iure eluito: uel si nō multū liquoris fuerit, muriā durā adijcito, & ita eluito: & postea in quadratā cistam uimineam, quæ neq; spissæ, solidæ tamē & crassis uiminibus cōtexta sit, rapa cōponito: deinde sic aptatam tabulam superponito, ut usq; ad fundum, si res exigat, intra cistam deprimi possint. Cum autē eam tabulā sic aptaueris: graua pondera superponito, & finito nocte tota, & uno die sicari. Tum in dolio picato fictili, uel in uitreo composito, & sic infundito sinapi, & aceto, ut à iure contegantur. Napi quoq; sed integri, si minuti sunt, maiores autem insecti, eodē iure, quo rapa condiri possunt: sed curandū est, ut hæc utraq; antequā caule, aut cymā faciant, dum sunt tenera, componantur. Napos minutos integros, aut rursus amplos in tres, aut quatuor partes diuisos in uas conijcito, & aceto infundito, salis quoq; cocti unum sextarium in
congium

congium aceti adijcito : post trigesimum diem uti poteris.

Sinapim quemadmodum facias. CAP. LV.

Semen sinapis diligenter purgato, & cribrato: deinde aqua frigida eluito, & cum fuerit bene lotum, duabus horis in aqua finito: Postea tollito, & manibus expressum in mortarium nouum, aut bene emundatum conijcito, & pistillis conterito, cum contritum fuerit, totam intritam ad medium mortariū contrahito, & compresso manu plana: deinde cum compresseris, scarificato, & impositis paucis carbonibus uiuis aquam nitratam suffundito, ut omnem amaritudinem eius, & pallorem exaniet: deinde statim mortarium erigito, ut omnis humor eliquetur. Post hoc album acre acetum adijcito, & pistillo permisceto, colatoq;. Hoc ius ad rapa condienda optimè facit. Cæterum si uelis ad usum conuiuiorū præparare, cū exaniueris sinapi, nucleos pineos quamrecentissimos, & amygdalū adijcito, diligenterq; cōterito infuso aceto. Cætera, ut supra dixi facito. Hoc sinapi ad embammata nō solum idoneo, sed etiam specioso uteris: nā est candoris eximij, si sit curiose factum.

Oleris atrī & fiseris radicem quemadmodum condias. CAP. LVI.

Priusquā olus atrum coliculum agat, radicem eius exerito mense Ianuario, uel etiam Februario, & diligenter defricato, nequid terreni habeat, & in aceto, & sale composito: deinde post diem trigesimum eximito, & corticem eius delibratum abijcito. Cæterum medullam eius concisam in fideliam uitream, uel nouam fictilem conijcito, & adijcito ius, quod sicuti infra scriptum est, fieri debet. Sumito mentam, & uuam passam, & exiguam cepā aridam, eamq; cum torrido farre, & exiguo melle subterito: quæ cum fuerit bene trita, sapæ, uel defruti duas partes, & aceti

Et aceti unam permisceto: atq; ita in eandem fideliā confundito, eamq; operculo contectā pelliculato: cum deinde uti uoles, cū suo iure concisas radículas promito, et oleum adijcito: hoc ipso tempore siferis radicem poteris eadem ratione, qua supra condire: sed cum exegerit usus, eximes de fidelia, et oxymelli, cum exiguo olco superfunde.

Moretum oxyporum, uel ut aliq, oxygarum quemadmodū componas. CAP. LVII.

Addito in mortarium saturciam, mentam, rutam, coriandrum, apium, porrum sectium, aut si non erit uiridem cepam: folia lactuæ, folia crucæ, thymum uiride, uel nepetam, tum etiam uiride puleium, et cascum recentem, et salsum, et omnia pariter conterito, aceti q; piperati exiguum permisceto. Hanc misturam cum in catillo composueris, oleum superfundito. Cum uiridia, quæ supra dicta sunt, contriueris, nuces iuglandes purgatas quantum satis uidebitur, inscrito, aceti q; piperati exiguum permisceto, et oleum infundito. Sesamum leuiter torrefactum cum ijs uiridibus, quæ supra dicta sunt, conterito. Item aceti piperati exiguum permisceto, cui supra oleum superfundito. Cascum gallicum, uel cuiuscunq; notæ uolueris minutatim concidito, et conterito, nucleosq; pineos, si eorum copia fuerit, si minus, nuces auellanas torrefactas adempta cute, uel amygdalas equè supra condimenta pariter misceto, aceti q; piperati exiguum adijcito, et permisceto, compositumq; olco superfundito. Si condimenta uiridia non erunt, pulcium aridum, uel thymum, uel origanum, aut aridam saturciam cum casco conterito, acetumq; piperatum, et oleum adijcito. Possunt tamen hæc arida, si reliquorum non sit potestas, etiam singula casco misceri. Piperis albi si sit, si minus, nigri uncie tres, apij seminis

seminis unciae duae, lascris radicis, quod σίλφιορ Græci uocant, sefcunciam, casei sextantem. Hæc contusa & cribrata melli permisceto, & in olla noua seruato: deinde cum exegerit usus, quantulumcunq; ex eo uidebitur aceto, & garo diluito. Ligustici unciam, passæ uuæ detractis uinaceis sextantem, piperis albi, uel nigri quadrantem. Hæc, si maiorem impensam uitabis, possunt melli admisceri, & ita seruari: at si pretiosius oxyporum facere uoles, hæc eadem cum superiore compositione miscebis, & ita in usum repones: quod si etiam cum lascr non habueris, pro silphio, mellis adijcies pondo semunciam.

Clausulam peracti operis mei P. Siluine non alienum puto indicem lecturis, si modò fuerint, qui dignentur ista cognoscere: nihil dubitasse me penè infinita esse, quæ potuerint huic inferi materiæ: uerum ea, quæ maxime uidebantur necessaria, memoriæ tradenda censuisse: nec tamen canis natura dedit cunctarum rerum prudentiam: nam etiam quicumq; sunt habiti mortalium sapientissimi, multa scisse dicuntur, non omnia.

*

L. IVN

L. IVN. MODERA-

TI COLVMELLAE LI-

B E R D E A R B O -

R I B V S.

Qui cum tertius eius de re rustica librorum haberetur, tum ex ipsius Columellæ uerbis, tum aliis argumētis, temerè in alienum locum irrupisse deprehensus est, neque inter illos annumerandus.

De uituario faciendo.

CAP. I.



QUONIAM de cultu agrorū abunde primo uolumine præcepisse uidemur, non intempestiua erit arborum, uirgultorumq; cura, quæ uel maxima pars habetur rei rusticæ. Placet igitur, sicuti Vergilio, nobis quoq; duo esse genera surculorum, quorum alterū sua sponte gignitur, alterum cura mortalium procedit. Illud, quod non ope humana prouenit, materiæ est magis aptum: hoc cui labor adhibetur, idoneum fructibus: unum hoc itaq; præcipuū est, atq; id ipsum genus tripartitū diuiditur: nam ex surculo uel arbor procedit, ut olea, ficus, uel frutex, ut rose arundines: uel tertium quiddam, quod neq; arborē, neq; fruticem proprie dixerimus, sicuti est uitis. Arborū, & fruticū docebimus cultū, si prius de uitibus præceperimus. Qui uincā uel arbustū constituere uolet, seminaria prius facere debet, sic enim sciet cuius generis uitē positurus est: nam quæ pretio parata disponitur, certā generositatis fidē non habet, quoniam dubium est, an is, qui uendit, legendis seminibus adhibuerit diligentiam: tum etiam quod ex longinquo petitur, parum familiariter nostro solo uenit, propter quod difficilis conualescit alienū exteræ regionis. Optimum est itaq; eodē agro, quo uitē dispositurus es, uel certē uicino

G facere

facere *seminarium*: idq; multum refert loci natura. Nam si colles uineis, uel arbustis occupaturus es, prouidendum est ut sicciſſimo loco fiat *seminarium*, & iam quasi ab incunabulis uitis exiguu affuſcat humori: aliter cum tranſtuleris de humido in aridum locum, uiduata priſtino alimento deficiet: at ſi campeſtres, & ulgiſoſos agros poſidebis, proderit quoq; *seminarium* ſimili loco facere, & uitem largo conſueſcere humori: nanq; exilis, cum in aquoſum agrum tranſfertur, utcuſque putreſcit: ipſum autem agrum, quem *seminario* deſtinaueris planum, & ſuccoſum, ſat erit bipalio uertere: quod uocant ruſtici ſeſtertium, ea repaſtinatio altitudinis habet plus ſeſquipede, minus tamen quam duos pedes. Eiuſmodi bipalio iugerum agri uertitur operis quinquaginta. Collem autem, & cliuum modum iugeri continen- tem, ſi ne minus duobus pedibus alte repaſtinabis operis ſexaginta: uel ſi eodem loco, quo uinea ordinaturus es, facere uoles *seminarium*, tribus pedibus alte repaſtinabis iugerum operis octoginta: ita tamen ſi neq; lapis, neq; tophus, aut alia materia difficilior interuenerit; quæ res quot operas abſumat, parū certū eſt. Nos autē de terreno loquimur.

Qualia ſemina, & quando legas. CAP. II.

Peracta repaſtinatione, menſe Februario, uel prima parte Martij ſemina legito: ſunt autem optima, quæ de uitibus notatis leguntur. Nam cui cordi eſt bona ſemina- ria facere, circa uindemiam uites, quæ & magnum, & incorruptum fructum ad maturitatem perduxerint, rubrica cum aceto (ne pluuijs abluatur) permixta denotat, nec hoc uno tantummodo anno facit, ſed continuis tribus, uel pluribus uindemijs eaſdem uites inſpicit: an perſeuerent eſſe ſecundæ. Sic enim manifeſtum eſt generoſitate uitium, non an ni ubertate fructū prouenire. Si compluribus uindemijs eun-

dem

dem tenorem seruarint, ex eiusmodi uitis lecta semina multum bonumq; uinum præbebunt: namq; qualiscunque generis uue, quæ incorruptæ ad maturitatem proueniunt, longè melioris saporis uinū faciunt, quàm quæ præripiuntur æstu, aut alia de causa.

Quemadmodum semina eligas, & de habitu terræ.

CAP. III.

Semina autem eligito grandi acino, tenui folliculo, paucis, minutisq; uinaceis, dulci sapore. Optima habentur à lumbis: secunda ab humeris: tertia summa in uite lecta, quæ celerrimè comprehendunt, & sunt feraciora, sed & quàm celerrimè senescunt. Pampinaria sarmenta deponi non placet: quia sterilia sunt. Locis pinguibus, & planis, & humidis præcoques uites serito raris acinis, breuibus nodis imbecillas: nam tali generi uitium eiusmodi ager aptus est. Locis aridis, & macris, & siccis uitem sere natura feracem, & ualidam, crebrisq; acinis. quòd si pingui agro ualidas uites deposueris, pampinis magis eluxuriabuntur, & qualemcunq; fructū tulerint, ad maturitatē non perducent. Rursus imbecillæ exili agro celeriter deficient, exiguumq; fructum dabunt. Vnumquodque genus uitium separatim serito: ita suo quodque tempore putabis, & uindemia-bis. Semina nouella cum uetere sarmento deposita citò comprehendunt, & ualenter crescunt, sed celeriter senescunt: at quæ uetere sarmento panguntur, tardius conualescunt, sed tardius deficiūt: semina quàm recētissima terræ mandare conuenit. Si tamen mora interuenerit, quò minus statim serantur, quàm diligentissime obrui tota oportet eo loco, unde neq; pluuias, neq; uentos sentire possint: plantaria facito ab exoriente, & à decima luna, & à uigesima. Hæc melior est uitis satio. Sed cum seris, frigidus uentos

uitato. Malleolū sic deponito: uirgam malleolarem nō amplius, quā sex gemmarum esse conuenit, ita tamen sunt, si breuia internodia habent: eius imam partē, quā in terram demissurus es, acutissima falce iuxta nodum, sic ne gemmā ledas, rotunda plaga amputato, & statim fimo bubulo linito: tum in terram bene pastinatam, & stercorata rectū sarmentum defigito, ita ne minus quatuor gemmae abscondantur. Pedale quoque uersus spatium sat erit inter semina relinquere: cum comprehenderint, identidem pampinentur, ne plura sarmenta quā debent, enutrient. Item quā sepiissime fodiantur: ferro ne tangantur. Vigesimo & quarto mense refecentur: post trigesimum, & sextum mensem transferantur. In agro requieto uineam ponito. Nam ubi uinea fuerit, quod citius decimo anno seueris: ægrius comprehendet, nec unquam roborabitur. Agrum ante, quā uinceis obseras, explorato qualis saporis sit, talem enim etiam gustus uini præbebit. Sapor autem (sicuti primo docuimus uolumine) comprehendetur, si terrā aqua diluas, & cū colaueris, tum demum aquam degustes: aptissima uitibus terra est arenosa, sub qua consistit dulcis humor: probus consimilis ager cui subest tophus. Aequē utilis congesta, & mota terra. Sabulum quoque, cui subest dulcis argilla, uitibus conuenit: omnis autem qui per æstatem finditur ager, uitibus, arboribusque inutilis: terra inferior alit uitem, & arborē superior custodit. Saxa summa parte terræ, et uites, & arbores ledunt, ima parte refrigerāt: & mediocri raritudine optima est uitibus terra: sed ea, qua transmittit imbres, aut rursus in summo diu retinet, uitanda est. Vtilissima est autem superior modicè rara, circa radices densa. Mōtibus, cliuisque difficulter uincee conualescunt, sed firmum, probumque saporem uini præbent. Humidis, & planis locis robustissi-

mae, sed infirmi saporis uinum, nec perēne faciunt. Et quoniam de seminibus, atque habitu soli praecepimus, nunc de genere uinearum disputabimus.

De generibus uinearum.

CAP. IIII.

Vites maxime gaudent arboribus, quia naturaliter in sublime procedūt, tum et materias ampliores creant, & fructum aequaliter percoquunt. Hoc genus uitū arbutium uocamus, de quo pluribus suo loco dicemus. Vinearum autem fere genera in usu tria sunt, iugata, humi proiecta, & deinde tertia, quae est à terra subrecta, more arborum in se consistens. Id genus comparatum iugatae quadam parte deficitur, quadam superat. Iugata plus aëris recipit, & alius fructum fert, & aequalius concoquit, sed difficilior est eius cultus. At hæc ita cōstituta est, ut etiam arari possit, eoq; ubertatem maiorem consequitur, quod sæpius, & minore impensa excolitur. At quæ protinus in terram proiecta est, multum sed non bonæ notæ uinum facit. Vineæ optimè repastinato agro reponitur. Nonnunquam tamen uel melius quibusdam locis, sulcis committitur. Interdum etiam scrobibus deponitur, sed, ut dixi, repastinabitur iugerum in altitudinem pedum trium operis octoginta. Sulcum autem terrenum pedum duorum altum, & longum septuaginta, una opera effodit. Scrobes ternarios, id est, quoquouersus pedum trium, una opera facit xvi. Vel si cui cordi est laxius uites ponere, scrobes quaternarios, id est, quoquouersus pedum quaternum, una opera xii. facit. Vel bipedaneos quoquouersus una opera xx. effodit. Curandum autem est, ut locis aridis & cliuosis altius uites deponantur, quam si humidis, & planis. Item si scrobibus, aut sulcis uineam posituri erimus, optimum erit, ante annum scrobes, uel sulcos facere. Vineæ, quæ angu-

stissimè conferitur, quoquouersus quinque pedum spatio interposito ponitur, laxius uero inter pedes VII. uel VIII. Sed quæ rarissimè (ut etiam facile arari possit) inter denos pedes constituitur. Hæc positio uinearum modum sine dubio agri maiorem occupat, sed ualentiissima & fructuosissima est. Cum semina depones, inum scrobem, uel sulcum bidentibus fodito, mollemque reddito. Vitam, quam ponis, fac ut ad orientem spectet adminiculo reclinata. In imo scrobe lapides circa pondo quinque ita ponito, ne uitam premant, sed tamen iuxta radices sint. Præterea post hæc uineæcæ hemina uuae albae in nigra, uuae nigrae in alba ponito, atque ita scrobem, uel sulcum cum stercoreata terra ad medium completo. Triennio deinde proximo paulatim scrobem, uel sulcum usque in summum completo. sic uites consuescent radices deorsum agere. Spatium autem radicibus, quæ repant, lapides præbent, et hyeme aquam repellunt, æstate humorem præbent uineacæ, quæ & radices agere cogunt. Quoniam præcepimus quemadmodum uites ponendæ sint, nunc culturam earum docebimus.

Quemadmodum uites coli debeant. CAP. V.

Vincam nouellam omneis gemmas agere finito, simul atque pampinus instar quatuor digitorum erit, tum demum pampinato, & duas materias relinquito, alteram, quam uitis constituendæ causa submittas, alteram subsidio habeas, si forte illa ordinaria interierit: hanc rustici custodem uocant: proximo deinde anno, cum putabis uitam, meliorem unam uirgam relinquito. tertio anno uitam, in quam formam uoles, dum tenera est, componito. Si iugatam erimus facturi, unam materiâ submittito, ita ut duas gemmas, quæ sunt proximæ à terra, falce acuta radas, ne possint germinare, deinde tres sequentes relinquas, reliquam partem

tem uirgæ amputes. Sin autem uitem in se consistere uoles, sicuti arbori brachia submitti patieris, & dabis operam, ut in orbem quàm rectissimè formetur. Nam præterquàm quòd speciem habet sic composita, tum etiam minus laborat, cum undiq; uelut æquilibrio stabilita in se requiescit. Sat erit autem, cum primò brachia submittentur, singulas gemmas singulis sarmentis relinqui, ne protinus onere grauetur. Post hanc putationem lectis sarmentis, bidentibus aliè, & æqualiter uincam fodito: uel, si ita late disposita erit, arato. Ab Idibus Octebriis ablaqueare incipito, ante brumam ablaqueatam habeto. Per brumam uitem ne colito, nisi si uoles eas radices, quæ in ablaqueatione apparebunt, persequi: tum demum optimè amputabis, sed ita ne codicem leddas, sed potius instar digiti unius à matre relinquant, & ita radicem resceas. Nam quæ propius abraditur, præterquàm quòd uulnus uiti præbet, eoq; nocet, tum etiam de ipsa cicatrice plures radices prorrepunt. Itaq; optimum est exiguam partem relinqui, atq; ita summas partes, quas æstiuas rustici appellant, resecare, quæ sic resectæ inolescunt: nec ultra uitibus obsunt. Possunt etiam soboles per brumam cædi, cò magis quòd frigoribus extirpatæ minus recrescantur. Peracta ablaqueatione ante brumam tertio quoque anno mæcerati stercoris, ne minus sextarijs binis ad radices uitium posuisse conueniet, præterquàm columbinum, quo siquid amplius, quàm heminam posueris, uiti nocbit. Post brumam deinde ablaqueationem circumsodito. Ante æquinoctium uernū, quod est Octauo Cal. April. ablaqueationem adæquato. Post Idus Aprilis terram ad uitem aggerato, æstate deinde quàm potes sæpiissimè occato. Iugerum uincæ quinq; operis ablaqueatur, quinque foditur, tribus occatur. Iugerum ualentis, & iam constitutæ uincæ quatuor ope-

ris putatur, sex alligatur. Arbusto nihil eiusmodi potest aptè finiri, quoniam inæqualitas arborū nō patitur operis iusta comprehendī. Quibusdā placet uitē proximo anno translata non putare, sequenti deinde anno purgare, & unam uirgā, quam submittamus, ad tertiam gemmam refecare, tertio deinde, si uitis rectè cōualuerit, una plus gēma submittere: quarto duas gēmas proximæ putationi adijcere atq; in quinto demum anno uitē iugare. Hunc eundem ordinem culturæ nos quoq; experti comprobauimus.

De refecanda uinea uetere, &

propaganda.

CAP. VI.

Veterem uineam si in summo radices habebit, refecare nōlito, alioquin etiam nouella uinea, quæ ex refectio-
ne enata fuerit, uim inutilem habebit, summa parte terræ natantibus radicibus, quamobrem neque fructum uberem percipies, & nihilo minus celeriter consenescet. Eius-
modi itaq; uinea, si non aridos in corpore habet truncos, & flecti potest, factis sulcis optimè sternitur, atq; ita reno-
uellatur. Sin autem eo usq; exaruit, ut curuari non possit,
primo anno summatim, ita ne radices eruas, aut lædas, ab-
laqueato, & stercus ad radices addito, atq; ita putato, ut
paucas, & certas materias relinquant, & fodias diligēter,
& sæpius pampines, ne omnino superuacua sarmenta nu-
triat. Sic exculta, firmas & longas materias creabit, quas
sequenti anno scrobibus inter ordines factis propagabis:
ac deinde per triennium post dum conualescet sæpius fo-
dies, matremq; ipsam enecabis, nihil in posterum prospi-
ciens ei, quam sublaturus es. In postremum annum ma-
trem radicitus tolles, atq; ita nouellam uineam ordinabis.
Sin autem uetus uinea duntaxat generis boni radices in
alto sitas habebit, ita ut ablaqueatæ non conspiciantur, eā
uineam

uineam, circa Cal. Martias ante quàm refecce, ablaqueato, & protinus cum aliè ablaqueaueris, refecato. Quatuor digitos ab radicibus truncum relinquito, & si fieri poterit, iuxta aliquem nodum ferrula defecato, & plagam acutissimo ferro deleuato, deinde minutam terram mediocriter stercoratā ita superponito, ut adobruito trunco ne minus tres digiti terræ super plaga sint. Hoc iccirco ne sole inarescat, & ut melius materias det ex percepto humore, quem terra præbet: at quæ mali generis, & infructuosa uinea est, summasq; partes & mucidas, & exesas habet, si radices eius satis altè positæ sunt, optimè inferetur ita ut ablaqueata, & nudata pars ima secundum terram sic amputetur, ne cum aggerata fuerit, supra terram extet.

De propagatione.

CAP. VII.

Propagationū genera tria sunt in usu maxime: unum, quo uirga edita à matre sulco committitur: alterum, quo ipsa mater prosternitur, atque in plureis palos per suas uirgas dūditur. Tertium, quo uitis scinditur in duas, uel tres partes, si diuersis ordinibus diducenda est. Hoc genus tardissimè conualescit, quia uitis diuisa medullam amittit. Et quoniam genera proposuimus, unumquodq; qualiter faciendum sit, demonstremus. Virgam cum à matre in terram deprimere uoles, scrobem quoquouersus quatuor pedum facito ita, ut propago non ledatur alterius radicibus. Deinde quatuor gemmas, quæ in imum scrobem perueniant, relinquito, ut ex ijs radices citentur, reliquā partē, quæ continens matri est, abradito, ne superuacua sarmenta procreet. Diuersæ autem, quæ supra terram extare debent, ne passus fueris plus, quàm duas, aut ut maxime tres gemmas habere. Reliquas, quæ in terrā absconduntur, exceptis quatuor imis, fac abradas, ne in summo radices uitis citet:

hoc modo propagata celeriter conualescet, & tertio anno à matre separabitur. Sin autem ipsam uitem sternere uoles, iuxta radicem ita, ne ipsam lædas, curiosè fodito, & uitem ita supplantato, ne radicem abrumpas: eum eam straueris, & uideris quousque possit pertingere, sulcum facies unum, in quem uitem integram dimittas: deinde ex eo sulco, quasi ramos fossarum facies, per quos uti quæq; uirga postulauerit, propagetur, atq; ita terra adopcries. Sin autem uitis exiguam materiam habebit, & in diuersos ordines diducenda erit, neq; aliter potuerit palos, ad quos perducitur, pertingere, quam ut diffuat, curabis, ut quam acutissima falce ab ea parte, qua bifurca est, findas, & eodem ferro acuto plagam emendes, sicubi inæqualiter findi uidebitur: sic diducta poterit in plures ordines diuidi. Non inutilis est etiam illa propagatio, quam nos reperimus, si quando in ordinem uitis deest, neq; est tam procera uirga, quæ cum in inum scrobem demissa fuerit, retorqueri, & erigi supra terram possit. Breuitatem ne reformidaucris, sed qualemcunq; uirgam, cuius cacumen in inum scrobem peruenit, deprimito, & obruito: deinde gemmas, quæ secundum ipsam matrem sunt, submittito, ut materias à superiore parte citent. Tum demum post triennium à matre amputato, & ad suum palum eam partem, quam à matre præcideris, reducito, & caput uitis facito. Propaginis scrobem ne minus triennio paulatim completo: summas radices præcidito: crebrò fodito.

De insitionibus fructuosis, quæ uites
fœcundas faciunt.

CAP. VIII.

Cum uitem inferre uoles, optimi generis sarmenta fructuaria tum, cum gemmas agere incipient, uento austro à matre præcidito. Sarmentum, quod inferis, de summa uite sit rotundum, bonis, crebrisq; nodis. Tres deinde
nodos

nodos integerrimos relinquito infra tertiam gemmam ex
 utraque parte duorum digitorum spatium in modum cunei
 tenuissime scapello acuto, ita ne medullam lædas, adradito.
 Vitem deinde, quam insiturus es rescato, & plagam le-
 uato, atq; ita findito, et paratos surculos in fissuram demit-
 tito, catenus qua adrasi sunt, ita ut cortex surculi corticē ui-
 tis, æqualiter contingat: quicquid inserueris uiti, diligenter
 libro ligato, atque luto subacto palcato oblinito, operitoq;
 plagam, & ita alligato, ne aqua, uentusue penetrare pos-
 sit: deinde supra lutum muscum imponito. & ita religato:
 ea res præbet humorem, nec inarescere sinit: infra insitio-
 nem, & alligaturam falce acuta leuiter uitem uulnerato ex
 utraque parte, ut ex his potius plagis humor defluat,
 quam ex insitione ipsa abundet: nocet enim nimius humor,
 nec patitur surculos insertos comprehendere. Quibusdam
 antiquorum terebrari uitem placet, atque ita leuiter adra-
 sos surculos demitti. Sed nos meliore ratione hoc idem feci-
 mus: nam antiqua terebra scobem facit, propter hoc urit
 eam partem, quam perforat: perusta autem perraro unquā
 comprehendit insertos surculos. Nos rursus terebram, quam
 gallicam dicimus, huic insitioni aptauimus: ea excauat, nec
 urit, quod non scobem, sed ramenta facit. Itaque cauatum
 foramen cum purgauimus, undique adrasos surculos inse-
 rimus, atque ita circumlinimus. Talis insitio facili-
 mē con-
 ualescit. Igitur secundum æquinoctium perfectam uitū in-
 sitionem habeto, humida loca, de uua alba: sicca, de nigra
 inscrito. Infructuosas uites foecundas sic facito. Vites, quæ exi-
 guum dant fructum, aceto acri cum cinere rigato, ipsumq;
 codicem eodem cinere linito. At si quæ fructū, quem osten-
 dunt, ad maturitatem non perducunt, sed priusquam mite-
 scant uuæ, inarescunt, hoc modo emendabuntur, cum sci-
 piones

piones amplitudinem acini habuerint, radice tenus uitem præcidito, plagam acri aceto pariter, ac lotio ueteri permista terra linito, eodemq; radices rigato, sæpe fodito. Hæc materias citant, uuæq; succum perferunt.

Vt uua complura genera acinorum habeat.

CAP. IX.

Est etiã genus insitionis, quod uuas tales creat, in quibus Euarij generis colorisq; reperiuntur acini. Hoc autẽ ratione tali efficitur: quatuor, uel quinque, siue etiam plures uoles, uirgas diuersi generis sumito, easq; diligẽter, & æqualiter cõpositas colligato, deinde in tubulũ fictilem, uel cornu arctẽ inserito, ita ut aliquantum extent ab utraq; parte, easq; partes, quæ extabunt resoluito, in scrobem deinde imponito, & terra stercoreata, obruito, & rigato, donec gemmas agant. Cũ inter se uirgæ coheserint, post biennium, aut triennium facta iam unitate, dissolues tubulum, & circa medium fere crus, ubi maxime uidebuntur coisse, uitem serra præcidito, & plagam leuato, terramq; minutam aggerato, ita ut tribus digitis altẽ plagam operiat, ex eo codice cum egerit coles, duos optimos submitto, reliquos deijcito, sic uuæ nascentur, quales proposuimus. Vt autem uuæ sine uinaceis nascantur, malleolum scindito ita, ne gemmæ ledantur, medullamq; omnem eradito, tum demũ in se compositum colligato, sic ne gemmas allidas, atq; ita terra stercoreata deponito, & rigato: cum coles agere cõperit, sæpe, & altẽ refodito. Adulta uitis tales uuas sine uinaccis creabit.

Vindemiam quomodo putes.

CAP. X.

Vindemia facta statim putare incipito ferrametis quã optimis, & acutissimis, ita plagæ leues fient, neq; in uite aqua consistere poterit, quæ simulatq; immorata est, corump

corumpit uitē, uermesq; , & alia creat animalia, quæ mat-
 riam exedunt: plagas autem rotundas facito: nam celerius
 cicatricem ducūt. Sarmēta lata, uetera, male nata, contorta,
 omnia hæc præcidito: nouella, & fructuaria & interdū so-
 bolem idoneā, si iam superficies parum ualebit, submitto,
 brachiaq; conseruato: quamcelerrime poteris putationem
 perficito: arida, & uetera, falce quæ amputari nō possunt,
 acuta dolabra abradito: in agro macro, & sicco uineā im-
 becillam à bruma amputato: quam partē non deputaueris,
 circa Calen. Febr. repetito: ab Idib. Decemb. ad Idus Ianu-
 arias ferro tangi uitē, & arborē non conuenit. Cum uitē
 putabis, inter duas gemmas secato: nam si iuxta ipsam gem-
 mam secueris, laborabit, nec materiam citabit. Cicatrix au-
 tem semper deorsum spectet, ita neq; aqua, neq; sole labo-
 rabit, humoremq; rectē capiet: in agro crasso, ualidaq; ui-
 nea plures gemmas, & palmas relinquo, in exili paucio-
 res. Sicubi in uitē brachium desyderabis, falce acuta semel,
 aut bis eo loco altē instar digiti mucrone ferito. Brachium
 quamuis longum caue totum tollas, nisi totum aruerit: ui-
 neam nouellam ante brumā ablaqueatam habeto, ut omnes
 imbres, limumq; concipiat. Vites, arboresq; , quò citius ab-
 laqueaueris, erunt ualentiores. Sed quæcunq; in cliuis erūt
 positæ, ita ablaqueandæ sunt, ut à superiore parte secundū
 codicem lacusculi fiant, ab inferiore autem puluinuli altio-
 res excitentur, quo plus aquæ, limiq; contineant. Vinea ue-
 tus neq; ablaqueanda est, ne radices, quas in summo habet,
 inarescant, neq; aranda, ne radices abrumpantur. Bidenti-
 bus sæpe, & altē fodito æqualiter, & stercore, uel palea
 conspergito solum ante brumam, uel cum circum ipsam
 uitē summatim ablaqueaueris, stercoreato.

De pampinatione.

CAP. XI.

Vincam

Vineam quàm bene putare, tam diligenter pampinare utile est: nam & materiae, quæ fructû habent melius conualescunt, et putatio sequentis anni expeditius, tû etiam uitis minus cicatricosa fit, quoniâ quod uiride, & tenerum decerpitur, protinus conualescit. Super hæc quoque melius uuae maturescunt, ante dies decem, quàm uinea florere incipit, pampinatam habeto: quicquid superuacui enatum fuerit, tollito: quod in cacumine, aut in brachijs natum crit decerpito, duntaxat, quæ uuam nō habebūt. Cacumina uirgarum, ne luxurientur, demutilato. Vuas, quæ meridiem, aut occidentem spectabūt, ne peruratur suo sibi pāpino tegito.

De fossura.

CAP. XII.

Simulatq; uua uariari coeperit, fodito tertiam fossuram, et cum iam maturescet, ante meridiem priusquam calore incipiet, et cum defuerit, post meridiem fodito, pulcremq; excitato: ea res & à sole, & à nebula maxime uuam defendit. Lutulentam terrā, neq; arare, neq; fodere oportet, quia ualde durefcit, & finditur. Bidentibus terram uertere utilius est, quàm aratro. Bides æqualiter totam terram uertit: aratrum præterquàm quod scamna facit, tum etiam boues, qui arant, aliquantulum uirgarum, & interdum totas uites frangunt. Finis autē fodiendi uineam nullus est, nam quanto sæpius foderis, tanto uberiorem fructum reperies.

Ne rubigo uineam uexet.

CAP. XIII.

PAlcarum aceruos inter ordines uerno tempore positos habeto in uinea: cum frigus contra temporis consuetudinem intellexeris, omneis aceruos incendito, ita fumus nebulam, & rubiginem remouebit.

Ne formica uitem ascendat.

CAP. XIII.

LVpinum terito, & cum fracibus misceito, eoq; inam lineam uitem circumlinito: uel bitumē cum oleo coquito,

eo quoq; imas uites tangito, formicæ non excedent.

Ne forices, aut uolucra uitem

lædat.

CAP. XV.

Vites, quæ secundum ædificia sunt, à foricibus, aut muribus infestantur: id ne fiat plenam lunam obseruabimus, cum erit in signo leonis, uel scorpionis, uel sagittarij, uel tauri, & noctu ad lunā putabimus. Genus est animalis, uolucra appellatur, id ferè prærodit teneros adhuc pampinos, & uuas: quod ne fiat, falces, quibus uineam putaueris, peractā putatione sanguine ursino liniito: uel si pellem fibri habueris, in ipsa putatione quoties falcem acueris, ea pelle aciem detergito, atq; ita putare incipito. Quoniam de uincis abunde diximus, de arbuſtis præcipiamus.

De arbuſtis.

CAP. XVI.

Vitem maximè opulus alit, deinde ulmus, deinde fraxinus. Opulus quoniam frondem non idoneam habet, à plerisq; improbatur. Ulmus autem, quam atiniam uocant rustici, generosissima est, & lætissima, multamq; frondem habet, eaq; maximè ferenda est locis pinguibus, uel etiam mediocribus: sed si aspera, & siticulosa loca arboribus obseruanda erunt, neq; opulus, neq; ulmus tam idoneæ sunt quam ornice: & syluestres fraxini sunt paulò latioribus tamen folijs quam ceteræ fraxini, nec deteriore frondem, quam ulmū præstant. Capræ quidem, & oues libentius etiam hæc frondem appetunt. Igitur qui arbuſtum cōstituere uolent, ante annum quàm deponant arbores, scrobes faciant quatuor pedum quoquouersus, deinde circa Cal. Mart. in eandem scrobem ulmum, & opulum, uel fraxinū deponant, ut si ulmus defecerit, opulus, uel fraxinus locū obtineāt: si autē utraq; uixerint, altera eximatur, & alio loco deponatur. Arbuſtum inter quadragenos pedes dispositum esse conuenit: sic enim & ipse

Et ipsae arbores, et appositae uites melius conualescent, fructumque meliorem dabunt. Segetes etiam, quae in eo erunt, minus umbra laborabunt: arborē, quam deposueris, saepius circumfodito, quò celerius adolescat, et citra triennium ferro ne tetigeris. Completis sex et triginta mensibus ad recipiendam uitē formabis, et superuacuos ramos amputabis, altera brachia in modum scalarum relinquens, alternisque annis, sexto anno, si iam firma uidebitur, maritabis hoc modo: ab ipso arboris crure pedale spatium intermittito, deinde sulcum in quatuor pedes longum, in tres alterum, in dupodium, et scissum latum cum feceris, patiari minime duobus mensibus eum tempestatibus uerberari. tum demum circa Cal. Martias uitem, de seminario, ne minorem quidem decem pedum sternito, et adminiculato, arborique iungito: cum proximo anno ne putaueris: tertio uero ad unam uirgam redigito, paucasque gemas relinquito, ne antequam inualuerit, in altitudinem repat: deinde ubi amplum incrementum habuerit, per omnia arboris tabulata disponito eius materias, ita tamen ne uitē oneres, sed certa, et robustissima flagella submittas. arbutiuam uitem quam putare, tam alligare diligenter oportet: nam in ea fructus maxime uis consistit, diutiusque perēnat, quae firmis toris et idoneis locis religata est: itaque omnibus annis couenit subsequi putationem, ita ut tori renouentur, et uitis per idoneos ramos disponatur.

De oliuetis.

CAP. XVII.

Olea maxime collibus siccis, et argillofis gaudet, at humidis capis, et pinguibus letas frondes sine fructu affert. Melius autem truncis quam plantis oliuetum constituitur. Magoni autem placet siccis locis oliuam, aut mox post æquinoctium feri, aut ante brumam. Nostrae ætatis agricole frere uernum tempus circa Calen. Malas seruant. Oportet autem

tet autem scrobem olæ quoquouersus pedes quaternos patere, in inum scrobem lapidem, glaramq; abijcere, deinde super terram quatuor digitorum iniicere, tum arbusculam deponere ita rectum, ut quod à scrobe extiterit, in medium sit: arbusculum autem à tempestatibus tucri diligenter oportet adnuniculando, & terræ, quæ in scrobe reponitur, stercorea immiscendo. Oleam decet inter sexagenos pedes disponi, ut spatium in latitudinem crescendi habeat: nam quæ in proceritatem extenduntur, euanidæ fiunt, parumq; fructus ferunt. Optima est olea liciniana, pausia secunda oleo; escæ orchis. Sunt & regiæ, & radij, quæ neque specie, neque oleo sunt, tam gratæ, quàm quas supra diximus. Si oleam posueris eo loco, unde quercus effossa est, morietur, ideo quòd uermes quidam sunt, qui in radice quercus nascuntur, & educantur, ijq; maxime semina olæ consumunt: si in olea unus ramus aliquanto cæteris lætior est, nisi eum recideris, arbor tota fiet retorrida. Omnes arbusculas prius quàm transferantur, rubrica notare conuenit, ut cum serentur, easdem cœli partes aspiciant, quas etiam in seminario conspexerant, alioquin frigore, uel calore laborabunt ab ijs partibus, quas præter consuetudinem sub alio tractu expositas habuerint.

De pomario constituendo. CAP. XVIII.

Priusquam pomarium constituas, quàm magnum habere uoles circummunito maceria, aut fossa, ita ut non solum pecori, sed ne homini quidem transitus sit, nisi per ostium, dum adolescant semina: nam si prius cacumina manu perfracta, aut à pecore prærosa fuerint, quàm adolescant, in perpetuum corrumpuntur. Generatim autem arbores disponere utilius, maxime ne imbecillæ à ualentioribus premantur, quæ nec uiribus, nec magnitudine sunt pa-

res, neq; pariter crescunt: terra quæ uiribus apta est, eadem quoq; utilis est arboribus.

De scrobibus faciendis.

CAP. XIX.

ANte annum, quàm pomaria disponere uoles, scrobes fodito, ita sole pluuiæq; macerabuntur, & quod posueris citò comprehendet. Sed si quo anno scrobes feceris, etiam semina ponere uoles, minimum ante duos menses fodito scrobes, postea stramentis eos completo, & incedito. Quò latiores, patenioresq; scrobes feceris, cò latiores erunt, uberioresq; fructus. Scrobs clibano similis esse debet, imus quàm summus patetior, ut laxius radices euagetur, ac minus frigoris hyeme, minusq; æstate uaporis per angustum os terræ admittant. Tū etiā cliuosis locis terra, quæ in eum congesta est, pluuijs nō abluitur. Arbores paribus interuallis serito, ut cum creuerint spatium habeant, quò ramos extendant: nam si spisse posueris, neq; infrā quicquā serere poteris: nec sic ipsæ fructuosæ erūt, nisi eas inter raseris. Itaq; placet inter ordines quadragenos pedes, minimumq; tricenos relinqui uersuris.

Quomodo semina legas.

CAP. XX.

Semina lege, ne minus crassa, quàm manubriū est bidentis, recta, leuia, procera, sine ulceribus, integro libro: ea bene, & celeriter comprehendunt. Semina si ex arboribus sumes de ijs potissimum sumito, quæ omnibus annis bonos, & uberes ferunt fructus. Obseruabis autem ab humeris, qui sunt contra solem orientem, ut eosdem decerpas. Si cum radice plantam posueris, incrementum eius futurum, quod & cæteris, quas seueris, arboribus. Arbos insita fructuosior est, quàm quæ insita non est, id est, quàm quæ cum ramis, aut plantis ponitur. Prius quàm arbusculas trāferas, rubrica, uel alia qualibet re signato, ut iisdem uentis,

uentis, quibus ante steterunt, constituas eas, curamq; adhibeto, ut ab superiore, & sicciore, & exiliore in planiorem, humidiorē, pinguiorem agrum transferas. Semina trifurca maxime ponito: ea extent supra terram tribus pedibus. In eodem scrobo, si duas aut tres arbusculas ponere uoles, curato ne inter se contingant. Nam ita uermibus interimuntur. Cum semina depones, dextra, ac sinistra singulis usque in imum scrobem fasciculos sarmentorum brachij humani crassitudine deponito, ita ut supra terrā paululum extent, per quos æstate paruo labore aquam radicibus subministres. Arbores, aut radicata semina autumnō serito circa Idus Octob. Talcas, & ramos uere ante, quā germinare arbores incipiant, deponito. Sed ne tineæ molestæ sit seminibus ficulneis, in imum scrobem talem lentis, ita ut cacumen eius deorsum spectet, obruito.

Quando ficus serenda sit. CAP. XXI.

Ficum frigoribus ne serito: loca aprica, calculosa, glareosa, interdum & saxosa amat. Eiusmodi agro citō conualescit, si scrobes amplos, & idoneos feceris. Ficorum genera etiam si sapore, & habitu differunt, tamen uno modo, sed dispari differentia agri seruntur. Locis frigidis, & autumnī tēporibus aquosis, præcoques serito, ut ante pluuiam fructum deligas. Locis calidis hybernas serotinas serito. At si uoles ficum quamuis non natura seram facere, cum grossuli minuti erunt, fructū decutito. Iterū alterū edet fructum, & in hycem serā differet maturitatē. Nonnunquam etiā, cum frondere cœperint arbores, cacumina fici cutissimō ferramēto summa amputare prodest. Sic firmiores arbores, & feraciores fiunt: semper proderit simulac folia agere cœperit ficus, rubricā amurcæ diluere, & cum tercore humano ad radicem infundere: ea res efficit ube-

riorem fructum, & factum fici speciosius & plenius.

De nuce serenda.

CAP. XXII.

NUcem græcam serito arcturi signo, uel circa Calen. Febr. quæ pruinam nescit. Agrum calidum, durum, et siccum desiderat. Nam in locis diuersis natura eiusmodi si posueris nucem, protinus putrescet. Antè quàm nucem deponas, in aqua mulsa, nec nimis dulci macerato, ita iucundioris saporis fructum, cum adoleuerit, præbebit, & interim melius, atq; celerius nascetur. Ternas nuces in trigonum statuito, parsq; acutior inferior sit, quia inde radices mittit, nuxq; à nuce minime palmo absit, & anceps ad fauonium spectet. Omnis nux unam radicem mittit, & simplici stylo prorepat. Cum ad scrobis solum radix peruenit, duritia humi coërcita recuruatur, & extensa in modum ramorum alias radices emittit. Nucem græcam, & auellanam Tarentinam hoc modo facere poteris. In quo scrobe destinaueris nucem serere, terram minutam in modum semipedis ponito, ibiq; semen ferulæ repangito. Cum ferula fuerit enata, eam findito, & in medullam eius sine putamine nucem græcam, uel auellanam abscondito, & ita adobruito: hoc ante Cal. Mart. facito. uel etiam inter Nonas, & Idus Martias. Hoc eodem tempore iuglandum, & pineam, & castaneam serere oportet.

De malo punico serendo.

CAP. XXIII.

MAlum punicum uere usq; in Calen. Apriles recte feritur. Quod si acidum, aut minus dulcem fructum feret hoc modo emendabitur. Stercore suillo, & humano, & lotio humano ueteri radices rigato: ea res & fertilem arborem reddet, & primitiuos annos fructum uinosum, postea uerò etiam dulcem, & apyrenū facit. Nos exiguum admodum laser cyrcnaicum uino diluimus, & ita cacumina

arbo

arboris summa oblcuimus, ea res emendauit acorem malorum. Mala punica ne rumpantur in arbore, remedio sunt lapides tres, si cum seres arborem, ad radicem ipsam collocaueris. At si iam arborem satam habueris, scyllam secundum radices arboris serito: alio modo cū iam matura mala fuerint, antequam rumpantur, pcciolos, quibus pendet, intorqueto. Eo modo seruabuntur etiam anno toto.

De pyro.

CAP. XXIII.

PYROS autumnno ante brumam serito, ita ut minime dies quinque & uiginti ad brumam supersint, quæ ut sint feraces, cum iam adoluerint, alte ablaqueato, & iuxta ipsam radicem truncum findito, & in fissuram cuncum pinum tedæ adijcito, & ibi relinquito: deinde obruta ablaqueatione cinerem supra terram spargito.

De malis ferendis.

CAP. XXV.

MALA æstiuâ cydonia, sorba, pruna, post mediam hyemem usque in Idus Feb. serito. Morum ab Idib. Feb. usque in æquinoctium uernum recte seres. Siliquam græcam, quam quidam *κερατιον* uocant, deinde persicum ante brumam per autumnum serito. Amygdala, si parum feracia erunt, perforatam arborem lapidem adigito. Ita librum arboris inolescere finito. Omnium autem generum ramos circa Cal. Mar. in hortis, ubi & subacta & stercorata terra est, per puluicos arcarum disponere conuenit: deinde cum creuerint, danda est opera, ut dum teneros ramulos habent, ueluti pampinentur, & ad unum stylum primo anno scmina redigantur: & cum autumnus inceserit, antequam frigus cacumina adurat, omnia folia decerpere expediet: & ita crassas arundinibus, quæ ab una parte nodos integros habent, quasi pileolos induere, atque ita à frigore, & gelicidijs teneras adhuc uirgas tueri. Post quartum & uigesimum de-

inde menscm, siue transferre, & disponere in ordinem uoles, seu inserere, satis tutò utrunq; facies.

De insitione arborum. CAP. XXVI.

OMnis surculus omni arbori inseri potest, si non est ci, cui inseritur, dissimilis cortice: si uerò fructū etiam eodem tempore fert, sine ullo scrupulo optime inseritur. Tria autem genera insitionū antiqui tradiderunt. Vnum, quod resecta, & fissa arbore recipit insertos surculos: Alterum, quod resecta inter librū, & materiā admittit semina, quæ utraq; genera uerni temporis sunt. Tertium, quod ipsas gemmas, cum exiguo cortice in partem sui delibratam recipit, quam uocant agricolæ emplastrationem. Hoc genus æstatis est. Quarum insitionum rationem cum tradiderimus, à nobis quoq; repertam aliam docebimus. Omnes arbores simulatq; gemas agere cœperint, Luna crescente inserito, oliuam autem circa æquinoctium uernum usq; in Idus Aprilis. Ex qua arbore inserere uoles, & surculos ad insitionem sumpturus es, uideto ut sit tenera, & ferax, nodisq; crebris. Et cum primū germina tumebunt de ramulis anniculis, qui solis ortum spectabunt, & integri erunt, eos legito. Crassitudine minimi digiti surculi sint bifulci. Arborem, quā inserere uoles, serra diligenter exsecato ea parte, quæ maxime nitida, & sine cicatrice est. dabisq; operam, ne librum lēdas. Cum deinde truncum recideris, acuto ferramento plagam leuato: deinde cuneum ferreum, uel osseum inter corticem, & materiem, ne minus digitos tres: sed leniter demittito, ne lēdas, aut rūpas corticem. Postcā surculos, quos inserere uoles, fa'ce acuta ab una parte eradito tam altē quā cuneum demisisti, sed ita ne medullam, ne'ue alterius partis corticem lēdas: ubi surculos paratos habueris, cuneum uellito: statimq; surculos demittito

demittito in ea foramina, quæ cunco adactæ inter corticem, & materiem facta sunt. Ea autem sine, qua adraseris, surculos demittito ita, ut sex digitis de arbore extent. In una autem arbore duos, aut tres ramulos figito, dum ne minus quaternum digitorum inter eos sit spatium. Pro arboris magnitudine, & corticis bonitate hæc facito. Cum omnes surculos, quos arbor patietur, demiseris, libro ulmi, uel uimine arborem astringito: postea paleato luto bene subactæ oblinito totam plagam, & spatium, quod est inter surculos usque eò, ut duobus digitis insita extent: supra lutum muscum imponito, & ita alligato, ne pluuia dilabatur. Si pusillam arborem inserere uoles, iuxta terram abscondito, ita ut sexquipedem à terra extet. Cum deinde absceideris, plagam diligenter leuato, & medium truncum acuto scalpro modicè findito ita ut fissura trium digitorum sit. In eam deinde cuneum quoad patietur, inscrito, & surculos ex utraq; parte adrasos demittito, ita ut librum seminis libro arboris æqualem facias: cū surculos diligenter aptaueris, cuneum uellito: deinde arborem, ut supra dixi, alligato, & oblinito: deinde terram circa arborem aggerato usque ad ipsum insitum: ea res à uento & calore maxime tuebitur. Tertium genus insitionis, cum sit subtilissimum, non omni generi idoneum est: & ferè eæ recipiunt talem insitionem, quæ humidum, succosumq; & ualidum librum habent, sicuti ficus. Nam & lactis plurimum remittit, & corticem rubustum habet: optimè itaq; ea inscritur tali ratione. Ex qua arbores inserere uoles, in ea quæsito nouellos, & nitidos ramos: in hos deinde obseruato gemam, quæ bene apparebit, certamq; spem germinis habebit: eam duobus digitis quadratis circumsignato, ut medio gemma sit, & ita acuto scalpello circūcidito, delibratoq; diligenter, ne gem-

mam lædas : deinde ex qua arbore inferere uoles, in ea nitidissimum ramum eligito, & eiusdem spatij corticem circuncidito, & materiem delibrato, & in eam partem, quam nudaueras, gemmam hanc, quam ex altera arbore sumpseras, aptato ita, ut emplastrum circuncise parti conueniat: ubi hæc feceris, circa gemmam bene uincito, ita ne lædas: deinde commissuras, & uincula luto oblinito spatio relicto, qua gemma libere germinet. Materia, quam insecueris, si sobolem, uel superiores ramos habebit, omnia præcidito, nequid sit, quo possit succus euocari, aut cui magis, quam insito seruiat. Post unum & uigesimum diem soluito emplastrum. Hoc genere etiam optimè olea inseritur. Quartum illud genus insitionis iam docuimus, cum de uitibus disputauimus: itaque superuacuum est hoc loco repetere iam traditam rationem terebrationis.

Quòd omnium generum surculi omnibus

arboribus inferi possint. CAP. XXVII.

SEd cum antiqui negauerint posse omne genus surculorum in omnem arborem inferi, & illam quasi finitionem, qua nos paulò ante usi sumus, ueluti quandam legem sanxerint, eos tantum surculos posse coalescere, qui sint cortice, ac libro, & fructu consimiles ijs arboribus, quibus inseruntur, existimauimus errorem huius opinionis discutendum, tradendamq; posteris rationem, qua possit omne genus surculi, omni generi arboris inferi: quod ne longiori exordio legentes fatigemus, unum quasi exemplum subiiciemus, qua similitudine quisq; quod genus uolet omni arbori poterit inferere. Scrobem quoquouerfus pedum quatuor ab arbore oliuæ tam longè fòdito, ut extremi rami oleæ possint eam contingere: in scrobem deinde fici arbusculum deponito, diligentiamq; adhibeto, ut robusta, & nitida fiat.

fiat. Post tricennium, aut quinquennium, cum iam satis amplum incrementum ceperit, rami oliuæ, qui uidebitur nitidissimus deflece, & ad crus arboris ficulneæ religa atq; ita amputatis cæteris ramulis, ea tantum cacumina, quæ inferere uoles, relinquito: tum arborem fici detruncato: plagamq; leuato, & mediam cuneo findito. Cacumina deinde oliuæ sicuti matri inhærent, utraq; parte adradito, & ita fissura fici aptato, cuncumq; eximito, & diligenter colligato, ne qua ui reuellantur. Sic interposito triennio coalescet ficus oliuæ: & tum demum quarto anno, cum bene coierint, uelut propagines, ramulos oliuæ à matre resecabis. Hoc modo omne genus in omnem arborem inferitur.

De cythiso.

CAP. XXVIII.

CYthisum, quem Græci aut * *ῥέας*, aut * *κορνίκην*, aut * *κυθιστὸν* uocant, quamplurimum habere expedit, quod gallinis, apibus, ouibus, capris quoq; & omni generi pecudum utilissimus est, quod ex eo citò pinguescit, & lactis plurimum præbet ouibus: tum etiam quod octo mensibus uiridi eo pabulo uti, & postea arido possis. Præterea in quolibet agro, quamuis macerrimo celeriter comprehendit, omnemq; iniuriam sine noxa patitur. Mulieres quidem, si lactis inopia premuntur, cythisum aridum in aquam macerari oportet, cum tota nocte permaduierit: postero die expressi succi ternas heminas permisceri modico uino, atq; ita potandum dari, sic & ipsæ ualebunt, & pueri abundantia lactis confirmabuntur. Satio autem cythisi uel autumnno circa Idus Octob. uel uere fieri potest. Cum terram bene subegeris, in modum horti areas facito, ibiq; uelut ocymum semen cythisi autumnno serito: plantas deinde uere disponito, ut inter se quoquouersus quatuor pedum spatio distent. Si semen non habueris, cacumina cy-
thisor

thiſorum uere diſponito. Stercoratam terram circa aggerato: ſi pluuiam non inceſſerit, rigato x v. proximis diebus: ſimul ac nouam frondem agere cœperit, ſarrito. Poſt tricenarium deinde cædito, & pecori præbeto. Equo abunde eſt uiridis pondo x v. boui pondo x x. cæterisq; pecudibus pro portione uirium. Poſteſt autem etiam circa Septembrem ramis ſeri. Aridum ſi dabis, exiguum dato, quoniam maiores uires habet, priuſq; aqua macerato, & excerptum paleis pernuſceto. Cythiſum, quod aridum facere uoles, circa menſem Septembris, cum ſemen eius grandefcere incipiet, cædito. Paucis deinde horis, dum flacceſcat, in ſole habeto: deinde in umbra adſiccato, & ita condito.

De ſalice, & geniſta, & arundine.

C A P. XXIX.

Salicem, & geniſtam creſcente luna uere circa Calendas Martias ſerito. Salix humida loca deſyderat, geniſta etiam ſicca, utraq; tamen circa uincam opportune ſeruntur, quoniam palmitibus idonea præbent uincula. Arundo optime ſeritur, quos alij bulbos, alij oculos uocant. Simul atq; terram bipalio repaſtinaueris, radicem arundinis acuta ſalce præſectam impendenti pluuiam diſponito. Sunt qui arundines integras ſternant, quoniam ex omnibus nodis ſatæ arundines emittunt, ſed ſere hoc genus euandam, exilem q; & humilem arundinem aſſert. Melior itaque ſatio eſt ea, quam prius demonſtrauiſmus. Placet autem omnibus annis ſimulac arundine cecideris, locum altè, & æqualiter fodere, atq; ita rigare.

De uiola, & roſa.

C A P. XXX.

Violam qui facturus eſt, terram ſtercoratam, & repaſtinatam minimum altè pedem in puluinos redigat. Atque ita plantas hornotinas ſcrobiculis pedalibus
factis

factis ante Cal. Mart. dispositas habeat. Semen autem uiolæ sicut olerū in arcis duobus temporibus seritur uere, uel autumno. Colitur autem eo modo, quo & cetera olera, ut rücetur, ut sarriatur, ut interdum etiā rigetur. Rosam fruticibus, ac surculis disponi per surculos pedales conuenit per idē tempus, quo & uiola. Sed omnibus annis fodiri ante Calend. Mart. & interpretari oportet. Hoc modo cultura multis annis perennat.

F I N I S.

I N D E X O M N I V M

F E R E' Q V A E I N H I S C E

Columellæ libris scitu digna reperiuntur.

A

A	Blaqueāda uinea quā-	Anates	303
do	131.157	Anguifer sydus	375
Actor 30	Actus 16	Anctum	396
Adoreum	49	Andromeda	377
Africana gallinæ	277	Anser	300
Agrina quid	166	Apes	314.315
Agricultores	4	Apes Iouis nutrices	315
Albuelis	87	Apes ut reuiuiscant	328
Ambulationes	24	Apes quomodo a pugna cō-	
Amerina salix	160	pescantur	326
Amethystos	87	Apiana uua	438.85
Amineæ uites	63.100	Apium	394
Amygdala	200.485	Apium pestilentia	330
Amurca	96.70	Apium pulli	317
Amurca oleo inimica	453	Apium fugam exploratam	
		præscire	

præscire	325	Arundo	162
Apiarium	318	As	167
Ἀποκατάστασις	95	Asinus, Asellus	245
Apothecæ	25.27	Ἀσφάλιον	225
Apyrenum	484	Asparagi sativi	397
Aquila exoritur	56.374	Asis angularis	173
occidit	375	Ἀσπράγξις	396
Aquæ bonitas	17	Atrienfes	409
Arator bonus	35	Auara uitis	87
Arbor insita melior	483	Aues quo tempore parere	
Arborum translatio	482	definant	288
Arborator	360	Auellana	199
Arbusculæ omnes quomo -		Aucnæ satio	63
do transferendæ	481	Aurigæ occasus	3.80
Arborum insitio tempesti -		Autumnalis putatio	133
ua	486. 482	transla -	
tio	483	B	
Arbustium	469	Balneæ	27
Arbustum	477	Balnearia	24
Arbutus	192	Bambatæ	434
Arcturus quando occidat	377	Battis sativus	417
Arca	28	Beta	396
Arce	369	Bidens	478
Argilla	107	Bigemmis	179
Arietis exortus	372	Blattæ lucifugæ	321
Arietes	484	Boum cura	212
Argitis	86	Boum medicinæ	214
Argo navis occidit	378	Boues quales parandi	207
Arietum habitus	248	Boues inter arandum quo -	
Armoracia	415	modo disponendi	44.45
Arundinetum	163.368	Boues ab opere quomodo	
		curandi	44.45

I N D E X.

Brachia uitis	148	Candelas sebare	79
Brachiatae uineae	179	Canicula apparet	292
Branchiae	310	Canum genera	272
Brassicae satio	392	Canis uillaticus	272
Brisa	438	Catum admissura, & par-	
Brutia pix	334	tus 274 cibaria ibid. quo-	
Brumae tempus	335	modo appellandi, ibidem	
Brumae tempore uitis non		Canna	273
colenda	471	Cannabis	60
Bubilia	25	Canterioli	400
Bubulci statura	34	Canterius	134.402
Buculus	209	Capi semimares	277
Bulbi satio	490	Capillamenta seminum	134
Bumasti uites	83	Capillorum cocinnores	277
C		Capparis	399
Cacabus	439	Capisterium	33
Cadus	432	Caper optimus	261
C. Matius rei rusticae scri-		Caprarum partus	262
ptor	443	Capra sydus exoritur	372
Catonianum praecipuum	19	Caprarum morbi, earundem	
Calabrica olea	453	remedia	263
Calameta	152	Capreolus ferramentum	444
Calcere	288	Caprarij officium	263
Calisto sydus occidit	367	Capitatum porrum	393
Cammarus	311	Capulator	455
Campestris, & collina uua		Capitatae uineae	179
83		Caput uitis	100
Campus	38	Carex	377
Canalis	453	Carpinus	190
Candida lactuca	392	Caseale	71
Candofocci	180	Casei faciendi ratio.	264
		Caseus	

Cascus Gallicus	463	Ciconia quid	112
Cascus quō seruetur	417	Cydonia	445.485
Cassiope occidit	381	Cydoniorum conditura	439
Castratio ouium	261	Cynaræ satio	393
Castaneta caluiscere	163	Cythisi satio	204
Catulorum cura	274	Classes	36
Catulo facere	79	Clauī	223
Caudarum canum castra-		Clauī in ouibus	74
tio	275	Cochlear	427
Cellæ	25	Cœlestis aqua optima	22
Centaurus apparet	373.	Cœnationes	24
& 378		Colcre quid	40
Centuria quid	167	Colliquiæ	50
Centones	33	Collyria	248
Cera ex quibus floribus fi-		Collis	38
at 337. & quomodo con-		Color aruorum	42
ficiatur	339	Cocolubes quid	86
Κόρατιον	485	Columbarum color qui me-	
Ceparum genera, & quō		lior	293
reponantur	415	Columbarum sagina	293
Cepa Ascolania, & Pom-		Columbæ ne sedes mutant	
peia	415		291
Ceue uaccæ	230	Columbinum stercus	70
Chalcis	310	Coloni indigenæ	29
Charcari	333	Colus	437
Charcata	176	Colymbades	449
Cherephyllum	396	Conchæ ferræ	454
Cibarium oleum	457	Conseminales uincæ	446
Cicera	64	Consigillo	215
Cicercula	60.64	Coniugij maritalis institu-	
Ciccr arietinum	60	tio	402

Contubernalis mulier	31	Culex	400
Cornelius Celsus	13	Cuneati agri forma	169
Corbis	213	Curgulio	120
Corbulæ	454	Cura rusticationis apud an-	
Coruda	396	tiquos Romanos gloriæ	
Coriago	221	fuit	6
Cordum olus	417	Curius Dentatus	18
Coriandri satio	390	Custos quid	470
Corna	415	Custos palmes quomodo sub	
Coronæ	223	mittendus	149
Corona sydus cœleste exo-		D	
ritur 381. Eadem occidit		Dactyli	83
375		Decacuminare	131
Corporis membra, eorumq;		Decemmodiæ	421.454
officia	102	Decuriæ	36
Corticatæ picis usus		Decussare	148
Cortinale	27	Defrutum quō fiat	426
Crater sydus cœleste appa-		Delibrare	197.185
ret	278	Delphini occasus	376
Κρημασῆρες	131	Densæ glabræq; suc	9
Cretosa humus	107	Diabetes	100
Creta cimolia	225	Diradiari	190
Crustumia pira	200	Disfrarari	162
Cubitor bos quomodo emen-		Distichum ordeum	56
dandus	210	Dodrante tertiari	50
Cuculli sagati	32.362	Delabra	46
Cucumis	397	Dolus Mendesi	398
Cucurbita	397	Dracontion	88
Cunila bubula	221	Δραγμῶν	273
Cunila quæ & Saturcia	317	Duramina	143
Culina	24	Dulce uinum quō fiat	431
		Effœctum	

I N D E X.

E		Fabalia	
Effœctum solum	3	Falculæ	152
Effœminatorum gestus	6	Falcis figura	152
Elices qui	50	Far	50
Embammata	462	Farrago	63
Emarcus uitis genus	87	Fauonius	78
Emplastratio	201.486	Ferijs quid agricolæ, quidq;	
Emuscare oleas	373	non facere liceat	79
Epitomis circumscribere	13	Febbris signa	218
Epicharmus	258	Fermentare terram	39
Epiphora	226	Ficus quãdo sereda	198.483
Equa ut marē patiaturs quid		Ficus serotinæ	483
agendum	233	Fici aridæ	418
Equi quomodo ad admissu-		Ficus ut aspernentur aues	
ram saginandi	223		288
Equorum indoles & forma		Ficorum genera	198
235		Ficcdula	382
Equorum cura, & medici-		Fidis sydus coeleste occidit	
na	236	470	
Ergastularij	33	Filix	371
Eruncare	389	Filicis extirpatio	ibidem
Eruum	64.212	Fiscellæ	41
Etesie uenti	377	Fisci	455
Exossare	350	Flagellum quid	100
Examina apum syluestria		Focaneus palmes	148.149
quum inueniantur	323	Fœneratio	5
Euhemerus	315	Fœni siccandi modus	76
F		Fœnum græcum	63
Fabæ	57	Fœminæ uillicæ	29
Faba an occanda	ibidem	Formicæ ne uitibus noceant	
Faba an sarrienda	65	479	

I N D E X.

Frigus terram excoquit	389	Grossuli	483
Fronde qua, & quando u-		Grumi	75
tendum	213	Gummitio	457
Fruſtuariae partes	25	H	
Fruſtuarius quis	187	Halcyonci dies	369
Frutetofi tractus	40	Halcaſtrum	49
Frutex	465	Haræ quò conſtruẽdæ	268
Fuligo	400	Hclueolæ uites	86
Fumarium	27	Hcluenaciæ uites	87
G		Hedera	317
Galaticum ordcum	56	Hexagonij agri forma	172
Gallarum genera	277	Higinus	13
Gallinaccus mas qualis eſſe		Himius	242
debeat	278	Hippomanes	225
Gallinæ albæ uitandæ	278	Ἰπποσελινορ	394
Gallinaria inſula	277	Hornotinae uirgæ	188
Gemella uitis	84	Hœdi ſydus cœleſte exori-	
Gemellar	455	tur	378
Glares & calculus	107	Horreum	25.406
Glechonites uinum	435	Horreum penſile	26
Glocire	277	Ἰοσκυαμ	244
Græcum, & Tarentinum		Hyſſopitis uinum	434
pecus	254	I	
Graminis extirpatio	129	Ianitores	5
Grandescere frumenta in		Illiteratus uillicus	32
horreo	78	Incilia	195
Granata poma	439	Inerticula uitis	87
Granata mala quomodo ſer		Inoculatio, & Emplaſtra-	
uentur, & quomodo de		tio	473
ijs fiat uinum	443	Interordinia	177
Gremia ligna	385	Indicia frumetariae terræ	43
		I	Inod

Inodorare	410	naria	26
Insulionnū uaria genera	201	Lacus uinarij & torcularij	
Inulæ satio 394. Eius condi-	421		
tura	447	Laserpitium	225
Insitio arborum	201.486	Lanata aminea	84
Insitio uitis	102	Leguminum genera	49
Intybi satio 390. Eius condi-		Leguminum satio	50
tura	414	Legumina agros stercoran	
Inula	194	tia 69. Et quæ obsint	
Italia unde dicta	207	agris	ibidem
Iter commodum	16	Lentis satio	59
Iterati, tertiatij; agri	45	Lepidij satio	395
Iugata uinea	469	Liber & Libera dij	422
Iugarius	24	Libella	113
Iugerum quot operis cola-		Libra sydus cœlestis occi-	
tur 64. Quot modios se-		dij	372
minum postulet 51. Eius		Liciniana iugera	18
forma & partes	169	Lignatio	21
Iulius Alticus	13	Linum	59
Iulius Græcinus	13	Lira	391.52
Iumenta unde dicta	206	Lirari	374
Iusta	50	Loci uitia	145
L		Loræ confectio	439
Labellum	432	Lumbrici: contra lumbricos	
Laboriosior est negligentia		uitulorum remedia	239
quàm diligentia	406	Lupinum	49.65.73
Lactuca	392	Luna infra terram	391
Lactucæ genera	392	Luxuriosa uitis	143
Lacusculi	483	M	
Laconica	7	Macies & languor mula-	
Lacubus distinguere gra-		rū quomodo curetur	245
		Machina	

I N D E X.

Machina	243	Mentastrium	395
Magistri pecoris	32	Menstruosa mulier foetui	
Mali punici satio	200.	fruticibusq; nociua	398
484		Menta	395
Mala punica ne rumpantur in arbore	485	Mentigo	262
Malorū genera uaria	200	Merula	309
Malleolus quid	94	Mergi	78.180
Malleoli dispositio	468	Mergis purgare, & pro-	
Malleorum numerus & lectio	94	pagare	126
Marina lactuca	223	Messis tempus	76
Marsica cepæ, quæ et Vnio		Meuaniæ boues	109
415		Militaris uia	22
Maritale coniugium	402	Miluinus pes	412
Massula	436	Myrti genera	436
Materia, palmitis genus	190	Mnascas scriptor Græcus	
Maritare statumina uidua		410	
144		Modus in rebus	17
Mcclampodis doctrina in pe-		Mole	454
coris cultu	10	Mons	38
Meleagrides gallinæ	277	Mons transversus sulcan-	
Mel secundarium	416	dus	47
Mella quid, & quō fiat ibid.		Mororum satio	200
Mel nemorense	317	Mula	244
Mellatio	375	Mulas parere in Africa ibi.	
Mellissa	314	Mularum morbi & reme-	
Melimeli quid	445	dia	ibid.
Mel coërcet uitia	446	Mulsa aqua quō fiat	416
Mendesius Aegyptius	260.	Mus araneus	224
398		Murinus color	243
		Muriæ confectio	430
		Muria dura quō fiat	418
		I 2	Mulie

Mulieris officia	403	sanentur	239
Muscus in uite	147	Odores uino apti	424
Mustela	130	Offulæ carnis	461
Mustum lixiuum	432	Oleorum genera	192
Mustum quomodo fiat	433	Oliuarum seminaria	quo-
Quomodo cõdiatur	428	modo facienda	193
Et quomodo semper dul-		Olcarius	456
ce maneat	433	Oleum	27
Mutilus aries	249	Oliuitas	453
N		Oleum quomodo fiat	453
Næuius Pollio Romanus		Oleum amurca corrumpi-	
uir longissimus	97	tur	453
Napus	60.400.461	Oliueti stercoratio	196
Natrix	22	Oleastellum	453
Negligentia quàm diligen-		Olus atrum 394. Eius con-	
tia laboriosior	406	ditura	462
Nemeturica pix	427.429	Olus cordum	417
Nepæ syderis cœlestis oc-		Olcrum sationes	388
casus	371	Olympionicæ equæ	99
Nepotes	130	Onychina pruna	415
Nomentanæ	85	Operculati faui	375
Nomina optima non appel-		Operculare	418
lando fieri mala	29	Ὀπίσχυς	375
Nubilarium	28	Opimare	290
Nundinarum conuentus	7	Opulus	479
Numidicæ gallinæ	302	Ordeū hexastichon & Can	
Nux græca	484	therinum	55
Nux auellana	ibid.	Orchis	192
O		Ornithiæ uenti	363
Occatio	376	Orni	450
Oculorum uitia quomodo		Ornus	192
		Ortho	

I N D E X.

Othocissos	370	Palumborum sagina	298
Ostigo	261	Palmipedalis	119
Oribogonij agri forma	170	Palmitum longitudo	138
Oues ne scabræ fiant	256	Pali	126
Ovis pulmonaria quomodo		Panis ex mulio	35
curanda	259	Pampinaria sarmenta	467
Ovium pascua	246	Pampinariū	108
Oues quales emendæ	246	Pampini	118
Ovium natura, pabulum, et		Pampinatio	129.479
curatura	250.251.252	Pampinator	155
Oues si pascua fastidiant		Pampinandi modus	180
252		Pāpinarius palmesci	147.188
Ovilia ne à serpentibus in-		Panax	393
festentur	255	Pangendi ratio optima	118
Oua quæ, quando, & quot		Papaveris satio	396
supponenda	285	Papiliones quomodo necen-	
Oua ut diu integra scrven-		tur, ne apibus noceāt	334
tur	289	Paridius Vetreensis	128
Oua sale minuuntur	289	Passus quid	166
Oua pavonina & anscri-		Passum quomodo fiat	437
na	285	Passa uia quomodo fiat	419
Oxygala quomodo fiat	413	Pastinaca	394
Oxyporum, siue Oxyga-		Pastinum quid	117
rum quomodo compona-		Pastinandi soli modus	109.
tur	463	114.115.368	
Ozimum	394	Patrisfamiliās uilliciq; offe-	
P		cium	360
Pabulorum genera	49	Pauomas	296
Paleæ	212	Pauonum educatio	295
Palustris aqua pestilens	21	Paxamus autor Græ.	410
Palmare quid	385	Pecunia, & Peculium	205
		I 3	Pecu

Pecudum stercus	70	les	331
Pecuarius canis	273	Plagæ uitis	147
Pecus aquatile	309	Planities	74
Pedāda quomodo uinea	134	Plumarum anserū uulsura	
Pedamen quid	160	bis in anno fit	300
Pedicularis herba	238	Pluuialis aqua saluberrima	
Pelagij pisces	307	21	
Pellis fibri	479	Porculator quis	9. Eius
Pelles manicatæ	31.362	officium	268
Pendula loca	74	Pollex in uinea	144
Penfile horreum	26	Poma cum pediculis legen-	
Personata herba	224	da, si in uetustatem repo-	
Perticæ	160	nere uelis	444
Perticalis salix	161	Pomariū quō instituendū	197
Pes	166	Porca quid	166
Phaseli satio	56	Porrum sectiuum	393
Phryxonides	315	Portulaca	417
Pyrorū uaria genera	200	Posia oliua, & Regia	448
Pyri satio	ibid.	Pratum quasi paratum	73
Pyra generosissima	ibid.	Prata quō fiant ex aruo ibi.	
Picanda quō sint dolia	422	Quomodo colantur	74
Picatum uinum quomodo		Prati situ obducti remedia	
fiat	429	75	
Piscis aquilonius signū cœ-		Prodromi uenti flare inci-	
lestæ	369	piunt	376
Piscis austrinus, sydus cœ-		Procyum sydus exoritur	
lestæ	377	375	
Pisces pelagij, et pisces pla-		Promercales res	38
ni	306	Promi & cellarij	409
Pisces saxatiles	307	Propagationū genera	473
Pisi satio	57	Prostrata uinea	161
Piscinæ, lacusq; memorabi-		Pruni satio	200

<i>Psythiæ uites</i>	88	<i>Recrastinari</i>	77
<i>Ptisana</i>	49	<i>Regelari</i>	25
<i>Pullicies</i>	294	<i>Rei rusticæ scriptores gra-</i>	
<i>Pulla terra</i>	8	<i>ci 12. Latini</i>	14
<i>Pulmonariæ</i>	270	<i>Repastinata uineæ</i>	117
<i>Pultarij</i>	442	<i>Ridica</i>	134
<i>Pulueratio</i>	377	<i>Restibilis uinea</i>	106.177
<i>Puluinuli</i>	477	<i>Robusta frumenta</i>	54
<i>Pupinia</i>	19	<i>Rosa</i>	498
<i>Pusula quid</i>	260	<i>Rosaria</i>	368
<i>Putandi tempus</i>	133	<i>Rosarium serotinum</i>	370
<i>Putatio</i>	133	<i>Rotare quid</i>	297
<i>Putatoris officium</i>	139	<i>Rotundi agri forma</i>	178
<i>Puteus quando effodien-</i>		<i>Rubrica</i>	8.57
<i>dus</i>	388	<i>Rubigo ne uineam uexet</i>	
Q		478	
<i>Quadrans</i>	167	<i>Rumpotinum, & Rumpo-</i>	
<i>Quadrati agri forma</i>	167	<i>tinetum</i>	190
<i>Quercus</i>	192	<i>Runcandum quando</i>	64
R		<i>Rustica auis</i>	277
<i>Racemarij</i>	118	<i>Rusticæ uillæ partes</i>	24
<i>Radicata semina</i>	482	<i>Ruta</i>	395
<i>Radula</i>	422	<i>Rutabulum</i>	428
<i>Rami arborũ quomodo dif-</i>		S	
<i>ponendi</i>	486	<i>Sabina salix</i>	160
<i>Ranæ, linguæ uitium</i>	218	<i>Sabulo, onis</i>	107
<i>Rapa</i>	61	<i>Sabulosa loca quomodo ster-</i>	
<i>Raporum conditura</i>	463	<i>coranda</i>	73
<i>Raphanus</i>	397	<i>Sacer ignis</i>	260
<i>Raripilum</i>	9	<i>Sacra certamina</i>	98
<i>Rassis, picis genus</i>	425	<i>Sagitta quid</i>	105.116
		I 4	<i>Salga</i>

Salgamum quomodo condi- endum	410	Scamnum quid rusticis	43
Salix	160.190	Scyllæ satio	485
Salictum	161.275	Σκυλλαλη	224
Salitura	427	Scylliticum uinum	434
Salientes riui in uillam per- ducendi	25	Scylliticum acetum ibidem	
Saluandum pecus	215	Scrobs ne similis sit aluco	128
Saluator mercenarius	3	Scrobs olcæ	481
Salsa amaraq; terra pessi- ma	82	Scrobes ternarij & quater- narij	370
Salubritas coeli in agro po- tissimum	15	Scrobs arborū serēdarū	198
Sampsā quomodo fiat	448.	Scrobibus uineta quomodo ponenda	109
432		Scrofa	266
Sanguinalis herba	220	Scrupulum	167
Sanguinaria herba	260	Sedum quid	53.400
Santonica herba	230	Sementis prima	50
Sapa quō coquatur	424	Semicircularis, & maioris	
Sapore bonitatem soli di- gnosci	42	semicirculo agri forma	171
Sapor terræ quomodo de- prehendatur	467	Semina quomodo deponen- da	198
Sationis tempora	390	Semina trifurca	483
Satio autumnalis potissima	32	Seminum genera, & diffe- rentiæ	48
Satoria trimodia	53	Semina inter quinos, senos, septenos, & ternos pe- des &c.	173.174
Satureia	399	Seminandi tempus	50
Satureiæ conditura	415	Semina quō legenda	482
Scabies	238	Seminarium arborum	125.
Scala	454	198	

I N D E X.


Seminarijs uitium prouin-	Sifer 394.	Conditura eius-
cias non uti 113. Eorum	dem	462
cura	127	Σμύρνιον 394
Sentis canis	367	Solstitium quando fiat 333
Semis	167	Sophortiae uites 87
Semuncia	167	Solum uitibus aptum 450
Sepes uiua	387	Solstitialis spina 74
Serendi tempora	390	Sorba 200.485
Serere ne dubita	364	Sorices ne uitem laedat 479
Seris, σείεις	301	Spadones, surculi 103
Serotini pulli	288	Spatha lignea 427
Serpentum afflatus quibus	Spica Virginis, sydus coele-	
noxius 287	ste, exoritur 378	
Serpillum	396	Spionicus 123
Serui quales ad uillam cli-	Spionia dapsilis 87	
gendi 32	Spongiae 396.454	
Sesamorum satio	59	Spongiolae 396
Sesquiopera	67	Squamosi greges 308
Sestertium	466	Stabula 24
Sextans	167	Stercus uetustum non proba-
Siccancus locus 39.161	ri 70. Et ibidem de gene-	
Sicilius 167	ribus stercoris	
Siligo, & eius satio 49. 54	Sterquilinia 28	
Siliqua graeca 63.200	Stercus auium optimum 70	
Silex uitibus amicus 107	Stella 153	
Σίλφιον 413.464	Stercoranda quomodo sit	
Symonanthum trifolium 225	terra exilis 48	
Sinapis satio 393	Sterile senium 29	
Sinapi quō facias 462	Stiua 179	
Syri 26	Stratae uites 176	
Sirapa quomodo fiant 452	Subluuies, & Intertri-	

I 5 80

80	157	Terreni genera tria	98
Suppuratio	220	Thasie uites	87
Suburbanum prædium com		Thalli ceparum	400
modiſſimum	13	Thymum	395
Sucularum occasus	371	Thymites uinum	435
Earundem ortus	173	Τιβύμαλλοι	223
Suffragines	223	Tineæ aruorum	334
Surcularis terra	106	Tinūculus, accipitris genus	
Surculorū positio	115	Tofus	157
Surculi inferendi modus, &		Tonsuræ ouium tempus	
an omne surculorum ge-	256.292		
nus inscratur	201	Torculariæ cellæ positio	26
De Suibus & eorum medi-		Torminum remedia	217
cinis	266	Traduces	188.158
Sues impatientiſſimæ famis,		Trapctum	379
atq; ob id scrofæ aliquādo		Triangularis agri forma	170
foetus suos mandunt	271	Tribus unde dictæ	367
Suile	269	Tribula & traha	78
T		Trifurca semina	483
Tabulata	184	Trimestre semen	53.58.369
Tabulatum	453	Trigemmis surculus	119
Talcæ	160	Tripedaneæ uuæ	63
Talcæ, & rami quando de-		Triquetri agri forma	170
ponendi	483	Trimodiæ	421.454
Taleolæ	160	Tritici satio	51
Tarentinum pecus	9	Triticum omne in loco uligi-	
Tarentina nux	199	noſo post tertiam satio-	
Tauri forma	227	nem conuertitur in ſiligi-	
Tellus communis parens	3	nem	54.55
Terebra, & terebratio	475	Tritura granorum quomo-	
Terebra Gallica	475	do faciendæ	77
Terrarum ſpecies uariæ	8	Tudicula	454

Turdi	309	Vinearum uberrimus redi-	
Tussis remedia	433.ca.32	tus	97
V		Vinea res infirma, iniuriæ	
Vaccæ forma, admissura,		impatiens	127
partus, foetura, pastus	228	Vinea uetus nec ablaquean	
Vacerræ quid	312	da nec aranda	478
Valetudo bona corp.	108	Vincæ quādo palandæ	367
Varia terra uaricosaq;	46	Vinea per autumnum abla-	
Vbertas soli potissima	16	queanda 131. Ablaqueata	
cap. 3.		quomodo putanda	131
Vennuculum far	49	Vincæ quomodo in hortulos	
Ventilare uinum	434	diuidendæ 140. Ac de re-	
Venacula uitis	83	liqua uincarum cura per	
Vepres ut efficias	388	totum librum tertium &	
Veruaetum crudum	46	quartum.	
Vergiliarū occasus	30. Ea-	Vinitoris officium 146.c.24	
rum exortus	372	Vini acenis, durioris, lan-	
Viatores qui	7	guentis, remedia	433.
Viciæ satio	62	cap.30	
Vicinitas bona in uilla ne-		Vini flos	ibid.
cessaria	17	Vinū quibus condituris con-	
Viæ commoditas ad uillam		firmetur	422
multum refert	16	Virginis humeri exoriun-	
Villæ positio	24	tur	377
Villicus qualis eligendus	30	Viri negotia	403
Villaticus canis	272	Visulæ	86
Viminalis salix	161	Vitis inserendæ ratio	156.
Vinum cura	60.cap.30	312	
Vinariæ cellæ positio	25	Vitiū alligandarū circa	141
Vindemiæ præparanda	421	Vites præcoques	81
Vindemia quō putāda	476	Vitis ad orientē spectet	470

Vitiariū quomodo fiat	93	Vmbratilis mora	13
Vites non stercorandæ	73	Vncia	160
Vitis fœcunditas quomodo exploranda	95. cap. 7	Vnciariæ uuæ	83
Et quomodo infœcunda fructuosa reddatur	475	Vngues annotini	148
Vitibus quod solum eligendum	95. 105. 467	Volucra ne uitæ lædat	479
Vitium semina qualia eligenda	374. 467	Vrbana uilla & eius ædificatio	24
Vites ad escam	82	Vrina hominis furculis apta	70
Vites si luxuriant sine fruge	142	Vrticam anserculos necare	302
Vites per brumam non colendæ	471	Vsus & experientia dominantur in artibus	14
Vites ne à foricibus, formicis, rubigine infestentur	479	Vuæ duracinæ, purpureæ, bumasti, dactyli, rhodiæ, libycæ, cerauniæ	82
Vitium genera	83. 84 & 469. cap. 4. reliqua de uitis quæ in uinea, & uua	Vuæ stephanitæ, tripedaneæ, unciariæ, cydonitæ, ucnuculæ, numesianæ, amineæ	83
Viuiradix quo tempore trāsferenda	137	Vua qñ legenda	440. 441
Vlugini quomodo mcdendum	46. 53	Vuæ ollares quomodo feruentur	440
Vlmus Attinea	182. 479	Vuas ut aspernentur aues	288
Vlmi satio	182	Vuæ complura genera acinorum habentes	476
Vlmorum genera	182	Vuæ sine uinaccis	ibidem
Vlmariū quomodo fiat	182	Vulcanalia	390
Vlpicum	390	Vulturū	180





James, E. 1857
S.C. General Bank, 18

James, E. 1857
S.C. General Bank, 18